

IN HOC OPERE CONTENTA.

ANT. MVSAE
DE HERBA VETONICA

LIBER I.

L. APVLEI DE MEDICA-
MINIBVS HERBARVM

LIBER I.

PER GABRIELEM HVME LB ER GIVM
RAVENSPVRGENSEM, Archiatrum Iſinen-
ſem, recogniti & emendati, adiuncto Commen-
tariolo eiufdem.

Reſectorum pariſienſium



Eme, Lege, Fruere.

Infunt rara & cognitu non indigna, nec ſpernendz.

IN THE COURT OF COMMONS

WILLIAM V. S. A. B.

WILLIAM V. S. A. B.


LIVER &

WILLIAM V. S. A. B.

WILLIAM V. S. A. B.

LIVER &

WILLIAM V. S. A. B.



WILLIAM V. S. A. B.

GABRIEL HVMELBER

GIVS R. IOACHIMO EGELLIO RA

uenspurgenſi, Medicinæ Doctōri præ-
ſtantiffimo, S. D.



ON VT IN PVBLICVM
prodirent, recognoui-
mus & Commētarijs no-
ſtris illuſtraviſus ΚΟΤΑΥ
ΚΟΥΕ, hoc eſt, Herbarios
ANT. MVSAE & L. APV-
LEI libros, IOACHIME
optime, ſed nobiſiſſis tā-
tum cecinimus, ne otio
qd ſuccifiſſis horis tunc
ſe ſuggerebat, abutere-

mur, & bonas horas male collocaremus, animo no-
ſtro ſemper inſidente eo quod Aul. Gellio referente
apud Ennium in Iphigenia legitur,

Otio qui nescit uti, plus negotij habet.

Quam quum eſt negotium in negotio.

Nam cui quid agat inſtitutum eſt, nullo negotio

Id agit, ſtudet ibi, mentemq; atq; animum delectat ſuum.

Otiſo initio animus nescit quid uelit.

Hoc idem eſt enim, neq; domi nunc nos, neq; militie ſumus.

Imus huc, hinc illuc, quum illuc uentum eſt, ire illinc lubet.

Incerte errat animus: præter propter uitam uiuitur.

Verum longe aliter à nobis tu ſentiens, lucubrationum
cula noſtra uiſa & lecta, mox ad ædicionem inhorta-
tus es, ut quæ mihi honori, alijs uero utilitati futura
eſſet; quam tamen hucusq; non ſine cauſa diſtuli, diu-
tiusq; diſtuliffem, niſi ſciſſem hanc ſicut & cætera no-
ſtra omnia pro animi tui candore ſyncere abſ te ap-
probari; quare huic honeſtæ exhortationi tuæ nō po-

tui non morem gerere. Accipe igitur hæc quantula-
cunq; tibi nominatim dicata hilaro fronte. Sic enim
sub nominis tui auspicio felicius in hominum manus
exitura non ambigo. Sub cuius autem potius quàm
medici, q̄ huius artis sit gnarus & peritus, quicq; opti-
me de hisce nouerit iudicare, nomine in lucem prodi-
re debeãt, haud facile dixerim; inter quos tu primum
obtines locum, ut qui medicæ artis sis peritissimus
atq; doctissimus, nulliq; secundus. Quod si alijs ceu
tibi hæc nostra placere cognouerimus, dabimus mox
& alia non minus placitura. Bene uale. Isinæ, ex mu-
seo nostro. Mense Februario, Anno salutis nostræ
M. D. XXXVII.

GABRIELIS HV MELBER-
GII RAVENSPVRGENSIS, MEDICI
ad candidum Lectorem PRAEFATIO.



QVONIAM prius impressi Antonij Musæ & Apulei
de re herbaria libri humane salutis perquam utiles, plurimis
& grauibus quidem illis scatent erroribus, operæpretium
duxi illos pro uirili & diligenti nostro studio correctiores
& emendatiores iterum, sic hortatibus doctissimis uiris Ioachimo Egellio
medicinæ doctore clarissimo, & V. I. consultissimo doctore Iacobo Kræ-
lio, atq; uenerando liberalium artium magistro D. Chuomrado Friccio, &
alijs quàm plurimis uiris doctis atq; pijs, in publicum dare, adiuncta parua
uocabulorum quorundam enarratione. Quod si adhuc quædā minus cor-
recta in hac nostra castigatione reperiantur, non tamen ob id nos male de
te meritos censebis, optime Lector, quum id præstiterimus quod potuimus,
& alijs quod superest & meliora præstandi ansam dederimus. Quis enim
in tanta librorum corruptione, & præsertim in Græcis nomenclaturis ci-
tra Græcos characteres, absq; synceriores codice, omnium tam deprauatas
corruptelas emendare possit, nisi Delio natatore, quo caremus, coadiuuan-
te, nō uideo. Sunt enim omnes quos hucusq; uidere licuit codices quàm ma-
xime deprauati & mutili, & pluribus in locis adeo uarij, ut satis mirari
non possimus. Nec nos integrum Apulei librum, sed multa, nunc quidem
nomenclaturas, nunc circa herbarum descriptiones & historiam aliquid
illi deesse censemus. Quæcunq; autem restituiamus, ea omnia tum ad exem-
plariorum nostrorum antiquissimorum fidem, tum ad Dioscoridis, Plinij
& aliorum auctoritatem ac ueritatem ipsam reddidimus: licet, ut ingenue
fateamur, alicubi etiā, præsertim circa nomenclaturas, coniecturis tantum
usi simus. Quare, candide Lector, hæc nostra quantulacunq; boni consule,
& de restitutis & emendatis, quæ non pauca sunt, gratias habe. Nam quan-
tis laboribus hæc nobis constiterit restitutio, agnoscat is, ne quid ambitiosius
dicam, qui utranq; ædificationem simul contulerit. Nos quod potuimus dedi-
mus: quæ adhuc supersunt, reddant alij, & suppleant quod à nobis omis-
sum est, & gratiam illis habebimus. Et quia hæc satis præfata fuisse potuis-
sent, quum tamen sint qui libellum de Vetonica Apuleio etiam adscribere
conentur, haud abs re de hoc etiam aliqua subiungenda dignum duxi. Nos

enim eius operis non Apuleium, ut aliqui uolunt, sed Antonium Musam auctorem esse credimus, adtestantibus id uenerande uetustatis exemplaribus & epistola ipsa qua opus id Marco Agrippæ dedicat: quorum temporibus nondum uixit Apuleius, sed longe post, sub Hadriano & Antonino Pio Cæs. Augg. Fuit autem Antonius hic Musa Cæsaris Augusti medicus, quod autore quum desillationibus iecinore uitiatoad desperationem redactus contrariam & ancipitem rationem medendi necessario subiit, quia calida fomenta non proderāt, frigidis curari coactus est, ut scribit Suetonius Tranquillus. Huic etiam Musæ, cuius opera ex ancipiti morbo conualuerat Cæsar, statuam ære collato iuxta signum Aesculapij statuerunt, eodem Tranquillo testante. Sed de Musæ qui medicina contraria graui periculo exemit Augustum, Plinius etiam naturalis historiæ lib. 29. cap. 8. sic scribit, Diuus certe Augustus lactuca conseruatus in ægritudine fertur prudentia Musæ medici, quum priores eam ob religionem minime commenducarent, in tantum recepta cōmendatione, ut seruari etiam in alienos menses eam oxymelite repertum sit. Et lib. 25. cap. 7. eiusdem meminit quum ait, Inuenit & patrum nostrorum ætate rex Iuba, quam appellauit Euphorbiam, medici sui nomine & fratris Musæ. Et iterum, iidem fratres, inquit, instituerunt à balneis frigida multa, corpora adstringi. Item lib. 30. cap. 3. Musa medicus, ait, quum incidisset in insanabilia ulcera, uiperas edendas dabat, miraq; celeritate persanabat. Denno meminit eiusdē Musæ Scribonius Largus medicus etiam uetustissimus, & quem Galenus summo opere commendauit, & pluribus in locis sequutus sit, in libro Compositionum medicinalium Compositione 110. ubi hieræ pieræ, quæ nunc in quotidiano & frequentissimo usu est, compositionem in ipsum referri testatur. Sed hæc satis de Musæ, qui præclarum & utile opus hoc de Vetonica M. Agrippæ Cæsaris Augusti genero dedicauit. Quem Agrippam Augustus in Sicilia post naualem uictoriam Ceruleo uexillo donauit, testante Tranquillo. Hic item Agrippa Iuliæ atq; Virginem aquas in urbem perduxit: cuius causa Augustus querētem de inopia & caritate uini populum, referente Tranquillo, seuerissima coërcuit oratione, satis prouisum à genero suo Agrippa productis pluribus aquis, ne homines sitirent. Sed ne longiores simus, hoc unum tantum de Agrippa adhuc ex Plinij lib. 25. cap. 1. addemus, ubi ait, Non est prætereundum ex eo (scilicet aceto, cuius natura illic describitur) exemplum ingens. Siquidem M. Agrippa supremis suis annis conflictatus graui morbo pedum, quum do-

lorem

lorem cum perpeti nequiret, unius medicorum portentosa scientia, ignorante diuo Augusto, tanti putauit usu pedum sensuq; omni carere, dummodo & dolore illo careret, demersis in acetum calidum cruribus in acerrimo impetu morbi, euasit. Ex his itaq; tum tempore quo quisq; uixit, tum epistolis operibus praefixis, satis manifestum est Ant. Musam libri de Vetonica, Apuleium uero alterius de reliquarum herbarum medicaminibus autorem esse. Præterea Musam scriptis aliquid mādasse quod ad posteros manarit, satis clare etiam patere potest ex his quæ iam paulò ante Tranquillo & Plinio, Scribonioq; autoribus relata sunt. Vnde enim talia nouissent nisi ex relictis illius monumentis? Et quæ de Vetonica scribit Plinius, ex Musa (si contuleris) mutuasse uidetur, non obstante quod apud Pliniū in nomenclaturis medicorum per diuersos librorum elenchos ipsius nulla fiat mentio, sed tacitus ipsum prætereat: quod tamen non mirum est de Apuleio, qui multis annis illi successit. Siquidem in tempora Vespasiani Plinius, in Hadriani uero incidit Apuleius, quem Priscianus etiam in medicinis scripsisse testatur. Fuit autem Apuleius is non alius, ut credimus, quàm Madauræ ciuis, persuadentibus id tum uoculis quibusdam Apuleio non indignis, tum uetustis illis exemplaribus quæ concorditer habent hunc de herbis librum Apulei esse Platonici, quem & Madaurensem esse uolunt: quibus etiam ob uetustatis reuerentiam non spernenda est autoritas. Sed ne prolixior sim iusto, satis superq; dictum sit de disceptatione hac & diuersis librorum autoribus, quos loquentes audire nunc tandem iustum est. Bene uale.

LIBER ANTONII MVSÆ

DE HERBA VETONICA.

ANTONIUS MVSÆ MARCO

Agrippæ Salutem.



AESARI AVGVSTO præstantissimo omnium mortalium, sed & iudicibus ipsius scito te proximum esse auxilium, quodq; artis meæ clarissimum Cæsaris iudicio. Quo præsens semper esse tecum possim, Cōmentarium hunc artis meæ peruenire ad te uolo munusculum. Ipse itaq; mereri ante habebis MARCE AGRIPPA opus hoc curæ meæ experimentum ex omnium medicorum summorum disciplinis & usu ordinatum eo uelut præsentē semper habere MVSÆM tuum. In quo quum proposuerim mihi medicamina dicere, piaculi genus existimaui transire uirtutes & effectus herbæ Vetonicæ, cuius salubritas, ut cognoscas quantis rebus cōueniat, ante potestates eius dicendæ sunt. Neq; enim remedijs tantum aspici maius est quàm quod sine offensa stomachi prosit. Non gustus asperos offerre ægrotantibus quum sumitur, & si adfert, tormenta sunt mediocri quadam lenitate parata, nec dulcedinis fastidium, nec acrimonia præstat offensam. Itaq; prodest ad effectus sanitatis, non ut aloë uel absinthium, quorū non est tanti sentire auxilium, quàm ut amaritudinem sentias. Vetonica tantum potest ut eam laborantes non tantum sine labore sumant, sed etiam libenter. Odore est tam amabilis ut ignorantem cogat suspicari herbam utilem corpori. Hæc tantum potest effectū ut etiam numero septem & quadraginta morbos remediet, licet fieri potest ut omnibus uitijis prodesse possit, maxime mulierum ad salutem apta. Proponendum ergo putaui qualibus ualitudinibus quæ subiectæ sunt, prosit. Hanc autē & pauci nouerunt medici, & si qui affines sunt, non totis perspexerunt uiribus. Sciunt eam esse utilem, sed quibus modis ignorant, quod perinde est ac si organa hydraulica habeant quibus uti nesciāt. Hæc proloqui non est necēssarium: putaui tantum profectus herbæ Vetonicæ noscerentur. Hanc autem suo tempore colliges, id est, mense Augusto quum cæteræ herbæ maturescere incipiunt, cum semine & radicibus sine ferro, eamq; excussa ne terra ei inhæreat, & in umbra are facias, atq; ita teras cum semine & radicibus suis, cribro aromatico mollissime in puluerem redactam: & cum uolueris uti, sic uteris.

NOMINA

NOMINA HER BAE VETONICAE.



RAECI prioniten, cestron, † pyrinen, adian *aliàs cy*
ton, psychotrophō, cosmīcen, sideritin, pan *roën.*
dionam, thyan rhīzan, dyprinion. Prophe
tæ hieran † corinen, Syri pheriponion, Tu *aliàs bo*
sci indicem, Latini uetonicam, ijdem serratam, non *tanem.*
nulli rusmarinam. Hæc herba Vetonica nascitur in
pratis & montuosis locis, mundis & opacis circa fru
tices. Animas hominum & corpora custodit, & no
cturnas ambulationes à maleficijs & periculis, & lo
ca sancta & busta etiā à uisibus metuendis tuetur
& defendit, & omni rei sancta est. Cestron uocatur e
tiam psychotrophon, siquidē frigidis reperitur in lo
cis, radicibus tenuibus, thyrsō tenui ultra cubitū qua
drangulo, folijs querci similibus, boni odoris, semine
in summitate thyrsi spicato, modo thymbræ. Cuius
uirtutes infra scriptæ sunt.

1 Ad capitis fracturam.

Herba uetonica contusa, & super capitis ictum
imposita, uulnus mira celeritate cōglutinat & sanat.
Eo quoq; efficacius, si tertio die resectam, hoc est, re
centiorem frequentius imposueris donec sanescat.
Eius potestas tantam fertur habere utilitatem, ut ossa
quoq; fracta uī sua extrahat.

2 Ad dolores oculorum.

Vetonicæ herbæ radices ex aqua ad tertias coqui
to, & ex ea aqua oculos foueto : ipsa autem folia eius
trita supra frontem & oculos imponito.

3 Ad dolores aurium.

Herbæ uetonicæ recentis folia uel per se aut in aqua madefacta perterito, succumq; eorum excipito, deinde adiecta rosa liquida tepesacito, & in aures stillato, lanaq; spissato, mire proficere creditur.

4 Ad caligines oculorum.

Vetonicæ drachmā unam, aquæ calidæ cyathos quatuor ieiunus bibat, deducit ad inferiorem partem eum sanguinem qui caliginem oculorum facit.

5 Ad lachrymosos oculos.

Vetonica manducata aciem oculorum clariorem facit.

6 Ad sanguinem de naribus profluentem.

Herbæ uetonicæ contritæ paululum salis adiecto digitis duobus & pollice medio quantum tolli poterit, & subactum formato rotundulam; quam si naribus inserueris, sanguinem sistet.

7 Ad dolorem dentium.

Herba uetonica ex uino ueteri aut aceto ad tertias decocta & gargarisata, dolorem dentium discutit.

8 Ad uomicos & suspiriosos & thoracis dolorem.

Herbæ uetonicæ drachmam unā, & sumptis ex aqua tepida cyathis duobus, bibendum si dederis, iurat. Idem suspiriosis prodesse creditur.

9 Ad phthisicos & eos qui purulentum reijciunt.

Vetonicæ drachmas tres in puluerē redactas dato cum melle, & glutiat ieiunus cottidie, auxiliatur.

Ad stoma-

10 Ad stomachi dolorem.

Vetonicæ drachmas quatuor dato manducare per triduum, uel in aqua frigida cyathis quatuor dabis bibere, miraberis bonum effectum.

11 Ad iecoris dolorem.

Vetonicæ drachmas quatuor, aquæ calidæ cyathos quatuor da ut bibat per triduum.

12 Ad lienosos.

Herbam uetonicam ex uino decoctam & potui datam, lienosis prodesse, experti adfirmant.

13 Ad renes.

Vetonicæ drachmæ duæ ex mulso cyathis duobus bibentem sanabunt.

14 Ad lateris dolorem.

Vetonicæ drachmas tres ex uino ueteri cyathis tribus, & piperis grana uigintiseptem contrita & calefacta ieiunus bibat, curabitur.

15 Ad lumborum dolorem.

Vetonicæ drachmas tres ex uino Amineo cyathis tribus, piperis grana decem & septem contrita & calefacta ieiunus bibat.

16 Ad uentris dolorem.

Herbæ uetonicæ drachmam unam in aqua calida cyathis duobus bibendum da. His autem duntaxat hæc apta erit compositio, quorum non ex cruditate intestina torquentur.

17 Ad aluum concitandam.

Vetonicæ drachmas quatuor, hydromelitos cyathos octo ad bibendum dato, uentrem præsentaneum mouebit.

18. Ad colum.

Vetónica cum uíno austero æque proficit.

19. Ad tussim.

Herbæ uetonicæ uncías duas ex melle accipiat per dies nouem.

20. Ad quotidianas.

Herbæ uetonicæ drachmas duas, arnoglossæ drachmam unam, ex aqua calida cyathis quatuor dato, bibat sub accessione.

21. Ad tertianas.

Vetonicæ & pulegij drachmas singulas, aquæ calidæ cyathos tres sub ipsa accessione dato bibere, sanabitur.

22. Ad quartanas.

Herbæ uetonicæ drachmas tres, mellis Attici unciam unam, aquæ calidæ cyathos tres in unum miscebis, & ante accessionem da bibat, mire sanabitur.

23. Ad uesticæ dolorem.

Herbæ uetonicæ drachmas quatuor, apij radicis scrupulos tres. Decoque apij radices in sextario aquæ ad medias, quum decoctæ fuerint, tum demum uetonicam permiscebis, & dabis bibere, dolorem in perpetuum sanabit.

24. Ad calculum.

Vetonicæ drachmas tres ex aceto scyllitico, & mellis unciam unam & aquæ calidæ cyathos nouem bibat, confert.

25. Ad hydropicos.

Vetonicæ drachmam unam ex aquæ calidæ cyatho uno da triduo bibere.

Ad mu-

26. Ad mulieres quæ partu laborant.

Vetonicæ drachmas duas, aquæ calidæ cyathos quatuor, si cum febre fuerit: sin uero sine febre, multi cyathos duos & aquæ calidæ cyathos duos da bibere.

27. Ad paralyfim.

Vetonicā trita et imposita neruos etiam præcisos glutinare & perfanare creditur.

28. Ad horrores.

Vetonicæ drachmas duas ex aquæ calidæ cyathis duobus, & uini austeri cyathis duobus sub accessione dato bibere.

29. Ad mulieres quibus loci præ frigo

re uexati sunt.

Vetonicæ drachmas tres ex aquæ calidæ cyathis tribus ieiunæ dato bibere triduo, remedia sentiet.

30. Ad eos qui sanguinem per os reiſciunt & purulentos.

Vetonicæ drachmas tres & lactis recentis capri ni cyathos tres bibat triduo, & statim sanabitur.

31. Ne fias ebrius.

Vetonicam prius sumas.

32. Ad euersos de uehiculo.

Vetonicæ drachmas tres ex uini ueteris cyathis duobus calefactis bibat.

33. Ad ietericos, id est, morbo regio laborantes, qui sunt auriginosi.

Vetonicā herbam ex uini cyathis tribus frequenter sumptam, proficere didicimus.

34. Ad carbunculum.

Vetonicæ drachmam unam, aquæ calidæ cyathos

duos bibat. Item uetonica cū axungia trīta plagæ imponatur, prodest.

35 Qui perfrictionibus laborant.

Vetonicæ unciam ex uīno cyathis quatuor bibat triduo.

36 Lassis ex itinere.

Vetonicæ drachmā unam ex oxymelitos cyathis tribus potui dato.

37 Aegris fastidientibus cibos.

Vetonicæ drachmas duas ex aquæ mulsæ cyathis tribus bibat.

38 Vt facile quis concoquat.

Vetonicæ drachmas tres, mellis unciam unam, aquæ calidæ cyathos duos bibat.

39 Adeos qui cibum non possunt continere.

Vetonicæ drachmas tres, mellis unciam unā concoquito donec indurescat, & pastillos ex his facito quatuor, & ex ipsis cum aquæ calidæ cyathis duobus unum per singulos dies deglutiat & bibat.

40 Ad ueretri dolorem & tumorem.

Vetonica ex uīno trīta tumores foueto, ipsamq̃ apponito, potenter facit.

41 His qui uenenum sumpserunt.

Vetonicæ drachmas tres ex uīni cyathis tribus statim dato bibat, & reijciet.

42 Ad serpentum morsus.

Vetonicæ drachmas tres in uīni cyathis tribus diluito & potui dato, omnium serpētium morsus sanat. Item uetonicæ drachmas sex in uīni nigri cyathis tribus

bus conterito & super uulnus illinito.

43 Ad rabidi canis morsum.

Vetonica contusa morſui imponatur.

44 Ad fiſtulas.

Vetonica contuſa & trita ex hac rotundulas facito, & paululum ſalis inſerito, & fiſtulam obligato, expurgat & ſanat.

45 Ad lumborum dolorem.

Vetonicæ drachmas duas ex mulſo potui dato: ſebriticanti ex aqua calida, lumborum dolores ſanare creditur.

46 Ad mulierum purgationes.

Vetonicæ drachma ex uino data purgationes hærentes expellit.

47 Ad podagram.

Vetonicæ radices cum ſolijs decoctas ad tertias in aqua potui datas: ipſamq; per ſe tritam & impoſitam, mire dolorem lenire experti adfirmant.

Hactenus Antonius Muſa.

GABRIELIS HVMELBER-

GII RAVENSPVRGENSIS, IN LIBEL-

lum Antoniꝝ Muſæ de herba Vetonica

ENARRATIONES.



VETONICAE.) Vetonica herba eſt nota, ſatis ab autore deſcripta, & quotidiani ac laudatiſſimi noſtro tempore cōtra capitis morbos uſus, præſertim floſculi ipſius ſaccharo conditi. Di-

cta eſt autē Vetonica ab inuentoribus, uti Plinius lib. 25. cap. 8. teſtatur inſequens, Inuenerūt Vetones in Hiſpania

eam quæ betonica dicitur in Gallia, in Italia autem ferratula, à Græcis cestron aut psychotrophon, antecunctas laudatissima. Prioniten.) Prionite Græcis dicta est, quemadmodum Latinis ferrata, à ferra quæ Græce πείρω dicitur; id quod eo quod folia habeat per ambitum ferræ modo incisuris diuisa. Cestron.) Cestron uocata est Græcis à uarietate & copia remediorum. Varijs enim & plurimis morbis accommoda est. Pyrinen.) Pyrine dicta est à ui calorifica. πυρινός enim Græcis ignitus est. Alterum tamen exemplarium nostrorum hoc loco non pyrinen, sed cyroën scriptum habet, ut sic dicta sit herba à dominio & autoritate quæ Græcis κύρω dicitur. Adianton.) Sic appellata uidetur quod folia habeat in extremitatibus incisuris diuisa ceu proprie adianton dictum. Psychotrophon autem causa satis ab autore reddita est. Cosmicen.) Cosmice uocata est ab ornatu & pulchritudine, κόσμος Græcis ornatum uocantibus, quem Latini mundum appellant. Sideritin.) Sideritis dicta est quasi ferraria, σίδηρος enim ferrum est. Habet autem id nominis à proprie dicta sideritide herba, eo quod folia habeat illi similia, & similiter per ambitum incisuris diuisa. Seu quod quemadmodum illa, sic etiã hæc ipsa uulnibus ferro factis conglutinandis & sanandis sit accommoda & utilis. Pandionam.) Pandiona uocata est quasi tota iouia, propter uirtutum ipsius excellentiam & maiestatem: quemadmodum etiam thia rhiza, id est, diuina radix dicta est, eadem ratione. Prophetæ.) Prophetæ gentilibus (nam in Christiana religione lōge alij hoc nomine intelliguntur) dicebātur Magi. Quo nomine & in eadem significatione utitur hic Musa & aliquando Apuleius: hic non qui simpliciter futura prædicebant & uaticinabantur uates, sed qui uaticinijs religionem & medicinam miscebant, in quo tota magicæ artis summa olim consistebat. Quæ artium fraudulentissima plurimum in toto terrarum orbe plurimis quæ sæculis ualuit, cuius maxima

xima fuit autoritas : quandoquidem sola artium, uti Plinius naturalis historię lib. 30. refert, tres alias imperiofiffimas humanę mētis complexa in unam se redegit, quam natam primum ē medicina nemo dubitauit, ac specie salutari irrepfiffe uelut altiore ſanctioreq; medicinam, deinde blādiſſimis deſideratiſſimisq; promiſſis addidiſſe uires religionis, ad quas maxime etiamnum caligat humanū genus. Atq; ut hoc quoq; ſuggeſſerit miſcuiffē artes mathematicas nullo non auido futura de ſeſe ſciendi, atq; ea ē cœlo ueriſſime peti credente. Et ex hac diſciplina profeſſioneq; ſapiētīę à potiore uaticiniorum parte magos & prophetas appellat Muſa, qui mutatis medicę materię nominibus, religioneq; aliqua cōſecratis diuinam quandam medicinam tractare uideri uolebant. Hieran cōrynen.) Hoc eſt, ſacram clauam. κορύνη enim claua dicitur, ſic nuncupata propter flores & ex his ſemina ſic in ſummo caule diſpoſita ut clauę formam oſtendant. Sed uide num potius legendum ſit, hiera botane, id eſt ſacra herba. Nam Scribonius Largus cōpoſitione medicinali 150. ſcribit hieran botanen à Latinis uetonicam dici. Sacra uero dicta eſt propter uſum ſacrum: & quia omni rei, ut ait, ſancta eſt. Syri.) Syri Aſiæ populi ſunt, de quorum prouincijs plura Plinius lib. 5. cap. 12. & 13. Tuſci.) Tuſci Italię populi, de quorum regione Plinius lib. 3. & Strabo lib. 5. Ruſmarinam.) Hęc in exemplaribus noſtris nulla eſt appellatio. Potuit autem ſic dici quod odorata ſit herba ceu roſmarinus. Animas hominū &c.) Nam ut Plinius ait, tantū glorię habet, ut domus in qua ſata ſit tuta exiſtimeſt à piaculis omnibus. Nocturnas.) Quia nocturno tempore & in tenebris ambulantiſq; talia maxime contingere, & ſe offerre atq; oſtentare ſolent. Maleficijs.) hoc eſt, iniurijs, & ut ſeiſpſum exponens ait, periculis. Loca ſancta.) id eſt, loca ſacra & templa deorum religioni conſecrata, ubi talia ſe maxime oſtendunt & nobis occurrant, quemadmodū etiam circa bu-

- sta, id est cæmeteria & loca ubi mortui sepeliuntur, etiam si non uisa fuerint cadauera. Olim enim bustum proprie dicebatur locus in quo mortuus combustus ac sepultus erat, nunc uero dicitur sepulchrum quamuis non uratur corpus. Visibus metuendis.) Visus metuendos uocat phantasmata & spectra quæ oculis nostris ad modicum temporis sese ingerunt, sed neutiquam clare, uti genij faciunt & lemures, & quicquid est nocturnorum terribilium mentorum. Semine spicato.) id est, in caule sic disposito ut spicæ in frugibus formam ostendat. Thymbra.) Thymbra herba est quæ alio nomine satyria dicitur &
- 2 cunila: de qua Dioscorides lib. 3. cap. 41. Ad tertias.) hoc est, ut una tertia parte aque absumpta, duæ tertiæ partes adhuc supersint. Foueto.) id est, calefacito. Fovere est res calidas siue siccas siue humidas medendi causa corpori læso adplicare. Et inde fomenta & foci dicuntur
- 3 huiusmodi rerum adplicationes. Rosa liquida.) hoc est, ut alterum exemplariorum nostrorum habet, oleo rosaceo. Spissato.) hoc est, obturato & obtegito. Cæ
- 4 ligines.) Caligo, quæ & caligatio dicitur, est uisus debilitas, nunc ex lippitudine, nunc ex senectute aliæue imbecillitate contingens, autore Celso lib. 6. Drachmam.) Drachma, quæ & denarius dicitur, nummi genus est & ponderis. Pro nummo accipitur apud A. Gellium Atticarum noct. lib. 1. qui, ubi Laïs nobile scortum à Demosthene pro re Venerea *μυρία δ' δραχμας*, i. decem mille drachmas poposcit, ait, hoc facit nummi nostratis (Romani scilicet: erat enim Romanus Gellius) denarium decem millia. Et in sacris literis apud D. Lucam euangelij sui ca. 15. ubi ait, Quæ mulier habes drachmas decem, & si perdiderit drachmam unam, nonne accendit lucernam & euerrit domum & quærit diligenter donec inueniat eam? Et cum inuenerit conuocat amicas & uicinas dicens, Congratulamini mihi, quia inueni drachmam quam perdideram. Pro pondere uero accipitur apud medicos, estque octaua pars
- uncia,

unciae, pendēs scrupulos tres. Scrupulus uero tritici uel hordei quibus pondera nunc metiuntur, grana uiginti, unde sexaginta drachmam constituunt, quæ, ut Plinius ait, denarij argentei habet pondus. Sed quia in dictionis huius orthographia communiter nūc erratur, & passim dragma pro drachma & scribitur & legitur, non abs re fuerit uel obiter discrimen eorū subiungere. De drachma iam dictum est quid sit. Dragma uero longe aliud significat. Nā ut Hesychius in lexico tradit, δράγμα, id est dragma est ὁ μὲν πρὶν λαμβάνειν τὴν ἀριστερὰν χερὶν ὁ δὲ δεξιὰν, hoc est, quā tum sinistra manu comprehendit messor, id est, fasciculus siue manipulus sceni aut segetis. Et Celsus lib. 5. cap. 25. Manipulus qui manu cōprehendi potest. Inuenitur etiā δράμα, id est drama, estq; id, ut idē Hesychius ait, πρῶμα, πρῶτος ἢ λόγος πρὶν ἔχωρῖν πόθεσιν τινα, hoc est poēma, actus aut sermo rei alicuius argumentū & materiam quandam continens & complectens, quales sunt in scænis comediarum seu tragicomediarum actus & fabulæ, rei q; alicuius repræsentationes factæ. Cyathos.) Cyathus liquorū mensura est, & pars duodecima sextarij, continens cochlearia octo. Pondere autem, uini quidem, uti ex Africano medico colligitur, qui cum Hippocrate & Latinis magis conuenit, pendet uncias duas & scrupulos octo. Olei uero unciam unam cum dimidia, hoc est, drachmas duodecim: licet Plinius simpliciter cyatho decem tantum drachmas tribuat lib. 21. ca. ultimo, ubi ait, Cyathus pendet per se drachmas decem. Mellis autē cyathus pendet uncias duas cum dimidia. Sunt enim cuiusq; materiæ mensurarum pondere plurimæ differētiae. Nos nunc in liquidis potionibus medicinalibus olei pondere communiter utimur, & cyathum uncia una cum dimidia, hoc est drachmis duodecim, pendimus. Rotundulam.) Rotundulam uocat pastillum à forma rotūda, quem Græci trochiscum, Latinis nunc etiam usitato nomine, uocant, & magdalides eas quæ sunt ampliores, ut tradit Scribonius

- 8 **Largus.** Vomicos.) Vomicos uocat eos qui pulmo-
nis uomica & pustula, quam Græci phyma dicunt, labo-
rant: quæ quomodo in pulmone generetur, docet Hip-
pocrates lib. 1. de morbis. **Suspiriosos.)** id est, anhe-
los, ægre spirātes, & spiritus angustia difficultateq; labo-
rantes, quorum Græci tres differentias faciunt, & alios
asthmaticos, alios orthopnoicos, alios dyspnoicos uo-
cant. Asthmaticos quidem eos, autore Galeno & Paulo
Aegineta, qui sine febre crebra respiratione ueluti à cele-
riore cursu laborāt, & laborioso conatu cumq; angustia
respirantes simul quum defederint surgere & quum sur-
rexerint sedere coguntur. Orthopnoicos uero eosdem
quum strangulari timentes ad respirationem recta cerui-
ce & recto toto pectore nituntur. Et dyspnoicos, in qui-
bus ueluti per angustias elisus spiritus & anima egredi-
tur. Quod malū & prioribus & alijs pluribus malis com-
mune est. Latini omēs indiscriminatim & promiscue an-
helos, suspiriosos, & Græca uoce asthmaticos & alijs no-
minibus appellitāt. **Phthificos.)** id est, eos qui phthi-
si laborāt. Phthisis autem pulmonis exulceratio est, quæ
ex pituita à capite destillāte oritur, quam febricula sequi-
tur & frequens tussis, pus excreatur, interdū cruentum
aliquid, autore Celso. **Purulentum.)** hoc est, res putri-
das, & pus, quod Græci πύον dicunt, crassum & album,
glutinosumq;. Vnde & purulentæ excreationes & sputa
- 12 dicuntur, quæ Græci ἐμπνύματα uocant. **Lienosos.)**
id est, ut Græco uocabulo nūc uocamus spleneticos, qui
bus lien obstruso obseptoq; in eo atræ bilis excremento
induruerit. Quos Galenus in diffinitionibus suis descri-
bens, splenicos, id est lienosos esse dicit, quibus post in-
flammationē lien in antiquum non restituitur habitum,
- 13 sed tumor permanet & duricies. **Mulso.)** Mulsum di-
citur uinum melle dilutum & confectum, quod antiquis
plurimum in usu fuit, & meminit Martialis,

Attica nectareum turbatis mella phalernum,

Misceri

Misceri decet hoc à Ganimede merum.
 Græce *ὀινόμελι*, id est, œnomeli dicitur. Quod quo pacto
 conficeretur quondam, docet Dioscorides lib. s. cap. s. &
 Palladius lib. ii. in mense Octobri. Lumborū.) Lum
 bi dicuntur pars illa ab cinctura usq; ad nates, ubi & renes
 situantur. Vino Amineo.) id est, uino optimo quale
 est Amineum, id est Phalernum, à regione sic uocatum,
 quod inter Italica præcipuæ bonitatis laudē meruit, præ
 sertim uetustū. Cruditare.) Crudititas dicitur, quan
 do cibis in stomacho male aut nullatenus concoquitur,
 Græci *δυσπεψία* & *ἀπεψία* dicunt. Hydromelitos.)
 Hydromeli, quod & melicraton dicitur, est aqua mulsa,
 hoc est, potio ex aqua & melle confecta, nunc uulgo me
 donem uocāt. Colum.) Colus siue morbus colicus
 est morbus uehemens intestini plenioris & crassi, quod
 etiam colon dicitur. Vncias.) Vncia est duodecima
 pars libræ, continens stateras binas, quæ pendent dra
 chmas octo. Quotidianas.) scilicet febres. Est autem
 febris calida & sicca passio. Nā caloris natiui ad igneum
 conuersio, cuius sedes est cor. In cuius differētis est quæ
 quotidiana dicitur, ex pituita putri consistens, & singulo
 quoq; die reuertens & exacerbans infestansq;. Arno
 glossæ.) id est plātaginis. Sub accessione.) id est, an
 te accessionem. Est autem accessio in febribus quæ & pa
 roxismus dicitur, & periodi tempus est deterius, hoc est,
 exacerbationis & afflictionis morbi tēpus. Periodus ue
 ro siue circuitus morbi est tempus ex intensione in mor
 bo & remissione constitutum. Tertianas.) scilicet fe
 bres. Est autem tertiana febris quæ ex flaua bile consistit,
 & alternis diebus infestat. Nam uno intermittens die, al
 tero paroxismus & afflictio redit. Quartanas.) scili
 cet febres. Est autem febris quartana quæ ex atra bili seu
 humore melācholico putri efficitur. Sic dicta quod quar
 to die reuertatur & exacerbet infestetq;. Nam integro bi
 duo intermittit, & tarde admodum finitur, neminemq;.

ut Celsus testatur, iugulat. Sed si ex ea facta quotidiana est, in malis æger est: quod tamen nisi culpa uel ægri uel curantis nunquam fit. Mellis Artici.) id est, mellis optimi, quale est quod fit in regione Attica. Vesicæ.) Vesica urinæ receptaculum est, & Græce κύστη dicitur. Apij.) Apium herba est quam nunc petroselinon uocamus. Scrupulos tres.) id est drachmam unam. Scrupulus enim tertia pars est drachmæ, continens in se obolos duos. Sextario.) Sextarius liquidorum mensura est & sexta pars congi, continens in se cyathos duodecim. Calculum.) id est lapidem, qui hominum quibusdam diro cruciatu in uesica generatur, Græci hanc affectionem lithiasin uocant. Aceto scyllitico.) hoc est, quod ex scylla, quæ bulbi species & bulborum maxima est, confectum est. De quo Plinius lib. 20. cap. 9. Dioscorides libro 5. cap. 17. Columella lib. 13. cap. 34. & Palladius in mense Iulio cap. 8. Hydropicos.) id est, hydropisi & aqua inter cutem laborantibus. Cuius tres sunt species. Vna in qua plus humoris continetur, spiritus uero minus: & hæc ab utris similitudine ascites uocatur. Altera in qua plus spiritus est, humoris uero minus: & hæc tympanites dicitur, eo quod summus uenter percussus sonitum ædit qualem tympana. Et hoc genus ab Hippocrate hydropisis sicca nūcupatur, teste Galeno. Et in his duobus generibus cibus in aquam conuertitur, nec in alio differunt quàm in spiritus & aquæ maiore aut minore quantitate. Tertia species est, quæ hypofarcidios, hypofarca & anafarca dicitur, quæ solidis partibus in aquæ naturam resolutis per totum fit corpus, & ab aliquibus leucophlegmatia etiam, hoc est, alba pituita uocatur. Cæterum Hippocrates lib. 4. de uictu acutorum, duo rätum aquæ inter cutē hydropisisue genera facit, sed ita ut hæc tria sub ipsis comprehendat. Vnum quidem nūc dictum hypofarcidion, quod etiam ἀνίατον, id est immedicabile tradit. Alterum quod ex flatibus constat, & multa, eaque bona,

bona, fortuna indiget. Et sub hoc duo priora genera, asci-
ten & tympaniam, quia eiusdem naturæ sunt, solum spi-
ritus & aquæ maioris minorisue ratione differentia, cō-
prehendit. Porro omnium, ut Celsus tradit, communis
est humoris nimia abundātia. Et cuiusuis hydropis com-
munis genitura est, teste Galeno, ubi sanguificationis of-
ficium intercidit. Initiumq; omnium generum traditur
esse malus corporis habitus, quem Græci καχεξία uocāt.

33 Paralyfim.) Paralyfis est neruorū resolutio, & mor- 27
bus qui non totum corpus ut apoplexia, sed alteram par-
tem tantum, dextrum scilicet aut sinistrum latus, aut ho-
rum alterius partis partem aliquam ceu brachium, ma-
num, crus aut pedem afficit, & læsis neruis ac musculis in
ea parte hominis ex electione motum impedit. Horro- 28

res.) Horror in febribus est, uti Galenus libro de diffe-
rentiis febrium secundo tradit, inter rigorem & frigus
medius, rigore quidem minor, frigore uero maior: et tan-
to quidem maior frigore quāto minor rigore, æqualiter
absistens extremis utrisq; & in medio eorum existēs. Cel-
sus lib. 3. cap. 3. Frigus uoco ubi extremæ partes membro-
rum inalgescunt, horrorem ubi totum corpus intremit.

Locī.) Loci muliebres dicūtur mulieris uterus, quē 29
uulgo matricem uocant, & à Celso uulua etiam nomina-
tur, licet Plinius hanc in reliquis animalibus esse dicat.
Est autem inchoandi hominis domicilium, siue uti Gale-
nus describit, ἀρχὴν καὶ τέρμα, hoc est, uas foetum conser-
uans. Ictericos.) IctERICI dicuntur qui ictero & regio 33

morbo laborant. Est autem icteros, uti Galenus ait, fellis
in extimā cutem suffusio, qua uiridi in luteo colore sum-
ma corporis superficies decoloratur, & alui excrementa
albescunt. Germani hūc morbum *die gālsucht* uocant à co-
lore. Dictusq; est icteros ab aue concolore & cognomi-
ne. Vnde Plinius libro 30. cap. Auis icterus uocatur à co-
lore, quæ si spectetur, sanari id malum tradunt, & auem
mori: hanc puto Latine uocari galbulum. Manifestatur

- autē maxime in oculis. Celsus lib. 3. cap. 24. Color autem eum morbum detegit maxime oculorū, in quibus quod album esse debet fit luteum; atq; ubi diutius manet morbus, totum corpus cum pallore quodā inalbescit. Et Plinius lib. 26. cap. 13. Morbū regium in oculis præcipue mirari est, tenuitatem illam densitatemq; tunicularum felle subeunte. Cæterum ubi atra bilis, quod itidem aliquādo fit, per corpus diffunditur, similiter icteros, sed niger cū adiuncto dicitur. Ast regius morbus cur dictus sit, docet nos Celsus, inquit, Utendum est lecto etiam, & cōclauui cultiore clauso loco, uti ludis, lasciuiis, per quæ mens exhilaretur, ob quæ regius morbus dictus uidet. Dictus est & aurigo Latine à colore & pallore auri quē bilis per uniuersum corpus fusa repræsentat. Carbunculum.) id est, anthracem. Est autem similis ijs quæ usta sunt exulceratio, cui aliquādo febris & horror & inguina super accedunt. Sed de hoc plura Galenus therapeutice lib. 14. cui Paulus Aegineta lib. 4. & Rasis lib. continentis 13. sub scribunt. Meminit etiam Plinius lib. 26. & de eodem agit libro medicinæ 5. Celsus. Axungia.) id est, adipe suillo, qui inueteratur; idq; duobus modis, aut cum sale, aut syncerus, id est, sine sale; tãto utilior, quãto fit uetustior. Cuius usus est ad mollienda, excalfacienda, discutienda, purgandaq;. Antiqui maxime axibus uehiculorum perungendis ad faciliorem circumactum rotarum utebantur, unde nomen axungię. Quam & per se medici antiqui maxime probabant renibus detractam, & exemptis uenis aqua cœlesti fricabant crebro, decoquebantq; fictili nouo sæpius, tum demum adseruantes, autor Plinius lib. 28. cap. 9. Plagæ.) id est, ulceri & loco exulcerato.
- 35 Perfrictionibus.) id est, algoribus & frigoribus. Frigere em̃ algere est & frigore infestari, deriuaturq;, ut uolunt, à Græco uerbo φρύγω, quod est horreo, unde φρύγος horror & frigus dicit. Oxymelitos.) id est, aceti mulsi, cuius confectionem docet Plinius lib. 14. cap. 17. & li. 23. cap.

cap. 3. Dioscorides lib. 5. cap. 14. Item Galenus de Sanitate
 tuenda lib. 4. quem sequere. Pastillos.) Pastillus est, 39
 qui Græce trochiscus usitato nunc etiam uocabulo dici-
 tur, & quem supra rotundulam uocauit. Cuius, autore
 Celso lib. 5. hæc est ratio. Arida medicamēta contrita hu-
 more non pingui, aut uino uel aceto coquuntur, & rursus
 cocta inarescunt. Atq; ubi utendum est, eiusdem generis
 humore diluuntur. Veretri.) id est, genitalis membri 40
 & pudendi uirilis. Reijciēt.) hoc est, uomitu eijciēt. 41
 Plinius, Vini plusculum si à ieiuno sumatur, deinde reij-
 ciatur. Idem, Vernatio utilis erit, si postquam sorpta fue-
 rit, statim reiectio sequatur. Fistulas.) Fistula est ulcus 44
 altum, angustum, callosum, non nūquam ex abscessu, in-
 terdum ex alijs ulcerum generibus ortum habens, & in
 omni ferè parte corporis fit, habetq; plura genera, lon-
 gius & fufius à Cornelio Celso medicinæ lib. 5. tractata.
 Ad mulierum purgationes.) id est, ad menstruorum 46
 retentionem ciendam & prouocandam. Podagram.) 47
 Podagra pedū morbus est male affectis neruis dolorem
 inferens, nunc cum calore, nunc cū frigore, nuncq; cum
 tumore, nunc sine eo.

ENARRATIONVM IN ANT. MVSAM,

FINIS.

d

LIBER APV

LEI PLATONICI DE

MEDICAMINIBVS HERBARVM.

L. APVLEIVS PLATONI
CVS MADAVRENSIS CIVIBVS
suis Salutem,



X PLVRIBVS paucas herbarum uires, & curationes corporis ad fidem ueritatis monumentis publicis tradidi, & succinctius constrinxi, ob stupiditatem uerbosam professionis. Et dicemus medicorum omnes ferme res uendicationes potius esse quàm curas. Hos etiàm homines inertia plerumq; & imperitia enixos certe lucripetas ueros nuncupari, qui etiàm à mortuis mercedes expetunt per occasionem, & faciunt reditus dum tempus curationum extrahunt, puto quia fauiores ipsis morbis existunt. Proponamus ergo remedium titulos, quos uel nunc maxime tempus conducit, ut ciuibus meis, socijs quidē & peregrinis, quibus uexatio acciderit aliqua corporalis, nostra literata scientia, inuitis etiàm medicis, profuisse uideatur.

NOMINA ET VIRTUTES

HERBÆ ARNOGLOSSÆ,

CAPVT I.



GRÆCI Arnoglosson, ijdem arnion, ijdem probation, ijdem cynoglosson, ijdem heptapleuron, ijdem heptaneuron, ijdem polyneuron, ijde thyrsion, Prophetæ uero uranichneumonos, Aegyptij aschat, Galli tarbidolopion, Hispani thesarican, Daci simpeax, Punici artiercon uocant, Latini plantaginem latam, ijdem plātaginem maiorem, ijde septeneruam. Nascitur paludibus plurimum & pratis. Arnoglossa, quæ & heptapleuros, nomen sumpsit à similitudine agninæ linguæ. Nam Græci ἀρνιον agnum uocant, γλώσσα linguam. Rursum, q̄ sæpe adnata habeat germīna in lōgitudine septem, lateribus similia, Græci heptapleuron uocauerunt. Sed sunt eius species duæ. Nam quæ heptapleuros appellat̃, est maior forma, & folijs ornatoribus, & latioribus, & neruosis. Nascit̃ in uallibus atq; hortis, necnon & paludibus plurimum & in pratis. Estq; magis constrictiua. Alia uero minor atq; nigrior, lenior & tenuior. Nascit̃ in chartarijs locis, sed in usum uarie adhibetur.

Cura 1 Ad capitis dolorem.

Herbæ plantaginis radix in collo suspensa, capitis dolorem mirifice tollit.

2 Ad uentris dolorem.

Herbæ plantaginis succus tepesactus fomentando uentris dolorem tollit. Et si tumores fuerint, tusa herba & imposita tollit tumorem.

3 V Ad interiorum dolorem.

Herbæ plantaginis succus potui datus, & interiora sanat, & thoracem hominis purgat mirifice.

4 Ad dysentericos.

Herbæ plantaginis folia minutatim confcisa cum lenticula decoques, & dabis ut comedat, statim stringet uentrem.

5 Ad eum qui purulenta excreat cum sanguine.

Herbæ plantaginis succum dabis bibere, & sanabitur.

6 Ad uulnera.

Herbæ plantaginis semen tusum & in puluerem redactum & in uulnera aspersum, sanabit ipsa uulnera. Et loca ea quæ à nimio calore uruntur, ipsa tusa & imposita refrigerat & per sanat.

7 Ad morsum serpentis.

Herba plantago trita ex uino sumpta, commodo erit.

8 Ad scorpionis ictum.

Plātaginis radix alligata mire prodesse creditur.

9 Ad uentrem stringendum.

Herba plantago ex aceto cocta uel mero, bibatur mensura cyathi unius.

10 Ad lumbricos.

Herbam plantaginis contundes, & succi eius cochlearium uel ligulam dabis bibere. Ipsam quoq; herbam tusam umbilico imposito.

11 Si qua duritia fuerit in corpore.

Herba plantago pisata cum axungia sine sale, & factum

factū quasi malagma, imponis id duritiæ, & discutit.

12 Ad quartanas.

Herbæ plantaginis succum in aqua mulsâ ante duas horas accessionis potui dato, & miraberis effectum.

13 Ad podagram & omnē neruorum dolorem & tumorem.

Herbæ plantaginis folia contusa uel pisata cum modico sale & imposita, optime facere certum est.

14 Ad tertianas.

Herbæ plantaginis radices tres conterito, & sub accessionē cum uino aut aqua calida ieiuno da bibat.

15 Ad secundas.

Plantaginis semen contritum, & potui datū prodesse creditur.

16 Ad uulnera recentia.

Herbam plantaginis contritam cum axungia uetere sine sale impones, mirifice sanabis.

17 Si cui pedes tument ex itinere.

Plantago contusa cum aceto imposita tumorem tollit.

18 Si cui ulcus secus oculum uel nares natum fuerit.

Herbæ plantaginis cōtusæ succo expresso lanam mollem madefactam imponat per dies nouem, & sanus fiet.

19 Ad dysentericos uel torminosos.

Herbæ plantaginis semen tritum pro[†] polenta in uino calido da bibat, & sanus efficietur.

20 Ad parotidas.

alijs pu
ralente

Plantago cum axungia uetere pisata & imposita sanat.

21 Ad ulcera oris.

Herbæ plantaginis succum in ore detineat, uel folia eius cocta, & radix eius in ore commanducetur.

22 Ad fistulas sanandas.

Herbæ plantaginis succum è folijs tollas, infundatur fistulis & immittatur, facillime medetur eisdem.

23 Ad morsum rabidi canis.

Herba plātago cōtusa & imposita facillime sanat.

24 Ad omnes uesicæ difficultates.

Herbæ plātaginis folia uel radices potatæ ex passo fortiter medentur.

GABRIELIS HVMBELBER

GII RAVENSPVRGENSIS, IN HER-

barium Apulei Platonici,

COMMENTARI.



QVALIS HERBA fit Plantago, tum uulgo, tum autorū descriptione satis notum est. Quā-
tis autem uirtutibus prædita, & quibus mor-
bis medeatur, id etiam tum quotidiani usus ex-
perientia, tum autorum testimonio satis compertum est.
Et licet uulgaris ac nota sit herba, quia tamen folia eius
tantum delineat Apuleius, haud alienum censuimus alia
rum etiam partium ipsius formā & effigiem latius & per-
fectius depingere quàm fecerit ille, præsertim quia (testan-
te Plinio) celebrauit illam Themison medicus tanquam
inuētor uolumine de ea ædito. Nec dubitamus quin co-
piosius illam descripserit Apuleius: nam quæ hucusq; ui-
dere

dereliquit exemplaria, non nisi fragmenta quædam esse censemus & non integrum librum; nec dubitamus quin idem & alij nobiscum iudicaturi sint, si librum ab initio ad finem usq; pellegerint. Et adeo inter se uariant exemplaria, ut satis mirari non possimus. Sed historiam ipsius qualis sit, ex Plinio & Dioscoride subscribamus. Itaq; cū duo sint eius genera, maior & minor, hæc angustiora, nigriora, molliora, tenuiora & maioris leuoris habet folia, caulem angulosum in terram inclinatū, flores pallescentes, & in summo caule semen. Illa uero crassior est & speciosior, & latiore folio ac oleris figura, caule itidem anguloso, modice rubente, cubitali, & ex medio usq; ad summum cacumen paruo semine uestito, radicibus teneris pilosis, colore candido, crassitudine digitali. Et hæc herbæ plantaginis historia. Dicta est autem *Plantago* & nomen habet à *planta*, quæ esse dicitur quod transferendi gratia uel de arboribus rapitur, uel ex semine oritur: & de herbis similiter dicitur, eo quod planas, id est æquales oporteat esse plantas. Præterea maiorem quæ etiā lata cognominatur, ut hoc quoq; addam, Germani à foliorum latitudine, ut putamus, & quod diues ac copiosa circa semitas & uias nascatur, *Breiten wāgrych*, minorem uero, quia longior & acuminatior est, *Spizigen wāgrych*, & aliquando ab equinæ costæ similitudine quadā *Rossgripp* nominasse uidentur. Sed de ijs satis. Exponamus nunc Græcorum appellationes & nomenclaturas, nam de reliquis barbaris nulla erit nobis cura. Græci uero dicuntur qui Græciam, quæ & *Hellas* & *Attica* dicitur, inhabitant, & Græca, non uulgari, sed literata potius lingua utuntur, sic dicti à rege nomine Græco. Sed de Græcia & prouincijs ac situ eius plura Plinius naturalis historiæ libro 4. cap. 7.

(*Arnoglosson*.) Inter Græcas plantaginis appellationes, quæ à similitudine linguæ pecorū & ouium illi sunt inditæ, una & præcipua est *arnoglossa*, hoc est, lingua agnina. Græci namq; ἄρνου *agnum*, & γλώσσαν *linguam*

dicunt, à cuius similitudine sic appellata est uel Apuleio teste. Quæ ratio etiam fecit ut Arnion quasi adiectiua forma agnina herba uocata sit, & probation quasi ouillea ab oue, quam πρόβατον Græci appellant. Cynoglosson.) id est, linguam caninam. κύνῳ enim Græce canis est, γλῶσσα, uero lingua. Cuius appellationis ratio & causa est, nō quod caninæ linguæ similis sit, sed quia herbæ, quæ cynoglossa proprie dicitur, haud ab similibus quodam modo existit, idē minor potius q̃ maior. Heptapleuron.) Dicta est heptapleuros à septenario fibrarū, quæ & costæ dicuntur, & in foliorum dorso per longitudinem distinctæ comparēt numero, uti etiam paulò post testatur Apuleius. Nomen autem compositū est ab ἑπτά, quod est septem, & πλάρᾱ quod latus est & costa. Heptaneuron.) Heptaneuros, hoc est, ut inter Latinas appellationes refertur, septeneruia, à septenario fibrarum, quæ nerui quoq; dicuntur, numero sic appellata, siquidem Græcis νέρους idem est quod neruus. Porro quoniā non semper septem, sed aliquando quinque tantum, iuxta folij latitudinem fibris distinguūtur folia, & quinque non minus multa sunt quàm septem: hinc certum relinquentes numerum aliqui à fibrarum, quas neruos uocāt multitudine polyneuron, hoc est, multineruam appellarūt. πλὺν enim Græcis multū significat. Thyrsion.) id est, colicularem herbam, eo quod paruos habet coliculos in quibus & paruum semen profert. δῦρον Græce uirga dicitur & caulis. Porro habent exemplaria quædam non thyrsion, sed cirsiion, quod nomen adquisiuisse potuit, præsertim minor, eo quod foliorum figura non sit dissimilis herbæ cirsiio, quæ nunc uulgo buglossa dicitur, licet maior ueræ buglossæ quæ nunc borago dicitur figura potius assimiletur. Prophetæ.) id est, magi, de quibus copiosius dictū est à nobis in enarratione Ant. Musæ. Vranichneumonos.) id est, caudam ichneumonis. Sic fortē dicta quod coliculis suis caudæ animalis ichneu-

ichneumon dicti sit quodammodo assimilis. ὀφὺς Græcis cauda est. Ichneumon uero Aegypti est animal, magnitudine felis, uulgo nunc murem Indicum uocāt, qui, ut Plinius lib. 3. & Strabo lib. 17. scribunt, & aspida & crocodilum debellat & interimit, solusq; sine cedis periculo aspidis impetum effugit, uti Nicander in Theriacis scribit dicens, ἰχθυόων μωρὸν ὄφρα μὲν ὁ ἄκρητος ἀσπίδι ὄφρ' ἐμὴν.

Aegyptij.) De Aegyptijs & regione illorū habes Plinium lib. 5. cap. 9. & Strabonem lib. 17. Porro quæ Apuleius Aegyptijs, ea multi Hebræis aut Arabibus Chaldæisue attribuunt nomina, quod in pluribus sic esse facile credimus. Quum enim modica Aegyptiorū, Arabum, Iudæorū Chaldæorumq; sit distantia, unaq; uicinarum regionum cernatur cōtigitas, ac sæpe mixtos in eodem loco ex ijs populos sit reperire: quid mirum si ipsorū nomina quoq; sibi inuicem aliquando cesserint? Galli.)

Galli nunc notiores sunt, quàm ut multa de ijs dicamus. Qui plura uolet, is Iuliū Cēsarē Gallici belli li. 1. ab initio legat. Hispani.) Hispani ultimi Europæ populi sunt ad occasum siti, pelago, nisi quā Gallias tangunt, cincti. Notiores etiam quàm ut plura de ijs nunc dicantur.

Daci.) Daci sunt quos nunc Vualachos dicunt, proximi Getis qui Transyluani uocantur. De quibus Plinius lib. 4. cap. 12. & Strabo lib. 7. Porro Dacos nostro tempore uocant qui Daniæ regnum inhabitant, & Teutonice *Dennmarck* uocatur. Punici.) Punici sunt qui & Pœni & Afri dicuntur, qui semper foedifragi & perfidi sunt habit.

Vnde & prouerbio factus est locus, q̄ Punica fides appellat fides uana, irrita, perfida & periura. Latini.)

A Latio dicti sunt Latini, & inde līgua Latina. Latiū aut Italię, cuius plures regiōes, pars est, ubi Tiberina sunt ostia & Roma terrarū caput. Sed de hoc plura Strabo geographiæ lib. 5. & Plinius naturalis historiæ libro 3. cap. 5.

Cæterum quod in prius impresso codice legitur Romani, nos antiqua uenerandæ uetustatis exemplaria nostra

- sequeuti, diximus Latini: nec id refert. Siue enim Latino siue Romano Italoue, ut solet, nomine utatur Apuleius, eosdem semper intelligit, hoc est, eos qui lingua Latina, non quidem uulgari, sed literata ea utuntur. Chartarijs locis.) hoc est, locis palustribus, qualibus papyrus, ex qua chartæ fiunt, nasci solet. Licet pro chartarijs una mutata & transposita litera nobis legendum potius uideretur charadrijs, quæ dictio Græca in maiore significationis ambitu est, soletq; Apuleius non hic solum, sed alijs in locis etiam Græcis aliquando uti nominibus. Sunt autem χαράδραι, id est, charadræ Græcis torrétes, speluncæ, fossæ & ualles, in quibus & circa quas cõmuniter nascitur plantago utraq;. Cæterum nihil immutare hoc loco ausi sumus, sed suspicionem & coniecturam nostram tantum indicare. Cura.) Cura aliquando pro studio & diligentia accipitur, aliquando uero pro medicinæ operatione, medela, effectu, & uirtute atq; curatione, ceu præfenti loco. Ventris.) Venter multifariã accipitur: hic tamen solum pro his quæ infra membranam quæ abdomini subtenditur, & peritoneon Græce uocatur, continetur, hoc est uentriculo, intestinis & tota cauitate quæ infra thoracem sub abdomine est. Fomentando.) id est, fouendo. Est autem fouere siue fomētare, idem quod calefacere, & calida siue humida siue sicca fuerint, medicamenta corporilæso applicare. Interiorũ.) Per interiora intelligit Apuleius membra interanea, quæ alio nomine à Latinis exta dicuntur & uiscera, qualia sunt cor, pulmo, lien, iecur, uentriculus, intestina & quicquid sub pectore continetur & uentre. Thoracem.) Thorax Græce, Latine pectus dicitur: estq; corporis pars infra gulam incipiens, & supra aluum finiens, quod intus homini octonis costis munitum est. Dysentericos.) Dysenterici sunt quos intestinorum difficultas, quæ dysenteria Græce dicitur, male habet & afficit. Est autem dysenteria intestinorũ cum inflammatione exulceratio, in qua cruenta

enta feciue similia excernuntur, torquenturq̃ dolore al-
 tus & intestina, sic dicta ab ἔντερον quod est intestinum,
 & à particula σιν, quæ humani corporis mala designan-
 tibus dictionibus addita semper fere difficultatem, dolo-
 res & tormentum indicat: à quo alui & intestinorum in-
 fluore affectorū tormento, Celsus eandem intestinorum
 tormina uocat. Lenticula.) Lenticula diminutiuum
 est à lente. Est autem leguminis genus notum, sic dictum
 ut uolūt, quoniam lenes & moderatos reddat uescentes
 ea. Et Plinius ait, Inuenio apud autores æquanimitem
 fieri uescentibus ea. Est illi uis & natura adstringens, qua
 & per se sola & cum plātagine cocta & in cibum sumpta,
 aluum sistit, autore Plinio & Dioscoride. Ventrem.)
 Ventrem nūc pro aluo accipit qua sordes effluunt & elu-
 untur. Purulenta.) Purulenta uocat res putridas &
 pus à Græcis πύον dictum, quod à sanie quæ ipsdem ἰχώρ,
 id est ichor dicitur, differens. Sanies enim tenuior est, ua-
 rie crassa & glutinosa & colorata. Pus uero crassissimum
 & albissimum, glutinosiusq̃ sanie. Vnde & purulentæ
 excreationes & sputa dicuntur, quæ Græci ἐμπύματα uo-
 cant, præsertim quæ à sanguinis excreatione facto ulcere
 neq; ad cicatricem perducto fiunt, de quibus Hippocra-
 tes ait, Acruentis sputis purulenta sputa, ab his phthisis,
 à phthisi mors. Mero.) Merum dicitur uinum quod
 sine ulla aquæ admixtione purū & syncerum est. Cya-
 thi unius.) hoc est, pondere uncia unius cum dimidia.
 Sed de cyatho fusius à nobis dictum est in Ant. Musa.
 Lumbricos.) Lumbrici à lubricitate dicti sunt uermes
 uentris, ex genere eorum quæ tota substantia præter na-
 turam sunt, quorum omnium causa est materia cruda,
 crassa & pituitosa, qualis in pueris colligitur & in proue-
 ctioribus qui immoderate uiuunt. Quorum tria genera
 faciunt Galenus & Paulus Aegineta: licet Hippocrates
 & Celsus duo tantum agnoscant. Sunt enim Ascarides
 qui tenues & minores in parte maxime inferiore intesti-

ni crassi & longanone generantur, quos Auicenna paruos etiam uocat: & horū, quod sciam, non meminit Celsus. Sunt deinde rotundi, quos Græci strongilos στρογγίλοι, Celsus teretes, Auicēna longos appellat, qui palmares aut etiam maiores in superioribus & gracilibus magis intestinis consistunt, & aliquando ad uentriculum ascendunt, & per fauces ac os exeunt, & pueros maxime infestant, multoq̃ plures in eis generantur quàm ascari-des. Tertium autem genus est eorum qui lati uocantur, quos Hippocrates silentio præterit, & Auicenna latos & rotundos uocat. Qui rarius generatur, sed peiores sunt, lati & longissimi, quiq̃ sæpe per tota extenduntur intestina, & totius intestini longitudinem æquant, dicti Cirix, eo quod assimilentur κερπίδα, hoc est fasciis, infitis & zonis, qua ratione etiam ταυνία tæniæ uocantur: unde facile crediderim mutatis literis, quod factu facile etiam fuit, pro tæniæ dici cœptum esse tineæ. Cæterum hoc genus Paulus Aegineta haud aliud esse dicit quàm mutationē adnatæ in interiore intestino membranæ in materiã animalis modo mobilem, quæ sæpenumero tota reddatur longitudine incredibili, aliquando autem pars eius aliqua. Tales tricenum pedum & plurium longitudine aliquando uisas tradit Plinius lib. 11. cap. 33. Et nos itidem admirandæ longitudinis in superiore Rhetia Veltkirchij, dum illic ciuium nostrorum archiatrum ageremus, uidimus non semel: primo ex intestinis mulieris, deinde puellæ infantis bis elapsas, & tertio ex mulieris utero siue canali eius, uti constantissima fide adfirmabat, redditas: omnes in se glomeratas. Cochlearium uel ligulam.) Cochlearium à cochlea dictum instrumentum notum concuum, quo ad liquidiores cibos in mensa, & ad usus coquinariorum, aliosq̃ plurimos utimur. Cui nō multum dissimilis est ligula instrumentum aliud, sic dictum quod in linguæ speciem fit fabricatū. Intelligitur etiam utriusq̃ appellatione mensurę genus, quod (ut Africanus tradit)

mystri dimidium est, & octaua pars cyathi, pondere pen-
des Vini & similiū drachmas duas & scrupulum unū,
Olei drachmam unam & semis, quo pondere cochlearij
nunc in liquidis medicinalibus potionibus utimur, Mel
lis uero drachmas duas & semis. Estq; mensurarum mi-
nima cochlearium, quod proportionem & rationem ha-
bet ad cyathum & sextarium eandem quam drachma ad
unciam & libram. Pisata.) id est tusa. Pisere enim tun-
dere est. Vnde pisores & pistores ueteres uocabant. Var-
ro, Nec pisorem ullum nossent, nisi eum qui in pistrino
piseret farinam. Axungia sine sale.) id est, adipe suillo
non salito sed syncero. Quasi malagma.) hoc est, ad
modum & instar malagmatis. Est autem malagma pro-
prie, ut Celsus medicinæ lib. 5. cap. 17. docet, quod cōstat
maxime ex odoribus, eorumq; etiam surculis, & contu-
sum abunde mollescit. Nam super integram cutem iniici-
tur. Differtq; ab emplastro, ut ibidem docet Celsus, qua-
re perperam emplastri nomine uulgo appellatur. Periti
cataplasma etiam uocant. Dictum est autem malagma & το
μαλάσσειν, quod subigere est & mollire. Discutit.)
Discutere est dissoluere & disijcere. Vnde medicamētum
discussorium, quod Græci diaphoreticum uocant, quod
humorū crassitudinem discutit atq; dissoluit. Ad quar-
tanas.) scilicet febres, quæ ex atra bili consistentes, & in-
tegro biduo intermittentes, quarto die reuertuntur.
Aqua mulsa.) Aqua mulsa (quæ Græce melicraton, &
hydromel, uulgo medo, usitatis nunc etiam apud medi-
cos nominibus appellatur) est quæ ex melle & aqua com-
ponitur potio. Cuius uarios conficiendi modos docet
Dioscorides lib. 5. cap. 9. Columella lib. 12. ca. 12. Palladius
in mense Iulio, & Plinius lib. 14. cap. 17. Qui id etiā uinum
appellauit, quum tamē uini nihil admixtum habeat: cur
autem uini appellationem meruerit, ipse rationē reddit,
quod uetustate saporem uini assequitur. Accessionis.)
hoc est, ut usitato Græco uocabulo nunc dicimus, paro-

13 xismi & afflictionis morbi. Podagram.) id est pedum
 morbum & dolorem, qui ex influente ad pedes humore
 superfluo & eorundē imbecillitate accidit, nunc quidem
 cum inflāatione, nūc uero cum refrigeratione, nuncq̃
 14 cum tumore, nunc sine eo. Tertianas.) scilicet febres,
 quæ ex flaua bile consistentes alternis diebus infestant.

15 Secundas.) Secundæ multitudinis numero dicūtur
 pellicula & membrana illa exterior (nam & interior est
 alia tum tenuior tum mollior) quæ embryon & foetum
 in utero ambit & obuoluit, quam aliqui foetus inuolu-
 crum uocāt, Græci χῳρίον, id est chorium, sed id tantum
 antepuerperium, dum adhuc in utero cōtinetur foetus.
 Nam postquam æditus est infans, non amplius χῳρίον,
 sed ὑστῆρας, id est hysteras uocant, tum membranam hanc
 tum omnia ea quæ æditum in lucem infantem statim se-
 quuntur hoc nomine intelligētes. Quæ si nascentem foe-
 tum non sequuntur, sed intra uterum remaneant, mulie-
 rem male torquent, & periculo esse solent, quare ut pro-
 deant summopere & solícite studendum est: ad quod iu-
 uat plantaginis præsertim minoris semen potum, ut hic
 testatur Apuleius, cui & Macer astipulatur de minore in-
 quiens, Eius potatum depellit sperma secundas. Dictæ
 sunt autem secundæ, quod nascentem infantem sequan-
 tur. Nostri temporis medici secundinā uocāt hanc mem-

18 branulam. Si cui ulcus &c.) Intelligit fistulam oculo
 rum, quam Græci ægylopa uocant. De qua libro 7. inter
 oculi uitia Celsus sic scribit, Etiamnum in angulo qui na-
 ribus propior est, ex aliquo uitio quasi parua fistula ape-
 ritur, per quam pituita assidue destillat, ægylopa Græci
 uocant, idq̃ assidue male habet oculum: nonnunquam
 etiam exeso osse usq̃ ad nares penetrat, idq̃ interdum na-
 turam carcinomatis habet: ubi intentæ uenæ & recurua-
 tæ sunt, color pallet, cutis dura est & leui tactu irritatur,
 inflammationemq̃ in eas partes quæ coniūctæ sunt, euo-
 cat. Hactenus Celsus. Lanam mollem.) Per lanam

mollem

mollem intelligit lanam succidam ex collo & femoribus pecoris detonsam, quæ mollior & succosior magis laudata est. Nam aspergines & liquores facilius cōbibit, & for-
dium suarum pinguedine, quæ œsypus est, egregie mol-
lit, & ulceribus accommodatissima est, autore Dioscori-
de. Torminosos.) Torminosi dicuntur qui tormini

19

bus infestantur. Tormina uero sunt quæ Græci strophos dicunt, suntq; graues, nō tamen omnes, nec ubiq; in ho-
mine dolores, sed qui circa umbilicum & uentrem, epi-
gastriumq; in aliquot malis hominem torquent & cru-
ciant, & circumagi flectiq; cogunt: nec certum aliquod morbi genus constituunt, sed alterius comites & acciden-
tia sunt, quæ Græci symptomata uocāt, hoc est, quæ mor-
bis & affectionibus alijs superaccedūt. Propolenta.)
In diuersis exemplaribus hic duplex habetur scriptura.
Vna quam posuimus. Altera purulento, quæ nullam
hoc loco habet significationem, sed si duabus mutatis li-
teris & diuisa dictione sic, pura lente legatur, tolerari po-
test. Eritq; semper Apulei sensus, ut loco cuiusq; horum,
quæ alui fluoribus sistendis accōmoda sunt, & fortè tunc
ad idem in communi usu fuerunt, assumatur plantaginis
semen, modo quem præscribit, tanquam uirtutis tum ad
uentrem in ijs malis sistēdum, tum ad dolores leniendos
efficacioris quàm sit uel lens pura & sola, uel polēta ipsa.
De lente dictum est iam supra curatione quarta. Polenta
uero hordeacea farina est, quæ uarijs ad medicinæ usum
condiebatur modis, quos refert Plinius lib. 13. cap. 7.

Parotidas.) Parotides sunt apostemata & abscessus
qui secundum aures nascuntur, nomine illis indito, quia
πρὸς τῶν ὠτίων, id est prope aures fiunt, de quibus Celsus li-
bro 6. cap. 16. Commanducetur.) Commanducare
idem est quod manducare, mandere & dentibus contere-
re, quod & masticare dicunt. Fistulas.) Fistula est ul-
cus altum, angustum, callosum, cuius plura sunt genera,
de quibus copiose Cornelius Celsus lib. 5. Passio.) id

20

21

22

24

est, uino dulci. Vinū passum quale sit & quomodo olim conficeretur, quoniā nunc non est in usu, satis sit locum ubi ipsius conficiendi doctrina continetur monstrasse. Docet itaq; id Columella rei rusticę lib. 12. cap. 39. Plinius naturalis historię lib. 14. cap. 9. & Palladius in mēse Octobri. Poterimus pro eo alijs uinis dulcibus uti.

NOMINA ET VIRTUTES

HERBÆ PENTAPHYLLI,

CAPVT II.



RÆ CI Pentaphyllon, alijs pentapetes, alijs pentagonon, alijs pentadactylon, alijs pentatomon, alijs pseudoselinon, alijs callipetalon, alijs xylolothon, alijs asphaltion, alijs pentacænon, alijs thymiatitin, Prophetæ ibyos onycha, alijs pteron ibyos, alijs hermu dactylon, alijs hermu botanen, Aegyptij orphitebeocen, alijs themonestron, alijs æthotron, Galli pompedulon, Daci propedula, alijs drocila, Itali quinq;folium, alijs manum Martis. Nascitur locis prætenſibus & cultis ac in undis, gustu aspero, tactu molli, ramis lōgitudine bipalmis, tenuibus, in quibus semina, & folia quæ mentham referūt, singulis sapius quina, serratim scissa, flore pallido, radice longa & rubra. Leges eam mense Augusto.

1 Ad uitia artuum si percussi fuerint.
Herba quinq;folium tusa cum axungia uetere sine sale & imposita sanabit.

2 Ad uentris dolorem.

Quinq;folij succum dabis bibere cochlearia duo, sine mora dolorem tollit.

3 Ad uitia oris, linguę & gutturis.

Herba

Herba quinq̃folium cum radice sua decocta in aqua & ore detēta mirifice sanat; etiā ubi sumes, tolles & arteria purgat.

4 Ad capitis dolorem.

Herba quinq̃folium circumscripta ter, & digito medio & pollice sublata, contrita & capiti illita, efficaciter sanat; peracto remedio, loco puro reponi conuenit.

5 Ad sanguinē de naribus fluentem.

Herba quinq̃foliū potata uel illita restringit mire.

6 Ad anginam remedium.

Herbæ quinq̃folij succus cyathis tribus potui detur.

7 Ad morsum serpentis.

Herba quinq̃folium contrita potui si datur cum uino, mire remediatur.

8 Ad ambustum.

Herbam quinq̃folium portatam prodesse, autores plures affirmant.

9 Ad cancrum exiccandum.

Herbam quinq̃foliū cum uino & cum adipe suilla uetere sine sale pisatam de ligno in lignum uino sanē ueteri asperges & sic impones, rem unicam experieris.

10 Ad herpetas & choeradas & omnes duritias.

Herba quinq̃folium aceto decocta & trita & corpori imposita, herpetas & choeradas & omnes duritias mirifice sanat.

11 Ad pedum dolorem.

Herba quinq;folium trita & cum oleo mixta pedes perunges, tertio die tollit pedum dolorem.

COMMENTARIIL.



QVAE HERBA fit Pentaphyllon, hoc est, quinquefolium, multis iam annis ignorarunt uel medici ipsi & herbolarij, nedum prophanum uulgus. Qui omnes ferè pro quinq;folio in hæc usq; tempora perperam & falso usi sunt communiter herba quadã uulgari quæ in semitis & circa sepes passim nascitur & pes coruinus est, & adhuc sub quinq;folij nomine demonstratur. Neq; etiam eadem est, ut aliqui uolunt, cū fragaria herba: licet Plinius nat. hist. lib. 25. cap. 9. perperam illas confundat. Fragaria enim, de qua Apuleius etiam separatim infra agit capite 37. non quinis, sed trinis tantum cōstat folijs, quare & triphyllon potius, hoc est, trifolium non male quis appellauerit. Diximus iam quæ herba non sit, dicamus nunc quæ sit. Est igitur, nostro iudicio, non alia quàm quæ modo, fortassis quia intestinorum torminibus medetur radix, tormentilla uocatur à medicis, magni etiam contra pestilitatem effectus si pulueris radice drachma semis aut integra ex uino albo aut aqua destillationis acetosæ bibatur. Nec obstat quod aliqui tormentillam non quinq;folium, sed illi quàm simillimam esse dicant, nisi quod septem ferè non quinq; habeat folia, quare potius ea sit herba quæ heptaphyllon, id est, septifolium uocetur. Sed ignorāt hi unā & eandem esse herbam que tum pentaphyllon, id est quinq;folium, tum heptaphyllon, id est septifoliū nominatur, & unius herbæ duas esse factas, non re ipsa, sed solo nomine & foliorū numero distinctas species. Nec contra nos est quod Apuleius etiam diuersis capitibus de iisdem tanquam diuersis herbis siue unius herbæ diuersis speciebus agit. Mos enim illi est frequens de aliarum aliquot etiam herbarum speciebus agere capitibus diuersis, sicuti & in processu

cessu sæpius patebit. Qualis aut herba sit, satis docet Apuleius post nomenclaturas illam describens. Nominū uero quæ à communi foliorū numero illi sunt indita à Græcis cum primis est pentaphyllon, quod quidem adeptum est apud illos, quemadmodum quinq; folium apud Latinos, uidelicet à quinario foliorum numero. *πύλλον* enim Græcis folium, & *πέντε* quinq; significat, à quo numero & eius nomine, relicto eo quod folium est, sed in locum eius alijs succedentibus nominibus, plures aliæ quoque factæ sunt huic herbæ appellationes, ceu pentapetes, pentagonon, pentadactylon, pentatomon & pentacænon. Quorū pētapetes nominis sui rationē habet, qđ in quinq; folia sepādat & extēdat, à uerbo *πετάζειν* quod pandere est & extēdere. Pentagoni uero nominis ratio est, quia quinq; folia tanq̃ in quinq; angulos habet diuisa, quos Græci *γωνίας* uocant. At pentadactylon appellatum est, eo qđ sicut in hominis manu quinq; diuisi sunt digiti, ita in hac herba quoq; quinarij separatorum foliorū uisitur numerus. *δάκτυλον* enim Græcis est digitus Latinis. Pentatomon deinde dictum est etiam à foliorum forma, tanquam in quinq; partes & folia diuisum. *τόμον* enim Græce incisio, sectio, & diuisio dicitur. Præterea pētacænon est appellatum, eo quod sæpius & cōmuniter quinq; habeat folia, raroq; plura, ut tradit Dioscorides lib. 4. in-quiēs, Folia in singulis pediculis habet quina, raroq; plura. *κοινὸς* enim idem est quod communis, & *κοινῶς* cōmuniter. Nisi pentachænon potius legendum sit à uerbo *χαίνειν* quod hiare est, eo quod in quinq; folia diuisa hiet & apertum sit. (Pseudoselinon.) id est, falsum apium, sic dictū quod apium mentiatur, idq; propter sectionum in folijs similitudinem quandam, *σέλινον* enim à Græcis apium dicitur, & *ψεύδαι* fallere est atq; mentiri. *ψεύδος* mendacium. (Callipetalon.) Callipetalon appellata est hæc herba à specie & pulchritudine foliorum. *κάλλος* enim Græce pulchritudo est, *πέταλον* folium. Xylolo

thon.) Vide num potius legendum sit xylolopon, quafi lignosum folium. ξύλον enim Græcis lignum est. λό-
 πον uero folium & cartilaginem significat: sicq; dici po-
 tuit forsitan propter duritiam quandam cartilagineam,
 quæ ad tactum sentitur in ipso, licet hic ipse tactu molli
 esse dicat, non enim adeo molle est ut nulla duritia in eo
 sentiat, sed ita molle intelligit ut nulla asperitas pungens
 & duriter afficiēs sentiatur in ipso. Asphaltion.) Sic
 appellatum est, eo quod radix illi sit rubescens instar bitu-
 minis, quod ἄσφαλτον Græce dicitur. Thymiatitin.)
 Thymiatitis à thymiamate dicta est, eo quod uaporādo
 suffumigandoq; lustrationibus purgādisq; domibus ad-
 hiberetur, ut tradit Plin. & Dioscorides. Thymiamia ue-
 ro, id est, θυμίαμα suffitus est & suffumigium, euaporatio
 & incensum ex varijs odoratis & fragrantibus aromati-
 bus simul mixtis compositum, cuiusmodi sunt stactæ,
 onyx, galbanum & thus: quali etiam hodie ferè utimur,
 quando celebrioribus festis suauiter spirantibus rebus in-
 iectis thuribulis, ignitos carbones adseruantibus, in pha-
 no circueundo sacras aras fumigamus. Hoc elegantiores
 Græci θυμίαμα uocant. Libanius, λιβανωτὸν καὶ σμύρνης καὶ
 τῶν ἄλλων θυμιάτωρ, id est, thuris & myrrhæ & aliorum
 suffituum. Ibios onycha.) id est, ibidis unguem. ὄνυξ
 enim unguis est. Sicq; dicta est herba hæc propter folio-
 rum diuisionem instar diuaricationis unguium & digi-
 torū pedum ibidis auis: à cuius auis alis etiā alteram in-
 uenit appellationē, ut ibios pteron, id est ibidis ala sit di-
 cta, eo quod folia in latitudinem expāsa habeat, sicut auis
 ea in uolatu alas, quas Græci πτέρωτα dicunt. Est autem ibis
 auis Aegypto peculiaris & sacra, magnitudine & forma,
 ut refert Strabo geographiæ libro 17. ciconiæ persimilis.
 Colore autem duplex. Nam altera ciconiæ similis est, &
 ut Herodotus in 2. tradit, pedes humanis similes habens.
 Altera nigra tota uehementer est. Hermu dactylon.)
 id est, Mercurij digitū, Hermes enim Mercurius est deo-
 rum

rum nuncius. Dactylus uero digitus. Factumq; nomen hoc est illi, quod radice sit crassitudine digitali, & colore rubro, qualis est cortici radices herbæ colchici, quæ ephemeris species est, & nunc à medicis hermu dactylus dicitur. Quæ causa etiã fuisse potuit ut hermubotane, id est, Mercurij herba diceretur: botane em̃ herba est. Siue forsitan quod foliorũ forma nonnihil similis sit herbæ Mercuriali, quæ proprie hoc nomine etiam insignitur. Manum Martis.) Manus Martis dicta uidetur à ui & potestate qua uulneribus medetur, eo quod iisdem sanandis uterentur ea in bello cui Mars præesse dicitur, & pro bello ipso etiam accipitur. Haftenus de nomēclaturis. In undis.) hoc est, locis aquosis & secus aquarum canales, ut tradit Dioscorides. Quare scripturam hanc in exemplaribus nostris inuentam etiam libētius adseruauimus, omissa ea quam recens impressus codex, licet non male, habet, uidelicet mūdis, id est puris. Et quod erat scriptũ, Lacte molli, nos diximus, Tactu molli, quoniam nihil laeti cum herba hoc loco commune, & cuius ratione comparari possint, licet lac etiam molle sit. Mollem autem tactu esse dicit, quoniã, ut cæteri de tormentilla scribunt, folia habet pilosa propter quæ mollis dicitur. Bipalmis.) id est, duorum palmorum. Palmus autem est quatuor digitorum humanæ manus, ut sunt coniuncti simul sine pollice, mensura: quæ sexies repetita cubitum Romanum constituit, qui ex uiginti & quatuor huiusmodi digitis conficiebatur. Mentham.) Menthæ etiam comparat Dioscorides folia. Theophrastus tamen lib. 9. de plantarum historia uitis folio comparat. Sed hic fortassis coloris & formæ, illi uero quantitatis tantum, quoniã pusillũ est, comparisonem fecerũt. Singulis.) scilicet ramis & pediculis. Sæpius quina.) Per hoc intelligimus herbam hanc aliquando plura quàm quinq; utpote, septem folia habere, licet id raro contingat, ut tradit Dioscorides. Ex quo etiam colligimus unam & eandem esse

herbam quinq;foliū, hoc est de quo separatim infra agit Apuleius heptaphyllon, id est, septifolium, & esse quam nunc tormentillam uocant. Flore pallido.) id est, auroso & auri modo flauescentem atq; pallecentem. **C. 1.** Vicia artuum.) id est, membrorum ex percussione dolores & affectiones. Artus sunt mēbra & partes corporis proprię inter iuncturas cōnexę. **3** Tolles.) Tolles sunt, quę alio nomine tonsillę dicuntur, & Celsus glandulas, Gręci antiades & paristhmia, Auicenna uero & medici recentiores amygdalas uocāt, Serenus etiam tolles. Porro quocūq; nomine appellaueris, Tolles sunt carnes prominentes a lateribus hypoglottidis, nec non & malū partes eas infestans, pręsertim quum inflammatione tumēt. De quibus plura Galenus in expositione libri tertij aphorismorum Hippocratis. **Arteria.)** Vtitur dictione arteria genere neutro, quemadmodum de rerum naturali bro **4.** Lucretius, cuius uersiculi sunt hī,

Pręterea raditu ox fauces sæpe facitq;

Asperiora foras gradiens arteria clamor.

Sunt autem arteria colli pars anterior, quę spiritum trahunt redduntq; animantia, & ab Apuleio in huius medicaminis tituli pręscriptione alio nomine guttur appellatur. Celsus asperam arteriam, Gręci tracheam arteriam, larynga & bronchon uocant. Aliqui uocalem arteriam, spiritalē uē fistulam: nonnulli pulmonis cannam & animę canalem: multi tandem guttur & gurgulionem appellant. **4** Circumscripta.) Circumscribere est rei alicui lineam quandam circumducere: quemadmodum facere solent cacadæmonum cōiuratores, qui locum quomalignum spiritum coniuraturi, linea & circulo circumducunt & muniunt, seq; tutos illo reddunt ab omni imminenti noxamento: quę tamen superstitio est quā maxima & sacrosanctę Christianę fidei aduersa. **Reponi.)** Reponere idem est quod recondere. Vergili.

Non illis epulę nocuere repostę.

Ad anginam.) Angina ab angēdo dicta, morbus est 6
colli & inflammatio musculorū interiorum aut exteriorum
gutturis aut faucium, quam spirandi difficultas comi-
tatur. Cuius plures sunt differentiæ Græcis nomini-
bus distinctæ, de quibus latius in sequentibus. Reme- 7
diatur.) id est, medetur. Vtitur dictione etiam D. Hieronymus in uita Hilarionis & aduersus Iouinianum.

Portatam.) id est, gestatam in loco ambusto cui im- 8
posita fuerit. Sunt tamen qui potatam potius legunt, id
est haustam & bibitam. Autores.) Autor dicitur qui
opus aliquod facit & scribit: estq; primogenium nomen,
non ab alio sed à se natum. Et autor siue auctor scribitur:
author nūquam. Cancrum.) Cancer corporis ma- 9
lum est, nunc cum exulceratione, nunc sine ea. Omne ex
crassa nigra bile quum deferbuit nascens, & nigro colo-
re liuescens. Fitq; in qualibet corporis parte, oculis, sede,
sceminarum locis, manimis, & præcipue in membris fun-
gosis. Sic dictum ab animali aquatico cognomine: idēq;
aut quia difficilime à membro in quo ortum est, auella-
tur, quemadmodū animal etiam tenacius retinet ea quæ
apprehenderit: aut quia circa hunc implētur, distendun-
tur & eleuātur uenæ cancrorū pedibus similes. Omnisq;
cancer non solum id corrūpit quod occupauit, sed etiam
serpit: estq; tam malignę naturę, ut mitiora remedia asper-
netur, asperioribus uero irritetur. Herpetas.) Herpe 10
tes dicūtur ulcera quæ à flaua bile in aliquam partem ab-
scedente fiunt, & serpunt: sic dicta ἄρ το ἑρπας, quod est
serpere. Nam quoties cum exulceratione est (non enim
semper ulcus est, ut tradit Galenus Therapeuticę lib. 2.)
non utiq; seruata ueteri sede, uicinas partes depascit: sed
sicuti nomen ipsum indicat, ritu serpentis bestię relicto
priori loco transit ad alterum. Suntq; duo ipsius genera,
ut tradit Paulus Aegineta. Nam est herpes miliaris à simi-
litudine sic dictus, quod milij seminibus similes exiguas
pustulas in superficie cutis excitet. Alter est corrodens,

qui totam usq; ad subiectam carnem exulcerat cutem: & hic cōcretionē suā crassior & maiore acrimonia est: prior uero tenuis, minoreq; acrimonia & calore. Nam si Oribasio credimus, huius flauæ bili non nihil pituitę commiscetur. Choeradas.) Choerades, id est χοῖραδες sunt durati adenes circa collū, alas & inguina præcipue concreti & surgentes, à suis qui χοῖροι Græcis dicuntur, sic appellati, quod illis frequentes circa collum inueniātur. Galenus sic definit: Choeras est caro sicca & quæ difficulter disijcitur. Plinius & Celsus strumas uocant. Multi à scrophis quæ sues sunt, scrophas & scrophulas. Absyrus in Veterinaria medicina eas in iumentis glādulas uocari dicit.

NOMINA ET VIRTUTES

HERBAE HIERASBOTANES,

CAPVT III.



GRÆCI Hieran botanen, ijdem peristereon, na hyption, ijdem dios elacaten, ijdem panchromon, ijdem colletin, ijdem aristereon, ijdem cyparisson, ijdem demetrian, Asclepios alcean, Aegyptij pemphthemphtham, Prophetę erysisceptron, alij heras dacryon, Latini uerbenacā, ijdem liciniā, ijdem lustraginē, ijdem columbinam supinam, ijdem militarem, ijdem uertipedium, ijdem cristam gallinaceam, Græci rursum trigonion, ijdem chamælygon, ijdem sideritin, ijde curitin, ijdem phersophonion. Nascitur ubiq; in planis & aquosis locis, folijs subalbidis & uelut incisīs, radice simplici atque thyrsō, uirtute redarguenti, quam stypticen uocant, & quæ uulnera conglutinet, atq; putredines abstergat. Est autem columbis esca iucunda.

Ad

1 Ad strumas.

Herbæ uerbenacæ radix in collo ligata, summe proficit.

2 Ad ulcera & parotidas.

Verbenaca tusa & imposita mirifice sanat.

2 Ad eos qui induratas uenas habēt,
& cibos non recipiunt.

Herbæ uerbenacæ succum mixtū cum uīno, melle & aqua, & postea coctū, des. bibere, & statim sanat.

4 Ad hepatis dolorem.

Herba uerbenaca solstitio lecta, & in puluerē redacta, & potui sumpta, mire proficere creditur: robusto autē cochlearia quinq; ex uīno quā optimo cyathis tribus, & cæteris pro cuiusq; uiribus sic dabis.

5 Ad calculosos.

Herbæ uerbenacæ radix contusa ex mulso optimo tepido data, incredibiliter calculosis succurrit: nec solū ipsis calculosis, sed & quicquid est quod urīnam impedit, celeriter educit.

6 Ad capitis dolorem.

Herbæ uerbenacæ corona facta & capiti imposita, dolorem capitis tollit.

7 Ad serpentium morsus.

Herbam uerbenacam cum folijs suis & radicibus quisquis offultam cinctamq; secum portauerit, ab omnibus serpentibus tutus erit.

8 Ad morsum araneorum, quos
Græci phalangia uocant.

Herbæ uerbenacæ ramulos ex uīno decoquito et conterito, deinde quod acetauerit plagæ imponito, et

adaperiet; postea crudam contritam cum melle in ulcus audacter insertam mature ad sanitatem perducere certus autor adfirmat.

9 Ad morsum rabidi canis & hydropobon.

Herbam uerbenacam in uulnus apponito, tritici quoque grana integra indito uulneri donec humore remollita expleant, iam tumida, proiecto illa gallinae, si non appetit, simili modo alia grana proiecto, si sic esse coeperit, periculi sublatis signum erit.

10 Ad uulnera recentia.

Herba uerbenaca contrita cum butyro uulneri imponatur.

11 Ad morsum serpentis.

Herbae uerbenacae ramuli ex uino decocti & contriti, si caeca erit plaga cum tumore, impositi adaperiunt primum, exulcerant deinde, postea crudi cum melle contriti & ulceri inserti donec ad sanitatem, quod celeriter fit, perducant, imponuntur.

12 Ad ictericos.

Herbae uerbenacae drachma una & nardiobolus tres, laccæ crudæ foliorum expressus succus & paululum myrrhæ contritæ ex aqua cyathis tribus potui data, expellere morbum creditur.

COMMENTARIIL



ERBENACAE, quæ & ultima detracta syllaba nunc communiter uerbena dicitur, historiam satis succincte tradit Apuleius, quare copiosius de illa dicendum, præsertim quia nulla, ut Plinius lib. 25. cap. 9. testatur, Romanæ nobilitatis plus habet quam hiera botane, aliqui peristereon, nostri uerbenacæ uocant.

uocant. Hæc est quæ legatos ferre ad hostes indicauimus. Hac Iouis mensa uerritur, domus purgantur, lustranturq̃. Sunt autem duo ipsius genera, quæ Plinius à sexu, Græci & hos sequutus Apuleius à plantæ habitu discreuerunt. Plinius loco iam dicto, Genera eius, inquit, duo sunt. Foliosa quam sceminam putant: mas rarioribus folijs. Ramuli utriusq̃ plures, tenues, cubitales, angulosi. Folia minora quàm quercus angustioraq̃, diuisuris maioribus, colos glaucus, radix longa, tenuis. Nascitur ubiq̃ in planis, aquosis. Quidam non distinguunt, sed unum omnino genus faciūt, quoniam utraq̃ eisdem effectushabeat. Hæc ille. Dioscorides & Apuleius à plantæ habitu illa in rectam & supinam diuidentes, de hisdem diuersis capitibus agunt, qui mos & circa alias herbas non infrequens est Apuleio. Præsenti igitur capite sub hieras botanes & uerbenacæ nomine de supina cognominata agit, de ea uero quæ recta cognominat, agit infra cap. 65. sub nomine peristerei. Cæterū quod nominis rationem concernit, uerbenaca dicta est quod sola & per se uerbenas faceret. Siquidem tradente Plinio lib. 22. cap. 2. ab hac una autores imperij Romani conditoresq̃ immensum quiddam sumpserē, quoniam non aliunde sagmina in remedijs publicis & in sacris legationibus uerbenæ quàm ex hac fuere: qua coronati semper legati ad hostes clarigatum, id est, res raptas clare repetitum mitterentur. Præterea quæ illi adiecta sunt specierum discrimina, supina & recta, hanc rationem habent. Siquidem supina dicitur quod humilioribus & deiectis in terram ramulis quasi iacet: & hæc flores habet purpureos tenuesq̃. Recta uero quod recto caule riget, & hæc flores habet luteos.

Hieras botanes.) id est, sacræ herbæ, sic uocatæ quod felicem habeat usum in lustrationibus suspensa, alligatæ ue, autore Dioscoride. Peristereona hyption.) hoc est, columbinam supinam. ὑπὸ enim Græce idem est quod supinus Latine, ὑπὸς ὅτι uero columba uocatur: à

qua tum apud Latinos tum apud Græcos nomen adepta est, eo quod, uti Apuleius ait, colūbis esca sit admodū iucunda & familiaris: seu, ut Dioscorides dicit, quod colūbæ libenter inter eam uersentur. Plinius id nec ad cibum nec ad cōuersationem refert, sed simpliciter columbis familiarem esse dicit, ideoq̃ nomen id indeptā. Verba eius sunt hæc, Peristereos uocatur caule alto foliato cacumine in alios caules se spargens, columbis admodum familiaris, unde & nomen. Dios elacaten.) hoc est, Iouis colum. Nam *Διός* idem est quod Iouis, & *ἡλακᾶτη* colus dicitur. Vocata est autem hoc nomine uerbenaca, ut nobis uidetur, quod ea Iouis mēsa ad sacrificium & epulas uerebatur & purgabatur. Panchromon.) Sic appellata est quasi tota speciosa & nitida, *πᾶρ* enim Græcis omne & totum significat. *χρῶμα* uero eisdem color est & nitior. Colletin.) Colletis dicitur quasi cōglutinatrix, ab effectu, quia uulnerū sit cōglutinatiua, à uerbo *κολλᾶω* quod est conglutino. Aristereon.) Aristereon appellata est quasi glutinata uulnera firmans ac solidans, à uerbo *σφῆλω* quod est firmo ac solido, & à dictione *ἄρι*: quæ quamuis per se nihil significet, in compositione tamen alijs dictionibus addita, illis augmentum addit & ualde significat. Cyparissos.) Cyparissos dicta est, quod folia illi sint per ambitum secta, quemadmodum in cyparisso. Demetrian.) hoc est, Cerealem. *Δημήτηρ*, id est demeter, enim Ceres est, à qua & nomen inuenit, quod ut Ceres inuento frumento & traditis legibus homines feros cicurauit & mitiores ciuilioresq̃ reddidit: ita, ceu magorum uanitas perhibet & Plinius refert, hac perunctos amicitias conciliare, nulliq̃ non morbo mederi, & si aqua eius spargatur in triclinium lætiores conuiuas fieri, creditum sit. Siue quod in agro iuxta fruges quas Ceres inuenit, & pro illarum dea habita est, lubens etiam ac frequēs nascatur. Asclepios.) id est, Aesculapius, qui uetustissimus medicinæ autor, quoniam adhuc rudem &

uulga-

vulgarem hanc sciētiam paulò subtilius excoluit, in deorum numerū receptus est, ut scribit Celsus. Traditur autem, ceu Diodorus Siculus antiquæ historiæ lib. 5. refert, Apollinis Coronidisq; fuisse filius. Qui natura, ingenio præclarus, medicinæ opera impensa, plurima ualitudini hominum utilia adinuenit. Adeo autem peritia artis excelluit, ut quàmplurimos desperantes sanitatem liberaret à morbo: proptereaq; creditus sit nōnullis defunctis uitam restituisse. Et de eodem iterū idem Diodorus lib. 6. ait, Aesculapius ex Apolline atq; Ariadna ortus, pluribus à patre in medicina perceptis, chirurgiam & medelarum compositionē, radicum insuper uirtutes adinuenit, adeo autem medicinæ artem extulit, ut uelut eius inuentor & autor ueneraretur. Hæc ille. Alcean.) id est, medicam & contra morborum iniurias ualidam & efficacem auxiliatricem, ἀλκή enim uis est & efficacia, auxilium & remedium: unde & hæc herba præ alijs nomen hoc inuenit.

Eryfisceptra.) Eryfisceptra appellata est uerbena cæ à calathis & uirgis. Nam Græci ἐρυσον calathum uocant & sportam. σκῆπτρον uero sceptrum & uirgam. Sicq; dicta est, eo quod caulis & uirgæ ipsius uirides lētores suos in calathos, sportas, tegetes, & id genus alia texti & in nexus circumagi possint, quemadmodū & cyperus & aspalatus (quibus eryfisceptra nomen etiam commune & peculiare est) & tiliæ & utilia alia texendis calathis & corbis fiscellisq; sunt idonea. Quæ ratio etiam fecit ut licinia dicta sit Latinis, à uerbo licio, quod est implico, uel à nomine liciū, quod est filum quo textrices stamen in tela implicāt. Nisi Lucinia legere quis maluerit, eo quod oculorum luci & uisui prodest, à Lucina quæ Iuno est. Heras dacryon.) id est, Iunonis lachrymam. ἥρα, id est hera, enim Iuno dicitur. δάκρυον uero lachryma est: sicq; fortassis dici potuit quod oculos & uisum iuuat, illorūq; illachrymationibus destillationibusq; prodest. Iuno em̃ à iuuando dicta est, & quia oculis luciq; præest, Lucina uo-

cata est. Lustraginem.) Lustrago dicta est, quod lustrationibus adhiberet. Nam, quod Plinius testatur, hac domus purgabatur lustrabanturq̃. Lustrare autem expiare & purgare & purificare est, sic dictum à luendo, id est soluendo & liberando. Et inde lustratio, id est expiatio, purgatio, solutio & liberatio purificatioq̃. Militarē.) Militaris uocata est quod faciales ad hostes clarigatum & bellum indicendum missi uterentur ea. Siue quod herbæ Achilleæ, quæ militaris etiam appellatur, foliorum forma sit aliquo modo similis. Vertipedium.) Vertipedium dicta est, quod uirgis eius domus & pauimenta uerterentur purgarenturq̃. Vertere enim trahere est & mundare, quod sordes trahendo mundetur. Pedum uero pastoralis baculus & uirga est. Cristam gallinaceam.) Crista gallinacea est nuncupata, quod folia illi sint serrata & incisuris diuisa, ceu cristatus galli apex. Trygonion.) id est, turturinam, quasi columbinam, à turture, quæ Græce τρυγών dicitur, e genere colūbino. Sic dicta herba eadē ratione qua peristereos & colūbina, utpote quod turtures sicut & columbæ libenter inter eam uersentur, aut ipsa uescantur. Chamælygon.) Chamælygos, id est, humile uimen. χαμαι enim humile & humi depressum, λύνω uero uimen significat. Sic autem dicta est à caulis & uirgarū ramulorumq̃ in terram deiectione, & eorundem ad ligandum aptitudine, de qua in erysiceptri nomine iam dictum est. Sideritin.) id est ferrariam. Dicta est aut sideritis à foliorum forma & similitudine quadam cum herba sideritide, cui peculiare et proprium hoc nomen est. Siue à ferro, quod Græcis σίδηρος est, quod glutinandis uulneribus ferro factis in bello usum præberet. Teutonice à ferro etiam *Isenkrut*, quasi ferraria nuncupatur. Curitin.) Curitis appellata est quasi hastaris ab hasta, quæ Sabinorum lingua curis uocatur. Nomen autem inuenit ab eo quod quemadmodum olim hasta, quam sceptrum Græci dixerunt, regij fastigij insigne dematis

dematis loco fuit: sic etiam herba hæc, quæ multum laudis ac plurimum Romanæ nobilitatis habuit, & qua semper legati ad hostes missi coronabantur & ornabantur.

(Phersephonion.) Dicta est phersephonion ab inferno numine Proserpina, quæ Græce Phersephone dicitur. Nominis autem causa est, quod contra ipsius ueneficiorum maleficia uim habeat & amuletum sit. Credebatur enim antiquitus Phersephone pueris et alijs ueneficijs suis nocere. Hactenus de nomēclaturis. Thyrso simplici.) id est, caule singulari & unico. Virtute redarguēti quā stypticen.) Apuleius Latinam dictionem tanquam minus notam, per Græcam ceu notiozem interpretatur, ut quæ tunc temporis sicuti hodie quoque tanquā nota à Latinis medicis recepta fuerit & usurpata. Est autē *στυπτικόν*, id est stypticon, Græcis, quod Latinis austerum, adstringens, & ut hic ait, redarguens, à uerbo *σύψω* quod est obturo & adstringo. Strumas.) Struma, ut Celsus tradit, est tumor in quo subter concreta quædam ex pure & sanguine quasi glandulæ oriuntur. Nascuntur maxime in ceruice, sed & in alis & inguinib., & in lateribus. Ad eos qui induratas uenas habent &c.) hoc est, ad eos quos Plinius cibum non sentientes, Græci *ἀρόφως* uocant, & malum ipsum *ἀρορία*, quod fit ubi corpora & uenæ acimenti uasa & conceptacula calore aut frigore deficcantur & torrefiunt, adeo ut contrahantur & indurētur, aut humorum nimia copia obstruuntur & intenduntur, quorum causa parum aut nihilimenti in corpus digeri & transire potest & illud alere: quare macie tandem cōficiatur & cōtabescat, necessum est. Quod malum Celsus medicinæ lib. 3. cap. 22. primam tabis speciem esse dicit, quæ corpus non alitur, & naturaliter semper aliquibus decedentibus, nullis uero in eorum locum subeuntibus, summa macies oritur, & nisi occurritur, tollit: atrophian hæc Græci uocant. Ea duabus ferè de causis incidere consueuit: aut enim nimio timore aliquis minus, aut auiditate

C. 1.

3

nimia plus quàm debet, assumitur: ita uel quod deest infirmat, uel quod superat corrumpitur. Præterea Plinius libro 29. cap. 9. atrophos interpretatur etiam ab imbecillitate uires recolligentes: sed quàm bene, id aliorum esto iudicium. Venas.) Vena proprie sanguinis & cum eo mixti spiritus naturalis uasculum est neruofum, ut scribit Galenus. Et ab arteria differt, quod in arteria minor sanguinis copia & is purior est, spiritus autem maior, & is tenuior & qui pulsando mouetur. In uena uero quæ immobilis est, plus sanguinis & minus spiritus est. Vnde Plinius naturalis historiæ lib. 11. uenas sanguinis riuos, arterias uero spiritus semitas uocat. Sed hæc differentia non semper obseruatur, imò uenæ sæpiuscule pro arterijs accipiuntur, sicquæ reperire est apud Celsum tum alibi tum in totius operis procemio, ubi ait, Tum requirunt etiam quare uenæ nostræ modo submittant se, modo attollant. Et lib. 3. cap. 19. Licetquæ protinus scire id esse, ubi uenarum exigui imbecillique pulsus sunt. Plinius lib. 23. nullo uino æque quàm phalerno uenas excitari dicit. Et Victruuius architecturæ lib. 1. uenarum rhythmos uocat. Et alibi sæpius ita reperire est apud poëtas. Cibos non recipiunt.) Cibum non recipere dicuntur, qui illo non aluntur.

- 4 Solstitio.) scilicet æstiuo, & ut magi tradunt, circa canis ortum, ita tamen, ut superstitiosius præcipiunt, referente Plinio lib. 25. ne Luna aut Sol conspiciatur, fauis ante & melle terræ ad piamentum datis, & reliqua quæ ibidem leguntur non sine superstitione. Ceterum Solstitium à Sole dictum est quasi Solis statio, quum scilicet Sol ultra non progreditur. Suntquæ duo solstitia. Vnum æstiuum, quum sol Cancrum ingreditur, & ad inferiores circulos comere incipit, quod Iunio mense fit. Alterum hyemale, quum mense Decembri Sol Capricornum ingrediens ad nos incipit reuerti. Calculosos.) Calculosi dicuntur quibus calculus & lapillus diro cruciatu in uesica generatur. Mulso.) Mulsum dicitur uinum melle confectum,

fectum, Græci œnomeli uocāt. Conficitur autem, ut tradit Dioscorides, duobus uini cadis uno mellis plerunq; mixto. Quidam ut celerius ad usum absoluant, mel cum uino decoquunt, sicq; in uasa alia diffundunt. Alij etiam impendio consulentes, feruentis per uindemiam musti sextarijs duobus mellis unum miscentes, postquam deferbuit in dolia diffundunt, mulsumq; hoc dulce perseverat. Vtilissimum autem est quod ex uetere & austero uino confectum fuerit, quod etiam facillime cum melle incorporatur. Offultam.) id est, circumfultam & sustentatam, quodq; autor seipsum exponens ait, cinctam. Ab ob, quod aliquando circum significat & fulcire, quod est sustentare. Quæ autem cinguntur & cincta portantur, ea sustentantur etiam. Araneorum quos phalangia.) 7
 Araneorum prima diuisione duo genera sunt. Vnum eorum qui innoxij sunt, quos Græci arachnas, Latini araneos dicunt; quorum etiam à Dioscoride duo genera recensentur, unum quod holcon & lycon uocat, alterum uero dicit esse quod candidas tenues & densas telas operetur. Alterum genus est eorum qui noxij sunt, quos & Græci & Latini phalangia uocant, quorum etiam plura sunt genera, suisq; nominibus ab antiquis appellata, de quibus plura Nicander, Aristoteles, Plinius. Acetauerit.) id est, in acedinem qualis est in aceto uersum fuerit. Acetare ueteres pro cōmouere & agitare scripserunt. Quæ autem in acetum uertūtur, ea à natura sua commouentur & agitantur. Plagæ.) Plaga dicitur percussio, uerber & uulnus, siue apertum siue clausum, cæcum & tumens fuerit. Mature.) id est celeriter & cito. Hydrophobon.) Hydrophobos dicit à rabido cane mortuus, eo quod ex uulnere illo soleat mortis aquæ timor nasci; miserrimum morbi genus, in quo simul æger & siti & aquæ metu cruciatur, ut refert Celsus. ὕδωρ Græcis aqua dicitur, φόβος uero fuga & timor. Esse.) Esse hoc loco infinitiuum est ab edo quod est comedo. Butyro.) 10
 h

- Butyrum lactis pingue est, natura oleosum, barbararum gentium laudatissimus cibus, & qui diuites à plebe discernat. Fit autem ex lactis parte pinguiore quæ noctu in summo steterit, crebro iactatu in longis uasis ligneis angusto foramine spiritum accipientibus impulsat: sicque discedere à reliquo lacte quod pingue in eo est, butyrum producit. Sic dictum à boue, quoniam plurimum è bubulo lacte fiat, licet & omni etiam fieri possit, teste Plinio & Dioscoride. Cæca plaga cum tumore.) Plagarum aliae sunt apertæ, & harum quædam recentes, ut uulnera recentia; quædam ueteres, ut ulcera putrida sanieque purulenta fluentia. Aliae uero sunt clausæ, quæ & cæcæ dicuntur, quarum etiam quædam sunt notæ, tantum collecti ex uerberere sanguinis & citra tumorem etiam, quæ liuores dicuntur; quædam uero cum tumore, ut tumentia ulcera & tumores qui ex uerberere collecto in unum sanguine fiunt, quamuis & citra uerbera in corpore tumores nascantur.
12. Nardi.) Nardus frutex est odoratus in India nasces, cuius spicæ & folia in honore sunt & celebrantur, profuntque felle suffusis et ictericis. Estque nardi huius spica longe alia tum ab ea quam uulgus spicam nardi uocat, uirosi & hircini odoris herba; tum ab huic simili quam Ligu res Gallicam siue Celticam spicam, uulgus lauendulam uocat, boni & iucundi odoris flore, & cui colos sit inter purpuram & cæruleum. Oboli tres.) id est, drachma media. Obolus siquidem, quem aliqui perperam cum scrupulo confundunt, est scrupulus medius. Nam duo oboli scrupulum constituunt, sex uero drachmam. Laccæ.) Lacca, si Serapioni credimus, est quæ Dioscorides lib. 2. cap. 23. canchamum uocat. Dioscoridis enim autoritate dicit esse gumi siue lachrymam in Arabia nascentis arboris, & habere similitudinem aliquam myrrhæ, quæ Dioscorides tradit de canchamo. Et autoritate Rasis idem Serapio dicit laccam cadere ex cælo super ramos arboris gubera, id est mespili, in partibus Syriæ in insulis maris.
- Crudæ.)

Crudæ.) id est, non ablutæ, sed talis qualis ex arbore defudat. Myrrhæ.) Myrrha lachrymum est arboris Arabicæ, Aegyptiæ spinæ similitudine nascentis: de qua plura Dioscorides lib. 1. cap. 75. & Plinius lib. 12. capite 16. & decimosextimo.

NOMINA ATQVE VIRTU

TES HERBAE SYMPHONIA CAE.

HYOSCYAMIVÆ.

CAPVT III.



GRÆCIS Hyoscyamos dicitur & dioscyamos, alij adamāten, alij pythonion, alij [†] adamenon, alij hypnoticon, alij emmanes, alij auginon, alij dithyrambion appellāt, Pythagoras, Prophetæ, Osthānes [†] xylechion, Zoroaster typhonion, Latini insanam uocāt, aliqui Apollinarem, alij alterculum, alij symphoniācam, alij calicularem, alij dentariāam appellant, Punici gīngan, Aegyptij sa-phtho, Phryges remenīa, Thuscī fabulonīam, Galli belinunciā, Daci dielian, Prophetæ Aegyptij ligeam. Thyrsos est fruticoso, multirami, folijs nigris, scissis, hirtis; balanos generans, ut est mali Punici ampullaceum appellatum, obstrusos quidem scutulīs & semine plenos, paulo longiori papauere. Sed sunt differentiae eius tres. Nam altera flore purpureo ac semine nigro. Altera flore nigro & semine fuluo: sed utraq; sumētes in furiam mittit, appellataq; inde est maniopeos. Tertia semine atq; flore albo. Nascitur locis incultis & sabulosis, uel hortis, & littoribus ruderibusq;. Eius succus similis est meconi herbae. Medetur ergo hyoscyamos candidior, & has habet uirtutes.

aliās an
timea
non.

aliās xy
leon.

1 Ad aurium dolorem.

Herbæ symphoniacę succus tepefactus cum oleo rosaceo & in aurem instillatus, aurium dolorem mirifice tollit; & si uermes fuerint, necat eos.

2 Ad omnem tumorem.

Herba symphoníaca cum stercore ouillo & modico aceto, factum quasi malagma, imposita tumorem tollit.

3 Ad dentium dolorem.

Herbæ symphoniacę radíx cocta in uíno austero, & data ex eadem coctíone sorbitio, ita ut eam intra dentes qui dolent, teneat, mox sanat dentiũ dolorem.

4 Ad inguinum dolorem.

Herbæ symphoniacę radíx alligata femorí, & dolorem & tumorem tollit.

5 Ad pedum dolorem.

Herba symphoníaca alligata pedum dolorem tollit, & tusa omnis cum sua radíce & super pedes imposita mirifice tumorem tollit, & dolorem pedũ aufert.

6 Ad iocinoris & pulmõis dolores.

Herbæ symphoniacę succum da bibere, cũ summa admiratione sanabit.

7 Ad muliebris pectinis dolorem.

Herbæ symphoniacę succum mixtum cum croco dabis in potionem & miraberis effectum.

COMMENTARI.



ARIANT in capitis huius inscriptione exemplaria. Sunt enim quæ de Apollinari herba, quam hyoscyamon uocāt, titulum illi præscribant, nec male etiam, quoniam proprie & simpliciter

pliciter Apollinaris à Romanis uocatur. Alia uero titulū illi præfigunt, quem nos reddidimus: nec id quoq; perperam, ni fallimur: fuitq; tituli nostri inscriptionis causa, tum aliorum exemplariorum inscriptio, tum quod in curationibus semper symphoniacā nominat herbā hanc, tanquam temporis illius communi & uulgato nomine, tum demum & potissimum ne in Apollinaris nomine error contingeret, præsertim quia infra cap. 22. alteri herbæ hoc nomine titulum præscribit, quum tamen illa nō simpliciter Apollinaris, sed cum adiuncto, minor à Romanis antiquioribus nominata sit. Cæterum quod ad nominis Apollinaris rationem attinet, sciendum hoc nomine insignitam esse hanc herbam, ab Apolline medicinæ deo facta nomenclatura, idq; eam ob causam, quod doloribus mitigandis quasi diuino beneficio & ab Apolline concessam uim habeat: quæ causa etiam fuit ut Pythion à Pythio Apolline, & *διοςκῡαμος*, id est, dioscyamos, hoc est, Iouis faba appellata sit. Hyoscyamos uero, id est faba porcina (nam *ὕς* suem, *κῡαμος* fabam significat) dicta est, ut Helianus refert, quod pastu eius conuellantur sues præsentis mortis periculo, nisi copiosa aqua statim se foris & intus proluerint. Nunc deprauate iusquiamus dicitur. Vulgo pilisam uocant, & inde Germani *Pilsen krut*. Symphoniacæ.) Symphonica Græca dictio, à Latinis tamen usitata: sic dicta herba, ceu Dioscoridis interpres Marcellus Vergilius Florentinus suspicatur & credit, quod quemadmodum ad musicen quæ symphonia cōstat, & symphonia etiam dicitur in hydraulicis organis, quæ à Viétruuio lib. 10. architecturæ descripta sunt, regulæ duæ scalaris forma erectæ cymbala quædam deinceps disposita sustinebāt, quibus deinde spiritus & aquæ impetu pulsus modulatio fiebat: sic in caulibus herbæ huius cytini illi dispositi deinceps symphoniaci instrumenti illius imaginem aliquam ostenderent. Adamanten.) Adamas, ut remur, appellata est ab effectus sui fortitudi-

ne & efficacia, eo quod quemadmodū lapis adamas magneti suppositus ligat ipsum ut ferrum attrahere nō possit: sic etiam herba hæc soporando hominem ligat, quo sensibus & uitæ munijs uti non ualeat. Adamenon.) Adamenon dictum uidetur quod insaniam faciat & furiam, nec paruam quidem, sed grādem ipsam & quasi infernalem, ab ἀδης quod infernum, & μῦθος quod iram, mentis commotionem, amentiam et insaniam significat. Porro exemplaria nostra nō adamenon, sed antimenon scriptum habent, quasi contra insaniam faciens, ab ἀντι, quod est contra, & μῦθος insaniam: eritque tūc nominis causa quod somnum & soporem gignēdo furere & insanire nō sinat, sed insanos mites reddat. Potuitque ita ab utroque effectu nomen indepta fuisse hæc herba: nam, ut Dioscorides tradit, insaniam gignit & soporem, præsertim prima & secunda species, ambæ infelicis in usu euētus, maxime nigra, quæ quod omnium pessima, ex omni usu abdican da erit. Hypnoticon.) id est, somnificum & soporiferum, à somno quem inducit, & Græce ὑπνός dicitur.

Emmanes.) id est, ἐμμανής, hoc est, insana, à maleficio, quod ad insaniam & furorem agat, sic dicta: quæ causa etiā fecit ut maniopeos uocata sit. Auginon.) Sic dictum est à floris splendore. Dithyrambion.) id est, bacchicam quasi ebriam, à Baccho qui dithyrambus dictus est, ἀπὸ τοῦ διὸς ἐκ τοῦ θυραμνοῦ ἀναβαίνειν, id est, à bis inducēdo ad ianuam, quoniā uinum ad corporis ianuam, quod os est, frequenter secreta perducit. Appellata est autē hoc nomine herba, eo quod quemadmodum uinum copiosius sumptum ebrietatem facit, sic etiam hæc herba pota in cibōue sumpta ebrietati similem amentiam facit, & ceu uini natura mentem caputque infestat. Pythagoras.) Pythagoras Samius philosophus clarus sapiētia, qui medicæ artis peritus, primus, ut Plinius scribit, uolumen de herbarum effectu composuit, Apollini Aesculapioque & in totum dijs immortalibus inuentione & origine assignata,

gnata. Is etiam quemadmodum Empedocles, Democritus & Plato ad magiam discendam nauigauit, & exilijs uerius quàm peregrinationibus susceptis, Perfidis, Arabiæ, Aethiopiæ Aegyptiçq; magos peragrauit, & reuersus magiam ipsam prædicauit & in arcanis habuit. Meminit Pythagoricæ peregrinationis etiam Valerius Maximus memorabiliũ lib. 8. cap. 7. (Osthanes.) Osthanes hic magus fuit, de quo sic scribit Plinius. Primus quod extet, ut equidem inuenio commētatus de magia erat Osthanes, Xersen regem Persarum bello quod is Græciæ intulit, comitatus, ac uelut semina artis portentosa: aspersisse obiter interfecto quacunq; commeauerat mundo. Diligentiores paulò ante hunc ponunt Zoroastrem Proconnesium. Quod certum est, hic maxime Osthanes ad rabiem non auiditatem modo scientiæ eius Græcorum populos egit: quanquam animaduertam summam literarum claritatem gloriamq; ex ea scientia antiquitus & penè semper petita. Hæc ille lib. 30. Et paulò post eodem loco: Non leuem, inquit, & Alexandri magni temporibus auctoritatem addidit professione secūds Osthanes comitatu eius exornatus: planeq; quòd nemo dubitet orbem terrarum peragrauit. (Xylechion.) Xylechion siue, ut exemplaria nostra habēt, xyleon dicta uidetur hæc herba à ligno quod Græci ξύλον uocant, propterea quia frutex est caule crasso & lignea duritiæ quadā prædito. (Zoroaster.) Zoroaster hic magus fuit Persa, Oromazi, ut Plato scribit, filius, & magicæ artis ueluti parens celebratus, ut à quo primum ipsam repertam adfirmēt. Iustinus & Orosius Bactrianorum regem faciunt, qui eodem die, ut Plinius, imò, ut Solinus refert, eadem hora qua genitus est, risit, manifesto futuræ sciētiae præfagiò. (Typhonion.) Typhonion appellata est à Typhone uento, quod quemadmodum is uiolenter in orbem actus, ut Aristoteles in Meteoris scribit, deijcitur, & hinc circulo uertitur, ac cui cunq; rei incidit uim ualidissimam infert; sic etiam herba

hæc gustata, mentem caputq; infestando uim illis infert, & amentiam ebrietati similem & capitis uertigines facit, quibus homo concidit, & se & omnia quæ circa ipsum sunt, in gyrum uerti & circumagi putat. Insanam.) Quemadmodum apud Græcos à maleficio emmanes, sic eadem ratione ab eodem effectu quo insaniam facit, dicta est à Latinis insana. Alterculum.) Alterculum diminutiuum est ab alterco, sic dictum ab alterando quod hominis mētem alteret, & à rationis usu alienet. Scribonius Largus compositione medicinali 181. Altercum, inquit, quod Græci *ὑποκύαμον* uocant, qui biberunt, caput graue uenisq; distentum habent, mente abalienabūtur cum quadam uerborum altercatione, inde enim hoc nomen herba trahit altercum. Plinius altercū & altercangenum Arabica uocabula esse tradit. Calicularem.) Calicularis dicta est à filiquarum & uasculorum quibus semen continetur multitudine seu potius forma rotūda. Quemadmodum enim calix poculi genus & uas pitorium est rotūda specie, sic & hyoscyami herbæ filiquæ & caliculi. Dentariam.) Dentaria nuncupata est eo quod radix eius dentium dolori medeatur. Phryges.) Phryges dicuntur qui Phrygiam incolūt, quæ minoris Asiæ provincia est, & Troadi superiecta. De qua Plinius lib. 5. capite ultimo. Thusci.) Thusci populi sunt Italiæ Thusciam incolentes, quæ à sacrificio ritu Græcorum lingua sic appellata est, ut refert Plinius, quum prius Tyrrhenia diceretur. Vel, ut aliqui uolunt, à Thusco Herculis filio. Fabuloniam.) Fabulonia dicta est, eo quod in caulibus non aliter quàm in fabalibus uascula & caliculi eius deinceps dispositi hærent. Hactenus de nomenclaturis. Thyrso fruticoso.) id est caule fruticē imitante. Nam, ut Dioscorides ait, frutex est crassis coliculis. Frutex autē dicitur, qui ad iustam magnitudinem arboris non ascendit, & statura similis est multis herbis, sed non demoritur neq; arescit ut herba, sed perennis est. Folijs nigris.) id est,

id est, obscure uiridibus. Siquidē folia in herbis dicuntur alba aut nigra, nō quod uere albedo aut nigredo in ipsis dici possit: omnia enim, licet inæqualiter, uirent: sed quia alia alijs comparata, albescere aut nigrescere uidentur.

Scissis.) id est, quæ incisuris sunt diuisa. Hirtis.) id est, hirsutis & asperis. Balanos.) id est, caliculos & uascula ipsa quibus semen includitur, & glandibus, quas Græci βαλάνους, id est balanos uocāt, quadam tenus assimilantur. Vt.) id est, quemadmodum, sicut. Similitudinem enim importat. Mali Punici.) hoc est, mali granati: quod Punicum appellatum est à regione, granatum uero à granis, è quibus pressis uinum fit quod rhoiton uocatur. Sed de pomis his & eorum differētijs ac uiribus plura Dioscorides lib. 1. cap. 137. & Plinius lib. 13. cap. 19. ac lib. 23. cap. 6. Ampullaceum.) Ab ampulla quæ uasculi genus est, in Punico malo ampullaceū uocat, id quod Dioscorides & Græci cytinum nomināt: hoc est, florem & pomi principium, in cuius captu & ambitu futurum pomum iam tunc continetur, & quasi conceptus acinorum foetus ad maturitatem clauditur. Dictus quidem cytinus Græcis à tumore. κῦτ enim illis est quod ambitu & tumore suo aliquid capit & complectitur & in se claudit. Obstrufos.) id est, tectos, uelatos & conclusos.

Scutulis.) id est, clypeolis & uelaminibus, membranulis quibusdam solidis, quibus uasculi in quo semen continetur, aperturæ superiores & oscula conteguntur: quibus à natura illis prouisum est, ne roris aut imbris humor aliquis ad semen illac transire ualeat, quem aliās facile intra se recipere possent. Florē nigro.) Quod hic ait, flore nigro, id Dioscorides ἀνθὸν μωλοειδῆ, hoc est, ut Hermolaus Barbarus uertit, flore mali effigie: ut Marcellus autem, flore luteo. Qui qualis sit, docet nos Fronto apud Aul. Gellium Atticarum noctium lib. 4. dicens, Color rubidus autem & rufus atrore & nigrore multo mixtus. Luteus cōtra rufus color est dilucidior, unde ei quæ

nomen esse factū uidetur. Semine fuluo.) Color fuluus, ut dicto iam loco apud Gellium ab eodem Frontone traditur, uidetur de ruffo atq; uiridi mixtus: in alijs plus uiridis, in alijs plus ruffi habere. Flauus cōtra uidetur ex uiridi & ruffo & albo concretus. Inde.) scilicet ab effectu quo infaniā facit. Maniopœos.) id est, infaniam faciens: à uerbo ποίω quod est facio, & μανία mania, infania & furor. Sabulosus.) Locus dicitur sabulosus à sabulo, quæ harena est grossior. Ruderibus.) scilicet ueteribus, quæ sunt materia ueterum pauimentorum, & diruptorum ædificiorum, quæ lapidibus & testis confractis, calceq; harena commixta constat. Inter antiquos codices quidam huius loco habet, maceris. Est autem maceria siue maceries murus & paries ex solis lapidibus sine calce factus. Similis.) scilicet quantum ad eius naturam & uirtutem effectumq;. Meconi.) id est, papaue-

C. 4. ri, quod μίκων mecon Græce dicitur. Inguinum.) Inguina dicuntur pudendorum pars circa femora supra forotū & infra peritoneon sita, alioq; nomine pubes & 7 pecten appellata. Muliebris pectinis dolorem.) Intel-
ligit dolores potissimum qui muliebrium locorum uitio & exuperante sanguinis menstrui profluuio contingunt & in pectine sentiuntur. Est autem pecten pars ea quæ sub umbilico pilis horret & hirsuta est, alio nomine pubes aut inguen appellata, Iuuenalis,

Inguina traduntur medicis iam pectine nigro.

Croco.) Crocus notus est, & Arabice atq; Germanice Safran dicitur. De cuius uirtute plura Dioscorides libro 1. cap. 25, & Plinius lib. 21, cap. 20,

NOMINA ET VIRTUTES

HERBÆ VIPERINÆ.

CAPVT V.



GRÆCI Elenion, ἰδὲ echidnion, ἴδὲ the-
riorhizon, Latini inulam, ἴδὲ uiperinam
& serpentariam, ἴδὲ radicem Macedoni-
cam nominant. Nascitur secus flumina uel
segetes, folijs mollibus, gustu aspero, Leges eam men-
se Aprili.

Ad uiperarum morsus.

Herba uiperina trita cum uino potui data, mirissi-
ce morsus uiperæ sanat, & uenenum discutit.

COMMENTARI.



VIPERINA hæc est, quæ uulgo nunc serpenta-
ria dicitur, & ab aliquibus quod tortuosam ra-
dicem habet, bistorta nominatur, folijs oxyla-
pathi similibus, flore rubro, & radice rubra si-
mili galangæ. Dicta est autem uiperina & serpentaria ab
effectu quo uiperarum & serpētium moribus medetur:
quæ ratio etiā eadem significatione fecit ut à Græcis echid-
nion diceretur: ἰχθυόνα, Græcis idem est quod uipera La-
tinis. Elenion.) Elenion & inula uocata uidetur hæc
herba, quod quemadmodū proprie hijs nominibus in-
signita herba, sic etiam præsens contra serpentes & uene-
na ipsorum uim habeat efficacem. Theriorhizon.)
hoc est, radix serpentina siue uiperina. ῥίζα, enim radix
est. ὄφις, uero Græcorū medicis sunt uenenatæ bestię,
quæ morfu aut ictu uenenum relinquunt, & ueneni sui
ui & maleficio nocent, maximeq; uiperæ & serpētes, quo-
rum uenenis quia medetur hæc herba & eius radix, no-
mine hoc appellata est. Radicem Macedonicam.) Sic
dicta est à regione in qua laudatior nasceretur. Gustu
aspero.) id est, sapore qui gustu percipitur non admo-
dum iucundo, sed asperitatis quid gustando reliquente.

NOMINA ET VIRTUTES

HERBÆ ACORĪ.

CAPVT VI.



GRÆCIS dicitur Acoros, choros, aphrodisias, Gallis piper apium, Italis uenerea, radix nautica, & singentiana & unguentiana. Nascitur locis cultis & hortis ac pratis. Leges eam mense Augusto.

1 Ne apes examinent & effugiant.

Herbam acorum in uase apium suspensam habeto, apes nunquam effugient. Hæc sanè herba raro inuenitur, nec eam scire poteris, nisi cum flosculum emisserit.

2 Ad difficultatem urinæ, si quis facere non poterit, & stranguriam uesicæ habuerit.

Herbæ acorī radicem cum aqua decoctam ad tertias, dabis bibere per triduum, urinam mirifice deducit, & stranguriam sanat.

COMMENTARIUM.



CORVS, si eruditioribus quibusdā credimus, radix est odora, quam nunc falsò calamum aromaticum appellamus, quum nihil minus sit quàm calamus: & non est radix illa uulgaris & inuicundi odoris, quam nos esse putamus, uidelicet gladioli quod luteo flore cōstat, & à Germanis *gelb lilgen oder schwer tel wurz* uocatur, quæ potius fœtida est quàm odora. Et ego pro acoro utendum suaderem calamo uocato aromatico. Habet autem iridis folia acorus, angustiora tantum, radices eidem non dissimiles, implicitas, nec recta descendentes,

dentis, uerū obliquas & in superficie terræ, geniculis intersectas, colore subalbidas, gustu acres, odore nō ingrato: ut illam describit Dioscorides. Choros.) Choros dicta uidetur quod in alueis, quos Græci χωρήματα à uerbo χωρέω quod est capio, uocant, suspenſa apes capiat & detineat ne diffugiāt. Aphrodisias.) Sic dicta est Græcis à Venere quam ἀφροδίτω uocāt. Et hos Latini etiam imitati Veneream appellauerunt, fortē quia quemadmodum Venus specie & pulchritudine sua amabilis est, sic etiam herba hæc aromaticitate & odoris suauitate hominibus & apibus etiam amabilis, grata & iucunda est.

Piper apium.) Sic dictam putamus quod aromatico odore suo apibus adeo grata sit, ut in aluearibus suspenſa ipsas contineat ne procul effugiant. Radicem nauticam.) A nautis qui secus aquas habitant dicta uidetur radix nautica, eo quod plurimū secus amnes & in aquosis natales suos habeat, licet etiam in alijs locis nascatur: sed primæ habētur, suntq; in prima bonitatis æſtimatione acori radices, quæ in aquosis nascuntur, autore Plinio lib. 25. Examinēt.) Examinare idem est quod congregari: & inde examen, id est cōgregatio, ceu apium, uespasum, locustarum & similiarum examen, id est cōſtipatio, congregatio & unitio, ita ut mutuo contactu hærentia & simul ligata uideantur. Scire.) id est cognoscere. Quod autem nūc tradit, falsum potius putamus quæuerum. Ad difficultatē urinæ, &c.) Cōmemorat huius curationis inscriptione, tria difficilis urinæ genera, suis nominibus à Græcis etiam distincta & nuncupata. Primum quidē difficultatem ipsam, ubi scilicet ex uesica per colem multa difficultate & magno cum dolore atq; conatu fluit urina, & hæc Græce dysuria uocatur. Secundum quum quis urinam facere non poterit, & Græce ischuria dicitur, id est, integra urinæ suppressio seu uesicæ obstructio: ubi scilicet toto obstructo canali nihil urinæ omnino redditur fluitue, quod malum uitę periculum ferre so-

C. 1.

2

let, testante Galeno. Tertium quod Græce stranguria appellatur, id est urinæ aut uesicæ stillicidium, ubi exiguis per interualla stillis urina fluit.

NOMINA ET VIRTUTES

HERBAE LEONTOPODII.

CAPVT VII.



GRÆCI Leontopodion dicunt, ijdem leontopetalon, prapedilon, theribethron, lychnida agrian, lathyron, leuceoron, orobethron, prapedion, leontospermon, Aëtopon, platyphyllon, Dardanus cacalian, Punici gudubbal, Latini flammulam uocant Veneris, ijdem brumariam, papauer-culum & pedem leoninum. Nascitur sæpe cum tritico, thyr sis bipalmis, furcosis, in quibus ueluti cannæ binæ uel trinæ semen continentes, folijs coliculi agrestis similibus, radice nigra, rapæ simili. Nascitur etiam in campis & circa fossas & harundineta.

Si quis deuotatus defixusq; fuerit
in suis nuptijs, sic eum resoluas.

Herbæ pedisleonis frutices numero septem sine radicibus decoque cum aqua, Luna decresciente, lauto eum & teipsum qui facis, ante limen extra domum prima nocte, & herbam incende aristolochiã, & suffumigato eum, & redite ad domum, & ne post uos respiciatis, resoluiſti eum.

COMMENTARIIL



LONTOPODION, de quo hic agit Apuleius, herba est, quam Dioscorides libro 3. cap. 102. & Plinius lib. 27. cap. 11. sub leontopetali nomine describunt: non autem ea de qua sub hoc ipso leonto-

leontopodij nomine lib. 4. cap. 122. Dioscorides, & lib. 26. cap. 8. & 15. agit Plinius, & amoribus accommodata aliorum autoritate fertur, licet hæc nostra etiam ad amatoria sit non inutilis, & hoc amplius quod contra incantamenta & fascinationes quibus quis ligatur & ad Venerem idoneus & inefficax redditur, amuletum est & alexipharmacum. Nam quemadmodum leonum sceminae quibus magna coitus libido est, commissi cum pardo adulterij culpam flumine abluunt, & ita ad maritale torum & legitimam Venerem regressum sibi recuperant & impetrant: sic etiam hac herba expiati & abluti qui fascinati sunt, & quibus Venereorum facultas incantamenti intercepta & adempta est, à fascino & maleficij noxa solvuntur & liberantur, atque ad Venereorum usum idonei redduntur & ualidi. Habet autem appellationis suæ originem ab animalium omnium generosissimo, cæterisque imperitante leone. Leontopodion enim nihil aliud est quam planta leonis, hoc est, pes leonis. λέων siquidem est leo, πῆς uero pes, & quibus leontopodij nomen compositum est. Et sic dicta uidetur herba quod folia habeat instar leonini pedis formæ lata. Demum quod historiæ ipsius deest, sunt flores quos puniceos habet anemone similes, ut tradit Dioscorides. Leontopetalon.) Sub hoc nomine tractatur à Plinio & Dioscoride locis iam dictis. Estque nihil aliud leontopetalon, quam leonis folium. πῆταλον enim Græce, folium est Latine. Prapedilon.) Prapedilon dicta est à pedum parte infima, quæ planta & solea dicitur, à Græcis autem πῆταλον, idque etiam forsitan ob latitudinis folij similitudinem quandam ad latitudinem soleæ pedum. Quæ latitudo etiā fecit ut platyphyllon, id est latifolium diceretur. πλατύς enim latus dicitur, φύλλον folium. Theribethron.) Theribethron dictum est, eo quod radix eius serpentium & uenenatorum, quæ Græci θηρία dicunt, moribus medetur. Lychnida agrian.) id est agrestem lychnin. Sicque dicta est à floris figura, quemad-

modum & papauerculum: hi enim flores magnitudine, colore & figura nonnihil similes inter se existunt. Lathyron.) id est cicerula: sicq; dicta est quod semen in filiquis ciceris modo gerat. Orobethron.) Sic dicta est ab eruuo, quod Græci ὀροβόρον dicunt, à seminis similitudine. Prapedion.) Prapedion dictum uidetur, quod in campis, planitie, uiridarijs, hortis: quæ omnia Græci πρᾶσιον dicunt, imò ut hic etiam ait, quod ubiq; nascitur.

Leontospermon.) hoc est, leonis semen. λεοντοσπέρμα enim semen est. Sic forsitan appellatum quod ficcatum ad unguium leonis speciem contrahatur & incuruetur semen.

Aëtopon.) id est aquilæ pedem. Videtur autem sic dictum quod semen cum ficcatur ad speciem unguium exanimatæ auis aquilæ contrahatur. Dardanus.) id est Troianus. Estq; gentis uocabulum, quo infra etiam nunc singulari nunc plurali numero utitur: nisi quis pro proprio nomine accipere maluerit. Fuit enim Dardanus magnus sicut Hosthanes & Zoroaster, sed posterior tēpore, cuius meminit Ioānes Picus in oratione de dignitate hominis, & Ioannes Reuchlin in libris de Verbo mirifico.

Cacaliam.) Ita fortassis uocata est quod ad amatoria fit utilis, quemadmodū proprie sic uocata herba, de qua Dioscorides lib. 4. cap. 114. & Plinius lib. 25. cap. 9. & leonticen etiam uocari dicunt. Flammulā Veneris.) Flammula Veneris appellata est à floris colore flammeo, puniceo, rubido ac roseo, qui Venerē maxime honestat & decorat. Furcosis.) id est, ramosis & plurium ramusculorum. Cannæ binæ &c.) Hunc Dioscorides numerum nō ad cannas, id est filiquas, sed ad semen in eis contentum refert iniquiens, In summo filiquæ cicerum sunt, & in hijs duō triaue semina. Plinius nullū numerum ponit, sed simpliciter ait, Semen in cacumine in filiquis ciceris modo. Coliculi.) id est, brassicæ, quam diminutiua forma à caule coliculū uocat. Brassica enim caulis est, sic dicta ob thyrsi sui magnitudinem. Harundineta.)

Harun-

Harundinetum dicitur locus harundinibus confitus.

Deuotatus defixus (q.) hoc est, incantamento & fascino, maleficio (q.) à Venere prohibitus, detentus, ligatus & interdictus. Resoluas. id est, à meleficio ueneficio (q.) liberes & efascines. Frutices. id est, thyrsiculos, coliculos & furculos. Eum. scilicet qui fascinatus est & ligatus. Facis. id est excantas, expias & lustras. Prima nocte. scilicet Lunæ decrefcentis. Aristolochiā. scilicet rotundam, quæ contra medicamentorum noxas omnes utilis est, teste Dioscoride. Post uos. id est, à tergo & retro.

NOMINA ET VIRTUTES

HERBÆ SCLERATÆ.

CAPVT VIII.

RÆCI Batrachion, aliqui gelotophyen, alij mileon, alij coriannon, alij corion, alij stactycen, alij causticen, alij clonon, alij rhuselinon alij catastacticen, alij hephæstion, alij lycopnon, alij selinon agrion, alij selinon hydation, Aegyptij synechon, ijdem carcadana, ijde nemecon, Latini apium rusticū, ijdem apium risus, ijdem herbam scleratam, ijdem apiastellū, ijdem dentariam, ijde auricomum. Nascitur locis humidis & aquosis. Si quis homo eam gustauerit, ridendo exanimatur. Est enim caustica. Sunt eius species quatuor, quarum altera cum folijs pinguibus atq; crassis & latis, colore alia subalbido, alia uelut nigro, cum flore simili uel purpureo, thyrsocubitali, minime robusto: radice alba cū adnatis germinibus uel erumpentibus tanquā in helleboro. Nascitur autem in stagnosis uel umbrosis locis. Secunda

est longioris thyrsi & folijs hirtis cum incisuris, gustu acerrimis. Nascitur sæpe in Sardinia. Tertia est breuissima, tetri odoris, atq; incendiosa cum floribus aurorolis. Quarta est cum floribus lacteis.

1 Ad ulcera chironia.

Herbam sceleratam tufam cum axungia sine sale impones uulneri, excomedet putredinem, & si qua fuerit sordes, expurgat: sed nō diutius patiaris quam necesse est, ne & corpus sanum exedat. Si argumentum rei experiri uolueris, tūde eam & super manum sanam impone & alligato, statim rodit corpus.

2 Ad strumas & furunculos & apostemata, ut sine ferro aperiantur.

Herbam sceleratam tufam & subactam cum fimo porcino impone strumis, furunculis & apostematibus, intra paucas horas discutit, & pus eiecit. Legeam omni tempore.

COMMENTARIUM.



ERBAE à Latinis ranunculus, à Græcis uero batrachion uocata, quatuor ab autoribus traduntur species, quarum omnium tametsi una & eadem sit uirtus, de ipsis tamen diuersis agit capitibus, præsentī scilicet secundæ speciei, quam specialiter sceleratæ nomine insignit, curationes priuatim tradens, tertiæ uero sub generali & communi omnibus batrachij nomine, priuatim etiam sequenti. Qui mos, ut de diuersis herbe alicuius generibus priuatim & seorsum diuersis agit capitibus, illi perfamiliaris est. Porro quod ad nominis sceleratæ rationem attinet, sic dicta est herba à maleficio, eo quod comesta maligni sit effectus, noxia & mortifera. Nam, ut hic testatur, si quis hominū eam manduca-

ducaverit, ridendo moritur. Quæ maleficij noxa etiam fecit, ut à Græcis nileon, id est sæua, sit dicta. Græcis enim νίλεον sæuum significat. Batrachion.) id est ranunculus, à ranis, quas βατράχους Græci dicunt, sic appellata herba, eo quod in aquis ubi ranæ degunt, nascitur, aut quia inter frutices ipsius ranæ frequenter inueniantur. Et hæc Græca appellatio communis est omnibus ipsius generibus, licet hic tertiæ speciei tantum appropriet capite sequenti. Gelotophyen.) hoc est herbam risus, cuius appellationis ratio & causa est, quod risus licet infelicis et lamentabilis commouendi uim & potestatem habeat, aut quod risus speciem comesta præbeat. γέλως siquidē Græcis est risus, φυτόν uero uis & natura, foetus itē atq; germen & planta siue herba. Coriannon & corion.) Hæ coriandri sunt appellationes huc translatae, eo quod, teste Plinio & Dioscoride, coriandro similia folia habet, præsertim prima ipsius species. Stacticen.) Stactice & catactice uocata est, quoniam humidis locis & prope aquas nascitur, σακτός enim liquidum & humidum significat. κατὰ uero idem est quod iuxta & prope. Causticen.) id est, incēdiosam & adurentem: eo quod ui & natura sua acri & urente membra quibus imponitur, ignis modo cum dolore adurat & exulceret. καυστικός enim adurens dicitur. Clonon.) id est, turbidā & perturbantem: eo quod mentem perturbādo alienationes faciat in cibo potūue sumpta, teste Dioscoride in σ. κλόνος enim turbationem significat. Rhuselinon.) hoc est, apium aquaticum, quod & paulò post selinon hydation eadem significatione à Græcis nominari dicit: quorum nominū ratio & causa est similitudo foliorū eius ad folia apij, inter cuius genera numeratur, & natales eius quia humidis & aquosis, ac, ut Plinius ait, humidis limitibus nascitur. Siquidem Græci σέλινον apium, ῥῆμα uero fluxum aquarum, & τὸ ὕδωρ aquam dicunt. Hephæstion.) id est Vulcaniam, à Vulcano, qui ἡφαιστός dicitur, & pro

igne accipitur, circa quē uersatur: nam decorum faber perhibetur. Sic autē dicta est herba, eo quod uis illi sit ignea, caustica & adurens. Lycopnon.) Lycopnos dicta est à maleficio, quod spiritum & uitam destruendo mortem acceleret & inferat, à uerbo λυκόω, quod est destruo & corūpo. πνοή uero spiritus est quo uiuimus & anima. Selinon agrion.) id est apium agreste & rusticum, sic dictum quod apio simile sit, & ruri ac locis incultis nascatur. Apium risus.) Apium risus appellatum est ob similitudinem apiorum sæpius iam dictam, & in quorum genere connumeratur, & à noxa qua comedētes illud ridendo moriuntur. Apiastellum.) Nomen hoc habet etiam à sæpius iam dicta apiorum similitudine. Dentaria.) Dentaria uocata est eo quod risus ab ea factus dentes aperiat & renudet. Seu quia dentium dolores admota sedat, & diutius commanducata radix, ipsos etiam frangat dentes, teste Plinio & Dioscoride. Auricomum.) Sic dicta à colore aureo quo flores conspiciuntur, præsertim tertiæ speciei. Hactenus de nomenclaturis. Exanimatur.) id est, anima & uita priuatur, moriturq̃. Exanimari enim est animam exhalare & mori. Caustica.) id est incēdiosa & adurens. Et hæc uis omnibus generibus communis est. Quod uel Plinius lib. 25. circa finem testatur inquit, Omnibus uis caustica si cruda folia imponantur, pustulasq̃ ut ignis faciūt: quare & caustice dicta est hæc herba. Velut nigro.) hoc est, ad nigredinem quandam uergentis, & ut Plinius ait, liuido. Flore simili.) scilicet liuido seu luteo. Thyrso cubitali.) id est caule altitudine cubitali. Est autem mensura cubitalis siue cubitus, mensura quanta patet à cubiti flexura usque ad summum medium digitum, quæ ex uigintiquatuor digitis seu palmis sex cōstat. Minime robusto.) hoc est, gracili & non adeo crasso. Germinibus.) id est paruis radiculis & capillamentis, quæ ex radice ipsa erumpunt & eisdem adnascūtur. Helleboro.) Elleborus est, qui

Latine

Latine ueratrum dicitur, cuius duo genera traduntur, album & nigrū, de quibus multa Dioscorides lib. 4. & Plinius lib. 25. cap. 5. Stagnosis.) hoc est, in paludibus & aquis stantibus, utq; Plinius ait, in limitibus humidis & opacis. Sardinia.) Sardinia mediterranei maris insula est, omnibus rebus & præcipue tritico fertilis & felix, sed æstiuo tēpore morbosa & pestilens: de qua plura Strabo lib. 5. Pomp. Mela lib. 2. Plin. li. 3. & Solin. ca. 11. In hac insula etiā herba hæc scelerata iusto largior prouenit, unde à poëtis Sardonia herba uocatur, & ab hac & eius tristi calamitosoq; affectu & maleficio, Sardonijs risus, pro uerbio dicitur. Vnde Dioscorides lib. 6. ait, Hæc herba in cibo potūue sumpta mentis alienationem, & cum labrorum contractione eas cōuulsiones facit, ut risus speciem uidentibus præbeat: à quo euentu etiā Sardonijs risus miserabili dicterio inter homines iactatur. C. 1. Vlcera chironia.) hoc est, ulcera antiqua & immedicabilia, quæ cicatricem difficilime contrahunt, nec facile sanescunt, sed si curari & sanari debent, medico peritissimo indigent, qualis fuit Chiron, qui primus talia mala ulcera sanauit, quam ob causam ab eo quoq; Chironia dicta sunt. Græci κακοκνή ελκν uocant, id est ulcera maligna, contumacia & rebellia, quæ omnibus rite decēterq; factis, tamen non sanantur, Celsus aliquando mala ulcera nominat: & chironiū proprii generis ulcus facit, priuatimq; de illo agit lib. 5. Vulneri.) id est, ulceri. Vulnus proprie dicitur in carnosā parte extrinsecus cesim percussimue facta continuitatis solutio, & hians patensq; apertura recēs facta. Vlcus uero dicitur quod per se nascitur, & intra seipsum corrumpitur, aut etiam ex præcedente uulnere quoquo modo putrescente generatur. Sed proprietas hæc & differentia nō semper obseruatur, ut hoc loco & sæpius in sequentibus uidere licebit. Excomedet.) id est consumet. Qua sordes.) id est aliqua sordities & immunditia. Non diutius quān̄ necesse est.) id est, non ultra

puris consumptionē & sordium deterfionem. Nam q̄pri-
mum emūdatum est ulcus, amouendum est medicamen-
tum, aliās enim & uiuā carnē corroderet exulceraretq̄.

Patiaris.) scilicet stare supra ulcus. Corpus.) id
est carnem. Corpus nunc totam massam corpoream, nūc
carnem ipsam & sanguinem significat. Martialis,

Viuebant laceri membris stillantibus artus,

Inq̄ omni nusquam corpore corpus erat.

Et Q. Serenus,

Noxia corporibus quædam de corpore nostro

Progeniuit natura.

Loquitur autem de pediculari morbo, qui phthiriasis di-
citur. Argumentum.) Argumentum inter alias signi-
ficationes suas, aliquādo idem est quod ratio, probatio,
& ostensio quæ rei dubiæ facit fidem, ceu præsentī loco.

Sanam.) id est, integram & quæ cute integra adhuc
tectā est. Strumas.) Strumæ sunt quæ alio nomine di-
cuntur chcerades & scrophulæ, de quibus dictum est in
præcedentibus. Et quia strumis medetur hæc herba, hinc
ab herbariis strumea quoq̄ dicta est. Plinius, Nostri her-
barij strumeam uocant, quoniam medetur strumis & pa-
nis parte in fumo suspensa, creduntq̄ ea rursus sata rebel-
lare quæ curauerit uitia, quo scelere & plantagine utun-
tur. Furunculos.) Furunculus, uti Celsus medicinæ
lib. 5. tradit, est tuberculum acutum cum inflammatione
& dolore, maximeq̄ ubi iam in pus uertitur. Qui ubi ad
apertus est & exit, superapparet pars carnis in pus uersa,
pars corrupta subalbida subrubra, quem uentriculū qui-
dam furunculi nominant. In eo nullum periculum est, e-
tiam si nulla curatio adhibeatur, maturefcit enim per se
atq̄ erumpit. Sed dolor efficit, ut potior medicina sit quæ
maturius liberet. Porro Plinius lib. 26. cap. 13. de furuncu-
lis sic scribere sibi permisit, Passim & in quacūq̄ parte ac
maximo incommodo nascuntur qui furunculi uocantur,
mortiferum aliquando malum confectis corporibus.

Aposte-

Apostemata.) *Αποσπμα*, id est apostema Græce, Latine abscessus, suppuratio, collectio & tumor, à concursu malorum humorum in corporis partem aliquā facto generatus. Galenus in diffinitionibus suis mutationem seu transitum corporis ex inflammatione ad pus esse dicit.

DE BATRACHIO

HERBA.

CAPVT IX.



NASCITVR locis sabulosis & campestribus aquosisq;. Radix eius uerticillo est similis, radículas paruas & tenuissimas habens, flore auroso. Punici atzicurur appellant. Virtutes porrò has possidet.

1 Ad lunaticos, qui cursum Lunæ patiuntur.

Herba batrachion si lunatico in ceruice ligetur lino rubro luna decrescente, cum erit signum tauri uel scorpionis parte prima, mox sanabitur.

2 Ad nigras cicatrices.

Herbam batrachion tusam cum sua radice mixto aceto impones his qui habent cicatrices nigras, exedit eas, & similem corpori reliquo reddit colorem.

COMMENTARI.



BATRACHION hoc tertia ranūculi species est, quā Apuleius hoc nomine speciatim insignit, & ab alijs secernit, quum alijs generatim omnia ipsius genera eo comprehendāt. Est autem batrachion hoc herba quam nostri temporis herbolarij pedem coruinum uocant, & cuius in uino macerate radicis

liquorem multi peste infectis ad sudorem eliciendum in potu exhibent, quod tamen faciendum ipse nequaquam consulo, imò summopere dissuadeo & prohibeo. Est enim caustica, exulcerās & noxia intra corpus assumpta. Estque alia etiam ab ea quam ueteres pedem coruinum & Apuleius noster galli crus uocat. Verticillo, spondilo.)

Verticillum, siue uerticulum, est instrumentum illud rotundum perforatum, quod mulieres in ducendo ex colo in filum lino aut uellerē aliquo adhibent fuso, & ipsum, quo facilius uertatur, librant. Germanice uocatur *ein wir*

C. 1. *tel.* Lunaticos.) Lunatici dicuntur in quos luna agit, & ut Apuleius ait, qui cursum Lunæ patiuntur, quales sunt potissimum qui comiciali morbo laborant, aut insania, alioue morbi genere quoque certis Lunæ temporibus grauantur & agitantur. Sed de prioribus præcipue loquitur Apuleius. Cervice.) id est collo. Est enim medicamen hoc ex amuletorum genere, quæ sic dicta sunt ab amoliendo. Sunt autem amuleta, omnia quæ superstitiose corpori adalligantur, aut è collo suspenduntur & expiandorum malorum gratia gestantur: ceu sunt herbarum radices & herbæ ipsæ, religionē cōsecratæ preces, syderum obseruatione factæ imagines, & id genus alia quæ ad naturæ aut fortunæ iniurias arcendas portantur. Parte prima.) hoc est, in primo gradu quo Luna in horū signorum alterutro decrescit. Cicatrices.) Cicatrices uocat cutis corporis decolorationem & maculas, quas Græci stigmata uocant. Exedit.) id est exterit & delet atque emendat.

NOMINA ET VIRTUTES

HERBÆ ARTEMISIAE.

CAPVT

X.

A Græcis



GRAECIS dicitur toxotis, alijs ephesias, alijs charistelochia, alijs lysas, alijs parthenion, alijs hypolyfos, alijs anactorion, alijs sozusa, alijs leucopis, Prophetæ hæma anthropu, alijs onicæthen, alijs chrysanthemum, alijs zathesien, alijs theonisin, alijs busbastheoscardian, alijs off' anthropu, alijs hæma cronu, alijs gonos hephæstu, alijs philacteron, alijs lachanō basilico, Aegyptij anesen, alijs neiasar, Pythagoras pexasin, & toxobolon, Galli ponem, alijs titumen, Daci zyred, alijs zonusten, Itali Sirium, alijs serpillum maius, alijs ualentinam, alijs artemisiam, non pauci per se pollentem. Nascitur locis lapidosi & sabulosi. Hijs uirtutibus prædita est.

1 Ad iter faciendum.

Herbam artemisiam monoclonon, si quis iter faciens secum in manu portauerit, non sentiet itineris laborem. Fugat & dæmonia in domo posita, & prohibet mala medicamenta, & auertit oculos malorum hominum.

2 Ad pedum dolorem.

Herba artemisia monoclonos tusa cum axungia & imposita, pedum dolorem tollit.

3 Ad dolorem intestinorum.

Herba artemisia pisata & in puluerem redacta, cum aqua malsa potui data, intestinorū dolorē sedat.

COMMENTARI.



ARTEMISIA qualis herba sit, non docet Apuleius, quare ex Plinio et Dioscoride illam describemus. Est autem fruticosa herba similis absinthio, maioribus tantum folijs et pinguioribus. Eius duo genera. Altera speciosior & pinguior, latiorib.

folijs & crassioribus ramulis, & de hac præsertim monoclonono præsentî agitur capite, uocaturq; à Germanis *Rotbugken*. Altera est tenera tenuioribus folijs, exiguo flore, tenui, candido et graue olenti: floret hæc æstate. Nascitur in maritimis plerunq;. Et huius curationes sequenti traduntur capite, nostroq; tempore matricaria dicitur: Teutonice *Matreenen*. Sunt etiam qui in mediterraneis herbulam exilem, simplici caule, minimis folijs, flore copioso, tenui & colore rutilo, monoclonon etiam à singulari ramulo artemisiam dicunt, odore non iniucundo, & quæ odoris suauitate uincat antedictas. Et hanc Apulei leptophyllon, id est tenuifoliam credimus, nostroq; tempore athanasia & tanacetū, Teutonice *reinfar* appellatur. Nuncupata est autem artemisia herba, ut aliqui uolunt, ab Artemisia Mausoli regis coniuge, quæ ipsam adoptando cognominem sibi fecit, quo in herba & nominis & gloriæ suæ memoriam & monumentum naturæ æquæuum ad posteros transmitteret. Siue, ut alij uolunt, & e quorum numero est Apuleius, non ab hac, sed à Diana, quæ Græce *ἀρτεμις* dicebatur, nomen hoc adeptæ est, eo quod ipsa primo eam reperisse & uirtutes eius demonstrasse dicitur. Et quemadmodum prægnantibus & parturientibus, ut foetum sine aliqua interiorum locorum noxa facile in lucem ædere liceret, auxilio & adiumento esse credebatur dea illa uotis & precibus inuocata: sic etiam eiusdem deæ beneficio idem præstat hæc herba, & foeminarum malis, menses, secundas, foetusq; trahendo, & matricis præclusiones inflammationesq; sanando, priuatim medetur.

Toxotis.) Toxotis dici potuit, quod quæadmodum sagitta, quæ Græcis *τόξον* dicitur, ab arcu emissa, celerius euolat: sic etiam partus huius herbæ auxilio celeriter ex utero egreditur. Porro nos non toxotis, sed una mutata litera tocotis potius legendū putamus à partu, qui Græce *τόκος* & *τοκετός* dicitur, eo quod utilis & salutaris sit parturientibus. Ephesias.) Ephesias dicta est à regione &

ne & à Diana Ephesia, quæ templum dicatum habuit in Epheso urbe Lydiæ. Charistelochia.) Appellata est charistelochia, eo quod puerperis ad lochia pellēda fauorabilis & egregia sit opitulatrix. Sunt autem λοχία, Græcis quæ fœminis à puerperio in muliebribus locis supersunt secundæ & menses, & qui tunc fiunt partus dolores & partus ipse. χάρις uero & χάρισμα Græcis gratiam significat & beneficium, fauorem & beneficentiam. Lyfas.) Lyfas siue lyas, utrunq; enim legitur, dicta est à soluendo scilicet partu & excludendo fœtu & muliebribus malis liberando. λύω enim Græcis idem est quod soluo, & λύσις solutio. Et eadem est etiam ratio nominis, quod paulò post sequitur, scilicet hypolyfos. Parthenion.) Parthenion appellata est, quasi uirginea, eo quod uirgo dea scilicet Diana nomen illi fecerit. Πῆθεν enim uirgo est. Anactorion.) id est, herba regia. ἄναξ enim Græcis rex dicitur, & proprie dñs conuenit. Sicq; dicta est herba quod regina, dea scilicet Diana, nomē illi dederit, quæ ratio etiam fecit ut lachanon basilicon, id est olus regium uocata sit. λάχανον enim olus, & βασιλικόν regiū dicitur. Sozusa.) hoc est, salutaris & saluatricis, à præsentis scilicet remedio & auxilio sic dicta. σῶζω enim Græcis saluare est. Leucopis.) id est λευκώπις, dicta est à floris cādore & colore albido. λευκός enim albus est. ὤψ uero uisus, aspectus & oculus: à quo & eius forma onicanthe quasi asininus flos dicta est, ut qui asininos oculos quodammodo repræsentet. ὄνος enim asinus est, & ἄνθος flos. Et hæc alteri speciei conueniunt nomina, quæ florem habet chamæmelo similem, in ambitu candidis foliolis, intus uero in medio aurosum, à quo auri colore & aliam habet appellationem, & chrysanthemum dicitur, siue quia chamæmelo, quæ etiam chrysanthemis dicitur, sit quadā tenus similis. Et hæc est quam nunc matricariā uocant, & Apuleius artemisiam traganthen, graueq; olet. Hæma anthropu.) id est, sanguinem hominis: sic forsitan appel-

lata à colore rubro quo tanquã sanguine conspersa conspicitur, præsertim circa caulem: quæ ratio etiam fecit ut hæma cronu, id est sanguis Saturni diceret, αἷμα ἐμ̃ sanguis est, ἀνθρώπος homo, κρόν⊙ Saturnus. Zathesien.) Zathesie dicta est quasi diuina & admiranda ualde propter uirtutum efficaciam, & quoniã à dea inuenta sit herba. Ζάθε⊙ enim diuinus dicitur, Ζα particula augmentum dictionibus adferente, quũ per se nihil significet. Et sic etiam theonisis dicta est, id est diuina. Ost' anthropu.) id est, os hominis: ὀστέον ἐμ̃ siue ὀσθρ̃ os significat. Sic dicta forsan à duritie quadam ossea, qua particeps est caulis. Gonos hephæstu.) id est, semen & proles Vulcani, γόν⊙ enim idem est quod genitor, filius, proles & semen, Ἥφαισ⊙ Vulcanus. Sic dicta propter uim suam igneam & calfactoriam. Vulcanus enim ignis procreator, parens & deus habetur. Phylacterion.) Nuncupata est hæc herba phylacterion quasi custos & tutrix, eo qd̃ domos in quibus suspenditur tutas custodit à demonijs & malis medicamentis & incantamentis. Pexasis.) Sic appellata uidet̃ à caulis firmitate & robore duritiẽ: πῆξις enim firmitas est. Toxobolon.) Quemadmodũ superius tocotis pro toxotis, sic etiã nunc tocobolon pro toxobolon legendũ putamus, sicq̃ uocata est quod foetũ & partum pellere & eñcere sit potens & efficax. τόκ⊙ enim partus est, & βολεῖω iacio, βόλος iactus. Serpillum maius.) Dici sic potuit forsan à similitudine quadã cum serpillo. Valentina.) Valentina dicta est ab efficacia,

C. 1. quod contra morbos sit efficax & ualens. Ad iter faciendum.) hoc est, ut iter aliquod quantumuis longum, & diuturnum & asperum sine molestia, labore & dolore peragere & cõficere possis. Monoclonon.) id est, singularis ramuli ac simplicis uniusq̃ caulis. μονὸς enim solus & singularis unicusq̃ dicitur. κλών, ὠνὸς uero ramũ significat. Porro discernitur ab aliquibus in duo genera artemisia, utpote, in polyclonon, id est fruticosam, & monoclo-

noclonon, id est unicaulem, quam tãquam efficaciorẽ præsentĩ capite commẽdat autor, licet utraq; eiusdem sit effectus. Dæmonia.) id est dæmones, quos prisci grãmatici ab scientiã magnitudine quasi δαίμονας dæmones, id est peritos ac rerum scios dictos aiũt, teste Lactantio diuinarum Institutionum lib. 2. Quorum stulta gentilitas alios bonos ceu lares & eudæmonas, alios prauos ceu laruas, lemures & cacodæmonas arbitrabatur. Verũ sacra Christianæ religionis scriptura dæmonum & dæmoniorum odioſo, infesto & detestando Christianis nomine semper spiritus immundos et malignos, hominũq; inimicos, uexatores et seductores, & quicquid occurſaculorum terriculamentorumq; siue noctu siue interdium nobis aduersatur, obſistit, & perturbationi est, intelligit. In qua significatione dæmonia nũc etiam accipit Apuleius: licet contra in bonam partem & adiectiua forma dæmonium multi accipiant. Sic autor allegoriarũ Hesiodi Aristotelem, sic Plutarchus Platonẽ δαίμονιον dæmonium propter scribendi eminentiam cognominauit, licet diuersa ratione, quam refert in Antiquarum lectionum lib. 1. cap. 23. Ludouicus Coelius. Et sic etiam in artibus Dionysius Homerum δαίμονιότατον dæmoniotaton uocauit. Et Homerus reges δαίμονιες quasi εὐδαίμονας, id est felices & diuinos: contra & in malam partem plebeios & priuos δαίμονιες, quasi δυσδαίμονας & infelices. Mala medicamenta.) Medicamenta dicuntur quæ Græci usitato etiam Latinis uocabulo pharmaca uocant. Vſus est autẽ mali adiectione Apuleius, ut excluderet medicinas & remedia quæ bona sunt. Nec de malis omnibus loquitur, quũ enim in duplici differentia sint mala medicamenta, utpote alia quæ in natura uenena aut quæ ueneni maleficio noxia eduntur bibuntũrue: alia uero quæ data iniectione alicui, amare, furere aut tabescere cogunt hominem, & qualia sunt incantamenta, diræ & execrationes: hæc posteriora tantum per mala medicamenta intelligit

autor. Oculos malorum hominum.) hoc est, uisus effascinantium hominum, quales pluribus in locis esse non pauci memoriæ prodiderunt autores, ceu naturalis historiæ lib. 7. cap. 2. refert Plinius, quum ait, In Africa familias quasdam effascinantium Ifigonus & Memphodorus tradunt, quarum laudatione intereant prata, arescāt arbores, emoriātur infantes. Esse eiusdem generis in Triballis et Illyris adiicit Ifigonus, qui uisu quoq; effascinet, interimantq; quos diutius intueantur, iratis præcipue oculis, quod eorum malum facilius sentire puberes. Notabiles esse, quod pupillas binas in oculis singulis habeant. Cuius generis & fœminas in Scythia, quæ uocantur Vitæ, prodit Apollonides, Philarchus & in Ponto Thibiorum genus, multosq; alios eiusdem naturæ, quorum notas tradit in oculo altero geminam pupillam, in altero equi effigiem: eosdem præterea non posse mergi, ne ueste quidem degrauatos. Haud dissimile hñs genus pharmacum in Aethiopia prodidit Damon, quorū sudor tabem contactis corporibus adferat. Fœminas quidem omnes ubiq; uisu nocere, quæ duplices pupillas habeant, Cicerro quoq; apud nos autor est. Adeo naturæ quū ferarum more uescendi humanis uisceribus uim ingenuisset, gignere etiam in toto corpore & quorundam oculis quoq; uenena placuit, ne quid usquam mali esset, quod in homine non esset. Hactenus Plinius.

DE ARTEMISIA

TRAGANTHI.

CAPVT XL

Ad uesicæ dolorē & stranguriam.

Herbæ artemisiæ traganthis succum ex uino unicis duabus dato, febricitanti ex aqua calida cyathis duobus potui dabis.

Ad co-

2 Ad coxarum dolorem.

Herbam artemisiam traganthen tūdes cum axungia, & aceto bene subiges, & impones & alligabis, tertia die sanabit.

3 Ad neruorū dolorem et tumorem.

Herbā artemisiam traganthem tusam & oleo bene subactam impone, mirifice sanabit.

4 Hīs qui in pedibus grauiter dolēt.

Artemisiæ tragāthis radicem ex melle dabis manducare, & ita cito purgabitur, ut uix credi possit tantam uirtutem eam habere.

5 Si quis in febribus laborat.

Artemisiæ traganthis succus cum oleo rosaceo inunctus, febres tollit. Hanc herbam si confricaueris, laseris optimi odorem habet.

COMMENTARIE.



TRAGANTHES appellata est artemisiæ species hæc altera, quam alio nomine matricariam uulgo appellat, Teutonice *Matrenen*, et aliquando communi etiam alijs herbis nomine *Müterkrut*, ob floris odorem graue olentem. *ῥάγ* enim ultra alia significata sua, insuauem etiam & uirosam graueque olentem qualis sentitur sub alis & hirci quoque olent odorem significat. Et hæc alterius ueterum exemplariorum nostrorum et Dioscoridis est scriptura, Ceteri omnes tagetes habent, quæ lectio si cui magis placebit, sciendum est sic dictam esse artemisiam, eo quod ipsa inter alias herbas tanquam dux & princeps, quem Græci *ταγὸς* dicunt, primo & præcipuo loco sit habenda, unde etiam à Latinis mater herbarum aliquando appellatur, præcipue prior species illa de qua præcedenti capite actum est, quod uel

id cōfirmare potest, quod in fine post curationes subiungitur, uidelicet, Hanc herbam si cōfricaueris, laseris optimi odorem habet. Laser enim non iniucundi odoris est, aliās enim nō in ciborum usu fuisset. Verum utcunq; sit, nos totum caput hoc ad exemplaris nostri uetustissimi fidem reddidimus, nemini tamen prāiudicantes, sed unicuiq; iudicij sui & meliora sentiētis arbitrium relinquentes. Stranguriā.) Stranguria dicitur quando per interualla temporis guttatim & stillatim urina redditur & fluit, ad quod uitium aliquando uesicæ dolor sequitur, et Cato libri de re Rustica cap. 156. lotium substillum uocat.

Febricitanti ex aqua &c.) Hæc altera curationis huius pars, non contra febris iniuriam exhiberi præcipitur, sed contra uesicæ uitia quæ febris concomitatur, quibus quia uinū ratione febris non competit, ut quod febrilem calorem amplius accendat, ideo ex aqua febris qualitati contraria succum illum exhibere iubet. Quare perperam in prius impresso codice ex hac curatione pars hæc ablata, & ad solam febrem in alium locum translata est, cuius erroris causa etiam factum est, ut ultima contra febres cu-

- 2 ratio non bene in hunc locum transposita fuerit. Coxarum.) id est coxendicum, quas Græci *ἰσχία* uocant, & Galenus esse dicit ossa duo in posteriore hominis parte sacro ossi, in anteriore autem sibi inuicē infititionis modo adiacentia, in quorū ossium iunctura & articulo malum & dolor fit longus nec facile solubilis, per interualla temporis repetens, à coxendice usq; ad genua, & aliquando usq; ad imos pedes pertingens, quem morbū Latini coxendicem, Græci ischiada uocant, & ætatis nostri medici corrupta Græca uoce sciaticam pro ischiada nominant. Subiges.) Subigere est attrectare & inuicē agitare commiscereq; in unum. Purgabitur.) hoc est, à malis humoribus qui dolorem faciunt euacuabitur & emundabitur, sicq; ablata causa à morbo & dolore liberabitur sanabiturq;. Laseris.) Laser, quod & laserpitijū & silphion
- 4
- 5

& filphion et opos Cyrenaicus dicitur, quid sit, docet Plinius naturalis historiae lib. 19. cap. 3. Dioscorides medicinalis sylvae lib. 3. cap. 86. & Theophrastus in historia plantarum lib. 6. Hoc olim in multo ciborum & medicinae usu & magno honore dignitateque habitum, nunc quae res sit ignoratur, licet nomen omnibus notum, & quo in foetida aëre utantur, quae tamen teterrimi odoris ab antiquo laesepitio tum odoris sensu tum usu ipso quam longissime distat.

DE ARTEMISIA LE

PTAPHYLLO.

CAPVT XII.



ASCITVR circa fossas et sepes uel aggeres, & in agris frumentarijs. Flosculum eius uel folia si contriueris sampsyschi odorem habent.

1 Ad stomachi dolorem.

Herbam artemisiam leptaphyllon tufam & cum oleo amygdalino bene subacta more malagmatis induces panno mūdo & impones stomacho, quinta die sanabitur. Et si fuerit eiusdem artemisiae radix super limen aedificij suspensa, domui illi nemo nocebit.

2 Ad neruorum dolorem atque tremorem.

Herbae artemisiae leptaphylli contritae succo expresso, & mixto cum oleo rosaceo si perunges eos, de sinet tremor, & omne uitium tolletur.

Has tres artemisias Diana dicitur inuenisse, & uirtutes earum & medicinam Chironi Centauro tradidisse, qui primus de hijs herbis medicinam instituit.

Has aut herbas ex nomine Dianæ, quæ ἄρtemις Græce dicitur, artemisias nuncupauit.

COMMENTARIUM.



EPTOPHYLLOS, id est tenuifolia dicta est artemisia, à λεπτός quod est tenuis, gracilis & minutus, & φύλλον folium, & id propter foliorum exilitatem. Hanc nostro tempore athanasiam & tanacetum uocant, Germanice *reinfar*. Aggeres.)

Agger dicitur cuiuslibet rei coaceruatio: dicitur & medicæ uix eminentia ex terra & lapidibus effossis aggerata & coaceruata. Sampsychi.) Sampsychnus herba est odora, quæ & amaracus & maiorana uocatur: de qua Dioscorides lib. 3. cap. 43. & Plinius lib. 21. cap. 11. Stomachi.)

C. 1. Stomachum uocat Apuleius uentericulum qui cibi receptaculum est, in quo prima concoctio peragitur, in qua si gnificatione & nunc uulgo accipitur, & aliquando à Plinio & Celso, licet hic lib. 4. cap. 1. & 5. pro gula, ille uero libro 11. cap. 37. pro postrema gulæ parte cui mox uenter annectitur accipiat, quemadmodum Galenus pro gula & ore uentriculi. Oleo amygdalino.) Quod quo pacto conficiatur, docet primi libri cap. 31. Dioscorides. Nemo.)

2. nullum medicamentum, nullæ diræ, nulla execratio, nullum incantamentum, nec dæmonium, terribilimentum uell ullum. Diana.) Diana Iouis & Latonæ filia fuit, eodem cum Apolline partu ædita, perpetua uirginitate insignis, syluas colens, & uenationibus uacans, ob quod & sylvarum nemorumque dea credita est & habita, Græceque Artemis dicta est. Chironi Centauro.) Chiron Centaurus Saturni & Phylliræ filius fuit, qui cum argonautis nauigauit, quorum medicus fuit: medicinam et herbarum uires inuenit, à quo medicinam didicit Aesculapius.

Nomina

NOMINA ET VIRTUTES

HERBAE LAPATHI.

CAPVT XIII.



LAPATHON, Romani dicunt rumicem. Na-
scitur locis sabulosis & aggeribus, uel aquo-
sis uel hortis & circa fossas.

1 Ad paniculam quæ in inguine
nascitur.

Herbam lapathon contundes cum axungia uete-
re sine sale, sic ut axungia dupla sit ad herbam, & hīs
bene commixtis facies exinde uelut rotundulam, &
inuolues in folio coliculi, & mittere eam sub cinerem
calidum, & cum caluerit, tunc impones super panicu-
lam, & panno ligabis lineo. Hoc enim eximium est et
ualde optimum.

2 Ad apostema.

Herbam lapathon tusam cum axungia, et factam
quasi malagma, induces in linteolo mundo & impo-
nes super apostema, mirifice aut spargit aut facit col-
lectionem, & aperit ulcus.

COMMENTARIJ.



LAPATHI siue lapathi, utrūq; enim dicitur, plu-
ra sunt genera. Vnum quod oxylapathon qua-
si acutum lapatium uocatur, palustribus locis
nascens, folijs duris & in cacumine acutis. Se-
cundum genus est hortense priori omnino dissimile, fo-
lia habens lata similia betæ. Tertiū est agreste, breue, plan-
tagini simile, molle & in terra iacēs. Quartum postremo
est quod quidam ab aciditate saporis oxalida appellant:

aliq̄ anaxyrida aut agreste lapathon uocāt, cuius folia tertio generi similia sunt, & eius caulis nō adeo grandis est, semen acuminatum, colore rubro, sapore acri, quod in caule & adnatis nascitur. Est & quod hippolapathon, id est grāde lapathon à Græcis uocatur, grande olus, in palustribus nascens, & easdem antedictis uires habens, auctor Dioscorides. Plinius hæc genera aliter tradere uidetur lib. 20. cap. 21. Cæterum quæ hoc capite traduntur curationes de omni lapatio intelligi possunt: licet primi generis quod oxylapathon dicitur, uirtutes seorsum tradat autor infra cap. 33. Præterea quartum genus nunc acetosam uocant, Cretes oxynidam uulgo dicunt, Germani

- C. 1. *ampferen.* Paniculam quæ in inguine.) hoc est, bubona inguinum, ubi frequentius nascuntur. Panicula diminutiū est à pano. Panus autem nihil aliud est quàm abscessus & apostema quod in adenibus & glandosis partibus nascitur, & præsertim in alis & inguinibus. Græci φούδελλον uocant, & à Celso lib. 5. sic describit, Phygethlon est tumor non altus, latus, in quo quiddam pustulæ simile est. Dolor distentioq̄ uehemēs est & maior quàm pro magnitudine tumoris: interdum etiam febricula, idq̄ tarde maturescit, neq̄ magnopere in pus cōuertitur. Fit maxime aut in uertice, aut in alis, aut inguinibus. Panem ad similitudinem figuræ nostri uocant. Exinde.) Exinde & exin idem significant quod deinde. Rotundulā.) id est trochiscum & pastillum, disci formam rotundā habentem. Coliculi.) id est brassicæ quæ caulis dicitur, & per diminutionem cauliculus & coliculus. Apostema.) Apostema est abscessus & tumor ex mali humoris in aliquā corporis partem deriuatione factus. Cuius duplex genus est, ut tradit Galenus Therapeutices libro 14. Vnū quum phlegmone in pus uersa, pus ipsum tãquam in sinu aliquo est collectum. Alterum quum nulla præcedente phlegmone, humor aliquis statim ab initio, isq̄ aliàs specie alius, cæterum omnino acris, in parte aliqua

colligitur. Spargit.) id est dispergit, discutit, dissipat,
dissoluit & annihilat.

NOMINA ET VIRTUTES

HERBAE DRACONTEAE.

CAPUT XIII.



GRAECIS dicitur Dracontea, alijs pythion,
on, alijs asclepias, alijs anchomanes, alijs san- *alias as*
chromaton, quibusdā t aphrissa, aliquibus *risaron*
therion, nōnullis schoenos, item dorcadion;

Prophetæ typhonion uocant, alijs crocodillion, Osthane-
nes, Zoroaster theriophonō, Aegyptij eminion, Ro-
mani draconteam dicūt & colubrinam. De draconis
sanguine nata esse fertur, unde dracontea uocatur.

Nascitur in montibus summis ubi sunt luci, maxime
locis sanctis: terra Apulia super saxis, tactu molli, gu- *alias dul*
stu t mordaci: radix eius ima, similitudinem capitis *ci, tan-*
draconis habet. *quā ca-*

Ad omnium serpentium morsus
& aspidum. *stanea*

Herbæ draconteæ radix ex uino trita tepesacta *uiridis*
potui data, uenenum omne discutit. *saporē*
habet.

2 Ad ossa fracta in corpore.

Herbæ draconteæ radix cum axungia facta quasi
malagma & imposita, mox ossa fracta de corpore edu-
cūt, & lapides extrahit. Leges eā mēse Iunio uel Iulio.

COMMENTARI.



DRACONTEA, quæ & draconion, dracuncu-
lus, serpentaria & colubrina dicitur: caulem ha-
bet rectum, bicubitalem, baculi crassitudine, &
uerficolorem innato leuore, purpureisq; ma-

m in

culis abundantem ut angui similis uideatur. Folia fert ruminicis sibi inuicem implicita. Semen in summo caule racemosum, colore primum cinereo, deinde quum maturuit rutilo capillamentorum croci puniceoque, gustu erodens. Radix est illi rotunda, bulbosa, tenui libro uestita, autor Dioscorides. Dicta est autem dracontea, non quia de draconis sanguine nata sit, ut fabulose narrat Apuleius, sed si Plinio lib. 24. cap. 16. credimus, quia radicem habet sub rutilam & draconis conuoluti modo intortam: aut potius quia caulem habet anguium modo maculosum & uersicolorem cum leuore: quæ causa etiam fecit ut colubrinæ, serpentariæ & alijs aliorum serpentium nominibus indicata & appellata fuerit. Pythonion.) Pythonion dicta est à Pythone dracone, qui ab Apolline sagittis confectus narratur. Asclepias.) Sic appellata est ab Aesculapio medicinæ antiquo autore deo, in cuius tutela fertur draco illi dicatus, sub cuius specie ipse quoque à gentilibus fuit cultus, & Romam ab Epidaurio uectus. Anchomanes.) Anchomanes dicta est ab ἄγκυρα, id est anchora, quod est hasta, eo quod foliorum forma quam in summitate habet acutam similis sit summitati hastæ acutæ. Sanchromaton.) Sanchromaton uocata uidetur à caulis colore & leuore nitoreque, tanquam nitens tabula. Ἐπίς enim tabula est & asser, χρώμα, uero color & nitor. Quod si quis sauiromaton legere maluerit, quæ forte uerior lectio fuit & Dioscoridis sauriariæ cōfinis, nihil prohibemus. Sciendum tamen tunc à lacertarum oculis sic dictam. Ὠφθαλμία enim & Ὠφθαλμία lacerta è serpentium genere est; coloris uarij ceu fului aut punicei aut cerulei, teste Plinio lib. 9. cap. 39. ὀφθαλμία, uero oculus est. Afrissa.) Vide num potius, ut putamus, legendum sit hoc loco arifaron, quæ huic congener planta est & bulbosa radice similis, quæ ob causam hoc nomine etiam uocari potuit, aut si maius aris agrion, id est aron agreste. Therion.) id est, serpentaria uel uiperina colubrinaue, à serpētibus, quos

quos Græci *θηρία*, id est theria dicunt. Schoenos.) id est iucus, qui cyperus dicitur & radix cyperis. Sic autem appellata est quod illi folijs aut bulbosa radice nō nihil similis sit. Dorcadion.) Dorcadion dicta est à caprea, quæ dorcas dicitur, eo quod folia habeat albescētibz maculis uariegata, quales & caprearum pelles habere uidentur, præsertim quæ aron dicitur. Typhonion.) Typhonion appellata est à Typhone gigāte, eo quod quem admodū filia ipsius Chimera inferioribus membris scilicet cruribus serpentinis & draconis specie fingitur, sic etiam planta hæc inferiore sui parte, scilicet radice intorta draconis conuoluti similitudinem refert. Crocodilion.) Crocodilion dicta est à crocodilo serpente, quod animal est quadrupes in Aegypto iuxta Nilum habitās, & terra pariter ac flumine infestum; unum terrestriū linguæ usu carens, & superiore maxilla mobili, de quo plura Herodotus lib. 2. Strabo libro ultimo. Plinius lib. 8. capite 25. & Solinus cap. 41. Theriophonon.) Theriophonon dicta est, quasi uiperarum cædes & pernities. *θηρίον* enim uipera est & serpens. *φόνος* uero cædes & mors. Sic autem appellata est, eo quod à noxa & morfu eorum tueatur, si quis herbæ folijs aut radice manus confricauerit, aut radicem effossam manibus gestet, ut scribit Dioscorides. Quin omnino habentem serpentes fugiūt, ideo percussis prodesse in potu aiunt, ut tradit Plinius lib. 24.

Luci.) id est syluæ. Lucus à sylua differt, quod hæc cædua sit, ille uero nequaquam, sed manu potius confitus & religiosus, à sacrificiorum luce sic dictus. Est enim sanctus & deo alicui aut hominis alicuius cineribus cōsecratus, quā ob causam & circa delubra deū aut sepulchra positus. Vnde subdit Apuleius, maxime locis sanctis. Apulia.) Apulia, quam Græci Dauniam uocant, teste Strabone, Italiæ regio est post Calabriam. Gustu mordaci.) Alterum exemplariorum scriptum habet, gustu dulci tanquā castanea uiridis saporem habet. Quæ lectio

aro potissimum conuenit, quod cum dracontea confun-
dere uidetur, congeneres enim plantæ sunt, sibi inuicem
nomina etiam communicantes, & sæpe una pro altera ac-
cipitur, suntq; easdem habentes uirtutes. Aspidum.)
C. 1. Aspis serpens est omnium perniciosissima, & cuius mor-
sus omniū maxime insanabilis habetur. Porro de aspide
plura Lucanus lib. 9. Solinus cap. 36. Plinius lib. 8. cap. 23.
& lib. 29. cap. 4. Aelianus de naturis animantium lib. 1. Dio-
scorides lib. 6. & Nicæder in Theriacis, necnon Galenus
alicubi & Aristoteles atq; Theophrastus. Mense Iunio
uel Iulio.) hoc est, ut Dioscorides tradit per messem. Et,
ut Plinius scribit, Dracunculus ordeo maturescente effo-
ditur Luna crescente.

NOMINA ET VIRTUTES

HERBÆ SATYRII.

CAPVT XV.

GRÆCIS dicitur Satyrion, alijs cynosorchis,
alijs entaticos, erythron, panion, serapion,
alijs orchis, Aegyptij menem, Galli urā, Ita-
li priapiskon, alijs orminalem, alijs testiculū leporinum
nominant. Nascitur in montibus locis solidis & cul-
tis, in pratis item & locis maritimis. Lege eam mense
Iunio uel Iulio.

1. Ad ulcera difficilia & cicatrices
nigras.

Herbæ priapisci radix tusa & imposita, ulcera ex-
purgat, & cicatrices curat.

2. Ad lippitudinem oculorum.

Herbæ priapisci succo cum melle optimo oculos
inunges, & lippitudines & dolores tollet sine mora.

3 Si quis ad mulierem non poterit
affectari, obligatus.

Herbæ priapisci radicem, id est testiculū dextrū,
qui maior est, teres cū piperis albi granis quadraginta
septem, ut in se habeat semūciam cum herba supra
scripta, & mellis uncias + quatuor, & in uīno optimo *alias*
medicamentum solues, & pondo scrupulorū nouem *tres.*
per triduū sumes, ad mulierem affectaberis cōtinuo.

COMMENTARI.



APULEIUS præfenti capite diuersarum herba-
rum, utpote utriusq; satyrī, utriusq; orcheos,
& orminī siue geminalis herbæ nomina & uir-
tutes, sub una satyrī appellatione confundit.
Quod non ob aliud factum putamus quàm quia omnes
ad Venerem stimulāt, & Veneræ libidinis coitusq; con-
citatricem uim habent, teste Dioscoride. Vnde fortassis
quia in hoc pares sunt, in alijs etiam nō impares uult esse
Apuleius, ideoq; siue unicam herbam, quæ proprie saty-
rion dicitur, siue omnes iam dictas intelligat, curationes
has sub uno satyrī nomine nobis proponit. Cæterū qua-
lis sit & quo facilius inueniri possit harū unaquæq;, haud
abs re fuerit singularum historiam subiungere, interim
non obliuiscens, cui magis propie unaquæq; ab Apu-
leio proposita curatio, iuxta aliorum traditionem, cōue-
niat. Itaq; satyrion duū generum est. Vnum quod à fo-
liorū numero triphyllon, id est trifoliū uocāt, quoniā tri-
bus plerunq; folijs fractis uiret, rumici, liliōue similibus,
minoribus tantum & rubentibus: caulem habet glabrū,
cubitalem: florem liliij figura & candidum: radicem bul-
bosam pomo similem, foris ruffo, intus candido oui co-
lore, gustu suauem & in cibo ori gratam. Alterum uero,
quod erythron dicitur, lini semini æquale semen habet,

maius tamen firminusq; & cum leuore splendens: radicis cortex exterior tenuis & rufus, interiora uero candida sunt, grata in cibo & dulcia uescentibus. Nascitur apricis montanis locis. Et utriq; horum generi sunt radices geminae, sed priori inaequales, nam maior semper altera: posteriori uero aequales & sibi inuicem pares. Et priori maxime propria est curatio hæc tertia ab Apuleio tradita. Orchis item duorum generum est. Vnus qui cynosorchis dicitur, qui folia habet circa caulem, & in ima eius parte per terram strata, molli oleæ similia, angustiora tantum longioraq; siue, ut Theophrastus tradit, folia habet scyllacea, minora tamen, & minore leuore nitētia: caulem dodrantalem, in quo purpureus flos panditur: radicem bulbosam, oblongam, duplicem, mutuo contactu cohærentem oliuæ figura, superiorem alteram quæ maior, uegeta & distenta est, alteram uero inferiorem quæ minor, languida & rugosa est. Nascitur planta hæc petrosis & fabulosis locis. Alter autem quem serapiadem uocant, & triorchin, folia habet porro similia, oblonga, latiora tantum pinguiusq;, ex alarum cauis emicātia & inflexa: coliculos dodrantes & purpurascētes flores: radix est illi minimis testiculis similis. Et huic maxime proprius est primæ curationis ab Apuleio positæ effectus. Demum est orminon siue geminalis herba folijs marrubio similibus, caulem habens quadrangulum dimidiij cubiti altitudine, circa quem exerunt se ueluti filiquæ in terrâ decliues, in quibus diuersum semen est: in syluestri enim rotūdum inuenitur, & medio inter nigrum & candidum colore: in satiuo autem oblongum & nigrum, cuius tantum usus est. Et huic proprie secunda appropriatur curatio. Postremo quod ad nominis satyrion rationem attinet, dictum est satyrion à Satyris dijs syluestribus in Venerem propensis, eo quod primi ad libidinem concitādam eam inuenerint & ostēderint. Siue quod quemadmodum ipsi natura sua in eam uoluptatem sunt potentiores, sic herba hæc homines

nes etiam ad eandē duret, & cōcitatiores firmioresq; red
dat. Cynosorchis.) id est canis testiculus. *κύων* em can-
nis, *ὄρχης* testiculus. Appellata est autem hoc nomine her-
ba à canum testibus quibus similis est radix: quę testiculo-
rum & radicum sibi inuicem cohærentium similitudo fe-
cit, ut etiam testiculus leporinus diceretur ab aliquibus.

Entaticos.) id est arrektorium, eo quod arrigendo ad-
Venerem stimulet & concitet membrum uirile: facta no-
minis deriuatione à uerbo *ἐνταίνω*, quod Græcis inten-
di & arrigere significat. Erythron.) id est rubrum, à
radicis colore, qui foris & in exteriori cortice rufus est,
facta appellatione. Panion.) Panion dicta est à Panis
agrorum dijs, & hoc eadem ratione qua satyrion à Saty-
ris. Sarapion.) Sarapion alterius orcheos proprie est
appellatio. Est autem sic appellata herba à Sarapi Aegy-
ptiorum deo, propter lasciuia impudētem qua is deus
Canopi ubi templum & cultu & religione excellens ha-
bebat, colebatur, uti Strabo tradit, qui geographiæ lib. 17.
post alia fic ait, Sed ante omnia ingens est eorum turba,
qui ad solennia per fossam ex Alexādia descendūt. Nam
die ac nocte nauiculis plena est uirorum ac mulierum im-
pudenter canentium ac saltantium cum omni dissolutio-
ne, & ijs præterea qui diuersoria habēt fossæ imposita ad
huiusmodi relaxationē & celebritatem idonea. Hæc ille.

Orchis.) id est testiculus. Sic dicta herba, quod radi-
ces sibi inuicem cohærent quemadmodum duo testiculi.

Priapiskon.) Priapiscos appellata est à Priapi ad Ve-
nerem semper parati lasciuia. Fuit autē Priapus Lampsa-
cenus, de ciuitate Hellesponti Lampfaco, qui quū ob uiri-
lis membri magnitudinem mulieribus solatio esset, Lam-
psaceni ipsum ciuitate expulere: sed post externis etiā mu-
lieribus gratus, tandem in deorum numerum receptus,
& hortorum deus creditus est. Cuius simulachrum por-
recto uirili membro fingeant & nudo. Vergilius,

Sed ruber hortorum custos membrofior æquo,

Qui tectum nullis uestibus inguen habet.

Orminalem.) Orminalis dicta est ab ormino propter effectus similitudinem & uim ad Venerem æqualem.

2 Lippitudinem.) Lippitudo est oculorum morbus, ubi cum inflammatione tumor hoc occupat & in his dolor est, sequiturq; pituitæ cursus, nōnunquam copiosior uel acrior, nonnunquam utraq; parte moderatior: qui lachrymis miscetur, ob quod palpebra interdum cum oculo quasi glutinatur. Est etiā aliud lippitudinis genus, aridæ scilicet, quod *ξηροφθαλμία* Græci appellant: in qua neq; tument neq; fluunt oculi, sed rubēt tantum, & cum dolore quodam grauescūt, & noctu præ graui pituita in-

3 hærescunt, autor Celsus medicinæ lib. 6. Affectari.) Vtitur dictione affectari pro affici, commoueri, stimulari & accendi ad cupiditates & libidinem Veneris. Obligatus.) id est maleficio & ueneficio incantamentoq; alligatus, detentus, deuinctus & impeditus, hoc est incantatus & fascinatus. Piperis albi.) Piperis triplex est differentia. Vnum enim est longum uocatū piper, quod arbor ipsius à principio siliquarum modo profert, quod priusquam dehiscat decerpitur, soleq; torretur. Per maturitatem uero dehiscens ostendit alterum, quod cādīdum appellatur piper. Quod deinde tostum solibus colore rugisq; mutatur in tertium, nigrum uocatum piper, autor Plinius lib. 12. & Dioscorides lib. 2. Semunciā.) id est unciam mediam, quæ stater dicitur, Teutonice *ein lot*, & cōtinet drachmas quatuor. Vncia autem est duodecima pars libræ, drachmas continens octo. Scrupulos nouem.) id est, drachmas tres. Drachma enim scrupulos continet tres. Scrupulus autem grana triticea, hordeaceæue, quibus pondera nunc metimur, pendet uiginti.

NOMINA ET VIRTUTES

HERBÆ GENTIANÆ.

Græci

CAPVT XVI.



GRAECI Gentianam dicunt, ijdem aloën gallicam, alij narcen, alij chironion, alij basiliscam, Dardanus aloiten, Itali gentianā, alij cyminalem. Nascitur gemellis montibus et locis umbrosis. Hæc herba ad omnia antidota facit, tactu molli, gustu amaro, scaposo. Virtutes habet,

*alias capit
put solidum.*

1. Ad serpentium morsus.

Herbæ gentianæ radicem siccam & in puluerem redactā pondō drachmæ unius dabis in uini cyathis tribus potui, ualidissime proderit.

2. Ad aures malas.

Herbæ gentianæ si dederis ut supra potum, miraberis uirtutem eius.

COMMENTARI.



QVALIS planta sit gentiana, & à quo inuēta, docet nos Dioscorides lib. 3. cap. 4. inquit, A Gentide Illyriorum rege inuenta primum gentiana esse creditur, à quo etiam factum illi nomen est. Folia quæ à radice statim se proferunt iugladi nuci aut plantagini similia habet colore rubescēte, à medio uero caule præsertimq; in summo cacumine breuib; incisuris diuisa sunt. Caulis illi est grandis, cōcauus, leuore nitēs, digitali crassitudine, duūm cubitorum altitudine, geniculis intersectus, maioribus interuallis folia proferens. Semen habet in florū doliolis latum, leue, glumosum, figura ad spondilij semen accedens. Radicē longam longæ aristolochiæ radici similem, crassam, amaramq;. Nascitur in altissimis montium uerticibus, ijdemq; umbrosis & aquosis. Vfus, ut Plinius ait, in radice & succo.

(Aloën gallicam.) Aloë gallica dicta est ob radicis similitudinem aliquam, quam utrumq; genus rectā subter

ram agit, Seu ab amaritudinis similitudine quā cum aloë gerit, & qua utraq; non parum participat. (Narcen, chironion.) Narce & chironion dicta est, eo quod radicē habeat figura quadam tenus similem radici centaurij maioris, quod etiam narce & chironion uocatur, quorū nō minum hoc à Chirone Centauro, illud uero à torpore illi inditum est. *ναρκη* enim Græcis torpor est. Basilicā.) id est regiam, quoniam à rege sit inuenta. *Βασιλεύς* enim Græce rex dicitur, *Βασιλικός* uero regius. Dardanus.) id est Troianus, à Dardania quæ prouincia est Asiæ minoris & Phrygiæ. Aloiten.) Aloitis dicta est à Dardanis, eo quod aloë etiam diceretur, aut eadem ratione qua aloë quoq; appellata est. Cyminalem.) Sic legitur etiam apud Dioscoridem, non autem comicialis, fuitq; facilis lapsus de una in aliam, mutata scilicet litera y in o, & litera n diuisa mutataq; in duas scilicet c & i, ut ita ex dictione cyminalis facta sit comicialis. Gemellis montibus.) Per montes gemellos intelligo alpes, & qui hijs subiacent subalpinos à Plinio uocatos, in quorum summis & altissimis uerticibus cacuminibusq; nascitur, uti testatur Dioscorides. In Illyrico tamen præstātissima prouenit, testante Plinio lib. 25. cap. 7. licet ubiq; nascatur.

Antidota.) Antidotum dicitur quasi contra datum, ab *ἀντί*, quod est contra, & *δόσις* datio. Dicitur autem maxime de medicamentis quæ aduersus uenena dantur: quam uis etiam quia grauissimis casibus opitulant, in alijs morbis aliquando, licet raro, præcipue tamen necessaria sunt, uti tradit medicinæ lib. 5. Celsus. Facit.) Facere hoc loco pro conducere, prodesse, & utile esse accipitur. Scapo solido.) id est uasculo integro. Scapus dicitur filiqua & uasculum in quo semen continetur, ut fabæ, papaueris & similium. Sciendum tamen in altero exemplariorū nostrorum hic non legi scapo solido, sed caput solidum, id est radix crassa & compacta. Vocat autem radicem caput, quia quemadmodum à capite in totum corpus nerui & per

per hos motus & sensus deriuantur, sic à radice tota planta exoritur & progreditur incrementumq; accipit.

NOMINA ET VIRTUTES

HERBAE CYCLAMINIS.

CAPVT XVII.

CIRCAEIS quibusdā dicitur cyclaminos, alijs cissarō, alijs cissanthemō, alijs cissophyllon, alijs chelonion, Zoroaster chelona symplantes, Osthaneas aspho, Prophetas miaspho, Aegyptij titothos, Itali orbicularem, alij palaliam, alij rapum terrae, alij rapum porcinum, alij terrae malum uocant siue panem porcinum, Syri elardia. Nascitur locis incultis aut montuosis.

1 Ad caput deplendum.

Herbae orbicularis succū cum uino aut aceto optimo naribus infundes, mirabiliter sanabit.

2 Ad aluum concitandam.

Herba orbicularis in collyriū facta & iniecta, catharticum est.

3 Ad splenis dolorem.

Herbae orbicularis succi cyathum unum, & acetū optimi cochlearia quinq; diebus cōtinuis nouem potui dabis, miraberis effectum bonum. Item radix eius in collo suspensa, ita ut contra splenem pendeat, efficaciter medetur. Nā & cyclaminis succo si quis antitigerit, mira celeritate alui solutionem experietur. Lege eam omni tempore.

COMMENTARI.



CYCLAMINOS qualis herba sit, nō docet Apuleius, quare ex Dioscoride illam describemus, qui ait hederæ folia habere, purpurea, uaria, supra infraq; albicantibus maculis. Caulem longitudine quatuor digitorum, glabrum, carentemq; folijs, in quo flores rosarū figura sunt colore ad purpuram inclinato. Radix illi est nigra, rapo similis in latitudinem se pandens. Nascitur umbrosis locis, præsertimq; sub arboribus. Dicta est autem hæc planta cyclamen siue cyclaminos, utrunq; enim dicitur: ab orbe qui κύκλῳ Græce dicitur, eo quod in orbem circumacta, & quasi rotunda sit radix eius. Quæ ratio etiam fecit ut orbicularis dicta sit à Latinis. Plinius lib. 15. tuber terræ etiam uocari dicit, & in omnibus ferendam domibus: si uerum est, ubi sata sit, nihil nocere mala medicamenta. Amuletum uocant, narrantq; ea ebrietatem repræsentari. Hæc ille. (Cissaron.) Cissaron dicta est quasi hederæ, eo quod folio sit hederaceo, id est hederæ figuram referente, à qua hederæ, quæ Græcis κίαν & κίανδον dicitur, appellata est etiam cissanthemon & cissophyllon, quorū hoc nihil aliud est quàm hederæ folium, illud uero flos hederæ. Chelonion.) Chelonion uocata est à testudine, quæ Græce χελώνη chelone dicitur, eo quod testudinis forma sit radix, siue quod ea testudo uescatur, ut aliqui uolunt. Palaliam.) Palalia dicta est à forma palæ quæ rusticum instrumentum est quo fruges & frumenta uentilantur purganturq; & alio nomine uannus dicitur & uallum, uelabrum, uetilabrumq;. Rapum terræ.) Sic appellata est eo quod radix rapo sit similis & sub terra latens. Et quia porcis ac suis gratus est cibus & pabulū, dicta est etiam rapum porcinum. Malum terræ.) Malum terræ dicta est à mali & pomi figura, & quia sub terra latet radix.

Panem porcinū.) Panis porcīnus est appellata, quia radix suis, ut iam dictū est, gratus est cibus, & à panis figura quæ in orbem acta est, nō tamen in globum assurgens,

gens, sed ueluti in medio pressa pondere in latitudinem se explicat. Et ab hac Latina appellatione Germani eam *Schw oder schwynbrot* nominant. Ad caput deplendum.) C.1. hoc est, ad capitis humores superfluentes minuendos & euacuandos, caputq; ab iisdem purgandum & alleuiandum, idq; sternutamenta ciendo & excitando. Aluu.) 2 Ventrem scilicet astrictum. Aluus dicitur in qua cibi postquam in uentriculo sunt confecti dilabuntur, & medio umbilico adnexa est. In collyrium.) Collyriū est medicina, quam Græci à forma *βάλανου*, id est balani, Latini glandem, & nostra ætate uulgo à supponendo anui suppositorium dicūt, quod uentris laxandi & emolliendi concitandiq; gratia in anum immittitur. Est etiam collyrium medicina ocularis, quæ in oblongā & balani glandisq; formam redigitur, & sic donec usui sit seruatur.

Catharticum.) id est purgatiuum & excrementorum atque humorum malignorum eductiuum. Cyathum 3 unum.) id est unciam unam cum dimidia. Cochlearia quinq;.) id est drachmas septē cum dimidia. Contra splenem.) id est e regione splenis & iuxta, atq; ut alia litera habet, circa splenem, qui Latine lien dicitur.

NOMINA ET VIRTUTES

HERBAE PROSERPINACAE

POLYGONIVE.

CAPVT XVIII.



POLYGONON, alij cynochalen, alij polygonaton, aliqui asphaltion, alij chiliophyllon, alij polycarpon, alij carcinethron, alij clinopodiontes, alij myrtopetalon, alij heraclian, aliqui pedalion uocant, Aegyptij thephín, alij stemphín, Prophetæ gonon heroos, aliqui onycha myos,

Itali sanguinariā, alij proserpinacam, alij scorpionacā, alij statuariā, & quidā misere uiuū. Nascitur ubiq; locis cultis & aggeribus. Legito eam æstiuo tempore.

1 Ad eos qui sanguinem reijciunt.

Herbæ proserpinacæ succum cum uino optimo austero sine fumo tepefactum ieiuno dabis bibere per dies nouem, miram rem experieris.

2 Ad lateris dolorem.

Herbæ proserpinacæ succo cum oleo rosaceo sæpius perunges, dolorem tollit.

3 Ad mamillarum dolorem quæ lacte habent & tumorem.

Herba proserpinaca tusa cum butyro subacta, & mamillis imposita quæ dolorem & tumorem habent, dolorem et tumorem perfectissime tollit, ita tamen ut usq; in tertium diem medicamentum ponas.

4 Ad oculorum dolorem.

Herba proserpinaca, si uadis ad eam ante Solis ortum, & circumscribis eam cum annulo aureo, & dicis: Tollo te cum annulo aureo remedium oculis, deinde post triduum ante Solis ortum sublatam, circumdabis collo, diligenter proficiet.

5 Ad aurium dolorem.

Herbæ proserpinacæ succus tepefactus & in aurem stillatus, mirifice dolorem tollit. Nos ipsi experti sumus. Tamq; potenter proficit, ut & ulcera quoque aurium sanet.

6 Ad dysentericos.

Herbæ proserpinacæ succum cum aqua calida potui dabis quantum tibi uidebitur, sanabitur.

Ad

7 Ad quartanas.

Herbæ proserpinacæ succum cum piperis granis septem aut nouem sub accessione dabis bibere. Lege eam die Iouis, Luna decresciente.

COMMENTARIUM.



PROSERPINACA siue polygonos, herba est uulgaris, numerosos, graciles & teneros ramulos habens geniculis intersectos, graminis modo per terram serpentes, folia rutæ, longiora tamen & molliora, & singulis folijs adnatum semen, quam ob causam mascula appellatur, flores candidos aut puniceos. Est & alterum proserpinacæ genus, minoris tamen efficaciam, & foemina appellatur. Sed de priore mascula potissimum presenti agitur capite, & Teutonice *wäggras* siue *wägdritt* uocatur. Porro proserpinaca dicta est, quod per terram serpat, & non in altum tollatur. Polygonos autem à Græcis appellata est, ut aliqui uolunt, à seminis copia & multitudine, quoniam πλὴν illis multum, γόνυ uero semen significet: quæ ratio etiam fuit ut polycarpus ipsdem diceretur, siquidem Græcorum medicis κισθές semen significat. Aut, ut alij uolunt, dicta est polygonos à geniculorum frequentia & multitudine, à γόνυ quod genu significat, & per diminutionem geniculum: quæ ratio etiam fecit ut polygonatos quasi geniculata, & ut nunc uocant, centinodia sit dicta, à dictione γόνυ, quod etiam genu significat. Scribonius tamen Largus polygonon dictum ait, quia multum sit, & ubiq; nascatur. (Asphalton.) Asphalton appellata est, ut uolunt, aut à bituminis odore, aut à bituminosi trifolij similitudine. (Chiliophyllon.) id est millefoliū, à foliorum numero & multitudine sic dictum. (Clinopodiontes.) Sic dictū uidetur quod in terram inclinetur, & non in altum surgat: quæ ratio & pedalio nomen fecisse potuit. (Myrtopetalon.) id est

myrteum foliū, à similitudine sic dictum. Heraclian.) id est herculeam dictam uolunt aliqui à lentoris sui firmitate, qua herois illius in laboribus & periculis patiētiam æquaret. Quæ causa etiam fuisse potuit ut gonos heroos, id est semen herois dicta sit, à γόνος, quod genituram & semen significat. ἥρωος uero heros est. Onycha myos.) id est unguem muris. ὄνυξ enim unguis est, μύς uero mus. Sic dictum forsitan à similitudine quadā folij ad unguem muris. Sanguinariam.) Sanguinaria, siue, ut Celsus uocat, sanguinalis appellata est à ui & potestate, qua sanguinis eruptiones & profluua omnia è quacunq; parte is fluxerit, inhibet, supprimit & sistit. Scorpionacam.) Nomen hoc habet à scorpionibus quibus egregie aduersatur. Misere uiuium.) Sic uocata est quod miseram uitam agat. Nam in uijs nascēs pedibus semper calcatur, & in sublime erigi non finitur, sed depressum humi serpe
C. 1. recogitur. Reñciunt.) id est per os expuunt, excreant & eñciunt, expelluntq; siue ex uentriculo, siue ex spiritalibus partibus aut alijs id fiat. Lacte.) id est lac. Vtitur
3 dictione eo modo non semel Plautus, ut in Bacchidibus cum ait, Haud scio quid eo opus sit, Quæ nec lacte, nec la nam ullam habēt. Et in Menæchmis, Nec aqua aque, nec lacte lacti, crede mihi, usquam similis. Item in Milite glo
7 rioso, Tam similem, quàm lacte lacti est. Sub accessione.) hoc est, ante paroxysmum & tempus exacerbationis afflictionisq; morbi.

NOMINA ET VIRTUTES

HERBÆ ARISTOLOCHIAE.

CAPVT XIX.



GRAECIS dicitur aristolochia, alijs adrarhyza, alijs melocarpon, alijs ephesia, alijs clematitis, alijs pyxionos, alijs dardanos, alijs iontitis,

iontitis, alijs tocites, alijs teuxinos, alijs chamæmelō,
 alijs opetis, Aegyptij † fopoēp, Itali terræ malum, Da *aliās so*
 ei absinthium rusticum, † alijs scardian. Nascitur locis *phosph*
 montuosis, solidis, calidis & cultis. *aliās si*

1 Ad uim ueneni.

Herbam aristolochiam pisatam cum mero potui
 dabis, uim ueneni uincit.

2 Ad febres acerrimas.

Herba aristolochia sicca suffumigabis febricitan-
 tem & hilariorem eum facies. Fugat & dæmonia.

3 Ad fistulas.

Herbæ aristolochiæ radix fistulis inserta celeriter
 expurgat et ad sanitatem perducit. Medici quoq; sine
 ea nihil feliciter curare possunt.

4 Frigore exustis.

Herba aristolochia ex oleo usq; ad calefactionem
 uim habet cum axungia porcina.

5 Contra serpentium morsus &
 hominum.

Aristolochiæ radicem pondere denarij unius in
 uini hemina sæpius bibat, discutit uenena.

6 Si infans contristatus fuerit.

Herba aristolochia suffumigabis infantē, hilarem
 facit, & conualescit infans, fugato dæmonio.

7 Ad canceromata quæ in naribus
 nascuntur.

Herba aristolochia cum cypero & dracontæ se-
 mine trita & cum melle imposita, emendat.



ARISTOLOCHIAE genera præcipua sunt duo, unum rotundum, & ut Plinius ait, tuberibus radicum rotundis, folijs inter maluam & hederam nigrioribus pinguioribusq; & cū acrimonia odoratis, modice rotundis, teneris, pluribus ab una radice erūpentibus germinibus: uiticulæ illi longæ sunt, flores candidi, pileolis fimiles, in quibus quod rubet graui odore sentitur, & radix in globum rapi modo rotundatur. Et hanc foeminam uocant, ut tradit Dioscorides. Alterum genus est quod uocatur mascula aristolochia, et est longa, & longiora quàm rotūda habet folia, ramulos tenues, longitudine ferè dodrantali: florem purpureum grauissime odoratum, qui cum dehiscere cœperit, piro similis fit. Radix illi est crassitudine digitali, & ut Plinius ait, baculi crassitudine, longitudine dodrāntali quatuorue digitorū longa. Vtriq; buxeus intus color, gustu amaræ sunt & odore uiroso. Est & tertia quædā aristolochia longa, quæ clematidis uocat, ramulos habēs tenues, folijs modice rotundis minori sedo similibus plenos, habetq; rutæ flores, radices longissimas, tenues, crasso & odorato cortice uestitas, unguentarijs ad unguenta expetitas. Cæterum dicta est aristolochia, quod puerperis egregie opituletur, & ut Dioscorides ait, quoniam esset ἀρίστη λοχυσια, id est optima, non grauidis, ut interpretatus est Plinius, sed puerperis. ἀρίστη enim idem est quod optima, λοχεύσαι uero sunt quæ iam pariunt, aut paulò ante pepererunt, & non grauidæ quæ uterum gerunt. λόγια uero sunt partus dolores, partus ipse, & post partum secundæ, purgationesq; aliæ omnes quæ tunc fiunt. (Adrarhiza.) Sic dicta est à radice crassitudine quasi crassi radix. ἀσπρά enim crassum, robustū & magnum significat, ῥίζα, uero radix est. Melocarpon.) Aristolochia rotunda melocarpon appellata est à mali seu pomi, quod Græcis μήλον dicitur, forma globosa. Et quia sub ter-

ra latet, Latini etiam terræ malum, & Græci chamæmelon uocant, Et opetin, quod in terræ cauerna sublateat, quæ Græce ὄπη dicitur. Ephesia.) Dicta est ephesia à Diana quæ Ephesi colebatur, eo quod quemadmodum dea illa puerperis & parturiētibus opitulari credebatur, sic etiam herba hæc ipsdem adiumento & auxilio esse solet. Clematidis.) id est sarmentaria dicta est proprie tertia species à fermentis eius quibus unguentarij uti solent. Pyxionos.) id est buxea, à colore buxæ quem utriusq; radix intus habet. πύξω enim buxus est. Dardanos.) Hæc dictio si herbæ appellatio est, ut omnia quæ uidere licuit, exemplaria prætendunt, tunc à loco sic dicta erit, eo quod illic forsitan copiosior, speciosior ac melior nasceretur. Sed uide num potius legenda sit ut aliàs etiam sæpius in prioribus, uidelicet ut sit gentis uocabulum, quæ illam eo nomine appellet quod mox sequitur in impresso codice iontitis, siue ut alterū exemplariorum nostrorum habet, tocites. Quorum hoc à partu habet, quemadmodū & alterum teuxinos, seu potius una dempta litera texinos, idēq; eadem ratione & causa quæ dicta est ab initio in dictione aristolechia quoniam parturientibus utilis sit. Illud uero alterum iontites habet à uiola, quæ ἰὸν dicitur, cui flos purpureo colore simulatur. Et hæc secundo generi conuenit appellatio. Ad uim ueneni.) id est contra uolentiā, malignitatem & maleficium ueneni. Est autem uenenum quicquid assumptum aut attractum nocet, & naturam eius cui approximatur immutat. Quod in corpore operatur, testante Auerroë, aut qualitatibus primis, aut à tota substantia, aut fortitudine attractionis, aut uitæ calorem remouendo. Frigore exustis.) Vrit tū calor tum frigus, licet aliàs diuersæ & contrariæ sint naturæ: & similes in quibusdā locis esse æstus immodici & frigorum effectus, testatur etiam Plinius, Et utriusq; meminit etiam Vergilius inueniens,
 Rapidæue potentia Solis

Acrior, aut boreæ penetrabile frigus adurat.
 Item Q. Serenus libri medicinalis cap. 60. utriq; uestioni
 mederi docens, ait,
 Sunt diuersa quidem mala frigoris atq; caloris,
 Sed tamen amborum simili nocet ulcere uirus.
 Illa quoq; uesta putes quæ sunt niue læsa rigenti.

- 5 Morfus hominum.) Hominis morsum esse ueneno-
 sum, ut hic prætedit Apuleius, testatur etiam Q. Serenus
 medicinalis libri cap. 45. ubi illi mederi docet. Et Plinius
 naturalis historiæ lib. 25. cap. 4. inter asperrimos uel homi-
 nis morsum numerari tradit. Qui etiam perniciosior est,
 si à ieiuno infertur, teste Auicenna, qui sexta quarti tracta-
 tu 4. ca. 2. ait, Deterior morfus est ille qui est à ieiuno siue
 fit homo aut non homo, & maxime etiam si ieiuno infe-
 ratur. Nocet autem hominis morfus saluæ morso uulne-
 ri illatæ causa, non obstāte quod natiui caloris uestigium
 quo cibi coctionem adiuuat, obtineat saliuæ. Verum quia
 alter alteri temperiem habet haud conformem, hinc fit,
 ut aiunt, quod saliuæ unius scilicet mordentis alteri mor-
 so fit noxia & uenenosa. Denarij.) Denarius drachmæ
 pondus est. Plinius lib. 21. circa finem, Drachma Attica,
 ferè enim Attica obseruatione medici utuntur, denarij ar-
 gentei habet pondus. Et Africanus medicus in tractatu
 de ponderibus & mensuris, post uariarum drachmarum
 enumerationem ait, Attica ergo utendū est quo ad pon-
 dus & numismata, siquidem pondere & facultate, siue ua-
 lore Italicæ par est, quæ denarius uocatur: plurimi enim
 nunc ferè in omnibus Italica utuntur. Hemina.) He-
 mina mensuræ genus est, & sextarij medietas: cōtinet au-
 tem in se cyathos sex. Pondere uero pēdet, uini quidem,
 ut Africanus tradit, uncias quatuordecim: olei uero, quo
 pondere in liquidis nunc cōmuniter utimur, uncias no-
 6 uem: mellis autem uncias quindecim. Contristatus.)
 id est perturbatus, inquietatus & perterritus ceu pluri-
 mum illis accidit à strigibus & mulieribus ueneficis, &
 dæmo-

dæmonijs, nocturnisq; terriculamētis, quare in fine sub
iungit, Fugato dæmonio. (Canceromata.) Per cance- 7
romata cancrum intelligit & carcinoma, uitiū quod non
solum eam partem corrumpit quam occupauit, sed etiam
serpit. Estq; nunc cum ulcere, & cancer uocatur: nūc ue-
ro sine ulcere, & carcinoma dicitur: fitq; maxime circa fa-
ciem, nares, aures, labra, & in fœminarum locis ac mam-
mis sæpius, ut quæ raræ, fungosæ humorem eius crassum
facile excipiant, Celsus libro 5. (Cypero.) Cyperus in
iuncorū genere est, caule anguloso & radice odorata. Cu-
ius historiā & medicinam tradit Dioscorides lib. 1. cap. 4.

NOMINA ET VIRTUTES

HERBÆ NASTURCII.

CAPVT XX.



RAECI Cardamon, alij cynocardamon, alij
iberin, alij cardaminam, Aegyptij semeth,
Italij nasturcium. Lege eam mense Martio.

1. Ad caput deplendum.

Herbæ nasturcij succum naribus iniicies, caput
deplet & de phlegmate purgat. Hoc nasturcium non
seritur, sed per se nascitur circa ima parietum.

2. Ad capitis uitia, porrigines &
furfures.

Herbæ nasturcij semen tritum & cum adipe anse-
rino mixtum, albitionem furfuris de capite eijciat.

3. Ad cruditatem.

Herbam nasturcium & pulegium ex aqua deco-
ctum bibere dato, emēdabit & discutiet cruditatem.

4. Ad strumas.

Herbam nasturcium cum lomento tritam super
strumas impones, superposito folio oleris.

Ad furunculos sanandos.

Herbam nasturcium cum fermeto imposito, con-
coquit & sanat.

COMMENTARI.



NASTURCIUM duorum generum est, unum sa-
tium, quo nunc communiter aestiuo tempo-
re cū lactuca, oleo, aceto & sale coenas inchoa-
mus. Alterū est agreste, de quo maxime intelli-
git hoc capite Apuleius, quod uel hinc colligimus, quod
post primam curationem subiungit, Hoc nasturciū non
feritur, &c. Nomen autem accepit nasturciū, uti Plinius
lib. 19. ait, à narium tormento. Et inde uigoris significatio
pro uerbio id uocabulum usurpauit, ueluti torporem ex-
citantis. Cardamon.) Cardamon dictum uidetur à
corde, quod à Græcis καρδία nominatur, & in quo animi
sedes est. Siquidem cordi utile & accommodatum est, &
animi torporem exacuit. Et eadem est ratio aliarum ap-
pellationum, quæ sunt cynocardamon & cardamina.

Hiberis.) Hæc proprie agrestis nasturcij appellatio
C. 1 est. Porrigines & furfures.) Porrigo quid sit, docet
Serenus dum ait,

Est insensibilis morbus & noxia forma,
Cum caput immensa pexum porrigine ningit,
Copia farris uti frendentibus ædita saxis.

Et Corn. Celsus lib. 6. Porrigo, inquit, est ubi inter pilos
quædam quasi squamulæ surgunt, eæq; à cute resoluun-
tur, & interdū madent, multo sæpius siccæ sunt. Idq; eue-
nit modo sine ulcere, modo exulcerato loco: huic quoq;
modo malo odore, modo nullo accedente; fereq; id in ca-
pillo fit, rarius in barba, aliquando etiam in supercilio. Vi-
deturq; Celsus hac descriptione duo porriginis genera
facere,

facere, unam humidam & cum exulceratione, alterā siccam & sine exulceratione, quam à furfurum, quæ farinæ purgamentum sunt, similitudine furfures etiam uocant: nec Græcis alia ratio est idem malum *πίτυρα* & *πίτυρίαισι* uocantibus. Sunt enim furfures malum, ubi sponte sua ex capitis superficie tenues & furfuraceæ squamulæ citra exulcerationem decidunt: quod malum fit subeuntibus in caput malo corporis humore, falsæue pituita, aut bilioso & melancholico sanguine, uti tradit Paulus Aegineta. Plinius Græcorum *πίτυρα* nunc porriginem, nunc furfures interpretatur. (Albitionem furfuris.) hoc est, furfures ipsos & squamulas furfuraceas albicantes. Et hæc antiquissimi exemplaris nostri scriptura est, licet in alijs aliter legatur, utpote, ablutione furfures: quā lectionem etiam non improbamus, sed prior magis nobis arridet. Cru- 3
ditatem.) Cruditas dicitur cum cibus in stomacho uentriculouē, aut ægre aut nullo modo concoquitur: Græci hanc *ἀπεψία*, illam *δυσπεψία* uocāt, fiuntq; ambæ communiter ex frigidityte aut superfluente ingurgitatione.

Lomento.) Lomentum appellatur farina fabarum, 4
ut scribit Plinius lib. 13. cap. 12. Oleris.) id est brassicæ potissimum, quæ, ut inquit Cato, omnibus oleribus antistat. Olus enim generaliter dicitur omnis herba folijs intubo similis, cuius folijs & caule in cibo utimur. Theophrastus, Olera enim uocamus quæ in usu cibario sunt, ut intubum, aphaca, porcellia, senecio, atq; in totū quæcunq; intubacea sunt propter foliorum similitudinem.

Fermento.) Fermentum quo pacto fieret antiquitus 5
& uarios eius modos tradit Plinius nat. hist. lib. 13. cap. 11. Nunc autem quemadmodū & Plinij tempore fit ex ipsa farina quæ subigitur priusquam addatur sal ad pultis modum decocta, & relicta donec acescat. Vulgo autem nec sufferuere faciunt, sed tantū pridie asseruata materia utuntur, palamq; natura est acore fermentari.

DE HIEROBYLBO.

CAPVT XXI.



ASCITVR ubiq; circa sepes, & locis quibus libet sordidis. Et has habet uirtutes.

Ad articulorum dolorem.

Herbæ hieribulbi accipito uncias sex, seui capri-
ni tantundem, olei cyprini libram & uncias duas, in
se pisatis & commixtis uteris, dolorem articulorum
tollit.

Si mulier habuerit lentiginem
in facie.

Herbæ hieribulbi radice cum lomento lupinaceo
commixta, mulier si faciem lauerit, lentigines statim
purgat.

COMMENTARIIL.



IERON bulbon interpretantur bulbum agre-
stem, qui Græce colchicon & aliquando ephie-
meron appellatur. Nostro tempore hermoda-
ctylos uocāt. Bulbus est, ut Dioscorides lib. 4.

scribit, qui autumnū exitu florem profert albicantem, si-
mitem crocino, & post florē folia bulbo similia, pinguior-
ra tantum, Caulem dodrantalem, ruffo semine. Radicem
cortice subnigro, quo nudata, candida, tenera, dulcis &
succo plena inuenitur. Habet bulbus ipse in medio diui-
sionem ex qua flos erumpit. Nascitur in Messania pluri-
mum & Colchis. In cibo sumpta radix fungorum modo
enecat. Ne fallat pro bulbo sumptum, descriptum à no-
bis id est. Ignari enim suauitate eius magnopere trahun-
tur. Hactenus ille. Dictus est autem hierobulbus, id est sa-
cer, quasi grandis bulbus & magnus, qui ad medicinam
est accommodatior, solentq; agrestia domesticis commu-
niter

niter maiora nasci, Græcos autē antiquitus quæ grandia erāt, ἱερὸν i. sacra uocasse, haud in ambiguo est. Nā sic Homerus ἱερὸν ἰχθῦν. i. piscem sacrum dixit, grandē et magnum intelligens. Sic medici os sacrum, & morbum sacrum, & Vergilius auri sacram famem, eo quod grandia essent, uocauerunt. Sic etiam nūc Apuleius hieronbulbon uocat agrestem, qui hīs qui edendo sunt, sit maior. Differunt enim non solum colore, figura & sapore, sed & magnitudine quoq; bulbi, autore Theophrasto lib. de plantis 8.

Locis fordidis.) id est locis nō cultis, per quod agrestem intelligimus. Ad articulorū dolorem.) Articuli C.1. sunt corporum nodi, ut Plinius uocat, qui neruorum aliubi interuentu, aliubi ambitu, aliubi transitu ligantur. Græci ἄρθρα uocant, & inde morbum ἄρθριον, id est articulare, qui articulos aut omnes aut plurimos infestat. Vnde Q. Serenus medicinalis libri cap. 37. ait, Si uero articulos tabes inimica per omnes hæserit. Quo morbo Ennium laborasse idem Serenus testatur dicens,

Ennius ipse pater dum pocula siccata iniqua,

Hoc uitio tales fertur meruisse dolores.

Est autem morbus hic, ut scribit Galenus, inflammatio quæ circa articulos coit permanens, maleq; affectis neruis uehementissimos dolores adferēs. Cuius species sunt ischias, podagra, chiragra, & id genus morborum alij, loco tantum differentes, nam ab eadem causa proueniunt, utpote ex humore crasso & pituitoso, cui aliquid bilis admixtum est, & neruos quibus nectuntur, & motum habent articuli, dolore afficiunt. Olei cyprini.) Oleum cyprinum est quod ex cypri flore conficitur. Cyprus autem arbor est, quam Romani ligustrum dicunt, cuius historia habetur apud Dioscoridem lib. 1. cap. 117. Lentigines.) Lentigo quæ & lenticula dicitur, corporis macula est rubicunda & liuida, lenti non multum absimilis, unde & nomen habet: in fceminis præcipue se depromens, potissimumq; in facie, licet alibi etiam aliquando

fiat. Cui non multum dissimiles sunt uari & ephelides, quas curare penè ineptiæ sunt, sed eripi tamen scœminis cura cultus sui non potest. Porro de his latius Cornelius Celsus lib. 6. Lomentolupinaceo.) id est farina lupinorum. Lupinus autē leguminis genus est, de quo Dioscorides lib. 2. & Plinius lib. 13.

NOMINA ET VIRTUTES

HERBÆ APOLLINARIS.

CAPVT XXII.

GRÆCI Dercean, alij strychnon manicon, alij dorycnion, alij cacabon, Itali apollinarē, alij baccinam, Daci colida. Apollo hanc herbam fertur inuenisse, & Asclepio dedisse, & apollinaris nomen imposuisse.

Ad uulnera, chironia & araneorum morsum.

Herbam apollinarem cum axungia uetere sine sale libra una teres, & uinum uetus cyathis uno, sine fumo simul commiscet, & facies quasi malagma, & uulneri impones, sanabitur mirifice.

COMMENTARIUM.

APOLLINARIS hæc est, non ea quæ alio nomine hyoscyamos dicitur, et tractata est superius cap. 4. sed solani species, quam Dioscorides libro 4. à Romanis apollinarem minorem uocari dicit, cuius historia habetur etiam inferius cap. 74. ubi strychni siue solatæ genera describit, è quorum numero hæc apollinaris existit, cuius appellationes & curationes nunc separatim ab alijs tractat, quemadmodum etiam in alijs

alijs quibusdam herbis quæ plures habet species aliquando facere cōsuevit. Cur autem dicta sit apollinaris, refert autor mox post nomenclaturas. Dercean.) Dercea dicta uidetur à uerbo Græco δέρω, quod est uideo, eo quod contra hebetes oculos radicis succus cum melle utiliter inungitur, autore Dioscoride. Siue quod folia habet similia herbæ circæ, quæ etiam dercea uocatur, & folia fatiux uessicariæ, quam strychnon uocant, similia habere scribit Dioscorides lib. 3. cap. 126. & Plinius lib. 27. cap. 8.

Strychnon manicon.) .i. solanū furiosum. Mutauit hoc nomen ex altera solani specie quæ proprie hoc nomine appellatur, dictūq; sic est, eo quod ἐκστασις ecstasin facit, ut tradit Dioscorides, quam Galenus in Diffinitionibus suis δαλγολόγονιον μανίαν diffinit, hoc est pauci temporis insaniam. Cui & illud Plinij lib. 27. cap. 37. in strychni huius descriptione adstipulat, uidelicet, Halicaccabi radicē bibūt qui sunt uaticinandi callentes, qđ furere ad confirmandas superstitiones aspici se uolūt. Cuius generis sunt quos phanaticos antiqui uocarunt, qui audito tympanorum aut cymbalorū aut aliorum lusoriorum instrumentorum sonitu circa templa discurrentes uaticinantur.

Dorycnyon.) Dorycnyon appellata est hæc herba ab infectione, quæ Græcis κνύος dicitur, & à ferratis lancearum cuspidibus, quas idem dorata δόρατα uocant, eo qđ succo ipsius etiam cuspides in prælijs tingerentur & inficerentur, non minus quàm alterius, quod furiosum proprie dicitur, & insaniam facit solanū: de quo sic scribit Plinius, Hoc est uenenum quod innocentissimi autores simpliciter dorycnyon appellauere, ab eo quod cuspides in prælijs tingerentur illo passim nascente. Dioscorides & alij proprii generis plantam describūt, ex quibus uagum ad uarias herbas nomen dorycnyon fuisse apparet.

Baccina.) Baccina uocata est à baccis, hoc est, à semine baccineo.

NOMINA ET VIRTUTES

HERBÆ CHAMAEMELI.

CAPVT XXIII.



CRÆCI quidam chamæmelon, alij parthenion, alij diacolean, alij chrysoalin, alij trochiscon heliacon, alij aperiton, alij nympheon, alij hieranthemin uocant, Itali bene olentem, alij superbam, alij auliticam, Aegyptij thaborin, Galli oualidiam, Campani amalociam, Thufci apianam, Daci amalustam. Has uero habet uirtutes.

Ad oculorum uitia atq; dolores.

Herbā chamæmelon si quis ante Solis ortum carpsit, & dicat, Ad albuginem oculorum te carpo ut subuenias, et eam alligatam secum gestet, iuuat. Lege eam mense Aprili.

COMMENTARI.



CHAMAEMELON herba est odora, quam nūc uulgo camomillam uocant, sic dicta quod mali odorem habeat: *μῆλον* enim Græcis malum est. Porro genera eius tria sunt, flore tantū inter se distātia, ut tradit Dioscorides. Ramuli omnibus drantales, fruticosi, multis alarum caulis: foliolis paruis, tenuibus & numerosis. Capitulis in orbem circumactis, in quibus flores sunt colore intus ad aurum inclinato, & qui tumentes in altum eriguntur: foris per ambitum circumposita folia quæ ad terram inflexa descendūt, habentes in triplici differentia, candida, aut melina & lutea, aut purpurea rutæ foliorum magnitudine. Nascitur macris asperisq; locis & secus uias & itinera. Colligitur per uer.

Parthenion.) hoc est uirgineam: sic dicta, eo quod alteri herbæ, quæ proprie parthenion dicit, sit similis. Parthenion

thenion autē intelligo non illam quam Celsus lib. 3. per-
dicion, sed quam Dioscorides à Romanis Solis oculum
uocari tradit, & herbolarij nostri cotulam nunc dicunt.

Diacolean.) Quod in impresso codice erat drycola-
phon, nos ex ueteri exēplari nostro diximus diacolean,
quasi Iouiam Venerem, sicq; dictam putamus ab odoris
florum gratia & amabilitate: κώλια enim Venus est, δῖος
genitiuus idē quod Iouis, cuius filia ex Dione fertur Ve-
nus, uoluptatum omniū dea, Posset & diocallia legi, qua
si Iouis uenustas: κάλλος enim pulchritudo est. Et callia
simpliciter à Dioscoride traditur dici. Chrysocalin.)

A flauo auri colore sic appellata est, χρυσός enim aurū est.
Ethæc appellatio in exemplaribus nostris nulla est. Dio-
scorides chrysocomen et callian quoq; dici ait, et quæ par-
thenion dicitur chrysocalida. Trochiscon heliacon.)

id est discū solarem. Sic dicta herba eo quod in floris me-
dio luteus orbis Solis disci figuram ostēdat, folijs per am-
bitum radiatis: τροχίσκος enim rotula est & discus, ἡλιος
sol. Apæriton.) Apæritos dicta uidetur quod ad eius

usum omnis dolor mitigetur & discedat, à uerbo Græco
ἀπαίρω, quod est discedo. Nympheon.) Nympheos
nobis dicta uidetur à Musis, quæ Nymphæ dicuntur, pro-
pter floris uenustatem & eiusdem odoris gratiā & iucun-
ditatem; unde à Latinis etiam herba bene olens & super-
ba nominat. Hieranthemon.) .i. sacer flos: seu potius
eranthemon, eo quod Vere floret, sic dictū. Et ita apud
Dioscoridē etiā legitur. Cāpani.) Campani dicuntur

qui Campaniam Italiæ regionem incolunt, in qua Nea-
polis regni caput est, Parthenope prius dicta. Albugi- C. 1.
nem.) Albugo est cicatrix oculorum altiuscula, sicuti in
summo nubecula. Sed pro maiore albuginis notitia Gale-
ni descriptionem ex Isagoge subiiciā, quæ talis est. Cum
nigra oculi parte ex profundo ulcere crassior & colore cā-
dido superincurrit membrana, cicatrix est, quæ etiam fit
in ea oculi membrana, quæ candida dicitur. Albugo autē

cicatrici eadem est: differt tantū quod in ea ex maiore exulceratione maior & crassior superuenit cicatrix, & in iri de oculi circulo fit albugo. Paulus Aegineta simpliciter sic rem tradidit, Quæ in summa oculorum superficie cicatrices fiunt, aliqui eodem hoc nomine cicatrices dicunt, alij uero nubeculas, profundiores uero albugines.

NOMINA ET VIRTUTES

HERBAE CHAMAEDRYOS.

CAPVT XXIII.



GRAECIS chamædrys, alijs drys, alijs drys-tes, alijs teucrion, alijs chamærops, Itali trixaginem appellauere. Nascitur locis montuosis, petrosis & solidis. Lege eam mense Augusto.

1 Ad ruptos.

Herba chamædrys contusa de ligno in lignū, adiecto uīno & potui data, cum mira celeritate sanat.

2 Ad ischiam.

Herba trixago feruefacta, ac triduo potui data, ischiaticum mirifice sanat.

3 Ad serpentium morsus.

Herba chamædrys in puluerē mollissimū radacta, in uīno ueteri potui data, uenena uehemēter discutit.

4 Ad podagram.

Herba chamædrys si in puluerem mollissimū radacta est, cum aqua calida potui data, mirifice paragonian præstat.

COMMENTARI.



CHAMAEDRYOS herba est quæ Latine trixago dicitur, Teutonice *gamander*, altitudine spithames, id est dodrantali, quæ mensura est quantum à summo

summo pollice ad extremum minimū digitum patet explicita hominis manus: folia habet parua magnitudine mentæ, colore & figura quernis similia, gustu amara: flore penē purpureo & ipso etiam exiguo. Aliqui serratā uocarunt, & ab ea ferram inuentam esse dixerunt. Carpitur semine & succo prægnans. Nascitur asperis & petrosis locis. Dicta est autem Græcis chamædrys, quasi coactæ breuitatis quercus quædam. χαμαὶ enim humile, terrestre & humi depressum quid significat, δρῦς uero quercus est: quo nomine simpliciter hic eā quoq; uocari tradit, à quo etiam illi alia accessit appellatio dryfites, quasi quercula.

Teucrion.) Teucrion appellata est, eo quod teucrio similis sit, autore Dioscoride. Chamærops.) Chamærops uocata est à uirgultorū breuitate, & quod humi serpat: ῥῶπες enim uirgulta sunt Græcis. Adruptos.) Ru C. 1.
ptos uocat, qui alio nomine herniosi & ramicosi, & Græce κελύται dicuntur. Quorum plures sunt differentiæ, de quibus copiose Celsus lib. 7. cap. 18. Ischiam.) id est, 2
coxendicis dolorem et morbum, de quo dictum est supra cap. 12. curatione 2. Paregoriam.) παρηγορία, id est pare 4
goria Græce est consolatio, hoc est, lenitio & mitigatio.

NOMINA ET VIRTUTES

HERBÆ CHAMÆLEONIS.

CAPVT XXV.



CHAMÆLEONEM quidā Græcorū nomināt, alij crocodilion, alij dipsacon, alij onocardion, alij cneoron, alij meletam, Prophetæ aphrodites lutron, alij calycē cardiacon, Aegyptij semmeor, Itali labrum Veneris, alij cinaram rusticam, alij statioron, alij morariā, Hispani analen tidium, Daci sciaren, Aegyptij gerbaste, alij sapho.

1 Ad hepaticos.

Herbæ chamæleonis succus potui datus cum uino, febricitanti cum aqua calida, mire proficit.

2 Si quis uenenum sumpserit.

Herba chamæleon in puluerem redacta & in uino data, discutit uenenum.

3 Ad hydropicos.

Herba chamæleon & chamædaphne & chamædrys & chamæpitys æquali pōdere tusa & q̄ mollissime cribrata, si in potione uini mixti, iuuenib, cochlearia quinq, uiris cochlearia nouem, item minoribus, puellis & mulierib, cochlearia tria, puerulis cochlearium unum dederis, mirifice aquam omnem de corpore per urinam digerit.

COMMENTARI.



ABENT omnes quos uidere licuit codices caput hoc sub chamæleæ nomine inscriptū, sed falso: nam de chamælea proprio capite agit infra sub nomine lacteridis, quare titulū nos mutantes, pro chamælea reddidimus chamæleonem, qui longe alia & à chamælea multum differens est planta, & plurimum etiam generum. Vnus, cuius historia & appellationes habentur inferius cap. 109. sub nomine cardui syluatici & is etiam duplex est, unus niger cognominatus, alter uero albus, et hic proprie chamæleon dicitur, & à Latinis carduus minor, ipsiq, ab alijs autoribus quæ præsentī capite ponuntur curationes & uirtutes attribuuntur. Est deinde alius chamæleon, à similitudine quadā sic dictus, qui Latine labrum Veneris & carduus magnus appellatur, cuius nomenclaturæ quoniam hic ponuntur, haud abs re fore duximus, historiam quoq, ipsius ex Plinio & Dioscoride subnectere, ne quis ipsam desideret. Est autē herba ē genere aculeatarum, caule excelso, duorum cubitorum,

torum, spinis horrido: genicula eius binis oblōgis, lactu-
cæ similibus, & albis maculis aspersis, et quæ ueluti bullas
spinosas in dorfi medio habent, folijs amplectentibus:
concauo alarum qua se in geniculis folia coniungūt, ceu
pelue, sinu, in quo rores falsi & pluuiæ aquæ subsistunt,
unde & nomen inuenit (scilicet ut dipsacos nominaret).
In cacumine caulium capitula sunt in oblongo rotunda,
echinata spinis, quæ cum aruerunt, cādido colore fiunt.
Florem fert qui purpuream lanuginem referat. Habēt &
capitula illa per longum diuisa uermiculos in media me-
dulla quosdam. Nascitur in aquosis. (Crocodilion.)
Appellationis huius eadem est ratio quæ chamæleonis,
qui labrū Veneris dicitur, scilicet similitudo ad herbam,
quæ inter aculeatas proprie sic uocatur. (Dipsacon.)
Dipsacos appellata est à siti, quā Græci διψακον dicūt, uel
quia humorem illum cōtra eam paratum semper habet,
aut quia iuxta fontes & locis humidis nascit. (Onocar-
dion.) id est asininus carduus, facto illi ex Græca & La-
tina uoce nomine, ^{ον} enim asinus est. (Meletam.)
Meleta dicta uidetur à capitulorum figura oblongiori in-
star pomi, quod Græci μήλον dicunt. (Aphrodites lu-
tron.) hoc est, ut inter Latinas appellationes habetur,
labrū Veneris: ἀφροδίτη enim Græcis Venus est, λουτρον
uero uas aquariū quo in balneis ad lauanda corpora ute-
bantur, & quod labrum Latine dicitur: sunt tamen non
solum aquaria sic dicta uasa, sed olearia quoq; & uinaria,
in quæ oleum ē cortina, & uinū ē lacu transfertur. (Ca-
lycem cardiacon.) Calyx cardiacus appellata est à figu-
ra capitulorū, quæ oblonga instar cordis existunt, & bac-
cæ rosacæ antequam tota aperiatur: καρδία, enim Græ-
cis cor est, κάλυξ uero rosæ baccam dum adhuc clausa est
rosa, & omne putamen in quo aliquid includitur, signifi-
cat. (Cinaram rusticam.) Quemadmodū pro chamæ-
lea chamæleonem, sic etiam pro cicere rustico cinaram ru-
sticam, id est syluestrem, reponēdum censuimus, eo quod

C. 1.

spinæ albæ, quæ cinara syluestris etiã dicitur, sit quodam modo similis. Ad hepaticos.) id est iocinorosos. Hepatici sunt, ut Galenus in Diffinitionibus ait, quos diutius iecoris dolor comitatur cum tumore soliditateq; & corporis malo colore, in quibus & æstuosa accenditur febris cum ariditate linguę; alij tamen priuatim hepaticos dicunt, quibus *ἄστρον*, id est debile infirmumq; iecur est, quodq; amissa aut languente ui sua irritas functiones & operationes suas habet. Digerit.) id est dispensat, de-
 3 portat & educit cum urina per uesicam & uias urinales.

NOMINA ET VIRTUTES

HERBÆ CHAMAEPITYOS.

CAPVT XXVI.



RAECI chamæpityn, alij orozelon, alij holo-
 cyrton, alij brion agrion, alij sideritin uocāt,
 Prophetæ hæma athenas, Itali abigā, alij cy-
 pressum nigram, alij rapam, alij spiculam, alij māmā-
 lem, Aegyptij nemenespa, Daci dochela. Et habet
 quidem uires.

1 Ad uulnera.

Sí recens fuerit uulnus, herbam chamæpityn con-
 tusam uulneri impones: si autē uetus & altius est uul-
 nus, succum eius uel puluerem in uulnus mittes, mi-
 raberis bonum effectum.

2 Ad strophii dolorem.

Herba chamæpitys contrita et potui data, strophii
 dolorem tollit.

COMMENTARI.



CHAMAEPITYOS tria genera faciunt autores,
 quæ Plinius lib. 24. cap. 6. breuissime his uerbis
 describit, Chamæpitys Latine aiuga appellat,
 diciturq;

diciturq; propter abortus ab alijs thus terræ: cubitalibus
 ramis, flore pinus & odore. Altera leuior, & incuruæ simi-
 lis. Tertia eodem odore, & ideo nomine quoq; paruula,
 colliculo crassitudine digitali, folijs scabris, exilibus, al-
 bis, in petris nascēs. Quæ tamen genera ut clarius perno-
 scantur, nam satis succincte à Plinio descripta sunt, Dio-
 scoridis quoq; historiam, quæ apertior est, de hijs subiun-
 gam, quæ talis est. Serpit per terram herba incuruæ simi-
 lis, folia habet minori sedo similia, multo tamen tenuio-
 ra, hirsuta, & circa ramulos frequētia, odore pityos (hoc
 est pinus aut piceæ, utroq; enim nomine interpretatā re-
 perio Græcorū illam *πίτυς*) flores paruos, colore luteo,
 radicē cichori. Altera est ramis cubitalibus ancorarū
 modo inflexis, fruticosa. Similem prædictæ comā habet,
 florem tamen candidum. Semen nigrū, odore pinus aut
 piceæ. Est & tertia quæ mascula appellatur, herbula folio-
 lis tenuibus, candidis & hirsutis. Caule aspero, candido.
 Flosculis luteis. Seminibus secus alarum caua. Piceā siue
 pinum & hæc olens. Vires habet priori similes, sed non
 adeo efficaces. Dicta est autē chamæpitys, quasi humilis
 & brevis, humiq; depressa pinus seu picea: nominisq; ra-
 tio fuit quod folia ipsius pinū piceāmue olēt. Estq; longe
 alia chamæpitys hæc ab ea quā nostri tēporis herbarij sub
 eo nomine uendunt, odore nullo, flosculis subglaucis.
 Orizelon.) Orizelos dicta est, qd in montibus lubēs na-
 scatur & locis mōtuosis: ὄρες mons est, ἄλλος uero amor,
 amat enī montuosa loca. Holocyrtion.) Sic appellata
 est quod tota humilis sit & incurua, præsertim altera spe-
 cies, quæ, ut Dioscorides & Plinius tradūt, incuruæ simi-
 lis est: ὅλη totus est, κυρτός uero gibbosus & curuus.
 Bryon agrion.) hoc est, bryoniā syluestrem, ob simi-
 litudinem quādam ramulorum adinuicem inflexorum.
 Sideritin.) Sideritis nuncupata est, eo quod uulnera
 ferro facta conglutinet, à ferro, quod Græcis σίδηρος di-
 citur. Hæma athenas.) hoc est, sanguinem Mineræ

uel Palladis: *ἄμυα*, enim sanguis est, & *ἄλυσ* uel *ἄλυν* Minerua & Pallas. Abiga.) Abiga uocata est, eo quod aluū purget, & in foeminis muliebres locos, autore Dioscoride. Cupressus nigra.) Sic dicta est à similitudine odoris & foliorum, quæ tamen nigriora sunt folijs cupressi.

Spiculam.) Spiculam appellauit à similitudine foliorum quæ habet tenuia instar spicæ. Mammalē.) Mammalis est uocata, eo quod mammarum duritiēs discutit, ut ait Dioscorides. Strophī.) Strophī dicuntur dolores graues, qui ægrotum circumagi & flecti cogunt, Latini tormina dicunt à torquendo. Suntq; non certum aliquod morbi genus constituentes, sed alterius comites, & quæ morbis alijs superaccedunt symperomata.

NOMINA ET VIRTUTES;

HERBAE CHAMAEDAPHNES.

CAPVT XXVII.



CHAMAEDAPHNE à Græcis quibusdam daphnites, aliquibus uero daphne, alijs hydragogos seu caragogos dicitur, Itali mustellaginem dicunt, alijs lactilaginem & lauraginem, Galli eugubim, usiben.

Ad aluum concitandam.

Herba chamædaphne in puluerem redacta molissimum, & in aqua calida potui data, aluū concitat.

COMMENTARI.



QUALIS herba sit chamædaphne, docet nos Dioscorides lib. 4. cap. 140. & Plinius lib. 24. cap. 15. Herba scilicet singulari & unico ramulo & cubitali ferè, recto & cum leuore gracili: folio tenui, lauri similitudine, sed maiore leuore & uiriditate: semine seu fructu rotundo, rubente, folijs adnato. Ex qua descri

descriptione facile intelligere est chamædaphnen nō esse fruticem, quē nunc uulgo laureolā, & Germani *zyländ* dicūt. Nam hæc est quam Dioscorides daphnoiden uocat, & de qua infra agit Apuleius cap. 58. sub nomine uictoriale. Neq; est herba illa quam nunc uulgo uincam peruin- cam nuncupant; licet Plinius lib. 21. cap. 11. & 27. chamæda- phnen sic etiam nominari dicat, quam enim nostri tem- poris herbarij uincam prouincam appellāt, ea est quam Dioscorides lib. 4. cap. 7. clematida uocat, & à Germanis *ingrüne* siue *wintergrüne* dicitur. Cæterum dicta est chamæ- daphne quasi humilis & terrestris laurus: *δ᾿άφνη* enim lau- rus est: idēq; quoniam laurinis folijs similia folia habeat: quæ causa etiam fuit, ut daphnitis quoq; & simpliciter da- phne, & Latine laurago diceretur. Hydragogos.) Hy- dragogos dicta est quasi aquæ & humorum subductiua, eo quod aquam ē corpore expellat: *ὑδωγός* enim aqua est, & *γωγός* ductor. Porro in uetustis exemplaribus non hy- dragogos sed caragogos scriptum est, sicq; dici potuit qd caput, quod Græce *κάρα* dicitur, à noxijs humoribus ex- purget. Mustellaginem.) Mustellaginis nomen à lau- ro sortita est, quā Pompeius Leneus, eo quod mustaceis subijceretur, mustacem appellauit, ut autor est Plinius.

Lactilaginem.) Lactilago dici potuit quod iucundo sapore, ceu lac, in cibi usu aliquando fuerit, quod & Pau- lus Aegineta testatur lib. 6. de ea sic inquit, *αὐτὴ καὶ ἐσθίε- ται*, quod est, hæc etiā comeditur. Et lib. 1. cap. de olerum asparagis ait, *παραπλησίως δὲ καὶ οὗ χαμαὶ δάφνης ἀσπράγος*, hoc est, nutrit similiter etiā & chamædaphnes asparagus.

DE OSTRIAGINE.

CAPVT XXVIII.



Ascitur ostriago circa monumenta, aut in monumentis, aut parietibus qui sunt circa montium radices.

Ad ea quæ in homine nascuntur.

Herba ostriago tusa & imposita omnes res quæ in corpore nascuntur, per sanat. Hanc herbam si uolueris euellere, mundus ante Solis ortum facies. Leges eam mense Iulio.

COMMENTARIUM.



STRIAGINEM hanc esse herbam quæ Dioscorides lib. 4. cap. 12. & Plinius lib. 27. cap. 10. sub holosteï nomine tractant, ex natalibus eius colligere licet. Nam quod Dioscorides in tumulis & Plinius in collibus terrenis nasci tradit, idem est illi quod hic in monumentis aut parietibus qui sunt circa montium radices nasci dicit. Est autem, ut illi tradunt, herba brevis tribus quatuorue digitis supra terram se extollens, sine duritia, ex aduerso appellata à Græcis, sicut fel dulce: tenui radice usque ad capillamentum speciem, longitudine quatuor digitorum, ceu gramen aut cornicis pes herba folijs & uitticulis angustis: astringens gustu. Cæterum dicta est ostriago à testarum ostreorum duritie, ex aduerso, quum testæ duræ sint, herba uero hæc tenera, fragilis, longeque à testacea duritie aliena. Holosteon uero eadem ratione est dicta, quasi tota ossea, quum nihil minus sit: ὅλον enim Græce idem est quod totus: ὅσῳ uero ipsdem os significat.

NOMINA ET VIRTUTES

HERBAE BRITANNICAE.

CAPUT XXIX.



GRÆCIS dicitur britanica & damasonios, Itali britannicam, alij betam plantaginis, alij bibonem uocant.

alijs in
modum
lactuca

Ad uitia quæ in ore nascuntur.
Herba britanica sumpta uiridis sicut lactuca sanat.
Et per

Et per se trita & expressa succus in ore si cōtineatur, nec aliquid ex eo deglutiat, æque proficit.

2 Ad oscedinem.

Herba britannica sumpta uiridis oscedinem tollit, uel si uiridera non habueris, etiam arida cōtusa cum uino ad mellis crassitudinem, eodem modo sumpta, eundem effectum habet.

3 Ad dentium dolorem, & si laxi fuerint dentes.

Herba britannica mira quadam potentia succurrit. Reponendus autem est in hyemem succus uel puluis eius; non enim semper apparet; succum uero eius seruabis in uase argenteo & calefacito, & puluerem quoq; reposito: nam ad eisdem usus cum uino sumptus æque efficaciter prodest.

4 Ad paralyfim.

Herbam britannicam uiridem cum sua radice contusam ex uini meri optimi cyathis duobus uel tribus potui sumptam, mirifice proficere dicimus.

5 Ad aluum concitandam.

Herbæ britannicæ succum pro uiribus cuiusq; potui dabis, per se purgat uentrem sine periculo.

6 Ad splenem.

Herba britannica uiridis cum radicibus contusa in uini meri optimi cyathis duobus uel tribus, mire proficere creditur.

7 Ad anginam, quam Græci synanchen uocant.

Herbæ britannicæ flos antequam tonitruum audiatur collectus, qui eo usus fuerit, per totum annum

anginam non experietur.

COMMENTARIUM.



HERBA britannica, cuius florem, ut Plinius refert, uibones uocant, folia habet oblonga syluestri lapato similia, nigriora tamen, hirsutiora quoque, sapore adstringente. Cuius enim non adeo grandem Radicem tenuem, breuem & nigram. Quæ nominis ratio & causa sit, non adeo manifestum est: nisi quod Plinius lib. 25. cap. 3. sic scribit, Frisij quæ castra erant nostris demonstrauere illam. Miror quidem quæ nominis esset causa, nisi forte confini Oceano Britannia ueluti propinquæ dicauere. Non enim inde appellatam eam, quoniam ibi plurima nasceretur, certum est. (Damasonios.) Sic dicta est à similitudine foliorum alismatis, quod etiam damasonium dicitur, & plantagini similia folia habet, quem admodum britannica, quæ agrestis lapathi folio, quod plantaginem refert, similis est. (Betam plantaginis.) Sic etiam dicta propter foliorum similitudinem. (Bibonem.) Est & hæc demum appellatio à foliorum similitudine facta. Nam, ut in historia britannica nunc dictum est, herba hæc agresti rumici siue lapatho similia folia habet. Bibone autem agreste lapathum dicitur, autore Padectario. Nisi uibones legere malueris, quo nomine florem uocari ab aliquibus refert Plinius, uti ab initio dictum est. Ad uitia quæ in ore nascuntur.) hoc est, ad oris ulcera quæ ex intrinseco ipsius uitio fiunt & generantur, licet etiam aliunde ceu ex quorundam fontium aqua pota contractis oris malis utilis sit eadem reperta herba. Nam, ut Plinius tradit, In Germania trans Rhenum castris à Germanico Cæsare promotis maritimo tractu fons erat aquæ dulcis solus, qua pota intra biennium dentes deciderent, cõpagesque in genibus soluerentur. Stomacacem medici uocabant & scelotyrben. Ei malo reperta auxilio est herba, quæ uocatur britannica, non neruis modo & oris malis salutaris,

salutaris, sed cōtra anginas quoq; & serpentes. Hactenus
 ille. Ad oscedinem.) Oscedo est oris uitium, ubi quis
 frequenti oscitatione & oris extēfione tenetur, quod Ger
 mani *gynen* dicunt, ab oscitādo sic uocatum. Oscitare ue
 ro est os committere & aperire totum, ceu fit præ somno
 aut tædio. Et q; oscedo siue oscitatio proprie halicū spe
 cies. Halicū uero, quam multi halen, Latī anxitudinem si
 ue pandi, nationem nominant, est affectio tum in sanis,
 tum maxime in affectis & iam decumbentibus, cum scili
 cet toto corpore quis extenditur. Auicēna oscitationem
 siue oscedinem dicit esse motum halicum, quæ accidit in
 musculis mandibularum atq; thoracis. Quæ autem hu
 iusmodi affectionum causa sit, docet idem fen tertia pri
 mi, doct. 2. cap. 13. Argenteo.) Sic exēplaria nostra ha
 bent, & non abietino, ut impressus codex; & melius qui
 dem. Nam in ligno seruati succi aut pulueres, uim suam
 amitterent. Calefacito.) Vidē num potius legendum
 sit, ut putamus, arefacito. Vtcunq; tamen intelligit succū
 eius, & præsertim foliorum, in Sole aut ad ignem cale
 faciendo densandum, sic enim diutius integer & incorru
 ptus seruatur. Ad anginam.) Angina, quæ Græce *sy*
nanche dicitur, quatuor generibus dispartitur. Primum
 ubi fauces inflammantur, id est, interior oris locus ubi si
 mul conueniunt & gulæ & gutturis partes extremæ. Al
 terū cum neq; fauces, neq; reliquæ oris partes, neq; etiam
 externarum partium ulla inflammata uidetur, laborans
 tamen suffocationis periculū in gutture sentit. Tertium,
 ubi extrinsecus circa fauces inflammatio apparet. Quar
 tum, ubi gutturis partes, tum externæ, tum interiores si
 militer affectæ sunt. Sed de hīs plura in præfagijs Hippo
 crates & eius interpretes Galenus.

NOMINA ET VIRTUTES

HERBAE LACTVCAE

SYLVATICAE.

alias d-
spideio.



RAECIS thridax agria dicitur, alijs hieracion, alijs † aspidelon, aliquibus picris, Aegyptijs iobonfos, Italicis lactuca syluatica, Nascitur locis cultis & sabulosis.

Ad oculorum caliginem.

alias At-
tico.

Dicunt aquilam quum in altum uolare soluerit, prospicere rerum naturas, lactuca syluaticae folium euellere, & succo eius sibi oculos tingere, & maximam inde claritudinem accipere. Herbae igitur lactuca syluaticae succum cum uino optimo uetere & melle † acapno, quod sine fumo collectum est, mixtum in ampullam uitream condito, & eo utaris, summam medicinam experieris.

COMMENTARIUM.



ACTUCA syluatica haec est, quam Plinius libro 20. cap. 7. inter lactucas sponte nascentes ultimam describit folijs rotundis & breuibus, quam Dioscorides & Graeci hieraciam uocant. In lactucarum censum & nomen ascita, quod lato & amplo qualis lactuca folio sit, & incisa candidum succum, lactis copiosum quorem aliquem reddat. Nam ut Palladius in mense Ianuario inquit, lactuca dicta est quod abundantia lactis exuberet. Est autem lactuca syluatica, ut lib. 3. cap. 66. illam describit Dioscorides, herba caule aspero, rubente, spinoso & concavo: folia habet per interualla, raris diuisuris per ambitum scissa, betae similia, & in oblongis capitulis flores luteos. (Thridax agria.) id est lactuca agrestis. Hieracion.) Sic appellata est ab accipitribus, quos Graeci hieracas uocant, quoniam accipitres scalpendo eam, succo oculos tingendo obscuritatem cum sensere discutiant, ut refert Plinius. (Aspideion.) Aspideion seu mauis aspidelon, idem enim erit, dictum uidetur quod aspidis & reliquorum

liquorum serpentium ictibus medetur. Picris.) id est amara, sic dicta propter foliorum succum qui gustu amarus sentitur.

NOMINA ET VIRTUTES

HERBAE ARGEMONIAE.

CAPVT XXXI.



GRAECIS dicitur arfella, itē sarcocolla, Romani argemoniam dicūt. Quæ has uirtutes habere memoratur.

1 Ad oculorum uitia siue dolores.

Herba argemonia uiridis per se trita, & si arida fuerit in aqua calida intincta ut facillime teri possit, illita suggillationes et liuores oculorum mature discutit.

2 Ad uentris dolorem.

Herbam argemoniam uiridem cum sua radice tritam & potui datam prodesse dicimus & in omni loco iuuare. Si autem arida fuerit aqua tepida infusa, idem proficere creditur.

3 Ad uulnera, ulcera & canceromata.

Herba argemonia uiridis trita & apposita, omnia uulnera, ulcera & canceromata facile + sanare apta *alias cu* est. Si autem arida fuerit, aqua tepida infusa, idem pro *rat.*ficere creditur.

4 Ad luxum.

Herba argemonia contrita & apposita mire doloribus uel tumoribus ex luxu concitatis succurrit.

5 Ad morsum serpentis & scorpionis percussum.

Herba argemonia drachmis duabus in uini cya-

his duobus potui data, mirifice discutit uenenum.

6

Ad percussurā ferro uel sude factā.

Herba argemonia contusa & inposita mirifice sanat.

7

Ad uerrucas tollendas.

Herba argemonia in aceto tusa & inposita, mirifice tollit.

8

Ad splenis dolorem.

Herba argemonia in cibo sumpta, splenem consumit.

9

Ad ea quæ secanda sunt.

Herba argemonia contrita & inposita, aperit & persanat.

COMMENTARI.



ARGEMONIA hæc herba est agresti papaueri similis, folia habens anemones incisuris diuisa, florem in cauliculo purpureum, & caput papaueris syluestris, oblongiustamen & in superio re sui parte latius, radicem rotundam, succo croci colore, uiacri et acuta. Nascitur in aruis. Et hæc autoribus Plin. lib. 25. & Dioscoride lib. 2. argemoniæ historia, ex qua liquido & luce clarius constat herbam illam, quæ nunc uulgo sub argemoniæ, siue ut uulgus loquitur, agrimoniæ nomine circumfertur & in usu est, atq; sub eupatorii nomine à Dioscoride describitur, non ueram, sed longe aliam esse à uera hac argemonia: nihil enim commune habent in quo conueniant: quemadmodum nec ea quæ nunc falsò sub eupatorii nomine se uendit, commune quid habet cum uera eupatorio, quæ nunc sub argemoniæ siue agrimoniæ nomine perperam in medicinæ usum uenit. Cæterum argemonia nostra de qua hic agitur, sic appellata est, quoniam oculorū ac uisus malo, quod Græci argema

gema dicunt, illita medetur. Arfella.) Arfella dicta uidetur à uerbo *ἄρσεν*, quod est conglutino, eo quod uulnera cōglutinet. Quemadmodum etiam sarcocolla dicta est, quoniam carnes cōglutinet: *σάρξ*, nos enim caro est, *κόλλα* uero glutinum. Suggillationes.) id est percussiones, C. 1. & ex percussu liuores & maculas liuidas. Mature.) id est celeriter. Ad luxum.) id est luxatū & solutum, cui 4 membra suis locis mota sunt. Luxata enim mēbra dicuntur, quæ cum suo loco mota ossa legitimos naturæ in ea parte motus cum dolore impediunt: Græci à torquendo *στρέματα* dicunt. Mouentur autem sedibus suis ossa duobus modis. Nā modo quæ iuncta sunt inter se dehiscunt, modo articuli suis sedibus excidūt. Sed de his copiosius Celsus medicinæ lib. 8. cap. 11. Aduerrucas.) Verruca 7. cutis malum est, quod Græci *πύρρον* dicunt, estq; supereminens in corpore ceu globulus durior, & rotunda eminentia callosa, tuberculumq; in summa cute ex atra bile proueniens, cuius sanguis suo contactu alias quoq; facit. Sunt eius genera uaria proprijs distincta nominibus ceu acrochordones, thymion, myrmecia, & clauus: de quibus plura Celsus lib. 8.

NOMINA. ET VIRTUTES

HERBAE ASPHODELI.

CAPVT XXXII.



GRAECIS dicitur asphodelos, Latinis hastula regia, aliquibus albucus. Has uirtutes possidet.

Ad dolorem tibiæ uel pedum.

Herbæ asphodeli radicū succo & oleo amygdalino unges quod dolet, mirifice sanabitur: etiam si tumores fuerint, ipsam tusam & subactam impones.

2 Ad hepatis dolorem.

Herbæ asphodeli radicē decoque, uel aqua multa potui dato, hepatis dolorem mirifice sollet.

COMMENTARI.



SPHODELVS plāta est nota, folia habens grandi siue agresti porro similia, oblonga & angusta; caulem cubitalem, leuem, in cuius summo flos est purpurascens odor, qui, teste Dioscoride, anthericos dicitur; licet Pythagora & Theophrasto autoribus, caulis ipse anthericos dicatur, & radix, id est bulbi asphodelos. Sed Romani, testante Plinio, caulem albucum, asphodelon uero hastulam regiam uocauerunt. Semen fert lignosum, figura triquetrum, colore nigrum. Radices illi sunt plures, oblongæ, teretes, glandibus seu napis modicis similes. Germani à colore auroso *goldwurz* dicunt. Fuitq; olim quod nunc uix credat aliquis, in cibi usu radix, testantibus id Hesiodo in lib. qui Opera & dies inscribitur, & Theophrasto lib. 8. de historia plantarum, item Plinio in historia naturæ lib. 21. cap. 17. Hastula regia.) id est, uirga & sceptrū regium ob caulis florentis excellentiam, & quia herbarum clarissima, quam ob causam & heroion aliqui appellauerunt, uti testatur Plinius libro & cap. 22.

NOMINA ET VIRTUTES

HERBÆ OXYLAPATHI.

H. CAPVT XXXIII.



GRÆCIS oxylapathon uocatur, Itali lapathon acutū pro uocabuli ethymo nomināt. Si qua duritia in corpore orta fuerit.

Herba

Herba oxylapathon cum axungia uetere[†] suilla *alijs opifata*, & erane domestico facta ut malagma, & im*uilla*.
posita, mirⁿ. sanat.

COMMENTARI.



XYLAPATHVS dicta est quasi acuta rumex: lapathon enim rumex est, *ὀξύ* uero acutum dicitur. Nascitur autem palustribus locis, duris & in cacumine acutis folijs, ut tradit Dioscorides. Porro de oxylapatho & alijs lapathi generibus dictum est etiam supra cap. 11. Pro uocabuli ethymo. id est, pro interpretationis & significationis nominis more & consuetudine atq; ratione. Cæterum hoc in exemplaribus nostris non habetur.

NOMINA ET VIRTUTES

CENTAVRIÆ MAIORIS.

CAPVT XXXIII.



GRÆCIS dicitur maronion, alijs neffion, alijs pelethronia, quibusdam limnites, Prophetæ hæma heracleos, alijs chironiam, alijs limnestin, alijs apogorifapon, alijs poly hydion, alijs hemeroton, Aegyptij antiamas, Itali fel terra, siue uneferam.

1 Ad hepatis dolorem.

Herba centauria maior in uino decocta ac potui data, mirifice auxiliatur.

2 Ad spleneticos.

Herba centauria maior in uino decocta & potui data, splenem persanat. Nos ipsi experti sumus.

3 Ad ulcera & canceromata.

Herba centauria maior cōtrita & imposita tumorem fieri non patitur.

4 Ad fuggillationes & dolores.

Herbæ centauriæ maioris succus vel lactus ex aqua, summe facit.

5 Ad uulnera recentia.

Herba centauria maior tam efficax est ad plagas glutinandas, ut etiam carnes cohærescant, quæ ex aqua eius coquuntur.

COMMENTARIIL



IRVM est tam diu latuisse medicos & herbolarios, & adhuc etiam multos ignorare quænam planta sit centauria maior, ipsosq; longe alia & diuersa herba usos pro centauria hac fuisse, quum tamen in multo usu et honore atq; pretio eam semper habuerint, & adhuc nostro tempore etiam habeant: sed ignorâtes ipsam esse centauriâ, alienoq; hoc est rheupontici nomine, cuius radici assimilatur, appellantes. Nâ quam uulgo nunc omnes rheuponticum uocant, ea uere est centauria maior, multi usus cõtra iecoris atq; lienis mala. Estq; alia ab ea quâ Dioscorides lib. 3. cap. 3. rha simpliciter uocat, & à Romanis rha Ponticum appellari tradit, & nunc etiam rheubarbarum dicitur, longo tempore ignota radix, & centaurio huic maiori similis, nisi quod cõmanducata pallefcit, & luteum croci colorem aliquem refert, quum centaurij radix succo rubescat. Estq; alia etiâ à rheubarbaro, quo nunc diu ex India allato usi sumus: licet effectu sint non dissimiles, uti experiëntia quoq; in nobis ipsis & uenerabili domino Christanno Rastio monasterij Isinensis Priore benemerito, qui ipsam plantâdo in honore habet, compertû habemus. Sed ne longius à centauria discedamus, quali effigie sit plâta, ex Plinio & Dioscoride ipsam describemus. Habet autem folia iuglandis nucis folijs similia, lata & oblonga, serrata ambitu, densa ab radice: caules duûm aut trium aliquando cubitorum, geniculatos, in quibus capita ceu papauerum in rotûdo oblonga,

oblonga. Florem ad cæruleum inclinatum, cnicoꝝ simili semen uel pilanis in flore inuolutum. Radix illi est uasta, ponderosa, ciliata, rubescens, tenera, fragilisꝝ, ad bina cubita longitudine, madida & succosa, succo rubescēte, amara cum quadam dulcedine. Nascitur in collibus pingui solo. Laudatissima in Arcadia, Helide, Messenia, Pholoë & Lyceo, atq; in alpibus, pluribusꝝ locis in Lycia, item Peloponneso & Smyrna. Cæterum dicta est centauria à Chirone Centauro, qui ea curatus dicitur cum Herculis exceptus hospitio pertractāti arma, sagitta excidisset in pedem: quare aliqui etiam chironion uocauerunt, uti tradit Plinius lib. 25. cap. 6. siue ut sequenti capite uult Apuleius, quod eas Chiron inuenerit. Maronion.) Maronion appellatū est à Thraciæ monte Maronio & ciuitate Maronia, quoniam plurima aut probata illic nascitur. Nesson.) Quemadmodum à Chirone Centauro chironia, sic etiam à Nesso siue Nessio, qui Centauri fuerunt, nesson appellata est centauria. Pelethronia.) Sic dicta est à monte Thessaliæ, ubi Lapithæ quondam equitandi artem, cuius ipsi periti, alios docuerunt, inter quos & Chiron Centaurus censebatur. Limnitis.) id est paludalis & stagnalis: sic dicta quod secus aquarum scatebras & paludes, quas Græci λίμνας dicunt, nascit. Et eadem est ratio cur aliqui eandem limnestin uocauerunt & limnesion. Hæma heracleos.) id est sanguinē Herculis. Quo nomine appellata est, eo quod, quemadmodum Hercules immania monstra illa edomuit: sic etiam herbæ huius radix à quacūq; humani corporis parte fluentis sanguinis impetus domat & consistere facit: seu quod radix ipsa & succus eius sanguinis modo rubescāt. Polyhydion.) id est multiaqueam & succosam: succo enim plena est illi radix, & locis succosis ac pinguibus libens etiam nascitur. Hemerorion.) Sic dici potuit à mansuetudine & dulcedine quadam saporis quæ in radice sentitur: licet enim sapore sit acri & stipticante, nihilo-

minus tamen dulcedine aliqua participat, *in* 30 autem Græcis māsuetus dicitur. Fel terræ.) Appellatio hæc ex minore cētauria maiori adiecta est *vel* sensu. Cōstat enim re ipsa maioris radicem dulci quādam modo sapore dotatam, minoris uero amaro: quare fel quod amarum est, minori & non maiori conuenit, quod Plinius etiam testatur ubi de minore agens dicit, Hoc centaurion nostri fel terrę uocant, propter amaritudinem summam.

NOMINA ET VIRTUTES

CENTAVRIÆ MINORIS.

CAPVT XXXV.



St & centauria minor, à Græcis elleborites uocata, Prophetæ hama heracleos, Aegyptij amaranthum, Daci stirsozila, Itali febrifugiam, alij multiradicem. Chiron Centaurus has herbas duas inuenisse, & eas Asclepio dedisse fertur, unde & nomen centauriæ tenent. Nascuntur locis solidis & fortibus.

1 Ad uiperæ morsum.

Herbæ centauriæ minoris puluer in uino exhibitus, aut ipsa pisata in uino ueteri & potui data, ualidissime proficit.

2 Ad oculorum uitia.

Herbæ centauriæ minoris succo oculos inunges, aciem oculorum extenuatam sanat, adiecto etiā melle mirifice idem proficit: caligantibus quoque oculis & claritas restituitur recte facile. Ne quis in hoc periculum incidat, centauriæ minoris manipulum in uini congio coquito, ac triduum maceratum eximito, inde cottidie ad heminam mellis Attici mixtum, ieiunus bibat.

3 Ad auriginem.

Herbam centauriam minorem decoque in aqua ad tertias, & ex ea dabis bibere quantum poterit, sanabitur.

4 Ad lumbricos & tineas.

Herbæ centauriæ minoris succum dabis ut supra, miraberis bonum effectum.

5 Qui uenenum sumpserit.

Herbam centauriam minorem ex aceto tritam dabit, mox discutit uenenum. Item centauriæ radices pondere denarij unius in tribus cyathis uini bibantur.

COMMENTARI.



CENTAVRIA minor herba est minutis folijs, hyperico aut origano similis, angustioribus et longioribus folijs: caule anguloso, paululum alto fruticante: flore in puniceo lychnidis colore purpurascēte: semine tritico simili: radice parua, tenui & superuacua, nulliusq; usus: succo efficax & gustu amara, autor Plin. & Dioscorides. (Elleborites.) Elleborites ab elleboro dicta uidetur, id tamen qua ratione, haud satis compertum est, nisi quis saporis quandam similitudinem in causa esse uoluerit, qui tamen in centauria hac amarus, in elleboro acer & feruidus est, siue quod flore purpurascēte sit utrunq;. Ab elleboro item huc irrepsisse uidetur & altera appellatio quæ est multiradix, licet centauriæ minus bene cōueniat: una enim tantum radice ntitur centauria, non pluribus uti elleborus. (Febrifugiam.) Febrifugia dicta est, eo quod febres fugat & procul à corpore pellit, estq; nunc multo in usu contra febres.

(Chiron Centaurus.) Hic Saturni & Phylliræ fuit filius, qui & Centauros & omnes ætatis suæ homines bonitate & iustitia antecelluit. Nauigauit cum argonautis, quorum medicus fuit. Medicinam & herbarum uires in

uenit, & ab eo medicinam didicit Aesculapius, quod hic innuit Apuleius, cum Chironem herbas has Asclepio, qui Aesculapius est, tradidisse refert. Qui Aesculapius Apollinis filius, quoniam adhuc rudem & uulgarem medicinam paulò subtilius excoluit, in deorum numerum receptus est, ut refert Celsus. Manipulum.) Manipulus dicitur à manu, manualis herbæ fasciculus. Congio.) Congius, qui Latine chus dicitur, mēsuræ genus est, continēs sextarios sex: sextarius uero lances siue cotylas, quæ & heminæ dicuntur, duas. Cotyla uero diuiditur in duo acetabula, acetabulum in tres cyathos, cyathus uero in quatuor mystra, cochlearium autem mystri dimidiū est. Amplius chus pondere uini quatuor & decem librarum est, olei nouē, mellis quinque & decem. Sunt enim cuiusque materiæ mensurarum pondere plurimæ differentiæ, auctor Africanus. Sed alij, ceu Vegetius & Priscianus in ultimis mensuris non nihil uariant, dicentes mystri tertiam partem esse cyamen, quæ duo cochlearia capit. Ad auriginem.) id est ictericiam. Dicta est autem aurigo à pallore auri, quem bilis per uniuersum corpus fusa representat. Ad lumbricos & tineas.) id est contra uentris animalia & uermes, qui à lubricitate lūbrici dicti sunt, & aliquando tineæ appellātur, ceu apud Q. Serenum, & non raro apud Plin. Et per has duas appellationes omnia uermium genera quæ in corpore humano generant, intelligit.

NOMINA ET VIRTUTES

HERBÆ PERSONACIÆ.

CAPVT XXXVI.



RAECE profopites aut profopes uocata est, alijs bacchion, alijs elephatosi, alijs elephas, alijs nephelion, Itali personaciam, alij dardaniam, alij manifestum, Galli betilolen, Daci riborasta. Ad

1 Ad morsus serpentium.

Herbæ personaciæ succum cum uino uetere dato in potionem, omnium serpentium uel colubri morsus mirifice sanat.

2 Ad febres acerrimas.

Herbæ personaciæ folijs cingens febricitantem, statim mirifice sanat & effugat febres.

3 Ad uulnera, etiam si cācerauerint.

Herbæ personaciæ aqua foueto, deinde ipsam cū nitro & axungia & picula ex aceto tere, & in panno inducito & imposito.

4 Ad intestinorum dolorem.

Herbæ personaciæ succi cyathum unum ex mellis Attici cyathis duobus ieiunus bibat, liberabitur.

5 Ad canis rabiosi morsum.

Herbæ personaciæ radices cum sale marino tritas morsui imposito, mirabiliter sanat.

6 Ad uulnera uetera quæ humorem præstant.

Herbæ personaciæ radicem & spinam quæ in locis siccis nascitur æquali pondere conteres, & impones puluere mollissimo, perfectissime sanat.

7 Ad ambustum.

Personaciæ succi cyathum unum ex mellis cyathis duobus bibat.

COMMENTARI.



PERSONACIA hæc est, quam nunc ungulam caballinam uocant, & duas species habet, ut Simon Ianuensis scribit. Vna maior, quæ in marginibus aquarum semper inuenitur, maiore folio, nec angulis sic manifestis, & parua radix eius, odorise

ra, quam quidam cassulam cordis uocant. Altera minor, quæ campis & locis siccis nascitur, & in uineis. Græci arcion nuncupant, & à Dioscoridē lib. 4. cap. 98. cucurbitæ folia habere traditur, minora tamen, duriora, nigriora & hirsuta. Caulem albicantem, & si aliquando caulem non proferat. Radicem grandem, intus candidam, foris nigram. Plinius lib. 15. cap. 9. persolatam uocat inquit, Persolatam, quam nemo ignorat, Græci arcion uocant, folia habet maiora etiam cucurbitis, & hirsutiora, nigriora & crassiora, radicem albam & grandem. Germani ex unguis caballinæ interpretatione *Rosszhiff* uocant. Cur autem personacia sit dicta hæc herba, causa est quod ea propter foliorum amplitudinem uterentur ad personatos faciendos, quæ causa etiā fuit ut à Græcis prosopites & prosopes, quod personatam in Latino sonat, fuerit appellata; licet sub personatæ nomine Plinius libro & capite iam dictis, aliam ab hac personacia, quam una mutata litera persolatam uocat, herbam intelligat, utpote quæ à Græcis aut arcion aut petasites appellatur. Et Galenus arcion nomine & personaciam hanc & petasiten aliquando comprehendat. Bacchion.) Bacchion dicta est quasi furens & insana, eo quod in ludis ad personas usum præberet bacchantibus. Elephantosis.) Elephantos appellata est & elephas à magnitudine & forma foliorum ad pedes elephantis. Quæ foliorum magnitudo & forma fecit etiam ut à Latinis manifolium dictum sit à manu. Nephelion.) Nephelion dictum est quasi nebula, eo quod personatis usu suo tanquam nebulam obducatur, quo minus agnosci possint. Dardana.) Dardana autem una mutata litera bardana est appellata, quoniam lappæ, quam C. 1. bardanam etiam dicunt, sit congener. Colubri.) Coluber serpens est in aquis degens, cuius etiam plures sunt 3 differentię & species. Cancerauerint.) id est in canceri naturam transferint. Qualis uero sit morbus cancer, dictum est supra cap. 2. Nitro.) Nitrum simile est sali & à

& à falis natura non multū distans, unde aliquando cum adiuncto sal nitrum etiam appellatur, Arabice baurach: aliud ab eo quod nunc sal nitrū & sal petræ uocant, cuius in bōbardis & tormētis illis tonitruarijs usus est. Suntq; uaria nitri genera, de quibus plura Plinius lib. 31. cap. 10.

(Picula.) Picula diminutiua forma dicta est à pice, quæ duūm generum est, liquida & spissa: de quibus Dioscorides lib. 1. cap. 87. & 88. Plinius lib. 24. cap. 7. Ad ulcera quæ humorem præstant.) id est, ad ulcera humida & sanie purulenta fluentia. Nam uti Galenus Therapeuticæ lib. 3. tradit, In ulceribus tenuius excrementum, sanies & ichor dicitur, crassum, sordes: ex hoc sordidū, ex illo humidum redditur ulcus. Et ut humidum ficcantibus eget, ut sordidum, quæ expurgent.

NOMINA ET VIRTUTES

HERBÆ FRAGI.

CAPVT XXXVII.



OMARON Græci, Romani fragum nuncupant. Nascitur locis opacis et mundis & collibus. His est prædita uirtutibus.

1 Ad splenis dolorem.

Herbæ fragi succum ex mellis uncia potui datum mirifice proficere certum est.

2 Ad suspiriosos & colicos.

Herbæ fragi succus cū pipere albo & melle mixtus potui datus, mirificū est remediū. Legito eā mundus.

COMMENTARI.



ERBA fragi, quam fragariam nō male dixeris, omnibus nota est, quum etiam, ut Plinij uerbis utar, fraga gignendo commendetur. Folijs constat trinis, à quorum numero triphyllon,

id est trifolium haud perperam quis nūcupauerit, & non pentaphyllon, id est quinq̄folium, ceu Plinius facit, qui lib. 25. cap. 9. fragariam herbam cum quinq̄folio confundit. Cæterum fragariæ herbæ fructus sunt fraga & terrestria humiq̄ in herbis nascentia mora, quū maturuerunt colore rufescente & odoris optimi, à quo & uerbo frago quod odorem reddo significat, nomen habēt. A Germanis *erdber* uocantur. Græci *comaros* appellant, ob similitudinē fructus arboris unedonis & arbuti uocati, cuius fructus similis & cōgener est hīs terrestribus fragis, teste C. 2. Plinio lib. 15. cap. 24. Suspiriosos.) id est difficulter spirantes & asthmaticos, de quibus copiosius dictum est in Antonio Musa. Colicos.) id est, eos qui colicum dolorem patiūtur. Est autem colicus dolor, qui in intestino pleniore crassiorēue fit, quod colon uocatur: licet plurimi uehemētissimos quosq̄ dolores in quacunq̄ parte intestinorum fiant, ad eolum referant. Mundus.) id est purus à re Venerea & omni inquinamēto die & nocte illa.

NOMINA ET VIRTUTES

HERBÆ IBISCI.

CAPVT XXXVIII.



GRAECIS appellatur *althæa*, alij *althæan rhizan*, alij *elæomolochen*, alij *molochen agrian* aut *creticen*, alij *anadendromalachen*, alij *sycophyllon*, Itali *ibiscum* uocāt, alij *maluauiscum*. Nascitur locis humidis & campis.

1 Ad podagram.

Herba *ibiscus* pisata cum axungia uetere & imposita, tertia die sanat. Huius herbæ experimentum plures autores affirmant.

2 Ad collectiones quæ in corpore nascuntur.

Herba

Herba ibiscus decocta cum fœnograci & lini seminis polline & imposita, duritias omnes discutit.

3 Ad omnia encatasmata in corpore.

Herbam ibiscum cum malua erratica & fœnogreco decoques, & eadem aqua fouebis, & hæc omnia res & encatasmatis impones.

4 Ad intestinorum dolorem.

Herbam ibiscum perinde ut supra decoques cum singulis, postea ut encatasma ex aqua calida intestinū fouebis, tertio die sanabitur. Experti sumus.

COMMENTARI.



IBISCVS, aut si mauis Græca uoce dicere althæa (quæ Latinis quoq; in usu est, & utraq; etiam eandem herbam uocari Palladius lib. 11. cap. 14. in mense Octobri autor est dicēs, Althææ, hoc est ibisci folia &c.) quæ & qualis planta sit, & quæ Græci nominis appellationisq; ratio & causa, docet nos Dioscorides libro 3. cap. 155. inquiens: Althæa syluestris maluæ genus est. Circinata folia cyclaminis modo & lanuginosa habet. Florē rosæ figura & specie. Caulem bicubitalem. Radicem glutinoso lentore mollem, intus candidā. Nomen illi à multiplici remediorum potestate & usu factum est. Siquidem althæa idem est ac si dixeris herba medica, à dictione ἄλθος, quod in medicina pharmacum est & remedium, & ἀλθαίνεσθαι uerbum mederi. A quibusdam uero non simpliciter althæa, sed cum adiuncto althæa rhyza, id est medica radix appellata est. Syluestrem autē esse maluam Plinius quoq; testatur lib. 20. cap. 21. Qui post maluæ diuisionem, E syluestribus, inquit, cui grande folium & radices albæ althæa uocatur, ab excellentia effectus à quibusdam aristalthæa. Et Theophrastus lib. 9. de plātarum historia idem confirmat dicens, Et quam hī althæam, illi uero syluestrem maluam appellant, Germani ab ibisco fa-

esta deriuatione *ibſchen* uocāt. Et hæc althæa est ſylueſtris, quæ ſponte ſua in campis & locis incultis naſcitur. Nam de ſatiua & hortenſi quæ in hortis cōſita arboreſcit, ſeorſum agit cap. 52. ſub nomine haſtulæ regiæ. Elæomolochen.) Elæomolochē dicta eſt quaſi oleaginosa malua: *ἐλαίου* enim Græcis oleum eſt, molochē uero communiter malua uocatur, licet etiam aliquando malachē, ſed ut in ſecūdo dypnoſophiſte Athenæus teſtatur, à ſolis Atheniēſibus dicatur. Appellata eſt autem hoc nomine ob ſucci radicis uiſcidū & glutinoſum lentorem. Molochen agrian.) id eſt maluam agreſtem. Creticen.) Cretice dicta eſt aut à Creta inſula, in qua plurima & procerior naſceretur, aut forſan cretice, id eſt regia, à uerbo *κρέω*, qđ eſt impero & regno. Quæ tamē appellatio tunc illi potius competet, quam poſtea cap. 52. ſub haſtulæ regiæ nomine nobis proponet. Anadēdromalachen.) Anadēdro malachē potiffimum uocatur à Galeno, quaſi arborea ſiue arboreſcens malua: *ἀνὰ δρόμον* enim Græcis arbor eſt.

Sycophyllon.) Sycophyllon idē eſt quod ficulneum folium, à *συκῆ*, quod eſt ficus arbor, & *φύλλον* folium. Sic forte dictum à magnitudine & ſimilitudine quadam for
C. 2. mæ foliorum. Fœnogræci.) Fœnogræcum herba eſt, cuius ſemen apud medicos in uſu eſt, molliendi, diſcutiendiq; uiribus præditum; de quo Plinius lib. 24. ad finem, & Dioſcorides lib. 2. cap. 92. Lini ſeminis.) Linū omnibus notum, cuius ſemine in medicina utimur, eiufdem cum fœnogræco uirtutis, ſed de hoc plura Dioſcorides libro 2. cap. 93. & Plinius lib. 19. cap. 1. & lib. 20. cap. 22. Polline.) Pollin pro tenuiſſima farina & puluere accipitur, qualis circa molas plerunq; & loca in quibus panis pinſitur parietibus hærens inuenitur. Et proprie in tritico appellant pollinem, quod florem in ſiligine, autore Plinio
 3 lib. 13. cap. 10. Encatheſmata.) Encatheſmata pandectarum autor eſſe dicit ſeſſiones in aqua uel balneo particulari uſq; ad umbilicum uel ſuffumigium, à uerbo *καθάρ*
μω

Id est, quod est sedeo. Nos tamen hic per encathesmata intelligimus corporis abscessus, tumores et reliqua quæ corpori excreſcentia infident, ac balneis eiufcemodi fomentisq; indigent.

NOMINA ET VIRTUTES

HERBÆ HIPPURIS.

CAPVT XXXIX.



GRÆCIS dicitur hippuris, Itali uero equisetam uocant.

1 Ad dysentericos.

Herbæ equisetæ succus ex uino dulci cyathis duobus potui datus, dysenteriam sanare creditur.

2 Ad eos qui sanguinem per os reſciunt.

Herbæ equisetæ succum ex uino austerissimo sine fumo ieiuni bibant, mox sanguinem reſtringet.

COMMENTARI.



HIPPURIS Græce idem est quod cauda equina Latine, ex Græci nominis interpretatione facta appellatione: hippos enim equus est, ura uero cauda. Dicta est autem hippuris, quod arborescens ex illis dependeat comis nigris ut est equorum cauda. Aliqui equisetam uocant, similiter ab equinæ setæ similitudine. Nā ut Plinius lib. 26. cap. 14. ait, Pullulus est terræ, equinæ setæ similis. Nascitur in pratis, aquosis locis & fossis, Coliculōs habet inanes, modice rubētes, duros, leniter asperos, geniculis inuicem insertis dissectos, & circa coliculos illos folia iuncorum figura densa graciliaq; augetur in altitudinem propinquas stirpes ascendēs, pendetq; ex illis circumamplexa multis nigrisq; comis ceu.

cauda equina. Radix illi lignosa est & dura. Est & altera hippuris recto caule, cubito maiore, concauo, comas per intervalla habens breuiores quàm superior, cãdidiore, mollioreſq; ut autor eſt Dioſcorides lib. 4.

NOMINA ET VIRTUTES

MALVÆ ERRATICÆ.

CAPVT XL.



MALACHIN agrian Græci uocant, alij elæo malachen, alij acopon, alij collyrin, alij mala chen, alij heliostrophon, alij osyriacam, Itali maluam rusticam, alij maluã erraticam. Naſcitur ubiq; locis cultis.

1. **Ad ueſicæ dolorem & eos qui ſanguinem per naturam faciunt.**

Herbæ maluæ erraticæ cum totis radicibus ſiſ libram piſatam & in congio aquæ coctã ad dimidium, per triduum ieiuno dato bibere, dolorem mitigat, & ſanguinem abſtinet.

2. **Ad neruorum dolorem.**

Herbæ maluæ erraticæ radices cõtrite cum axungia uetere & impoſitæ, neruorũ dolorem mirifice ſanãt. Facit & ad omnia encatheſmata decocta cum iſco & ſcœnograeco.

3. **Ad lateris dolorem.**

Herbam maluam erraticam decoques cum oleo, & poſtea diſtringes, & folia in mortario teres, & in pannum induces & imponeſ, & triduo non ſolues, emendaſti dolorem.

4. **Ad recentia uulnera.**

Herbæ

Herbæ maluæ erraticæ radicem in cinere coctam
contere & impone, sanabitur.

COMMENTARI II.



VAMVIS maluæ duo genera faciât Plinius &
Dioscorides, quæ & Apuleius hic agnoscere ui
detur, de malua erratica huic capiti titulū præ
figens, quasi sit & alia ab hac diuersa, re ipsa ta
men non nisi unum maluæ genus est. Discrimen enim il
lud satiuæ siue hortensis & syluestris, non genere sed cul
tura tantum & natali loco illas inuicem secernit & sepa
rat. Hortensisq; & satiuu uocatur quæ in hortis ad cibos
quondā melioris iucundiorisq; saporis causa ferebatur.
Fuisse autem in cibi usu olim maluam, testis est Dioscori
des, qui hortensem magis quàm syluestrem edendo esse
dicit. Nec minus idem ex Hesiodo in libro τῶν ἔργων καὶ
ἡμερῶν, id est operum & dierum inscripto colligitur, ubi
ait, Νῆπιοι, οὐδ' ἴσσιμι ὅσω πλέον ἤμισυ πάντες, οὐδ' ὅσοι μάλ
λα χητέου ἀσφοδέλω μέγ' ὄνησας, hoc est, Fatui, neq; sciunt
quanto plus dimidium toto, neq; quantum in malua &
asphodelo magna utilitas. Syluestris autem uocatur mal
ua non quæ in syluis aut asperis locis nascitur, sed in in
cultis tantū, quales sunt semitæ, prata, & alia id genus ru
ris & agri loca, quæ quoniam cultura uacāt, syluestribus
assimilantur: & hoc uel ex Dioscoride patet, qui χερσαῖαν
cherseam uocat maluā: quæ uox Græcis non simpliciter
terram, sed τὴν ἀνέργαστον γῆν, id est incultam & inelabo
ratam terram significat. Et hinc Apuleius erraticam ap
pellauit maluam, non quæ genere sed loco tantum & cul
tura ab hortensi & satiuu esset diuersa. Germani hanc her
bam bappelen uocant, omnibus notam, quare historiam
ipsius subscribere superuacaneum esset. Malachena
grian.) id est maluam agrestem, & ut in nomenclaturis
habetur, erraticam & rusticam. Acopon.) Acopos di
cta est quasi doloris lenitiua & mitigatiua, indolētiamq;

faciēs, ab α particula priuatiua, & κόπη, quod laborem & dolorem significat. Collyrin.) Collyris appellata est quod aluo ciendæ & emolliendæ collyrii, quod uulgo nunc suppositorium, Græci balanon uocant, uicem præstet radix, quæ sæpius in balani forma eius causa uentri submittitur, à κώλον quod membrum significat, uel κώλα quod est podex & anus. Malachen.) id est malua; sicq; dicta est ab emolliendo uentre, μαλάω enim unde malache dicta est, Græcis subigere est & mollire, & μαλακός mollis. Vnde Martialis maluæ uim hanc indicans ait,

Vtere lactucis, & mollibus utere maluis,

Nam faciem durum phœbe cacantis habes.

Heliostrophon.) id est solsequium, ab helios qui Sol est, & uerbo στροφάω, quod est uerto, eo quod folia ipsius ad Solem circumaguntur & uertuntur. Cuius rei testis est Columella in carmine dicens,

Et moloche prono sequitur quæ uertice Solem.

Dicitur aut & moloche & malache, ut habitum est prius in ibisco. Testatur etiam hanc uim & naturam eius Theophrastus item, qui causam quoq; subiungit hijs uerbis, ἐνίωρ δὲ καὶ τὰ φύλλα συμπάσχει τὸ αὐτὸ κατὰ πρὸς τὴν μαλάχην· αἰτίον δὲ τὸ ὑγρὸν καὶ αἰσθητικόν, ἢ γὰρ ἔρδνται δὴ καὶ τὸ μαλίνωρ δὲ ἡλιος· οὗ τὸ τὸν ἥγχιον, hoc est, Aliquorum uero & folia compatiuntur hoc, ceu maluæ. Causa uero, humidi exuctio, quâ enim elicit & exugit calefaciens Sol, in hoc est & folij inclinatio. Osiriacam.) Osiriaca dicta uidetur quasi boni & diuini effectus in medicina; idq; ab Osiride, quo nomine apud gentiles deus quatenus effector est bonorum, appellabatur antiquitus, ut tradit Iamblichus in libro de mysterijs. Ad lateris dolorem.) Delaterum doloribus Celsus lib. 4, cap. 6, sic tradit, In his uehementes dolores esse consueuerunt, & initium uel ex frigore, uel ex ictu, uel ex nimio cursu, uel ex morbo est. Sed interdum malum infra dolorem est, isq; modo tarde, modo cele-

riter

riter soluitur: interdum ad perniciem quoque procedit, oriturque acutus morbus, qui pleureticus à Græcis nominatur. Mortario.) Mortariū uas est lapideum siue æreū, in quo tundunt terunturue pistillo que resoluenda sunt, autore Nonio, Plautus in Aulularia, Cultrum, securim, pistillum, mortarium, quæ utenda uasa semper uicini rogant, fures uenisse atque abstulisse dicito.

NOMINA ET VIRTUTES

HERBÆ BUGLOSSÆ.

CAPVT XLII.

BUGLOSSON Græci, Prophetæ gonon alueru, Osthanez tzanuchi, Aegyptij antueorinbesor, Romani linguam bubulam, Lucani coraginem dicunt. Nascitur locis cultis & sabulosis. Buglossa dicta est eo quod folia aspera in modum linguæ bubulæ habeat. Folia habet aspera, obscura, terrestria. Hæc in uino mixta hilaritatem conuiuuiis facit: in cibum etiam cocta pro oleris sumitur, uel trita pro condimento.

1 Ad tertianas siue quartanas.

Herbæ buglossæ quæ treis thyrsos seminis mittit radicem totam cum aqua decoque, ipsam aquam decoctam potui dato, remediabis tertianas: quæ autem quatuor thyrsos habet, faciet ad quartanas, dabis autem ut supra. Alia item herba similis est ei, quæ folia lapathi fert minuta, eius radix potata ex aqua, ranis & serpentibus aduersatur.

2 Ad suspirium.

Herbæ buglossæ succum cum melle dabis bibere, mirabiliter suspirium tollit.

3 Ad apostema siue suppurationem in corpore.

Herbam buglossam cum melle & pane cōtritā uice malagmatis impones, mirifice rumpit apostema. Leges eam mense Iulio.

COMMENTARI.



BVGLOSSA proprie dicta, ea herba est de qua præsenti capite agit Apuleius, & quam nostro tempore communiter omnes relicto buglossæ nomine, boraginem uocant, uerso, una mutata litera, coraginis nomine in boraginem, nisi fortè uitiose corago scriptū fuerit. Est & alia herba, quæ nostro etiam æuo buglossa uocatur, sed de hac plura inferius capite 68. de cirsiio inscripto. Gonon æluru.) id est genituram felis, γόνος enim genitura dicitur, αἶμας uero feles.

Folia obscura.) id est nigricantia. Dioscorides uerbasco similia folia habere dicit, sed nigriora, quæ in uinum deiecta, uoluptates animi augent & lætitiā faciunt, unde & euphrosynon uocatur autore Plinio. Terrestria.) Terrestria uocat quæ Græci χαμαίπετα, id est humi & in terram decidua dicunt. Condimento.) Condimentum est quod ad condiēda fit obsonia, & alio nomine in-

C.1. tinctus & embamma dicitur. Virtutem hanc buglossæ testatur etiā Dioscorides, licet Plinius lib. 25. cap. 8. illam non buglossæ sed cynoglossæ adscribat, quum post buglossæ tractationem ait, Iungitur & cynoglossos caninas imitans linguas, aiuntq; quæ tres thyrsos seminis emit-
tat, eius radicem potā ex aqua ad tertianas prodesse: quæ quatuor ad quartanas. Quæ deinde hic de alterius herbe similitudine sequuntur, utpote, Alia item herba similis est ei, &c. ex Plinio etiam huc temere ab alio quopiā transcripta uidetur, non enim in omnibus Apuleianis exemplaribus habetur: & apud Pliniū post cynoglosson etiam

ita leguntur, Est alia similis ei, & quæ ferat lappas minutas &c. Vbi etiam Plinium emendandum esse putamus, ut pro eo quod est, ferat lappas minutas, legatur, folia lappathi fert minuta. Suspirium.) id est spiritus & anhelitus difficultatem & suspirationem angustā difficilem q̃. Quod malum apud Græcos aliud atq; aliud nomen habet prout se intendit. Omne enim in difficultate spirandi consistit. Sed hæc dum modica est, neq; ex toto strangulat, dyspnœa appellatur. cum uehementior est, ut spirare æger sine sono & anhelatione non possit, asthma. Cum accessit id quoq; ne nisi recta ceruice spiritus trahatur, orthopnœa: autor Celsus medicinæ lib. 4. cap. 4.

NOMINA ET VIRTUTES

BVLBI SCYLLITICI.

CAPVT XLII.



GRAECIS dicitur scylla, alijs stœchas, alijs pācration, alijs typhonos, Aegyptij sylitho, Prophetæ ophthalmon typhonos, Itali scyllam rubram, masculam, alijs bulbum scylliten siue scylliticum appellant.

1 Ad hydropisim.

Herbæ scyllæ bulbus torretur, deinde circumpurgatur, & medium eius in aqua decoquitur, cum bene coctum fuerit eximitur, & ex eo tres oboli potui dantur cum melle & aceto hydropico, & euacuatur per urinam.

2 Ad perniones.

Scyllæ quod est in medio eius cum oleo commode feruescito, atq; ea quæ dolorem exhibent perungito, sanabuntur.

3 Ad panariciū.

Herbæ scyllæ radix pisata cum aceto & pane, imposita panariciū mirifice sanat.

4 Ad extinguendam sitim hydro-
picorum.

Herbæ scyllæ folium subiectū linguæ, sitim compescit, Leges eam omni tempore.

COMMENTARI.



CYLLA quæ bulbus scyllites, scylliticusq; dicitur, ē bulborum genere est, de qua sic scribit Plinius lib. 19. cap. 5. Bulborum nobilissima est scylla, quanquā medicamini nata, acetoq; exacuendo. Nec ulli amplitudo maior, sicut nec uis asperior. Duo genera medicæ. Masculus albis folijs, fœmina nigris. Et tertium genus est cibus gratum, epimenidū uocatur. Sed uide num potius edodimon sit legendū, id est quod edendo est. Stœchas.) Quæ sequenti capite in prius impresso codice habetur appellatio stœchas, ea in exemplaribus nostris præsentī capite scribitur, hucq; irrepfit ex alia herba quæ propriè sic appellatur, & minoris scyllæ nomine etiā nominatur, quod est pancratios, quasi tota uictrix.

Typhonos.) Typhonos dicta est à Typhone gigante, quod quemadmodum amplissimis corporibus homines fuerūt gigātes, sic etiā scylla inter bulbos maxima. Et quia maximis oculis fuerunt etiā gigātes, ē quorum numero & Typhon fuit, hinc à prophetis & magis ipsis ophthalmos typhonos; id est, oculus Typhonis etiā est appellata, ab oculi forma & similitudine. Scyllam rubram, masculam.) Rubra & mascula, non scyllæ appellationes, sed generum discrimina sunt, quæ nobis per eas uoces dat intelligere: nam uti ex Plinio iam patuit, scyllæ medicæ duo genera sunt, masculum albis folijs, & fœmina nigris siue rubris. Et idem Plinius lib. 20. cap. 9. de iisdem

dem ait, Scyllarū in medicina alba est quæ masculus, fœmina nigra. Scylla quæ cādidissima fuerit, utilissima erit.

Quoniam cruda) ob acrem feruidamq; (nam in ter- C. 1.
tio gradu, ut uocāt, ualidissime calet, teste Galeno) & maximam incidendi uim, noxia est intus sumpta scylla, testimoniū omnium, ideo quo innocentior in medicū usum ueniat & sine periculo intus assumatur, coquendā ipsam & præparandam prius præcipiunt autores, quo sic maiorem uirium suarum acrimoniā & uim noxiam igne amittat. Cuius rei non inscius Apuleius, coquendi modū nobis, licet quemadmodum Plinius etiam, succincte nimis, præscribit, quare ex Dioscoride lib. 2. ca. de scylla, coquendæ scyllæ modum altius & fufius, quoniam rei necessitas id exigit, subiungam. Inquit autem, Acriter uidoq; temperamento scylla est. Plurimos habet cremata usus, ideoq; pasta siue crusta ex panificio & opere pistorio aut luto inuoluitur, sicq; in clibanum aut furnum cōicitur, aut carbonibus obruitur, donec circumlita crusta illa abūde tosta sit. Quod si amota crusta illa nondum cocta penitus scylla tenerior facta flaccescet: denuo ut prius noua pasta aut luto inuoluetur & cremabitur. Quæ enim sic cremata non fuerit, graui periculo præsertimq; interaneis dabitur. Torretur hæc ipsa etiā in operculato fictili in furnum coniecta. Tosta deinde purgatur abiectis extimis cunctis partibus, & medium eius quod maxime intimum est, iterum in aqua coquitur, usq; dū neq; amaritudo neq; acrimonia in aqua sentiat. Et sic cocta scylla usui est. Quo pacto autem ex scylla uinum aut acetum scylliticum scyllinumue appellatum, nam & horum olim usus erat, conficeretur, docet Dioscorides lib. 5. Columella rei rusticæ lib. 12. Palladius in mense Iulio, & Plinius lib. 20. Non ommissis siccandæ & in usum seruandæ scyllæ ratione & modo, quæ etiā 2. lib. docet Dioscorides. Perniones.)
Pernio morbus & malum est ubi in pedum manuumq; digitis, & aliquando in posteriore calcaneo, quod Græci

ἡ ἐπὶ τῷ, & inde Latini una dempta litera pernam uocant, ex nimio frigore tumet primum & liuet caro, & nisi succurratur, locus facile exulceratur. Ad panaricium.) Panaricium uocat, quod Græci paronychion dicunt. Videturq; panaricij uocabulum à Græcorum paronychio, permutatis & transpositis literis quibusdam, deluxatum atq; formatum. Sunt autem tum panaricia, ut recentiores medici uocant, tum paronychias, ut Græci nominant, idē malum & eodem modo ab omnibus descriptum, dicunturq; esse abscessus qui circa ungues et ad radices illorum nascuntur, non sine doloris pungētis uehementia & inquietudine, adeo ut somnum aliquādo auferens, uigilias & insomnietatem inducat.

NOMINA ET VIRTUTES

HERBAE COTYLEDONIS.

CAPVT XLIII.



RAECI cotyledon, alij cepon aphrodites, alij ges omphalon, alij stergethron, Itali umbilicum Veneris, alij cimbalem appellāt. Nas-
citur in tectis aut in monumentis.

Ad strumas discutiendas.

Herba cotyledon pisata cum axungia suilla foemina sine sale æquis pōderibus & calida imposita, strumas discutit. Leges eam hyemali tempore.

COMMENTARI.



COTYLEDON, ut illam Plinius lib. 25, cap. ultimo describit, est paruula herba, cauliculo tenero, pusillo, pingui: folio concavo ut coxendices. Nas-
citur in maritimis petrosissq; uiridis, radice oliuæ modo rotunda. Dioscorides folia habere dicat acetabuli figura, in orbem circumacta: sensim, leni ut
sensum

sensum fallant in concauitatem descēsu: coliculum in me-
 dio itidem breuem, in quo semen est: radicem oliuæ mo-
 do rotūdā. Porro quia in descriptionibus hīs circa di-
 ctiones coxendices & acetabulum, non nihil obscuritatis
 subesse uidetur, haud abs re fuerit, quo clarius hæc pate-
 ant, subiungere quæ & quot cotyledonis significationes
 & unde originem habeat: quid item acetabulum, & quot
 significet. In primis itaq; cotyledon appellatum est à co-
 tyla. Cotyle uero primo & principaliter & proprie pocu-
 li genus & liquidorum mensurā significat Græcis, quam
 Plinius nunc heminam nunc sextarium ex Græcis uertit.
 Quoties autē seruata eiusdem uasculi forma in aliū transi-
 bat usum, & in cœna aceto plenum ad intinctus poneba-
 tur, ab aceto Græcis oxybaphon, Latinis acetabulum di-
 cebat: cuius forma orbicularis erat, profunda & sine mar-
 ginis latitudine. Et hæc prima nominum illorum ratio &
 usus fuit, à quibus deinde ob similitudinē ad alia quoq;
 translata sunt nomina illa: utpote ad animalium ossa &
 ossium artus, quales in coxendicibus sunt, in quibus con-
 cauum os à crure progrediens in superiorē partem, aliud
 os excipit & simul iungit, sic appellatur. Quam coxendi-
 cum cauitatem aliqui solam coxendicem dici uolūt, sicq;
 Plinius aliquando accipit. Item ad concauas in polypo-
 rum flagellis & cirris quibus nitit & sorbet partes, quas
 Græci cotyledonas, Plinius acetabula uocat. Postea etiā
 ad matricē medici uocem transtulerunt, cotyledones uo-
 cantes in ea parte quibus ea nititur et hæret ligamenta. Et
 demum inter alia cotyledonis nomen ad herbam hanc
 translatum est, quod rotunda concauitate folia uasculis
 illis similia habet. (Cepon aphrodites.) id est hortum
 Veneris: sic dicta herba quod utentibus ad Veneris amo-
 res conciliandos accommodata sit, & uoluptatis desiderium
 adferat, ceu horti deambulantes in illis oblectant, & sui
 aspectus desiderium incutiendo allicit, & uberrima ocu-
 los pascunt uoluptate, præsertim qui elegantiores & ur-

bani sunt, *ἡ ἀφροδίτη* à Græcis uocati. Venus autē amoris dea est. Ges omphalon.) id est terræ umbilicum, eo quod quemadmodum hominis umbilicus in orbem circumagitur & in concauitatem descendit, sic etiam in terræ plantis herba hæc folio est in orbem circumactio & leni in concauitatē descensu. Et ut rei maiestas aliqua etiam denotaretur, hinc à Latinis Veneris umbilicus est appellata. Stergethron.) Stergethron dicta est quasi amorifica, à uerbo *στέρω*, quod est amo. Nam, ut Dioscorides testatur, ad conciliandos amores herba hac utuntur.

DE HERBA GALLICRVRE.

CAPVT XLIII.



ASCI amat herba gallicrus locis solidis et circa uías. Eius cacumē instar pedis galli. Virtutes habere dicitur.

1. Ad canis morsum.

Herbā gallicrus tritam cum axungia & pane domesticō imponas, mox sanabit.

2. Ad duritias.

Eadem sic ut diximus parata, duritias discutit.

COMMENTARI.



GALLICRVS ab Apuleio uocata herba est quā Dioscorides lib. 2. coronopoda, id est cornicis pedem appellat, herba parua, & ut ait, oblonga quæ per terram sternitur, & folia cum fissuris & incisuris diuisa habet, & olerum modo cocta estur, radicem habens gracilem in cibo astringentem, ideoque coeliacis utilem. Nascitur locis incultis, aggeribus & semitis. Germani hanc *hanensüss* uocāt, & apud aliquos adhuc in esculento usu est, multumque estur apud Iſnam Algoiæ.

Porro

Porro sunt inter Latinos qui hanc non cornicis sed coruinum pedem nominant, aliam tamen ab ea quæ à nostræ ætatis herbolarijs coruinus pes dicitur, & barrachij species est, intelligentes. Sunt etiam qui hanc eandem esse uelint quam Columella rei rusticæ lib. 13. in aliarum herbarum conditura miluinum pedem uocat, nec fortè male. Vt cunq; sit, omnes iam dictæ appellationes originis suæ rationem habent, quod dictorum animalium pedum effigiem repræsentant folia, & in summo cacumine diuisionem habent eadem forma qua in auibus illis digiti & ungues sunt. Præterea Leonicens uir nunquam satis laudatus hanc à Plinio lib. 24. gramen aculeatū appellari dicit, fortè quia idem Plinius lib. 21. & Theophrastus lib. 3. eam inter aculeatas & sponte nascentes enumerat. Et Plinius etiam lib. 24. aculeati graminis aculeos, quos in cacumine plurimos habet, conuolutos naribus inferere & extrahere sanguinis ciendi gratia dicit: quemadmodū hic Apuleius quoque de gallicrura, quod naribus imposita sanguinem fluere faciat, & ab eo effectū sanguinariam dictam testatur, referente Leonicens, qui etiā multos nunc capriolam uulgo appellare dicit. Ex quo facile colligitur Apuleio in hoc capite & herbæ nomē claturas & alia quædam deesse.

NOMINA ET VIRTUTES

HERBÆ MARRUBII.

CAPVT XLV.



GRAECORVM quidam prasion, alij eupatorion, alij phyllophares, alij melittanam, alij camelopodion, alij cynosprasion, Aegyptij asterion asteropénue, Prophetæ hæma tauri, alij aphedron, alij gonon horu, Itali marrubíū, alij ulcerariam dicunt.

1 Ad tussim grauem.

Herbam marrubium decoques cum aqua & dabis bibere eis qui grauiter tussiūt, sanabunt mirifice.

2 Ad stomachi dolorem.

Herbæ marrubij succus potus, stomachi dolorem tollit; si febricitat ex aqua potus, statimq̃ eleuat se.

3 Ad lumbricos.

Herbæ marrubij, absinthij, & lupinorū paria pondera in aqua mulsā cocta, cum uīno dabis, aut super umbilicum pones, necat lumbricos.

4 Ad condylomata.

Herbam marrubium combure, eiusq̃ cinerem in frica, sanabit.

5 Contra uenenum si quis sumpsit.

Herbæ marrubij succum dabis ex uīno uetere, discutit uenenum.

6 Ad scabiem uel impetiginem.

Herbæ marrubij decocti aqua corpus lauato, scabiem & impetiginem statim curat.

7 Ad pulmonis extensionem.

Herbam marrubium cum melle coctā sumat, mirifice curat.

8 Ad omnem duritiam.

Herba marrubium tusa cum axungia & imposita, mire sanat.

9 Si quis ab opere lassus inciderit in languorem, & neruorum habuerit dolorem & spasmus.

Herbæ marrubij succo cum oleo rosaceo permixto perunges eum, sine mora sanabitur.

Marrubij

COMMENTARII.



MARRUBII duo genera faciunt autores, unum candidum & proprie marrubium dictum, alterum nigrum, quod ballote & ab aliquibus alterum, id est secundum Marrubium uocatur. Germani *andorn* & *marobel* nominant. De utroque seorsum agunt autores, & cuique suas seiunctim tribuunt uires. Plinius siquidem lib. 20. cap. 22. licet duo genera ex Castoris autoritate indicet, agit tamen eò loci precipue non nisi de candido & proprie dicto marrubio: de ballote uero seorsum lib. 27. cap. 3. Dioscorides etiam licet eodem libro scilicet tertio utrunque genus tractet, agit tamen id diuersis & separatis quibus aliud interpositum sit capitibus. Porro Apuleius utrunque genus sub uno marrubii nomine hoc præsentis capite comprehendit, quod uel hinc manifesto patet, quoniam quas alij seorsum cuique generi suas adscribunt nomenclaturas & uires medicas, eas hic Apuleius uni tantum marrubio tribuit. Vnde haud abs re fuerit utriusque historiam, quo facilius dignoscantur, subscribere, præsertim marrubii proprie uocati, eo quod plerique, teste Plinio, inter primas herbas illud commendauere, licet idem etiam notius esse dicat quam ut indicandum sit. Itaque marrubium, Dioscoridis iuxta descriptionem, frutex est ab una radice ramosus, hirsutus, albescens, quadrangulis caulibus, folijs humano pollicis similibus, paulò minus quàm rotundis, hirsutis, rugosis, sapore amaro: semen per interualla in caulibus illi est: flores asperi uerticillorum figura. Nascitur circa areas domorum & inter rudera. Ballote uero siue marrubium nigrum ob foliorum similitudinem & coloris caulium diuersitatem, qui in prioris caule candidus, in ballote niger est, sic uocatum, herba est priori similis, fruticosa, angulosis caulibus, nigris, hirsutis, folijs uestientibus, maioribus quàm marrubii, & nigrioribus, graue olentibus, ut illam breuiter descripsit Plinius lib. 27. cap. 3. Prasion.) Sic dictum est quasi

uiride à colore herbaceo & uiridi: unde & prasiæ dicuntur hortorū ad consitionem olerum dispositæ areolæ. Eupatorium.) Eupatorium dictum est à similitudine quadam foliorum ueri eupatorii, quod nūc uulgo perperam agrimoniam uocant. Phyllophares.) Phyllophares dictum putamus, quod caules foliorum copia uestiatur, à φῶς, quod Græcis uestimentum significat. Nam uti Plinius, sed de nigro quidē scribit, caules habet folijs uestientibus. Melittenā.) Melitena est appellata quod apiastro, quod proprie sic nuncupatur, etiam similia habeat folia. Nā ut Dioscorides tradit, folia habet apiastro similia, ex quo apiastrum plerique id dixerunt. Et hæc de marrubio nigro intelliguntur. Camelopodion.) id est cameli pedem. Cynosprasion.) id est marrubium caninum, conuenitque nigro marrubio potissimum appellatio ista. Sicque dictum est quod folia ipsius cum sale emplastri modo imposita, rabidi canis moribus mendentur, teste Dioscoride & Plinio. Hæma tauri.) id est sanguinem tauri. Gonon horu.) id est genituram hori. Vlcerariam.) Vlceraria uocata est ex usu & uiribus, C. 1. quod ulceribus adhibita purget illa & perfanet. Ad grauem tussim.) id est tussim molestant, qualis est ut plurimum uetus & arida in qua nihil pituitæ eijcitur, quæ uix curatur: & si curationem admittit, difficulter admodum id facit. Est autem tussis motus naturæ expellere conantis nocium à pulmone & membris illi continuis atque propinquis. 4. Condylomata.) Condylomata Galenus tubercula & excrecentias esse dicit, quæ in sede & extrema ani corona qua parte se comprimit, cum inflammatione protuberant & insurgunt: nec solum in ano, sed & in foeminarum naturalibus eadem figura post diutinas & inueteratas rimas in callū transeuntes fiunt, teste Paulo Aegineta. Dicta sunt autem condylomata Græcis à condylis, hoc est, digitorum articulis & in digitorum commissura prominentijs, eo quod quemadmodum contracta

in pugnum manu digitorū articuli condylīue insurgunt & eminet, sic etiam duratæ in callum dictorum locorum rimæ à reliqua superficie insurgunt. Scabiem.) Scabies est cutis infectio, de qua Celsus medicinæ lib. 5. post pustularum genera sic scribit, Scabies uero est durior cutis rubicundior ex qua pustulæ oriuntur, quædam humidiores, quædam sicciore: exit ex quibusdam sanies, sitq; ex hijs continuate exulceratio pruriens, serpitq; in quibusdā cito, atq; in alijs quidem ex toto desinit, in alijs uero certo tempore anni reuertit. Quo asperior est, quoq; prurit magis, eo difficilius tollitur: itaq; eam quæ talis est, *κρυίαρ*, id est feram Græci appellant. Hactenus Celsus.

Impetiginem.) Impetigo cutis etiam infectio est cum aspredine, pruritu, in qua decidunt squamulæ, & plures corporis partes depascuntur. Cuius medicinæ lib. 5. Celsus quatuor species facit. Græci *λέπρα*, id est lepram dicunt: aliud tamen malum ab eo quod Arabes & illos sequentes medici recētiore nostra ætate leprā nominant.

Ad pulmonis extensionem.) Siue ut alia litera habet, 7 uexationem. Vt cūq; scribatur, intelligit autor pulmonis affectiones & mala ipsius affligentia & molestantia, qualia sunt tabes, tussis, suspiria difficultatesq; anhelitus, & malum in quo aliquādo id accidit ut infirmus pulmonis ad superiora & in collū ascensionē sentire se putet, quod tamen non ob pulmonis ascēsum, sed pituitosi excrementi pulmonem extendētis, & animæ spiritusq; canales opplentis abundantia contingit, quæ talem anhelitus difficultatem & angustiam inducit. Languorem.) Languor dicitur corporis defectio & dissolutio. Spasimū.) id est conuulsionem neruorum. Quod malum Galenus in Diffinitionibus esse dicit neruorum & musculorū affectionem, trahi q; in ea sine electione, id est inuitis aliquando totum corpus, aliquando corporis aliquas partes.

NOMINA ET VIRTUTES

HERBÆ XIPHII.

CAPVT XLVI.



Ræcorum quidā xiphion, alij phasganon uocant, Itali gladiolum dicunt.

1 Ad fistulas quæ in corpore nascuntur.

alias d= momi.

Herbæ xiphij radicis uncias sex, † amyli uncias sex, aceti cyathos duos, adipis uulpini uncias treis ex uino pisabis, in panno lines & impones, miraberis effectum.

2 Ad capitis fracturam.

Herbæ xiphij radicis superior pars sicca trita & æquis ponderibus mixto uino, capitis ossa fracta extrahit: aut si quid in corpore suppuratum fuerit, uel si pedibus calcata sint ossa serpentis, contra ea uenena efficax est.

COMMENTARI.



VAE Græcorum nomina ensem, cultellum & gladium significantia, ξίφος & φάσγανον, id est xiphion & phasganon hic enumerat Apuleius, ea Latinorum refert gladiolus. Sic dicta herba à foliorum figura cultellata. Nam ut Dioscorides tradit lib. 4. cap. 21. iridi simile folium habet, uerū tamen breuius angustiusq; & cultelli modo in mucronem definens, uenosumq;. Caulem ex se mittit cubitalem, in quo purpurei flores sunt deinceps dispositi & à se inuicem distantes. Semen habet rotundum. Radices duas, & alteram alteri infidētem exiguum bulborum figura: earum inferior gracilis est, superior uero crassior. Nascitur maxime in aruis: licet Plinius lib. 27. cap. 9. in humidis nasci tradat, & cum

cum primum exit gladij præbere speciem, caule duûm cubitorum: radice ad nucis auellanæ figurâ fimbriata: quâ effodi ante messes oportet, ficcari in umbra. Et hæc princeps in hoc foliorum genere habetur herba à qua cæteræ huiusmodi similitudinis notâ acceperunt. Et Apuleius infra cap. 77. de gladiolo inscripto, præsentis herbę nomina & historiam nobis proponit: licet alterius, quam Græci xyrin & syluestrem irim, & Latini gladiolum etiam ob similitudinem uocant, uirtutes & curationes subiungat, uti ex Dioscoride manifesto deprehenditur: quare nō im merito sed iusto iure ex capite illo huc ad præsens reuocāda & transcribenda nomina illa & historiam ipsam censemus. Verum nos nihil mutare sed rem ipsam tantum indicare uoluimus, ne alijs calumniandi ansam daremus.

Amyli.) Amylum, ut Plinius lib. 18. cap. 7. tradit, ex C. 1. omni tritico & filigine fit, sed optimū ex trimestri. Sic appellatum quod sine mola fiat. Quomodo autem conficeretur, docet ibidem, et Dioscorides lib. 2. cap. 91. Germani *krassmel* uocant. Cæterum exemplar nostrum hic non amyli sed amomi scriptum habet. Estq; amomum frutex odoratus transmarinus, cuius semen nunc in usu est: de quo Dioscorides lib. 1. cap. 14. & Plinius lib. 12. cap. 13.

NOMINA ET VIRTUTES

HERBÆ CALLITRICH.

CAPVT XLVII.



ARÆCI callitrichon, ijdem adianton, ijdem polytrichon, ijdem trichomanes, ijdem trichophyes, alij selinophyllon, alij dyphyes, alij heracleos pogon, alij hippomanes, item scolopendrion, asplenon, scolibrochon, alij amianton, Latini capillum Veneris, ijdem herbā capillarem, crinitam, saxifragā, Punici nessoessade. Nascitur locis aquo-

sis, uirgultis nigris, lenibus, cum splendore, bipalmis: folijs ut coriandrum, scissis in summitate.

1 Ad strumas uirginum.

Herba callitrichon pisata per se & imposita, uirginibus strumas sanat.

2 Ad capillos tingendos.

Herba callitricho in oleo trita capilli uncti inficiuntur.

COMMENTARI.



ALLITRICHON species est adianti, cuius plura feruntur genera. Nam uti Theophrastus de plantarum historia libro 8. tradit, Genera eius duo, alterum quidem candidum, alterum uero nigrum: ambo ad defluuia capillorum utilia ex oleo inuncta. Nascuntur aquosis locis, & ut opinantur aliqui, facie ad stranguriam, quod trichomanes uocatur, habetque caulem nigro adiatum similem, folia parua ualde & densa, contrarijs inter se pediculis pendetia. Radix illi nulla, amatque umbrosa loca. Plinius item nat. hist. lib. 22. cap. 21. adiaton quosdam callitrichon, alios polytrichon uocare dicit, & mox in species diuidens ait, Duo genera eius, candidius, & nigrum breuiusque. Id quod breuius est polytrichon, aliqui trichomanes uocant. Vtriq; ramuli nigro colore nitent, folijs filicis, ex quibus inferiora aspera & fusca sunt, omnia autem contrarijs pediculis densa inter se ex aduerso. Radix nulla, umbrosas petras, parietumque aspergines ac fontium maxime specus sequitur, & saxa manantia, quod miremur cum aquas non sentiat. Et lib. 25. cap. 9. idem Plinius polytrichon a callitricho distinguens ait, Polytricha distat a callitricha, quod iuncos albos habet & folia plura maioraque, frutice quoque maior est. Et hec Plinii de adianto & speciebus eius sententia, cui tamen in herbarum comparatione ceteri autores & res ipsa quoque aduersatur. Dioscorides enim non filici sed coriandro similia folia habere

bere scribit, et licet apud eundem etiā legatur folia habere filici similia, id nos tanquam superfluous expungendum censemus. Quis enim tantū in re herbaria autorem unam & eandem herbā alijs diuersis & dissimilibus simul comparasse crederet? Neq; apud Serapionē tale quid legitur, neq; apud Apuleiū nostrum qui Dioscoridi subscribit & folia ut coriandrum habere dicit. Habet præterea & ueritatis rei testimoniū Dioscorides, cuius uel nos ipsi oculati testes sumus. Vidimus enim tale, sed ex peregrinis regionibus allatum, sub capilli Veneris nomine quo tantum nunc uocatur, adianton, quale à Dioscoride lib. 4. describitur, quem nunc audiamus dicentem, Adianton folia habet coriandro similia, exigua, & in extremitatibus incisuris diuisa: coliculos ex quibus ea exeunt nigros, graciles, dodrantes, nitentesq;. Radix illi superuacua & inutilis. Neq; caulem, neq; florem, neq; semen fert. Nascitur umbrosis palustribusq; locis, humentibus muris & prope fontes. Ex qua descriptione facile constat herbam eam, quam nos ex muris & parietinis erutam Teutonice *maur-ruten* seu *stainruten* uocamus, nō esse capillū Veneris hunc, quum & florem ferat & semen ea herba. Cæterū de Dioscoridis adianto & capillo Venereo præsentī capite agit Apuleius sub nomine callitrichi, id est pulchricomi: *καλλι-χρῆς* enim Græce, Latine capilli dicuntur, καλλός uero pulchritudo, appellatiōisq; ratio & causa fuit ipsius effectus, quo capillos tingit, pulchrioresq; reddit & splendidiore. (Adianton.) Sic dictum est à Græcis quod *οὐ δ' αὖνετα*, id est non madescit. Nam ut in Theriacis Nicāder tradit, Purumq; adianton in quo nec descendente imbre minimum ē cœlo cadens stillicidium folijs insidet. Et Theophrastus ait, Et quod in adiāto accidit. Neq; enim madet folium eius aqua cōpersum, neq; humoris aliquid in eo uestigium remanet. Vnde & nomen illi factū est. Plinius item, Aliud, inquit, adianto miraculum, æstate uiret, bruma non marcescit, aquas respuit, perfusum, mersumq; sic

co simile est, tanta dissociatio deprehenditur. Vnde & nomen à Græcis. Polytrichon.) Polytrichon appellatum est quasi multicomū ab effectu, eo quod capillos multos & densos nasci faciat & defluere prohibeat. Nam ut Plinius lib. 25. ait, defluentem capillum confirmat & densat. Trichomanes.) Trichomanes dictum est à ui sua, quod rara cute fluentem capillū explet & subnasci facit, Græci enim *μουρον* rarum uocāt. Trichophyes.) Trichophyes nuncupatū est, quasi capillaris herba, eo quod capillos nasci faciat, à uerbo *φύω*, quod est produco & nasci facio. Selinophyllon.) id est ἀπὴν foliū. Sic dictum fortè à similitudine quadam foliorum. Diphyes.) Diphyes uocatum est quasi geminum & duplicis sed diuersæ naturæ, eo quod humentia loca sequatur, & tamen aquas respuat nec sentiat. Heracleos pogon.) id est Herculis barbam, quod barbæ formam præ se ferat. Sic enim confertim simul nascuntur coliculi. Hippomanes.) Hippomanes appellatum est quod amoribus conciliandis accommodum sit, quemadmodum equi caruncula, quæ hippomanes uocatur. Nam uti Plinius & Dioscorides tradunt, perdices & gallinaceos pugnaciores reddit cibarijs eorū admixtum. Scolopendrion.) Scolopendrion & asplenon est appellatum à similitudine quadam foliorum. Nam quemadmodum scolopēdrion, quod & asplenon dicit, folia habet incisuris diuisa, ut tradit Dioscorides, sic etiam callitrichon hoc. Scolibrochon.) Quod si Græce *σκολίβροχ* scriptum est, tūc dictum sic esse putari potest quasi uermium & serpentium uenenatorumq; laqueus & strangulator, eo quod uenenis illorum resistit autore Plinio & Dioscoride: idēq; factō nomine à *σκόλη*, quod est uermis, & *βρόχ* laqueus. Sin autem *σκολίβροχ* scriptum est, tunc appellationis suæ rationem habet quod malignæ naturæ sit erga aquam, ut quam semper sequatur, & tamen respuat nec sentiat, ceuiam dictum est in dictione diphyes, *σκολιός* enim Græcis mali-

malignus, & ῥόχⁿ aqua pluuiæ est. Amiāton.) Amiāton est nūcupatum, quasi purum & illibatum: nam ut in adianto dictum iam est, nulla aquæ asperſione polluitur. Estq; Græcis ἀμῖαντον purus, mundus & impollutus. Capillum Veneris.) Capillus Veneris, herba capillaris & crinita, omnes hæ appellationes à capillis originem habent, & nominis rationem quæ in callitricho & polytricho Græcis uocabulis iam supra dicta est. Et quomaiestas aliqua illi accederet, adiecta est illi uox Veneris, quæ & pulchricoma depingit & amatoribus accepta est.

Saxifragā.) Cur hoc nomine appellata sit, docet nos Plinius lib. 22. cap. 21. dicens, Calculos è corpore mire pel lit frāgitq; utiq; nigrum. Qua de causa potius q̄ quod in saxi nasceretur, à nostris saxifragū appellatū crediderim.

NOMINA ET VIRTUTES

HERBÆ MOLY.

CAPVT XLVIII.



MOLY clarissima herbarū est, Homero testante, & inuentionem eius Mercurio assignante, qui naturā eius & succi beneficia demonstrauit. Radice rotunda nigraq; magnitudine cepæ.

Ad matricis dolorem.

Herba moly contusa & imposita, dolorem matricis aufert potenter.

COMMENTARI.



MOLY, ut tradit Dioscorides lib. 3. cap. 50. herba est quā aliqui leucoion agrion, id est syluestrem uiolam uocant, graminis folia habens, latiora tantum, per terram sparsa: flores uiolæ similes colore lacteo, minores tamen & ad purpureæ uiolæ ma-

gnitudinem accedentes: caulem candidum longitudine quatuor cubitorum, in cuius summo allī quiddā simile est: radix illi parua bulbosaq̃. Porro Plinius lib. 25. cap. 4. de hac sic tradit, Laudatissima herbarum est, Homero teste, quam uocari ab dijs putant moly. Ast inuentionem eius Mercurio assignat, cōtraq̃ summa ueneficia demonstrat. Nasci eam hodie circa Phœneum & in Cyllene Arcadiæ tradunt, specie illa HomERICA, radice rotunda nigraq̃, magnitudine cepæ, folio scyllæ, effodi autem difficulter. Græci autores florem eius luteum pinxere, quum Homerus cādīdum scripserit. Inueni ē peritis herbarum medicis qui in Italia nasci eam diceret, afferriq̃ Campania mihi aliquot diebus effossam inter difficultates saxearum radicis triginta pedes longæ: ac ne sic quidem solidæ, sed abruptę. Hactenus Plinius. Verum quia Homeri testimonio utitur Apuleius, subscribamus uersus eius q̃bus moly herbā describit Odyssę rapsodia decima, sunt aut̃ hę,

Ὡς ἄρα φωνήσας πόρε φάρμακον Ἀργεφόντης

Ἐκ γαίης ἐρύσας, καὶ μοι φύσιν αὐτῇ δ' ἔειπεν.

Ῥίζη μὲν μέλαρ ἔσκε, γάλακτι δ' ἐικελον ἄνθος.

Μῶλυ δ' ἐμυκαλέεσσι θεοί, καλεῖται δ' ὁ δρυῖσιν,

Ἀνδράσι γε θνητοῖσι, θεοὶ δ' ἐτε πάντα δ' αἰὶν' ἄντα.

Quod est, Sic utiq̃ dicens dedit pharmacum Mercurius, ex terra eruens, & mihi naturam ipsius demonstrauit. Radix quidem nigra erat, lacti uero similis flos. Moly uocāt dei: difficile uero fodere uiris mortalibus, dei uero omnia possunt. Cæterum quod in omnibus exemplaribus uarie & citra ueri sensum legebatur, Contraq̃ eius succū beneficia demonstrat, &, Contraq̃ ius suum cum beneficio demonstratur: nos ex Homero reddidimus, Qui naturam eius & succi beneficia demonstrauit. Quod si cui potius ex Plinio sic restituēdum uidebitur, Contraq̃ summa ueneficia demonstrante: sit & suus illi sensus.

Nomina

NOMINA ET VIRTUTES

HERBAE HELIOTROPIL

CAPVT XLIX.



GRÆCIS dicitur heliotropion & heliostro-
 phion, quibusdam heliopon, aliquibus † dia *aliàs di*
 lion, alijs sesamon agrion, item scorpiocto- *anthos.*
 non; item heraclea, alijs sideritesis, alijs ura
 scapiu, siue scapiuros, Prophetæ gonon chronu,
 Galli hamatiten, Pythagoras † pareoron, Osthane *aliàs pa*
 putagonon, Aegyptij nisine, Latini uertumnum, ali *roëpon*
 mulcetram, ali intybum syluaticum, ali solsequium.
 Nomen accepit primo quod æstiuo solstitio floreat,
 uel quod Solis motibus folia cōuertat. Sed est specie
 duplex, quarum altera maior appellata est scapiuros
 à similitudine caudæ scorpionis. Alia minor. Maior
 igitur nascitur in asperis locis tenui radice ex qua ra-
 mulos quatuor aut quinque, atq; ab ipsis plurimas fur-
 cas emittit, folijs ocimo similibus, paulò maiorib; atq;
 succulentis, & nigrioribus & asperis, cū flore in sum-
 mitate tenui & uelut purpureo atq; uncato in simili-
 tudinem caudæ scorpionum. Minor item herbæ spe-
 cies similis est supradictæ. Nascitur locis concavis, fo-
 lijs rotundis, semine pendenti in acrochordonum si-
 militudinem. Eius herbæ diuinæ ad Solis cursum flo-
 scelli se uertunt, & cum Sol occidit, flores se claudunt;
 rursum cum oritur, floscelli se aperiant. Nasci amat
 ubique locis cultis, mundis & pratis, Facit ad reme-
 dia ista.

Ad omne uenenum.

Herbæ heliotropij puluerem mollissimū aut suc-

cum eius cum uino uetere optimo potui dato, mire uenenum discutit.

2 Ad luxum.

Herbæ heliotropij folia contusa & apposita efficaciter sanare creduntur.

3 Ad serpentium morsus & scorpionum ictus.

Herba solago maior desiccata et in puluerem molissimum redacta, in uino potui data, & ipsa contusa plagæ superimposita perfecte serpentium morsus ad sanitatem perducit, & scorpionis ictus dolorē aufert.

COMMENTARI.



ELIOTROPION nunc cicoreā, Germani wāgart & Sonnenwirbel uocant, ab aliquibus intybum syluaticum dictū, ut tradit Apuleius, qui illud in species diuidēs, de maiore præsentī agit capite, de minore uero seorsum infra sub nomine solaginis minoris. Dictum est autem heliotropion, similiter & heliostrophion à Sole qui helios, & ipsorū ad hunc conuersione & reuolutiōe, quæ τροπή & στροφή, id est trope & strophe Græcis dicitur, eo quod ad Solem se uertat, & ad motum ipsius circumagatur herba: quod & Plinius testatur lib. 22. cap. 21. dicēs, Heliotropij miraculum sæpius diximus cum Sole se circumagentis, etiam nubilo die, tantus syderis amor est: nocte uelut desiderio contrahit cæruleum florem. Et lib. 2. cap. 42. Miretur, inquit, hoc qui non obseruet quotidiano experimento herbam unam, quæ uocatur heliotropion, abeuntem solem intueri semper, omnibusq; horis cum eo uerti, uel nubilo obūbrante. In quibus uerbis & alterius uocabuli, quod est heliopon, ratio redditur, uidelicet quod Solē intueatur & aspiat, quam & Varro libro de re rustica primo, cap. 49. tanquam

quam potiore refert cum ait, Nec minus admirandum quod fit in floribus quos uocāt heliotropia, ab eo quod Solis ortum mane spectant, & eius iter ita sequuntur ad occasum ut ad eum semper spectent. Quę causa etiam fuit ut à Latinis uertumnium, solsequium, solago, & quo Celsus utitur nomine, solaris herba fit dicta. Dialion.)

Quod hic est dialion, id in exemplaribus nostris habetur dianthos, quasi Iouis flos. Sefamon agrion.) id est agreste sesamum. Sic dictum forte quod semen in folliculo ut illud ferat. Nam ut Plinius ait, semen in folliculo messibus colligitur. Scorpioctonon.) Scorpioctonon dictum est à uerbo κτείνω quod est occido, idque ob effectum quo scorpiones enecat, & aduersus ictus illorum præsentaneas uires habet: quam appellationem Plinius quoque lib. 22. cap. 21. innuere uidetur cum de minoris specie ait, Verrucas cum sale tollit succus è folio: unde nostri uerrucariam herbam appellauere, alijs cognominari effectibus digniorem. Nanque & serpentibus & scorpionibus resistit ex uino & aqua mulsa, ut Apollonophanes & Apollodoros tradunt. Verum à scorpionibus & alia nomina habet, ceu ura scorpiu, & quod idē est scorpiuros, id est cauda scorpionis, idque à floris siue seminis figura & inflexione, quod scorpionum caudæ formam seu figuram representet, ut tradit Apuleius. Dioscorides id ad florem refert dicens, A floris figura dicta scorpiuros herba est: & mox post, In ramulorū summo candidum florem purpurascentem scorpionum caudæ modo inflexum profert. Sed Plinius de minore agens à seminis inflexione ita dictum testatur dicens, Semen ei est effigie scorpionis caudæ, quare nomen scilicet scorpiuros. Heraclea.) Heraclea & fideritesis appellata uidetur à similitudine quadam herbæ quæ hijs proprie nominibus appellatur. Mulcetra.) Sic dicta uidetur quod constipatum uentrem deliniet & molliat superfluentiaque per aluum deducat. Locis concauis.) Intelligit loca palustria & paludes iuxta quas na

scitur. Acrochordonum.) id est uerrucarum: ἀκροχορδόν
 ἄρπενιμ uerruca est.

DE VIRTVTIBVS GRIAE

DIS HERBAE.

CAPVT L.



ASCITVR in Lucania, marmoris albi colo-
 rem habens, quatuor rubicūdis ornata cau-
 liculis. Has potentias habet.

Ad ischiadicos.

Herba grías cum adipe ursino cōtusa & quasi ma-
 lagmatis genus imposita, ischiadicos tertia die sanat.

Ad omnes corporis dolores.

Herbæ griadis radix pisata & imposita, omnes do-
 lores mirabiliter sedat.

COMMENTARIJ.



RIAS quæ herba sit, apud autores alios non re-
 perimus, diuq̃ dubitauimus & adhuc dubita-
 mus an Dioscoridis sit gnaphaliō, sed nihil cer-
 to de hoc statuere audemus, cēsemusq̃ Germa-
 nis peregrinā, ut quæ natales suos in Lucania inter Cam-
 paniam & Brutium habeat, aut saltem incognitam nunc
 esse herbam.

NOMINA ET VIRTUTES

HERBAE POLYTRICHI.

CAPVT LI.



RAECI polytrichon, alij adianton, alij tricho-
 manes, alij ebenotrichon, alij eupteron, Ae-
 gyptij ethui, Romani cīncinalem, alij terrā
 capil-

capillum, alij supercilium terræ uocant. Nascitur in parietibus & humorosis locis. Hæc etiam herba callitrichon appellatur, de qua superius loquuti sumus & quam antea posuimus.

Ad coli dolorem.

Herbæ polytrichi, quæ habet ramusculos quasi seta porcina, folia cum piperis granis nouem et seminis coriandri granis nouē, simul contrita cum uino optimo dabis bibere intranti in balneum. Facit & ad capillos mulierum nutriendos si in oleo decoquatur.

COMMENTARI.



POLYTRICHON hoc est quod Dioscorides libro 4. sub trichomanis nomine describens, iisdem quibus adianton locis nasci tradit, filici simile, multo breuius: & ex utraq; parte folia deinceps habere tenuia, lenti similia, contrarijs inuicem pediculis in gracilibus, nitentibus & nigrescentibus ramulis, quos Apuleius setæ porcinae comparat. Item Plinius lib. 27. cap. 13. Trichomanes adianto similis est, exilius modo, nigriusq; folijs lenticulae densis, amaris, aduersis in se. Germani hanc herbam *Ewidertodt* appellant, quasi contra mortem sit efficax. Ebenotrichon.) Ebenotrichon dictum est ebeni capillus, id est niger, & quali colore ebenus est, idcirco quod folia habeat & coliculos nigrescentes. Eupteron.) Sic appellatum est quasi pinnula, eo quod pennatum eius folium sit, & ceu in alis auium pennæ folia deinceps disposita. Cincinalem.) id est capillarem. Cincinni enim crines sunt intorti, à quorum forma nomen habet, quæ causa etiam est ut terræ capillus & supercilium terræ sit dictum.

NOMINA ET VIRTUTES

HASTVLAE REGIAE.



ASTVLA regia Græce moloche agria dicitur.

1 Ad dysentericos.

Herbæ hastulæ regiæ radix cum uino trita potui detur dysentericis, statim sentient beneficium.

2 Ad uentris fluxum restrin-
gendum.

Herbæ hastulæ regiæ semen mixtum cum aceto acerrimo potui datum, uentrem constringit.

COMMENTARI.



ASTVLA regia hæc est nō ea quæ asphodelos Græce dicitur, & de qua habitum est supra capite; s. Sed moloche agria, id est malua agrestis, altheę species flore insigni roseo, quem Germani *Herbstrosen*, id est autumnalē rosam uocant. Nominisq; hastulæ regiæ rationem eandem putamus, quæ & prioris fuit.

NOMINA ET VIRTUTES

PAPAVERIS SYLVATICI.

CAPVT

LIII.



RAECI mecona ceratitin, alij aphroden, alij heraclion, alij mecona agrion, alij mecona rhœada, alij anemonen & enemion, alij oxytonon, alij profopō, alij lethen, alij lethusan, alij oniron, Prophetæ basilicon persephonion appellant, Itali papauer album, papauer nigrum, papauer agreste, papauer syluaticū, folliculosum. Mecona Latini papauer dicunt. Eius alia est usualis, quæ etiā folliculosa uocatur, Alia agrestis, & aliter rhœas appellata,

lata, siquidem ex ipsa fluit succus, quem appellant opium: uel quod facile florem dimittat. Alia ceratitis siue aphrodes. Est igitur usualis longioris capitis atq; semine albo. Agrestis uero, quæ rhœas appellatur, est capite sessili, semine nigriore. Alia aridior atq; agrestior, cuius caput longius, atq; flores rubri uel albi, semen fuluum, radix subalbida, longa, minimi digiti robore, & colligitur uerno tempore. Ceratitis uero nascitur in littoribus erecto thyrsu atq; hirtu, folijs insectis, hirtis, albis, flore pallido, fructu paruo uncato ut cornu, semine nigro, paruo, radice ualida, nigra atq; in superficie terræ. Item aphrodes, quæ appellatur heraclios, ex omni parte alba est, eius semen colligitur æstiuo tempore aridum.

Ad epiphoras oculorum.

Herbæ papaueris syluatici fructum, id est, caliculos cum suo semine pisatum cum aceto oculis impones, sedabit dolorem.

Ad hemicraniū & capitis dolorē.

Herbam papauer syluaticum pisatam cum aceto fronti impones, sedabit dolorem.

Ad eos qui non dormiunt.

Herbæ papaueris syluatici succo si quem perunges, somnum ei cum sopore obijciat.

COMMENTARI.



ESCRIBIT hoc capite Apuleius papauerū genera, omniumq; nomina permiscet: sed quod ad curationes attinet, unius tantum, agrestis scilicet, quod syluaticum uocat: nec omnis quidem, sed eius tantum quod inter satiaua agrestis nomine censetur, & ipse rhœada uocari dicit, medicas uires et naturam prosequitur, Sed quo clarius horum generum discrimen

habeatur, sciendum est papauer prima sui diuisione secer-
 ni in satiuum & agrestia. Et satiui iterum tria genera esse,
 unum proprie, per se & uere satiuum appellatum, quod
 Dioscorides ab utris forma thylacite, id est utricularium,
 Plinius cādidum, Apuleius usuale & folliculosum uocat,
 cuius semen in sanitatis usu pani inspersum compinseba-
 tur, & cum melle in secunda mensa apud antiquos edeba-
 tur, teste Dioscoride & Plinio: quæ causa etiā est, ut usua-
 le sit uocatum ab Apuleio, quemadmodū à uasculi ipsius
 in follis siue utris modum formati effigie folliculosum.
 Alterum genus est quod Dioscorides syluestre & à doli
 forma pithite, id est doliare & rhœada, Plinius nigrum,
 Apuleius agreste, syluaticum & rhœada uocat: & ex hoc
 opion fiebat & meconium. Tertium genus est hijs sylue-
 strius & medicamentosius, quod Plinius contra quā
 Dioscorides & Apuleius tradiderunt, rhœada à Græcis,
 à nostris erraticum uocari dicit. Et hæc duo posteriora ge-
 nera, natura quidem agrestia sunt, humano tamen ope-
 re, studio & usu tantum satia, non natura. Sed sunt & al-
 lia agrestia quæ nunquam satia fiunt, quale est ceratites,
 id est corniculare, & aphrodes, id est spumeum heracle-
 umq; uocatum. Inter quæ tamen omnia satia & agrestia
 mediū genus est, ut tradit lib. 20. Plinius, quod nisi in ar-
 uis esset, sponte nasceretur. Rhœan uocauimus & errati-
 cum, quod quidam decerptum protinus cum toto calice
 mandunt. Et hoc est quod inter satia tertio loco nume-
 ratum est, ceu ex descriptione & historia ipsius apud au-
 tores manifesto patet, omnibus in hac concordantibus,
 & de ipsa consimiliter tradētib; Theophrasto quidem
 lib. 9. de plātarum historia, Dioscoride lib. 4. cap. proprio
 antequam de satiuo ageret, quare inter satia non opus
 erat ei descriptionem ipsius repeteret: item Plinio nat. hi-
 storix lib. 19. cap. 8. & hic Apuleio. Qui uolet, habet loca
 unde illa requirat. Sed de hijs nunc satis. Mecona cera-
 titin.) id est, papauer cornutum siue corniculare: sic di-
 ctum

Etum à cornu, ut Plinius, Dioscorides & Apuleius tradunt, eo quod fructum habeat & caliculum uncatum & cornu modo inflexum. Seu ut Theophrastus tradit à ceratijs, id est filiquis, quod fructus eius inflexus filiquis illis sit similis. Et hæc proprium sylvestrium genus constituit appellatio. Aphroden.) id est, spumeum: aphros enim spuma est: sicq; dictum est à candore & raritate spumæ. Estq; & hæc proprii sylvestris generis appellatio, & alio nomine etiam heraclion uocatur, idq; aut ab Hercule aut à ciuitate Heraclea, ad quam frequens & speciosum nascebatur. Rhœada.) Rhœas dictum est ῥῆ τοῦ πῆμ, quod est fluere, cuius appellationis ratio et causa refertur ab Apuleio in historia. Anemonen.) Anemone & enemion nuncupatum est à similitudine herbæ, quæ proprie hijs nominibus appellatur. Oxytonon.) Oxytonon dictum est quasi stridulum, eo quod motis caliculis semen quod in illis continetur strideat & sonitum reddat.

Profopon.) id est personā, eo quod uiuis mortis personā induat succus in maiore copia potus. Nam ut Dioscorides tradit, Inexpugnabilem somni necessitatē quam lethargum dicunt, usq; ad mortem facit. Lethen.) Lethæ & lethusa dictum est ab obliuione, quæ Græcis lethæ dicitur, eo quod obliuiosum somnū inducat. Oniron.) Oniros appellatum est quasi somnium, quod Græce ὄνειρος uocatur, eo quod somnum adferat & soporem. Basilicon persephonion.) id est regium proserpineum, eo quod copiosior haustus succus non modo soporem, sed & mortem per somnū adferat, & ad inferos Proserpinæ regiam bibentes transmittat. Quæ deinde sequuntur appellationes album & nigrum, specierum differentiæ sunt.

Capitis.) Caput uocat calicem, & per diminutionem caliculum & uasculum ipsius in quos semen continetur.

Fructu paruo.) id est capite & uasculo in quo semen continetur breui. Ex omni parte.) scilicet fructu, radice & tota herba. Ad epiphoras oculorū.) Epipho- C. 1.

- ra in oculis dicitur, autore Galeno, ubi copiosa eò confluerit destillatio, accedente inflammatione cum tumore et oculi motu difficili. Dicitur etiam cōmunius in reliquis corporis partibus uehemens & magna inflammatio confluentibus etiam abūde in ipsam humoribus, epiphora. Quare cuius partis epiphoras intelligeret, oculorum nomen adiecit. Ad hemicranium.) Hemicranium siue hemicrania morbus est capitis acutus & uehemens, dimidia eius partem occupans & infestans. Plinius heterocranium uocat, sub quo nomine ipsum Galenus sic describit, Heterocrania est cum in sinistra dextraue capitis parte dolor sit, isq; aliquando augetur & acuitur, aliquando remissus languet & minuitur. Qui sic laborāt, hemicranici uocantur, & τῆς τοῦ κρανίου, id est à cranio, quod supernum capitis os est & hemisphærium summum, Latini caluam & caluariam uocant: ἡμι uero Græcis idem est quod semis & dimidium Latinis. Ad eos qui non dormiūt.) Seu ut prius impressus codex habet, Ad somnum prouocandum scilicet hijs qui uigilijs, quæ plerisq; inter mala uerſi corporis sunt, ut Plinius ait, infestantur & dormire non possunt. Somnū cum sopore.) hoc est somnum profundū, & si immoderatus adhibitus fuerit, noxium quoq; quare caute agendum ne sopor & inexpugnabilis dormiendi necessitas, quam lethargum Græci nomināt, sequatur: sepius enim celeriter iugulare is solet. Quare habenda est moderatio, quæ necessaria est, ne quem, ut Celsus lib. 3. ait, obdormire uolumus, excitare postea nō posſimus. Plusq; est dicere sopor quàm somnus: hicq; salubris est, ille uero malus & noxius: quod & Plinius nobis innuit dicens, Curandum ne somnus sopor fiat.

DE HERBA OENANTHE.

CAPVT

LIII.

Ad stranguriam.

Herbæ

Herbæ œnāthes radicem in puluerem redactā da
to ad stranguriā in uini cyathis duobus, summe facit.

2 Aduersus tussim.

Oenanthes herbæ radicem dabis potui ut supra,
tussim sedat.

COMMENTARI.



ENANTHE idē est dicere quod uiniflora. Estq̃
duūm generum, una quæ in uitium genere la-
bruscæ flos est, & primo & per se nomine ipso
uinum & florem indicat: œnos enim uinum,
& anthos flos est. Altera de qua hic agitur herba est, & in
ter coronarias & flores qui secūdi per Ver florēt à Theo-
phraſto numeratur. Sic dicta à floris & odoris sui cum a-
lia similitudine, eo quod candidus & racemosus ut in la-
brusca illi flos fit, & odor qualis in uitis flore sentitur. Na-
scitur autem in petris, folio pastinacæ, flore candido, cau-
le crasso & dodrantali, semine ut atriplicis, radice magna,
numerosa seu in qua numerosa sint rotunda capita & tu-
bera, autor Plin. lib. 21, & Dioscorides lib. 3.

NOMINA ET VIRTUTES

NARCISSI.

CAPVT LV.



NARCISSVS à Græcis dicitur anhydros, au-
togenes, bolbos emeticos, Aegyptij empto-
nem, Prophetæ cynoglossan, Latini bulbū
uomitorium uocauerunt. Nascitur thyrso
bipalmi, folijs porri similibus, sed paulò breuioribus,
flore albo, interius croceo, uel in aliquibus purpu-
reo, fructu siue semine ut in membranula nigro, tima
gine bulbi.

alijs in
magni-
tudine.

Ad uulnera quæ ex se nascuntur.

Herbæ narcissi radix contusa cum oleo & farina uice cataplasmatidis imponit uulneri, & sanat mirifice.

Ad phthificos uel colicos.

Herbam narcissum tusam & potui datam colicis uel tussientibus prodesse dicimus. Si autem uolueris oleum facere, herbæ narcissi florem in oleum mittes, & perunges infirmum, miraberis rem certam.

COMMENTARI.



PLINIVS lib. 21. cap. 5. & 19. item Dioscorides libro 4. cap. 151. narcissi duo genera faciunt, licet à Theophrasto & Apuleio non nisi unum genus constitutatur: nisi ex floris diuersitate duplex eius genus facere uoluerint. Est autem planta narcissus congener aut saltem similis lilio, quare quidā ipsum non minus quàm liliū lilion uocant, ut tradit Dioscorides: estq; illi radix, quam plantæ partem indescriptam reliquit Apuleius, intus cādida, rotūda & bulbosa. Sunt qui hermodactylum esse uelint narcissum, quorum opinioni & nos subscriberemus, nisi certius sciremus hermodactylum esse hieronbulbū, qui & colchicon dicitur, de quo habitum est supra cap. 21. Non tamen omnino negamus ex hermodactylorū genere esse posse narcissum, cum & ipsorum plura genera faciant aliqui. Cæterum dictus est narcissus, autore Plinio, non à fabuloso puero, ut fingunt poëtæ, sed à narce quod torpor est, quoniam dolores & torpidas capitis grauitates facit: idemq; testatur Symposi lib. 3. cap. 1. Plutarchus dicens, Et narcissum appellauerunt quasi neruos hebetantem & torpidas facientem grauitates, quapropter & Sophocles ipsum antiquū magnorum deorum, id est subterraneorum coronamentum uocauit. Anydros.) Sic appellatum est, eo quod longe ab aquis in montanis floret, Autogenes.) id est à seipso

à seipso genitum uel per se nascens, quod sponte sua germinet & nascatur, ut tradit Theophrastus de plantarum historia lib. 6, licet ut ibidem etiam testatur idem, semen etiam collectum in terra seratur, & radix ut in cæteris bulbis non minus plātetur. Bolbos emeticos.) id est bulbus uomitorius: sic dictus quod bulbosæ radicis sit & ad ciendas uomitiones. Alius tamen est à bulbo uomitorio, de quo lib. 2. agit Dioscorides. Cynoglossan.) id est linguam caninam propter similitudinem foliorum ad folia herbæ canina lingua proprie uocatæ. Imagine bulbi.) Siue ut prius impressus codex habet, in magnitudine bulbi: & hoc ad membranulā ipsam in qua semen continetur, referendum est. Vulnere quæ ex se nascuntur.) C. 1. id est ulcera quæ per se nascuntur & intra seipsa corrumpuntur, temporisq; mora contabescunt putrescuntq;. Fari na.) maxime scilicet erui, ut ex Dioscoride colligitur. Phthificos.) id est eos qui phthisi laborāt: quæ, ut Galenus tradit, pulmonis exulceratio est, quam febricula & frequens tussis & macies corporis sequitur.

NOMINA ET VIRTUTES

SPLENII ET LONCHITIDIS.

CAPVT LVI.



GRAECIS dicitur lonchitis, alijs hemionion, alijs scolopendrion, alijs phrygia, alijs phrygitis, alijs philtrodotes, alijs teucrion, Propheta hæma gales. Lonchitis folia habet rubra, flores nigros, comicorum uultibus hiscentibus similes, semen albū, simile lanceæ latum, radicem similem dauci. Alijs uirtutibus traditur etiam alia lonchitis similis scolopendriæ, cum aceto spleneticos medens in potu data.

Ad splenis dolorem.

Herbæ splenij radicem pisatam & in puluerē mol-
lissimum redactam uino leniore potui dato, summam
rem experieris. Cōstatq; eam sic esse inuentā. Quum
exta in sacrificio super eam essent proiecta, ferunt ad-
hæsisse lienī, eumq; exinanisse: propter hoc à quibus-
dam splenion uocatur. Item narrāt quidam sues, qui
radicem eius ederint, sine splene inueniri. Quidā ra-
mis hyssopī furculosam, folio fabæ eodem nomine ap-
pellant. Legunt autem eam dum floret, maximeq; ex
Ciliciæ & Pysidiæ montibus laudant.

COMMENTARIJ.



IS CET cōfunditq; hoc capite diuersas herbas
Apuleius, ceu splenion, quod & teucrion dici-
tur, & lonchitin, quam lanceolam Latine dixe-
ris: idq; ea ratione & causa factum censemus,
quoniam eiusdem sunt potestatis & naturæ, qua lienī me-
dentur. Estq; maior nominum pars ex aspleno Dioscori-
dis huc translata ceu scolopendrion, phrygia, phrygitis,
philtrodotes, hæma gales & hemionion. Porro post no-
menclaturas statim lonchitin describit, quæ quo facilius
agnoscatur historiā ipsius ex Plinio & Dioscoride etiam
subnectemus. Siquidem Plinius lib. 25. cap. 9. sic eam de-
pingit. Lōchitis cuspidi similis semine, habet folia porri
rubentia ad radicem & plura, in caule capitula personis
comicis similia paruam exerentibus linguam, radicibus
prælongis. Nascitur in sitientibus. At Dioscorides lib. 3.
Lonchitis, inquit, folia habet porro quod platycarpon
uocāt similia, latiora tamen, numerosa & rubentia, ad ra-
dicem plurima & in terram refracta, habet et pauciora cir-
ca caulem, in quo flores sunt, pileolorum forma comicis
personis hiantibus similes, ipsi quidem nigri, candidum
quiddam tamen ab hiatu oris ueluti lingua ad inferius
labrum

labrum exeritur. Semen cuspidi lanceæ simile habet, triquetrum in pericarpio clausum, unde & nomen lonchitis inuenit. Radicem syluestri pastinacæ, quam daucum dicunt, similem habet. Nascitur locis asperis & siccis. Sed de lonchitide satis superque. Quæ demum post curationem sequitur splenij inuentio & historia, teucrio conuenit, atque ex Plinio lib. 25. cap. 5. totum id huc transcriptum uidetur. Sic enim ibidem legitur, Inuenit & Teucer teucrion, quam quidam hemionion uocant, spargentem iuncos tenues, folia curua, asperis locis nascentem, austero sapore, nunquam florentem, neque semen gignit. Medetur lienibus: constatque sic inuentam. Quum exta super eam proiecta essent, fertur adhæsisse lieni, eumque exinanisse, ob id à quibusdam splenion uocatur. Narrant fides qui radicem eius edunt, sine splene inueniri. Quidam ramis hyssopi furculosam, folio fabæ, eodem nomine appellant, & colligi florentem adhuc iubent, adeo florere non dubitant, maximeque ex Cilicis & Pyfidie montibus laudant. Hæc ille, cuius auctoritate & exemplariorum nostrorum fide nixi, quod in prius impresso codice erat Perfidis, nos reddidimus Pyfidie, sunt autem omnes Asiae regiones. Sed quo melius teucrion agnoscat & facilius sit inuentu, Dioscoridē ipsum describentem audiamus etiā, qui sic ait lib. 3. Virgata herba est teucrion, trixagini similis, tenui folio ciceris figura. Nascitur plurima in Cilicia, eiusque partibus quas Gētiaden & Cissaden uocant. Hæc hæcenus.

NOMINA ET VIRTUTES

HERBAE POLII.

CAPUT LVII.



RAECI polion, alij pheuxaspidion, alij achemenin, alij libanitin, alij melosmon, alij belion, alij leontocaron uocant, Aegyptij catho

tis, Latini conulam, Martialis neptuniam. Duæ eius sunt species, alia est fruticosa atq; inutilis, altera sylvestris frutice bipalmi, albo, folijs tenuibus, semine pleno, cum capitello in summitate paruulo, comoso, ueluti cana capillatura, frangenti odoris grauissimi cum quadam iucunditate. Nascitur locis asperis.

Ad lunaticos.

Herbam polion conteres, & succum eius commiscues cum aceto scyllitico & perunges eos, curabuntur. Item pilulam eius & radicem in linteolo mundo circa collum eius qui patitur, ligabis. Experimentum est ualde optimum. Nos ipsi experti sumus.

COMMENTARI.



OLIVM qualis planta sit, ab autore satis describitur: dictumq; sic est quasi canum à canicie, quoniam in summitate corymbi figura capitulum habet paruum comosum, ueluti canam capillaturam & cano hominis capillo simile, ut Dioscorides libro 3. & hic Apuleius tradunt, seu ut Plinius lib. 21. cap. 7. ait, folia canis hominis similia. Pheuxaspidion.) Sic appellatum est, quoniam aspidæ et omnia uenenata in stratum pariter & incensum fugat, ut tradit Dioscorides.

Achemenin.) Achemenis dicta uidetur à magica illa achemenide, eo quod quemadmodum illa (ut Plinius libro 26. cap. 4. refert) coniecta in aciem hostium trepidare omnia ac terga uertere dicebatur: ita polium hoc iniectum & in stratum omnia fugat uenenata. Libanitin.) Quod in alijs legebatur ebenitis, id nos exemplariorum nostrorum autoritate reddidimus libanitis: sicq; appellatum est ab odoris grauitate & iucunditate. Est enim grauius cum suauitate aliqua odoratum ceu thus, quod libanos dicitur.

Melosimon.) Sic dictum est à grato & iucundo mali seu pomi odore quodam. Græcis enim melon idem est quod pomum,

pomum, osmos uero odor. Leontocaron.) Leontocaron appellatur quasi leoninum caput, eo quod comosum capitulum habeat, quemadmodum & leonis caput comosum est. Conula.) Sic appellata est à similitudine quadam origani, quæ proprie conyla dicitur. Cæteræ duæ appellationes, utpote belion, quæ in exemplaribus nostris non habetur, & neptunia huic adcreuerunt ex tripolio cui potius conueniunt, cuius flores ter die mutari conspiciuntur, ut aliqui uolunt, & circa maritima nascitur, Neptuno mari dominâte. Plinius item polium cum tripolio perperam confundit. Pilulam.) Per pilulam C. I. intelligit capitulum ipsum, quod in corymbi & pilæ figuram habet.

NOMINA ET VIRTUTES

HERBÆ VICTORIALÆ.

CAPUT LVIII.

VPEPLIOS Græce, daphnoïdes, hypoglossion, eupetalon, diglossos, nycephyllon, pel-leon, idæa daphne, samothracia daphne, alexandrina daphne, mitrion, danaë, stephane alexandru, chamædaphne, carpophyllon, daphnitis, Latine peruinca, uictoriæ folium, laurus alexadrina, macedonica, laurago, mustellago terrestris uocatur. Frutex est sepius cubitalis, folijs ut myrtus, paulò maioribus atq; tenerioribus & nō infractis, gustu remordentibus & incendiosis. Hijs prædita est uirtutibus.

Ad phlegmata incidenda.

Herbæ uictorialæ folia pisabis, & succū eius cyathis duobus dabis cum melle bibere ieiuno, mox phlegmata intercidet.

COMMENTARIUM



ICTORIALA hæc est, nō, ut falsò quidam uolunt, herba illa per terram serpens, & quā nunc temporis herbarij uincam peruincam, Germani *yugrüne* uel *wintergrüne* uocant, & à Dioscoride lib. 4. cap. 7. sub clematidis nomine tractatur: sed frutex, quem idem Dioscorides eiusdem lib. cap. 139. & Plin. lib. 23. daphnoiden, & nostræ ætatis herbarij laureolam, Germani *gyland* dicunt: & talis quidem qualis ab Apuleio describitur. Dicta est autem uictoriala, similiter & nycphyllon, hoc est, ut Latine reddidit Apuleius, uictoriæ folium, à uictoria quod uictores ea pro lauro in triumphis & uictoriæ signum uterentur. Laurus enim erat quæ proprie triumphis dicabatur, uel gratissima domibus, Cæsarum pontificumq; ianitrix: quæ sola domos exornabat, & ante limina excubabat, ut inquit Plinius lib. 15. cap. 30.

Eupeplios.) Sic dicta est à bona & speciosa foliorum pulchritudine, sicut quæ non longe sequitur appellatio, eupetalon: & quod semen sub folijs nascens seruido sapore, gustuq; incendiofo habet ceu peplis, quam peplion etiam uocat Hippocrates. Daphnoides.) Hæc propria ipsius est appellatio apud Græcos. Sic dicta à lauri forma & specie quā in folijs & fructu refert. Hypoglossion.) id est sublingium, quæ appellatio propter foliorum similitudinem ex lauro alexandrina huc trāsata est, quemadmodum & aliarum aliquot, ceu diglossos, id est bilinguis & duarum linguarum: pelleon ab Alexandro Pelleo uocato: idea daphne, id est idea laurus, nam daphne est laurus: Samothracia daphne, alexandrina daphne, mitrion quasi diademalis, danaë, stephane alexandru, id est corona Alexandri: laurus macedonica, ab eodem Alexandro Macedonũ rege. Chamædaphne.) id est humilis laurus: talia tamen ab ea de qua habitũ est supra cap. 27. Carpophyllon.) Dicta est carpophyllon, quoniā folijs adnatum fert semen & fructum, quem Græci καρπὸν dicunt.

Daphnitis.) Daphnitis uocatur quasi laureola siue laurago,

laurago, à foliorum lauri similitudine. Peruinca.) Peruinca dicta est à uinciendo, quoniam ramulos habet iuncto lentore flexiles, & in his corticē quoq; egregiē lentoris & foliā non facile fragilia. Mustillago terrestris.) Mustillago dicta est à lauro mustace, quā quod mustaceis subijceretur sic appellauit Pompeius Leneus, teste Plinio lib. 15, cap. 30. Cubitalis.) Cubitus est mensura quantapater à cubiti flexura usq; ad summum mediū digitum, quæ ex 24. digitis seu palmis 6. constat. Folijs ut myrtus.) Quod in omnibus exemplaribus sine intellectu legebatur, muria, nos reddidimus myrtus, cui similia folia habet, & de qua Dioscorides lib. 1, cap. 139. Non infractis.) id est non facile fragilibus, sed lentis. Ad phlegmata incidenda.) hoc est, ad pituitas attenuandas, dissipandas, dissipandas & deducendas purgandasq;. Nā maximam uim habet purgandi pituitam, tum per inferna & aluum ipsam ducēdo, tum uomitiones, menses & sternutamenta ciendo, ac commanducatione oris pituitas purgando & extrahendo. C. 1.

NOMINA ET VIRTUTES

HERBAE CONSOLIDAE.

CAPVT LIX.



RAECI xylophyton, symphyton, anachylin, anazetesi, Democritus hæmostasi, Latini conferbam, consolidam, inulam rusticam, Galli alum. Alia est petrosa, lignosa omnis, iucundi odoris, atq; saluam prouocans, ramis origano & capitellis thymi similibus, radice longa, fulua, in robore digitali. Est & altera quæ appellatur etiam pectis, habens thyrsus bicubitalem, geniculatum, inanem, in quo folia hirta, angusta & ueluti longa cum adnatio-

nibus secundum genicula, flore nigro, fructu siue semine floccorum corticis simili, pruritum mouēte, radices exterius nigras, interius argillofas, uirtutis densabilis.

1 Ad profluuium mulierum.

Herbæ consolidæ puluerem mollissime cōtritum potui dabis in uino, mox restringet.

2 Ad conuulsos uel intus ruptos.

Herbæ consolidæ radicem in cinere tepido coquito & ex melle ieiuno dabis ut edat, sanabitur: & thoracem totum purgabit.

3 Ad stomachi dolorem.

Herbam cōsolidā si cum oxycaro edat, magnum beneficium sentiet.

4 Ad tussim.

Herbæ symphyti radices in caldaria decoques cum melle & pipere & castoreo ad quartas, & in uino uetere ieiuno dato in potu. Hæc herba hoc argumētum habet, ut carne bubula cōcisa & in caccabum missa, eius radices si miseris drachmas duas, cocta caro in unum cohærebit.

COMMENTARI.



APVLEIUS quemadmodū & Dioscorides consolidæ duo tantū facit genera, cum recentiores plura etiam his constituent, ceu consolidā mediam, Teutonice *gunzelen*, tormentillam, consolidam regalem, Teutonice *rüterspörlin*, & quam Teutonice *maßlieben* uel *zeytßlin* uocant: item diapensiam siue faniculam & alias quasdam, omnes quidem à consolidando & constipando, quæ ui egregie pollent, dictæ consolidæ, præsertim hæc de quibus hic agit Apuleius, nam de alijs nihil ad præsens. Græci eadem ratione quod consolidæ

συμφύτον, id est symphyton uocant, Germani *walwurtz* dicunt. (Xylophyton.) Sic dicta est quasi lignosa planta à duritie lignea: nam ut Dioscorides & Apuleius testatur, tota lignosa est, maxime prima species quę minor est, & petrea, eo quod in petris nascitur, cognominat. (Anachylin.) Anachylis dicta est ab humorositate saliuosa & saliuu humorosa succosauē, quam prouocat petrosa uocata consolida. (Anazetefin.) Vide num potius duabus in unam mutatis literis legendum sit anazeufis: ut cunq; tamen, habet id nominis à coniugatione, constipatione & consolidatione. (Hæmostafin.) Hæmostasis appellata est quod sanguinis fluores sistat. (Conferbā.) Conferba seu mauis conferua dicta est à ferruminando, hoc est conglutinādo. Ferruminare enim est metalla coniungere & conglutinare. Et ferruminatio est conglutinationio & iunctura, sed proprie metallorum: item ferrumen, quod est gluten. Omnia à ferro sic uocata, transferuntur tamen & ad alia. Est etiam alia herba seu sponsia potius aquarū dicta conferua ratione eadem, de qua Plinius agit lib. 27. cap. 8. Sed de hac nihil ad præsens. (Inulam rusticam.) Symphyton à quibusdam inulam rusticam uocari testis est etiam Scribonius Largus compositione medicinali 83. Sed si Plinium imitari uoluerimus, pro inula reponeamus potius conylam: nam lib. 26. cap. 27. simile esse dicit cunylæ bubulæ, habet enim petreum scilicet, ramulos origano quod conyla dicitur similes, ut Apuleius & Dioscorides tradunt. (Galli alum.) Quod erat allium Gallicū, id nos reddidimus, Galli alum: idē Plinij etiam autoritate, qui lib. 26. cap. 7. ait, Halus autem quam Galli sic uocant, Veneti cotoneam. Et lib. 27. cap. 6. dicit, Alum nos uocamus, Græci symphyton petreum. (Pectis.) Pectis appellata est quasi solidās & in duritiem densans, à uerbo πέννυμι, quod densari, concerni & in glaciem gelari significat: & hæc secūdo generi quod maius est, & magnum symphyton uocatur à Galeno, conuenit appellari.

- rio. Adnationibus.) id est eminentibus productionibus & eminentijs quibusdam productis. Secundum.) id est secus & iuxta. Flore nigro.) id est luteo, qui ab albo uersus nigritiem tendit. Floccorū corticis.) id est lanuginis asperę, quę foliorum & totius caulis corticem & superficiem supercurrit, & manibus tractata pruritum excitat. Argillofas.) hoc est, candidas & albas, ab argilla quę creta est albi coloris. Conuulsos.) Conuulsi dicuntur quibus in nervosa parte quapiā facta est citra uulnerationem unitatis solutio, quam spasmū Græci uocant. Rupti uero sunt quibus in carnosa parte citra uulnerationem facta est diuisio, quam rhegma nominant Græci: sicut fracturam quę in osse fit diuisio catagma, autore Galeno. Thoracem totum purgabit.) hoc est, pectus & pulmonem à malis & purulentis humoribus emundabit. Nec id mirum, quum ex contrarijs cōstet uirtutibus, autore Galeno & Paulo Aegineta, habet nanq; uim incidēdi, qua purgat ea quę in thorace uel pectore & pulmone purulenta concreuerunt: habet item humiditatē quamansum sitim arcet: habet etiam solidandi, condensandi & constipādi uim, qua sanguinis excreationibus & fluoribus reliquis medetur, sicq; ex contrarijs constat uirtutibus symphyton siue cōsolida. Oxygaro.) Oxygarum liquamen est ex aceto & garo compositū. Garum autem exquisiti liquoris genus est, quod ex piscium carniumue falsura exudat, & ut Columellæ uerbo utar, exāniat, non quidem feculentum illud & carnosum quod in eo subsedit, sed quod liquidum & aquę modo fluens supernatat. De piscium garo plura Plinius lib. 31. cap. 7. & 8. Caldaria.) Caldaria uas est in quo aqua calefieri solebat, ahe-num. Sicut cacabus est olla siue lebes et uas coquinarium in quo pulmētaria coquūtur: sic dictū à sono quem facit dum feruet. Castoreo.) Castoreū dicuntur castorum, id est fibrorum testiculi. Castor aut animal est *καυέλιον*, id est ambigux uita, quod in terra & aquis uitā agit, Teu-
tonice

tonice cinbiber. Argumentum.) hoc est, uirtutis & naturæ suæ rationem & probationem.

NOMINA ET VIRTUTES

HERBAE ASTERII.

CAPVT LX.



GRÆCORVM aliqui asterion, alij asteriscon, alij assera atticon, quidā bubonion, alij hyophthalmon uocarunt, Latini inguinalem, Punici derdum. Herba est lignosus habens uirgas, & florem in summitate nigrum tanquam anthemidis herbæ capitellum ambitum foliolis stellæ similibus, sed in thyrso folia longiora atq; hirta, uel crassiora, & est laxatiuæ uirtutis. Nascitur ubiq; inter petras & loca aspera. Hæc herba noctu tanquam stella in cœlo sic lucet, ut qui uiderit ignorans dicat phantasma se uidere, & metu plenus irridetur. Maxime autem à pastoribus pecorum inuenitur. Adhibetur deniq; inguinum tumoribus.

Ad caducos.

Herbæ asterij baccas si dederis manducare caducoluna decresciente quum erit signum Virginis, & ipsam herbam laborans habeat in collo suspensam, remediabitur.

COMMENTARIIL



ASTER, asterion & asteriscos, omnibus his nominibus, in quibus una stellæ uis & significatio est quam Græci ἀστήρ uocant, quasi stellaris appellata est hæc herba, idq; à foliorum in floribus numero, positu & figura, quibus stellæ modo radiatur: nō autem quod noctu ceu stella fulgeat & luceat, fabulosum enim id est, Astera atticon.) Atticos dicta

est ab Atheniensium agro, quod illi ob soli tenuitatem frequentior aut melior forte nasceretur. Bubonion.) hoc est, ut Latini appellant, inguinalē: sic dicta, quoniam inguinibus, quæ Græci bubonas dicunt, tam præsentaneum remedium est, ut ad alligata solum ad inguinū medicinam faciat, autore Dioscoride, Galeno, Paulo Aegineta & Plinio. Hyophthalmon.) id est suis oculum, eo quod totus eius flos animalis illius oculum repræsentare uideatur. Florem nigrum.) hoc est, ad nigritiam inclinātem, Dioscorides florem habere dicit purpureum & luteum, quod tamen ad diuersas ipsius partes referendum est, Sunt enim in eo purpurei coloris folia, quod uero medium inter ea foliola capitulum est chamæmali modo luteo colore existit. Anthemidis.) id est chamæmali, quam camomillā uulgo dicunt. Capitellum.) Hæc floris pars est media lutea quæ intra folia eleuatur & eminet. Ambitum.) id est circumdatum. Phantasma.) id est, ut Cicero & Plinius uocant, spectrū: quod modo imaginationis obiectum est plerumque non subsistēs, nempe rei sensibilis forma quædam & effigies in interno sensorio ut in interno cerebri uentriculo: qui & animalis spiritus in illo existens, imaginatricis uirtutis organū est, creata & condita, nunc uigilia, nunc somno imaginationi obuersans. Modo uero quod nostris oculis parumper & obscure sese ingerit, quemadmodum genij & lemures faciunt, & quicquid nocturnorum est terriculamentorum. Et tale quidam uidetur herba hæc noctu ipsam ignoranter aspicientibus, ut Apuleius refert. Irridetur.) .i. deluditur & decipitur falliturque. Caducos.) .i. epilepticos, comiciales. Dictus est autem morbus caducus, quoniā illo affecti, tempore paroxysmi & afflictionis in terram subito concidunt. Baccas.) .i. capitulū illud intra folia floris siue totū florem cum foliolis & capitellis. Aliqui, ut Dioscorides refert, quod in flore purpurescit tantū prodesse comicialibus infantibus tradunt.

NOMINA ET VIRTUTES

HERBAE LAGOPV, hoc est

PEDIS LEPORIS.

CAPVT LXI.



GRÆCI lagopun, Romani uocant eam herbam benedictam, leporinum pedem. Lagopus Græci à similitudine pedis leporini dicta. Nascitur in pratis.

Ad uentrem stringendum.

Herbam leporis pedem siccata & in puluerem redactam dabis potionem in uino non febricitanti, febricitanti uero in aqua calida, & mox uentrē stringet.

COMMENTARI.



VR SIC, hoc est, leporis pes, dicta sit hæc herba, docet Apuleius ipse post nominum appellationes. Habet enim leporino pedi similem paniculum, respondetq; Latina appellatio Græcæ.

Nam λεγώς lepus, πούς uero pes est. Benedicta uero nominata est, quod inter alias herbas benedicti et diuini sit effectus. Cuius radix nunc uulgo in usu est contra morbos pestiles & pectoris mala. Germani ipsam *Benedikten wurte* nūcupant. Multi ab odoris suauitate & aromaticitate chariophyllatam appellant.

NOMINA ET VIRTUTES

DICTAMNI.

CAPVT LXII.



GRÆCIS artemedion appellatur, alijs cretice, alijs ephemeron, alijs [†]eldia, alijs beloas, al, id est, eos, alijs belotocos, alijs dorcadion, alijs eu-

aliàs tus bolion, alijs dipsacos, Italis[†] ustilago rustica, alijs la-
filago. brum Veneris, Aegyptijs emenypse. Nascitur in in-
 sula Creta monte Ida, folijs similibus pulegio, sed pau-
 lò maioribus, atq; floccosis uel lanugineis adnationi-
 bus, et neq; florem generat neq; fructũ. Item alia huic
 similis, quę appellata est pseudodictamnus; nascit̃ plu-
 rimis in terris, similis acrimonię dictamni. Memora-
 tur etiam tertia species apud Cretã dictamni cum fo-
 lijs similibus sisymbrij, maiorib. ramis & flore nigro,
 molli, similis uirtute pseudodictamni. Harum deniq;
 multo efficacior est prima.

1 Ad mulierem si in utero mortuum
 foetum habuerit.

Herbæ dictamni succum si absq; febrícula fuerit,
 cum uino dabis bibere; si autem febricitat, dabis cum
 aqua calida, mox eijciet foetum sine periculo.

2 Ad plagas siue ferro siue à sude uel
 à serpentibus factas.

Herbæ dictamni succum in plagam infundat, &
 aliquid bibat, mox sanabitur. Ad serpentium autem
 morsum succum eius in uino bibat, & mox discutit
 uenenum.

3 Si quis uenenum sumpserit.

Herbæ dictamni succum cum uini hemina in po-
 tu sumat, mirifice facit. Tanta autem uirtus est dicta-
 mni ut non solum interficiat ubicunq; fuerint serpen-
 tes præsentia sui, sed & si odor eius à uento sublatus
 fuerit, ubicunq; eos tetigerit, mox occidet. Fertur &
 hoc exemplum, Si caprea uel ceruus in uenatione te-
 lo percussus fuerit, quum peruenit ad herbam dicta-
 mnum & ea pascitur, mox telum excutitur è plaga,
 & fa-

& sanatur pascendo dictamnium.

4 Ad uulnera recentia.

Herbas dictamnium & argemoniā & ambrosiam contritas cum butyro plagæ imposito, miraberis in omnibus dictamni effectum.

5 Ad ulcera & nomas.

Herba dictamnus imposita, ulcera & putres nomas, & purgare & explere dicitur.

COMMENTARI.



DICTAMNVS qualis herba sit, satis ab Apuleio descripta est, sine flore, sine semine: licet Theophrastus & Vergilius semen & florem tribuere uideatur, hic quidem Aeneidos lib. 12. cum ait,

Tum Venus indigno nati concussa dolore
Dictamnium genitrix Cretæa carpit ab Ida,
Puberibus caulem folijs & flore comantem
Purpureo: non illa feris incognita capris
Gramina: cum tergo uolucres hæserè sagittæ.

Ille uero de plantarum historia lib. 9. cum ait, Folijs non ramulis aut semine utuntur incolæ. Sed his refragantur Dioscorides, Plinius, Apuleius & cæteri omnes, contrariumq; docet. Vnde quia sine flore & sine semine, Cretæq; propria est herba, certum est, radicem illam candidam quam multi uulgo pro dictamno uendunt, alterius à uera dictamno herbæ esse radicem, cum ubiq; nascens & florem & semen quoq; habeat, nec illā pro dictamno in medicinam esse admittendam. Artemedion.) Artemedion dictum est à Diana uenationis dea, quam Græci artemida uocant, eo quod uulneratæ ab ea in uenatione capræ & ceruæ eius herbæ pastu sanitatem consequerentur.

Cretice.) Cretica herba dicta est quia in Creta insula nascitur, estq; propria illi insulæ herba, & non alibi nascens, autore Theophrasto & Plinio. Ephemeron.)

id est diarium, hoc est, unius diei. Eldia.) Exemplaria nostra non eldia, sed ælæa scriptum habet, unde suspicio nobis obrepfit, aliquibus immutatis literis legendum potius esse Idæa, quoniam in Ida monte Cretæ plurimum nascitur: licet apud Dioscoridem etiā eldia legatur, quod tamē id intellectu, nescimus, nobis huc inclinat animus.

Beloacos.) id est telorum remedium. Βέλῳ enim telum est, ἔκῳ uero medela. Sic dicta herba, quoniam, ut Dioscorides & Theophrastus aiunt, uulneratis telo capris medetur, à pastu eius statim decidētibus telis. Et hæc eadē est causa cur dicta sit belotocos, & eo amplius etiam quod partus adiuuet. τὸκῳ enim partus est. Dorcadion.) Sic appellata est quasi cerualis. Dorcades enim Græcis inuli sunt & in ceruorū genere minores, ut aliqui uolūt, à quibus & nomen habet hæc herba, eo quod, ut Plinius lib. 8. cap. 27. ait, hoc animal & cerui hanc extrahendis sagittis monstrauere percussī eo telo pastuq; eius herbarū eiecto. Eubolion.) Sic dictum est quod extrahendis telis sit conueniens & bonum medicamentum. Diplos.) Appellatio hæc importune huc translata est ex eade qua superius habitū est sub nomine chamæleonis. Similiter & ea quæ inter Latinas refertur, labrum Veneris. Nisi corona et herba Veneris legere malueris, ut sic dicta sit, præsertim tertia species, ob similitudinem folij cum fisymbrio, quod hoc nomine appellatur. Vstilago rustica.) Vstilago dicta est, eo quod feruens & acris gustu minima portione accendit os, uti Plinius tradit. Verum exemplaria nostra non ustilago, sed tussilago scriptū habent. Floccosis uel lanugineis adnationibus.) hoc est, ut Dioscorides ait, folijs comentosis lanosaq; pube obductis. Et Vergilius, puberibus caulem folijs comantem dicat. C. 4. cit. Pseudodictamnus.) id est falsa dictamnus. Ambrosiā.) Ambrosia qualis herba sit docet Dioscorides libro 3. & Plinius lib. 27. cap. 4. item lib. 25. cap. 7. Nomas.) Nomæ corporis mala sunt serpentina & depascētia, autore Plinio.

Plinio, qui lib. 10. cap. 9. de brassica erratica aliorum autoritate refert illam compescere mala corporis quæ serpūt, nomas uocant.

NOMINA ET VIRTUTES SOLAGINIS MINORIS.

CAPVT LXIII.



HERBAM solaginem minorem, alij heliotropion appellant. Nascitur locis concauis & cætera, ut supra cap. 49.

Ad lumbricos necandos & excludendos.

Herba solago minor siccata & in puluerem redacta & in aqua calida potui data, lumbricos occidet.

COMMENTARI.



APVT de solagine maiore quod in exemplaribus quibusdam hic repetitur, quia superius capite 49. de heliotropio habitum est, omisimus: alterum uero de solagine minore adposuimus: ubi etiam alteram curationem omisimus, tum quia in exemplaribus nostris non habetur, tum quia ex Dioscoride quem autorem agnoscit, uerbatim huc transcripta est.

NOMINA ET VIRTUTES

HERBAE PAEONIAE.

CAPVT LXIII.



PAEONIA à Græcis appellatur pentorobon, alijs glycyssis, alijs aglaophotis, alijs pæoniō, alijs selenion, alijs menion, alijs panacos ce

ras, alijs selenogonō, alijs dichomenion, alijs gludim, alijs menogenion, alijs theodonion, Itali pæoniā, alijs rosam fatuinā uocāt. Pæoniā nomen inuentoris retinet. Nascitur Cretæ & Siciliæ montibus, quā Homerus sacer autor libris suis inseruit. Hęc herba in extremis bacculas habet amygdalinis similes, in quibus sunt grana cocco similia ad acinorū malī granatī magnitudinem, quæ noctu lucent tanquā lucerna. Plurimum noctu à pastoribus inuenitur & colligitur.

1 Ad lunaticos.

Herba pæoniā si lunatico iacenti ligetur in collo, statim se leuat sanus. Et si eam secum portauerit, nunquam ei hoc malum accidet.

2 Ad ischiaticos.

Herbæ pæonię radicis partē alligabis lino, eumq; qui patitur circūcinges, res est saluberrima. Et si eam in naui habueris, tempestatem compescit, si mundus ea utaris, est enim mirabilis.

COMMENTARI.



AEONIA dicta est, autore Plinio et Apuleio nostro, à Pæone medicæ artis autore peritissimo, qui illam inuenit. Teutonice *beningen rosen* uocatur. Pentorobon.) Sic appellata est quasi quinquereum, ab eruo, quod Græci orobon uocant, notissima fruge, eo quod cōmuniter quinque grana fert erui magnitudine. Glycyfis.) Sic dicta est à dulcedine, quā solo nomine indicat, siue quod in sapore parua quædam dulcedo illi inest, testāte Galeno. Aglaophotis.) Aglaophotis appellatur quasi lucide splendēs, φῶς enim lux est, ἀγλαός splēdidus. Idēq; nominis sortita est à granis ipsius quæ in folliculis continentur, & quasi lucis splendor lucent. Selenion.) Selenion & menion uocatur, quasi lunaris,

lunaris, & dichomenion quasi semiplene lunaris herba. Selenogonon aut & menogonon, id est lunæ semen. Selenene enim & mene Græcis luna est, & gonos semen. Dichomenis uero semiplena luna appellatur. Quorum omnium ratio & causa est, quod intra plantæ folliculos mediæ lunæ formam repræsentantes, contineatur semen. Siue quia comicialibus & lunaticis, qui lunæ cursum patiuntur, medeatur. Panacosceras.) Sic dictionem hanc exemplaria nostra scriptam habent: ita dicta quasi omnifariam morbis medēs cornu, à πᾶν, quod omne, & ἄκρ medelam, & κέρα cornu significat. Cuius nominis causa est figura bacularum siue folliculorum in quibus continetur semen, qui folliculi incurui cornus speciem repræsentāt. Theodonion.) Theodonion appellatur, quasi diuinum donum & auxilium propter effectum & uirtutem suam admirandam & quasi diuinam, deorumque munere illi concessam. Rosam fatuinam.) Sic dicta est quia florem habet roseum, sed inodorum iniucūdumque.

Inuentoris.) scilicet Pæonis, qui medicus fuit peritissimus. Sacer.) id est diuinus, imò ut Dionysius in artibus ipsum uocat, δαμνιότατος, id est diuinissimus.

In extremis.) id est in summitate & cacumine caulium.

Cocco.) Coccus est granum, nō omne, sed quod rotundum est. Lunaticos.) Lunatici dicuntur comicia C. I. les, qui certis Lunæ temporibus affliguntur. Iacenti.) id est cum iam paroxismo correptus in terra iacet. Solent enim tales afflictionis tempore in terrā cadere & iacere, unde & caducus morbus etiam uocatur.

NOMINA ET VIRTUTES

HERBÆ PERISTEREI.

CAPVT LXV.

C iij



PRAECI peristereon orthion, alij trigonion, alij bunion, alij hieran botanen, alij philtrodoten, Aegyptij thiophenges, Prophetæ heras dacryon, alij hæma gales, alij hæma hermu, Punici zimicum, alij azirgozol, Itali cristam gallinaceam, alij columbinam, alij ferrariam, alij exuperam matricalem, alij herculaniã uocarunt. Vtiq; peristereon herba siue supina siue recta, nascitur ubiq; in planis & aquosis locis, radice simplici atq; thyrso. Sũt autem ex columbis esca admodum iucunda & familiaris, unde & hoc nomen habent, & columbinæ dicuntur.

I Ad omnia uenena.

Herbæ peristereĩ tritum puluerem si quis potum in uino acceperit, omnia uenena discutit. Quidam dicunt, quod & magi ea in arte sua utuntur, primũ Homerus, deinde Mithridates, & cum centauria potui data, omnia mala medicamenta expellit, per alium deducens.

COMMENTARI.



PERISTEREONIS Latina interpretatio est columbina, à columbis facto nomine tam apud Græcos quàm apud Latinos. Cuius duplex genus est, unum quod supinum cognominatur, de quo dictum est supra cap. 3. sub nomine uerbenacæ; alterum eo quod recto caule riget, appellatum est rectum, de quo præsentĩ agitur capite, & à Græcis inter alia eius nomina peristereon orthion, id est colubina recta, & trigonion, quasi turturina nũcupatur, quorum nominum & aliorum aliquot ratio reddita est supra in uerbenaca.

Bunion.) Vide num potius legendum sit bomion, à dictione *βωμός*, quæ aram significat, cuius nominis ratio fuisse potuit, quod herba hac Iouis mensa & ara ad sacrificium uerrebatur. Philtrodoten.) Philtrodotes appellata

appellata est, quoniā lustrationibus adhibebatur feliciter & philtris amoliendis erat accommoda. Hæma gales.) id est sanguinem mustelæ. Hæma hermu.) id est sanguinem Mercurij. Exuperam matricalem.) Exupera dicitur, quod omnes alias dignitate antecellat. Nulla enim quæ Romanæ nobilitatis plus habeat quàm ista. Matricæ autem quod muliebriū locorum & matricis indolentiam faciat apposita: siue ad discrimen heracleæ fideritidis, quæ exupera etiam dicitur, sed cum adiuncto patricalis, ut Apuleius tradit infra cap. 72, cui hæc etiam nonnihil folio assimilatur: quæ ratio & causa etiam fuit, ut herculanea sit dicta. Magi.) Magos uocat sapiētes & philosophos, quos in nomenclaturis prophetas appellat, de quibus dictum est in Antonio Musa. Mithridates.) Mithridates rex Ponti fuit, à quo et nobilis illa antidotus mithridatica & herba mithridanion nomen habet. Plura de mithridate Plin. nat. hist. lib. 35, cap. 2. Mala medicamenta.) id est medicinas uenenosas & philtrā, & quicquid mali est in corpore.

NOMINA ET VIRTUTES

HERBÆ BRIONIÆ,

CAPVT LXVI.



GRÆCI brioniā chelidonion, & melothron, & archezostin siue apiastellum, Itali uuam taminiā, uitem albam, agrifolium, dentariam, Aegyptij thodona, dardiadana, Syri hugadessr, dinuprila, Daci dochlea appellauere. Herba bryonia uirgultis atq; folijs & corimbis ut uinifera uitis, sed omnibus hirtis, quæ se colligat uicinis fruticibus, fructu siue semine botruoso, lōgo, raro, fuluo, quo etiam tergora depilantur, thyrsos emittens prima informa-

tione è radice qui sunt asparagis similes.

Ad splenem.

Herba brionia in cibo data lienosis, per urinam lienem digerit & emendat. Hæc herba tam laudabilis est, ut in theriacas etiam potiones mittatur. Item si in capite uel in cinctu eam tecum portaueris, nulla mala te contingent.

COMMENTARIJ.



RIONIA hæc est quæ alio nomine ampeloleuce, id est uitis alba uocat, Teutonice *Schmerwurtz*. Cuius farmëta, ut Plin. lib. 23. scribit, longis & exilibus internodijs geniculata scandunt, folia pampinosa ad magnitudinẽ hederæ diuiduntur ut uitiũ. Radix alba, grandis, raphano similis initio, ex ea caules asparagi similitudine exeunt. Semen in uuararis acinis dependet succo rubẽte, postea croci. Est aut Græca appellatio brionia, sic dicta à uerbo *βρίων*, qd est extollo & exalto, eo qd in propinqs frutices scandens se exaltet. (Chelidonium.) Sic dictum uidetur à similitudine quadã foliorum, quæ similiter quadamtenus incisuris diuiduntur.

Melothron.) Melothron appellatum uidetur à coriorum concinnatione. Nam Græci *μύλοθρα* uocant *βάμματα* & *καλλωπίσματα*, id est colorum infectiones & cõcinnationes: quod corijs fortẽ ex brionię albæ fructu accedebat. (Archezostin.) Archezostis dicitur quasi princeps cingulum, *ῥωσθρ* enim Græce, Latine cingulum est, *ἄρχος* princeps. Sic appellatũ quod inter alia principaliter propinquos frutices cingat, & implicando comprehendat.

Apiastellum.) Apiastellum inter Græcas appellationes ab Apuleio enumeratum, nominis sui (modo non sit corrupta dictio, quod ambigimus, nam Latinam potius quàm Græcam formam habere uidetur) rationem & causam habere uidetur ab herba, quæ Græcis *apios* & montana aut agrestis raphanus dicitur, de qua Dioscorides agit

agit lib. 4. cap. 166. idē quoniam radix raphano similis est initio, alba & grandis, ut ait Plinius. Sed nos longe aliud censemus, utpote, dictionem esse corruptā ex ea quæ est ophiostaphyle, quod Latine interpretatur uua anguina, cuius nominis ratio & causa est, quod in sepibus, ubi & angues plerunq; latent, uitigineo folio & acinoso fructu nascitur. Vuam taminiā.) Vuæ taminiæ appellatio brioniæ accessit ex pediculari pituitariaq; uocata herba, quam Græci staphida agrian uocant, & proprie à Romanis uua taminia appellatur, licet Plinius cōtra Celsum uuam taminiā aliam dicat esse à staphide agria. Cæterum suspicamur nos hoc loco non uuam taminiā, sed anguinam potius esse legendum, ut respondeat Græcæ appellationi, quæ est ophiostaphyle, & uua anguina Latine interpretatur, de qua dictum iam est in dictione priore apia stellum. Vitem albā.) à radicis colore candido, & quia uiticulas, folia, clauiculasq; uiniferæ uiti similia habet, & fructum fert racemosum, dicta est uitis alba. Dentariā.) Dentaria dicta uidetur, quod quemadmodū reliqua ossa fracta, sic etiam dentes imposita extrahat. Asparagis.) id est coliculis, qui prima informatione & germinatione prodeunt. Siquidem antiquiores Græci omnem earum plantarum quæ nullis discretis folijs sed solido & tereti adhuc germine è terra prodeunt, primā germinationem asparagum uocabant: cuius rei uel Paulus Aegineta medicinæ lib. 1. cap. de asparagis inscripto testis est, ubi brioniæ asparagos etiam uocat. Quos coliculos, quia præcipuos habet spinosa planta, quæ nunc asparagus dicitur, ideo nomen id priuatim sibi adsciuit & obtinuit. Dige C. 1. rit.) id est deducit. Lienem enim minuit, & cum urina educit. Est enim diuretica & urinam ciens herba. Aliàs digerere nostri temporis medicis est cibum in uentriculo & stomacho concoquere.

NOMINA ET VIRTUTES

HERBAE NYMPHEAE.

CAPVT LXVII.



RAECI nymphream, proteam, caccabon, loto metram, rhopalon, androgynon, hydragogon, heracleon, Andreas nerion, Latini matrem herculaniam, algam palustrem, papauer palustre, clauum Veneris, digitum Veneris, aquæ ductam dixere. Nascitur in aquis stagnantibus, itaq; inde nomen sumpsit, thyrso nigro, leni, folijs similibus herbæ ciboriæ, aquam ex parte superantibus, flore pallido, fructu siue semine lato, denso, atq; gustu argilloso, radice stipidosa, nigra, acerrima. Est præterea alia nascens in Peneo Thessaliæ flumine, cuius flos niger est; radix alba & aspera.

alias
stantia
bus.

Ad dysentericos.

Herbæ nymphææ semen cum uino tritum in potu detur dysenterico, sanabitur mirifice. Item radices eius rades & dabis manducare dysenterico diebus decem, curabitur. Item si succus cum uino austero datus fuerit, uentris fluxum restringet.

COMMENTARI.



NYMPHAEA herba est, quam nunc communiter Arabico uocabulo nenufar uocant, Teutonice *Wyerrosen* siue *seeblumen*. Dicta est autem nymphæa, ut Apuleius & Dioscorides tradunt, eo quod aquosa amet loca, & in aquis nascitur. Nymphæ enim aqua est, Seu, ut aliqui uolunt, à Nympha quæ claua ab Hercule interfecta, uel ipsa zelotypia erga eum mortua in plantam hanc mutata sit, ut refert Plinius, cuius in naturalis historiæ lib. 25, cap. 7, hæc sunt uerba, Nymphæa

nata

nata traditur à Nympha zelotypia erga Herculem mortua. Quare heracleon uocant aliqui, alij rhopalon, à radice clauæ simili, ideoq; eos qui bibāt eam 12. diebus coitu genituraq; priuari. Proteam.) Protea uocata est à Proteo Oceani filio & maris deo, cuius nominis ratio & causa etiam est natalis locus, quia in aquis, quibus Proteus præesse dicitur, nascitur. Caccabon.) Habet id nominis à secunda specie solani, quæ proprie sic appellatur: idq; eo quod florem postquā defloruit aut antequā aperitur, similem habet forma & rotunditate folliculo solani.

Lotometrā.) Lotometra uocatur à similitudine herbae lotus ægyptia dictæ & fabæ ægyptiæ, quam ciboriam herbam uocat Apuleius: de quarum priore agit Dioscorides lib. 4. cap. 105. de posteriore lib. 2. capite 96. de utrisq; Plinius lib. 13. cap. 17. & 18. Aliās lotometra proprie dicitur quæ fit ex loto sata, ut idem Plinius lib. 22. cap. 21. testatur.

Androgynon.) Androgynos appellatur quasi semi uir, & ex uiro non uirum sed effœminatum reddens. Solet siquidem hæc herba effœminatos & ad Venerem impotentes reddere utentes ea uiros. Nam, ut Dioscorides testatur, paucis diebus genitalis languorem & infirmitatem facit, si continuo eius potu quis utatur. Et ut Plinius tradit lib. 25. cap. 7. Qui bibunt eam duodecim diebus coitu genituraq; priuantur. Et, ut idem lib. 26. cap. 10. ait, Venerem in totū adimit nymphaea heraclia, & eadem semel pota, in 40. dies: insomnia quoq; Veneris à ieiuno pota & in cibo sumpta. Illita quoq; radix genitalibus inhibet nō solum Venerem, sed affluentiam genituræ, ob id corpus alere uocemq; dicitur. Hæc ille. Hydragogon.) Hydragogos nominatur quasi aquatrix uel aquatica herba, quoniam in aquis nascitur. Andreas.) Andreas medicus fuit insignis, qui de herbarū natura etiam scripsit, autore Dioscoride. Meminit eius etiā non semel Plinius, Celsus, hic Apuleius, & alij. Nerion.) Nerios appellata est quod in aquis nascatur, à Nereo maris deo seu fi-

liabus eius & maris nymphis nereidibus. Matrem herculaniam.) Mater herculania dicta est à Latinis, sicut à Græcis heraclion ab Hercule, erga quem Zelotypia mortua nympa in hanc herbam mutata est. Algam palustrem.) Alga palustris appellatur, quod in paludibus nascitur, sicut alga marina in mari, cui fortè folio nonnihil similis est, ei scilicet quæ lato folio lactucæ similatur. Papauer palustre.) Dicta sic est, quod flos eius postquam defloruit rotundus & rotunditate papaveris capiti similis colore nigro fiat. Clauum Veneris.) Clauus Veneris appellatur, eo quod radix eius clauæ alicuius modo nodosa sit, atq; ad Veneris appetitum & impetum compescendum potens sit & efficax. Digitum Veneris.) Digitus Veneris etiã dicta est, quod in potestate sua sit compescere Venerem & libidinem. Digitus enim ceu manus cuius pars est, pro vi & potestate accipitur. Hactenus de nomenclaturis. Herba ciboria.) Herba ciboria est, quam fabam Aegyptiam uocant, de qua Dioscorides libro 2. cap. 96. cui grãde folium est galeri modo. Ex parte.) Quia quadamtenus super aquam emergunt, licet aliqua ex eis sub aqua sint, ut ait Dioscorides. Flore pallido.) id est candido & albo pallescente & lilio simili, & in medio quod croceum sit habente, ut Dioscorides tradit & Plinius. Semine denso & argilloso.) id est solido & glutinoso ceu argilla, quæ creta est qua figuli utuntur.

Radice stipidosa.) id est grandi & magna ceu stipes.

Acerrima.) scilicet quo ad habitum, hoc est, aspera & clauæ alicuius modo nodosa. Peneo Thessaliæ flumine.) Peneus fluuius est clarus Thessaliæ, quam Macedonia tribuit Mela inquires, In Macedonia prima est Thessalia. At Strabo lib. 8. extra Macedoniam esse tradit cum ait, Post Macedoniam uero Thessala natio est, cui & Plinius lib. 4. & Herodotus lib. 7. astipulantur. Sed utcunq; res se habeat, Thessalia Græciæ prouincia est, à rege Thessalo ibi regnante sic appellata. In qua urbs est insignis Thessalonica,

Ionica, à qua Theſſalonicenſes dicuntur, ad quos fidei noſtræ lumen præclarū deiloquentiſſimus Paulus duas ſcripſit epistoſas. Flos niger.) id eſt ad nigredinem quandam & obſcuritatem inclinans, hoc eſt, ut Plinius & Dioſcorides aiunt, luteus, ſplendens & roſæ ſimilis magnitudine.

NOMINA ET VIRTUTES

HERBÆ CIRSII.

CAPVT LXVIII.



CRÆCI cirkſion, alij acanthion, Latini ſpinam mollem appellant. Herba cirkſion thyrſo eſt bicubitali, trigono inferius, ſummitate rotundo, cum thyrſiculis purpureis atq; caneſcētibus, folijs hirtis, radice, ut Andreas memorat, uaricum dolores medente.

1 Ad faucium dolorem.

Herbā cirkſion cum ſua radice ſi quis in collo portauerit ſuſpenſam, fauces ei nunquam dolebunt.

2 Ad interaneorum dolorem.

Herbæ cirkſij tuſæ ſuccus expreſſus et potui datus, interaneorū dolorem mirifice ſanat. Lege eam menſe Maio.

COMMENTARI.



CIRSION hoc eſt quam nunc uulgo bugloſſam dicunt, alia à uera bugloſſa, quæ borago uocatur, & de qua actum eſt ſupra cap. 41. Eſtq; duplex bugloſſa, una domeſtica hæc, altera ſylueſtris, quæ cardiaca uocatur, Teutonice *herzgeſſan*. Cæterum cirkſij hitoriā quia ſatis obſcure traditur ab Apuleio, clariuſ ex Dioſcoride illam ſubiungamus, qui lib. 4. cap. 110. ſic eam tradit, Caulis tener eſt, bicubitalis ferè tri-

quetrusq̃, habet ab inferiore parte foliola rosaceorum figura, aculeatis per interualla augnls, sed mollibus aculeis. Folia bugloſſo ſimilia habet leniter hirsuta, longiora tamen, albicantiaq̃ & in extremitatibus aculeata. Quod uero in caule ſummum eſt circinatum hirsutumq̃ capitula habet in ſummo purpurea, quæ poſtremo in pappos euaneſcunt. Et Plinius lib. 27. cap. 8. Cirſion, inquit, cauliculus eſt tener duũ cubitorum, triangulo ſimilis, folijs ſpinofis circumdatus. Spinæ molles ſunt. Folia bouis linguæ ſimilia, minora, ſubcãdida, & in cacumine capitula, purpureas quæ ſoluũtur in lanugines. Cui ſimilis eſt quæ hircina lingua uulgo dicit̃, ſed caule tamen rotundo non anguloſo ut cirſion. Dicta eſt autem cirſion à uaricibus, quos Græci cirſos uocant, quoniam doloribus illorum medetur adalligata. Sunt autem uarices uenarum dilata-tiones, quæ ex atræ bilis materia fiunt, aliquando in temporibus, aliquando ſub umbilico & imo uentre, nonnunquam circa teſtes, ſæpiſſime autē in cruribus, fiuntq̃ plurimum in hijs qui diutius ſtare aut iter facere conſueuerunt. Acãthion.) id eſt ſpinulam, uel ſpinã molliusculam, à folijs molliter ſpinofis, quibus caulis circumdatus eſt. Sunt enim ſpinę molles, unde à Latinis etiam ſpinam mollem appellari dicit̃.

NOMINA ET VIRTUTES

HERBÆ ISATIDIS.

CAPVT LXIX.



RAECI iſatim, Prophetæ apiſion, Latini alutam appellauere.

Ad morſum ſerpentis.

Herbæ iſatidis folium contritum in aqua & in pla-ga poſitum, adiuuat & dolorem tollit.

Iſatis

COMMENTARIIL.



ISATIS qualis herba sit, non docet Apuleius, quare historiam illius ex Dioscoride subiungemus, qui libro medicinalis sylvæ secundo sic illam describit, Isatis herba est qua tingendis lanis infectores utuntur. Plantaginis folia habet pinguiora tantum & nigriora. Caulem duobus cubitis altiolem. Plinius lib. 20. cap. 7. eam inter sylvestres lactucas enumerat. Hanc nunc quadum appellant, Vitruius luteam herbam, Barbari glastū, Arabes nil & nileg. Alutam.) Aluta dici potuit isatis, modo integra dictio hæc fit, quod coria etiam illa inficerentur & tingerentur. Nam aluta corium dicitur postquam ad usum & opus calceorum & aliarum rerum concinnatum est. Sed dubitatur de uocis huius integritate, & num pro aluta legendū sit lutea, quam Romani aliquot scriptores inter colores retulerunt, Vitruiusq; præsertim ad extremum septimum librum dicens, Qui non possint propter caritatem chrysocolla uti, herba quam luteam appellant ceruleum inficere. Erat enim in tingendo præcipuus eius usus.

NOMINA ET VIRTUTES

HERBÆ SCORDII.

CAPVT LXX.



GRÆCI scordion, pleuritū, scordilon, dysosmon, calaminthen agriā, mithridation, Prophetæ hæma podontos, hæma ictinos, Latini trixaginē palustrem. Scordion habet thyrsos quadrangulos: folia sapore redarguentia, quæ Græci stipica uocauerūt, amara, & odorem aliquem alij redentia; flore rubro, & est uirtutis mictualis.

Ad neruorum dolorem.

Herba scordion trita & cum oleo laurino subacta
dolorem tollit inuncta.

2 Ad serpentium morsus.

Herba scordion coquatur & detur ius eius cū uī-
no potui: ipsa autem contusa in plagam imponatur,
dolorem tollit.

3 Ad cottidianas uel tertianas.

Herba scordion alligata circa corpus hominis, tol-
lit cottidianas uel tertianas.

COMMENTARI.



CORDION dictū est ab allio, quod Græci sco-
rodon uocāt, cuius odore aliquo sentitur, quæ
ratio etiam fecit ut scordilon sit uocatum, & ut
Plinius nominat scordotis. Pleuritīn.) Pleu-
ritis appellata est quasi lateralis siue costalis, quoniam in
foliorum lateribus & extremitatibus perq̃ ambitum inci-
suris diuisa est ad serræ formā. Dysosmon.) id est ma-
li & ingrati odoris, ut qui allium referat. Calaminthen
agrian.) id est nepetam agrestem, Plinius mentastrū no-
minat, estq̃ diuersi generis nota magis quā appellatio
alia, iuxta illud Plinij lib. 25. cap. 6. Est & alterius generis
lterioribus folijs mentastro similis. Mithridation.) Mi-
thridatios, siue ut apud Plinium & Dioscoridem legitur,
mithridanion appellata est ab inuentore Mithridate Pon-
ti rege, uti Crateias herbarius tradidit referente Plinio.

Hæma podontos.) id est sanguinem podotis. Hæ-
ma ictinos.) id est sanguinem milui, fortē propter colo-
rem rubescētem floris, uel quod sanguinem sistat. Tri-
xaginem palustrem.) Sic dicta est quod trixagini similis
sit, & humentibus locis nascitur, tradente Plinio & Dio-
scoride. Cottidianas.) scilicet febres: sic dictæ quod
singulis diebus accedentes desinūt ad integritatē: fiuntq̃
ex pituita putri, Tertianæ uero qualis sit, dictum est supra
capite

capite primo. Corpus.) maxime circa cor, in quo sedem habent ipsæ febres.

NOMINA ET VIRTUTES

HERBÆ VERBASCI.

CAPVT LXXI.



GRÆCI phlomon, pycnītīn, lichnītīn, Latīnī uerbascum uocāt. Sunt eius species primæ duæ. Harum est altera nīgra, altera alba; cuius altera masculus, altera fœmīna. Fœmīna igitur est radicis contortæ, longitudinis cubitalis: thyrsō tenero, leniter hīrto: folijs coliculi similibus, sed hirtioribus atq; albidis; flore uīridi, & semine nīgro. Masculus uero albidioribus folijs atq; angustioribus, & fructu siue semine tenuiori. Item nīgra folijs est latioribus atq; nigris. Item agrestis flore nīgro, folijs herbæ saluīæ similibus, uīrgis cellis. Item phlōmīdes appellatæ sunt duplices, hirtæ, terræ inhærentes, rotūdīfoliæ. Item quæ appellatur lychnītis siue thryalis, quæ nocturnis luminibus aptat, folijs pinguibus. Sed omnium radices sunt uirtutis redarguentis, hoc est stipticæ. Nascit̃ locis sabulosis & aggeribus. Hanc herbam dicimus Mercurium inuenisse & Vlixī dedisse, cū deuenisset ad Cīrcen, ut nulla maleficia eius timeret.

1 Aduersus occurfus malos.

Herbæ uerbasci uīrgulam qui secum portauerit, nullo metu terrebitur, neq; bestīæ, neq; occurfus malī molestabunt hunc.

2 Ad podagram.

Herba uerbascum cōtusa atq; imposita, infra pau-

cas horas dolorem efficaciter sedabit, ita ut etiam ambulare queat. Hanc impositionem autores præcipui proficere affirmant.

COMMENTARIUM.



DE VARIIS uerbasci generibus dicit Plinius, quod distinguere hæc penè superuacuum est, quum sint omnia eiusdem effectus. Inter quæ lychnitis appellata, nunc uulgo tapsus barbatus uocatur, & Teutonice *wullen krut*, quasi lanaria, eo quod folia habeat ad tactum mollia ceu lana. Lychnitis autem, id est lucernaris dicta est, eo quod pro ellychnio in lucernis uterentur: quæ ratio etiam fuit ut à quibusdam thryallis, id est ellychnium diceretur. Lychnos enim lucerna est, ellychnion uero dicit stuppa, palea, funiculus, aut aliud quid simile quod oleo, seuo, cæra aut alio huiusmodi liquore obductum & tectum ad lucem reddendam lucernis adhibetur, & aliàs etiam cõburitur accensum. Phlomon.) Phlomos dicta est à dictione $\phi\lambda\omicron\varsigma$, quæ ignem, flammam & lucem significat, eo quod ad lucernarum lumina conficienda esset apta & idonea. Pycnitis.) Pycnitis appellata est ab effectu & uirtute densante & adstringente, à uerbo $\piυκνός$, id est denso. Densando enim & adstringendo alui fluoribus medetur. Coliculis.) id est cauli & brassicæ quæ caulis dicitur, & omnibus oleribus, ut Cato ait, antistat. Flore uiridi.) id est uiuido, & ut Dioscorides tradit, candido pallescente. Flore nigro.) hoc est, ut Dioscorides dicit, luteo fulgore auri. Maleficia.) Maleficia uocat quæ malis artibus fiunt, ut ueneno aut incantamentis. Vnde malefici dicuntur, qui magicis & improbatis artibus utuntur. Circen.) Circe uenefica mulier fuit. Aduersus occursum malos.) hoc est, contra terculamenta & occursacula dæmonum terrorem incutientium, quæ Græci phantasmata uocant, & Attica lingua, ut Magistrus scribit, $\phiάσματα$, appellantur. Quæ qualia.

qualia & quid sint, docet idem his uerbis, φάσματα λέγε-
ται τὰ ἐν ὕπνῳ φαινόμενα. καὶ ὅτε φαντάζονται τὰ δαίμονια, νύ-
κτωρ ἢ μεθ' ἡμέραν ἐν τοῖς ἐρημίαις, ἀπὸ τοῦ αἵρος λαμβάνοντα
μορφὰς οἷας ἂν θέλωσι. Quorum uerborum sensus est,
Phasmata dicuntur quæ in somno apparent, & occurra-
cula illa atq; dæmonia, quæ noctu uel interdiu in desertis
locis, ab aëre qualibuscunq; uoluerint formis susceptis
conspicui nostro apparent.

NOMINA ET VIRTUTES

HERACLEAE siue SIDERITIDIS.

CAPUT LXXII.



GRÆCI heracleon, ἴδὲμ sideritin, ἴδὲμ bu-
phthalmon, ἴδὲμ scorpiuron, ἴδὲ curitin,
ἴδὲμ aristerion, Latini ferrariā, alij cristam
gallinaceam, alij herculaniam, alij exuperam patrica-
lem uocant. Habet species tres, quarum altera thyrsis
quadrangulis, redarguentis uirtutis, nodis per inter-
ualla variegatis, semine nigro, folijs asperis, & uoca-
tur speciali nomine heraclea. Alia ramulis tenuibus,
bicubitis, folijs ex utroq; alternatis, atq; in summitate
sui scissis, cum capitellis in summitate ramorum semi-
ne plenis. Tertia mollib. thyrsis, subalbidis, leuibus:
flore phoeniceo, paruo atq; argilloso: folijs coriandri
similibus. Sed omnium supradictarum herbarum fo-
lia sunt uirtutis glutinatiuæ recentium uulnerum.

Si quis in uia tute uult deambulare.

Herbam heracleam si tecum in uia portaueris, la-
trones non timebis.

COMMENTARIUM

E ij



LVRA sideritidis esse genera, non modo Apuleius, sed & Dioscorides & Plinius quoque testantur, inter quæ tamen primum proprie heraclea, id est herculania appellatur ab inuento re Hercule, qui eam reperisse traditur. Sideritis uero, id est ferraria, dicta est à ferro, quod Græci σιδήρεον uocant, eo quod glutinandis uulneribus ferro factis sit idonea.

Buphthalmon.) id est bouis oculum: sicque ab Osthane nuncupari tradit Dioscorides, sicut scorpiuron, id est scorpionis caudam à magis. Curitin.) Curitis appellatur quasi hastaria, ab hasta quæ Sabinorum lingua curis nominatur. Sic dicta quod uulneribus hastæ ferro factis medetur, siue quod uerbenacæ, quæ hoc nomine etiam insignitur, sit quadamtenus similis folio: quæ causa etiam forte fuit ut sicut illa, aristereon uocaretur, uel à solidando & conglutinando uulnera. αἰς enim in compositione intendens particula est, σφείω uero firmo & solido: unde & dictio facta est aristereon. Cristam gallinacæ.) Crista gallinacea dicta est sicuti peristereon, propter incisuras foliorum instar apicis illius auis. Exupera patricalis.) Patricalis dicta est quasi mascula: additum est autem id nominis ad differentiam peristereonis & uerbenacæ rectæ, quam exuperam matricalem quasi feminam uocari dixit.

Nodis.) id est sphondilis & uerticillis in orbem circumactis. Variegatis.) id est alternatis. Argilloso.) id est glutinoso, ceu argilla & creta.

NOMINA ET VIRTUTES

HERBÆ CHELIDONIAE.

CAPVT LXXIII.



RACE chelidonium appellatur, Latine hîrundinina. Eius species duæ. Alia maior, alia minor, quæ etiam appellatur pyron agrion.

Sed

Sed maior est tenuissimo thyrsio tanquam fœnigræci, cum folijs impactis suis uirgultis mollibus atq; subalbidis, circa quæ flores nigri, succum facit croceum atq; acriorem & mordacem sensim & amarum, fructum tanquã ceratia, porrectiora atq; tenuia, in quibus semina papauere maiora; item radicem ex una in plurimas euntẽ atq; in inferiores partes. Siquidem nomen chelidonie sumpsit ex hoc quod eo tempore semper florescit quo hirundines præsto sunt, quas Græci chelidonas uocant; uel ut quidam memorant, quod nidis suis eandem hirundines ferant ob acuedos succedentium uisus.

- 1 Ad caliginem oculorum & scabredinem, & qui uulnera habent in oculis, & albuginẽ oculorũ.

Herbæ chelidonie radicem pistabis cum uino uetere & melle Attico & pipere albo, & cū inuicem bene cõtritum fuerit, inunges deintus, caliginem discutit; ipsi experti sumus. Quidam de succo eius oculos sibi inungunt. Item caligantibus oculis succos eius uel flores expressos & mixtos cū melle Attico in uase æreo leniter cinerĩ feruẽti commixtos decoctosq; singulare remediũ ad caliginem oculorum facere certum est. Quidam succo tantum utuntur.

- 2 Ad parotidas.

Chelidonia cum axungia trita imponatur, sed ante aqua foueto.

- 3 Ad auriginem.

Herbam chelidoniam tritam cum aqua bibat, miraberis effectum.

- 4 Ad ambustum.

Herbam chelidoniam cum sepo caprino conteres
& impones.

5 Ad capitis dolorem.

Herbam chelidoniam ex aceto contritam illinito
fronti & capiti.

6 Ad dentium dolorem.

Herbæ chelidonix radicem & cupressi folia trita
& tedam masculam aceto decoques, & tepefactum
gargarizet.

COMMENTARI.



HELIDONIA dicta est quasi hirundinaria siue
hirundinina herba, ab hirudinibus, quas Græ-
ci χελιδονας dicūt, idēq; nominis habet, ut Apu-
leius tradit, eo quod tempore illo semper floret
quo præsto sunt hirūdines, seu, ut Dioscorides refert, cre-
ditur nomen sibi inuenisse quod hirundinū aduētū ex
terra prodit, discedentibus uero hīsdem marcescit. Refe-
runt aliqui aliam etiā causam, cuius Apuleius quoq; me-
minit, & Dioscorides etiam recenset inquiens, Tradide-
runt præterea aliqui si quis ex hirundinis pullis in nido
lucem amiserit, matrem hanc herbam oculis admouen-
tem cecitati eius mederi. Item Plinius lib. 25. cap. 8. Anima-
lia quoq; inuenere herbas, inquit, in primisq; chelidoni-
am, hac enim hirūdines oculis pullorum in nido restitu-
unt uisum, ut quidam uolunt, etiam erutis oculis. Et li-
bro 8. cap. 27. idem ait, Chelidoniam uisui saluberrimam
hirundines monsttrauere uexatis pullorū oculis illa me-
dentes. Quod tamen Celsus tanquam fabulosum reiicit
& damnat libro medicinæ 6. cap. 6. ad finem ubi de oculo-
rum imbecillitate agens inquit, Nihil commodius est q̃
sanguine uel columbæ uel palumbi uel hirundinis inun-
gere. Neq; id sine causa fit cum horum acies extrinsecus
læsa interposito tempore in antiquum statum redeat, ce-
lerrimeq;

terrimēq; hirundinis. Vnde & locus fabulæ factus est per
 parentes id herba restitui quod per se sanescit. Pyron
 agrion.) πυρόν ἄγριον, id est triticum agreste; sic appella-
 tum quod habeat radices multas tritici modo coacerua-
 tas, ut tradit Dioscorides. Flores nigri.) id est lutei ob-
 scuri. Ceratia.) id est filiquæ, quales sunt papaueris cor-
 nuti. Succedentium.) id est pullorum qui parentibus
 succedunt. Parotidas.) Parotides sunt apostemata & C. 2.
 abscessus iuxta aures nascētes. Auriginē.) id est suffu 3
 sionem fellis, & morbum qui ictericia dicitur. Sic dicta à
 calore & pallore auri. Tedā masculam.) Teda sextum 6
 genus est arborum resinam fundentium, diuiditurq; in
 marem & foeminam. Sed de teda Plinius lib. 16. cap. 11. de
 resinis agens sic tradit, Sextū genus ē teda proprie dicta,
 abundantior succo quàm reliqua, parciore liquidiorq; q̃
 picea. Flammis ac lumini sacrorum etiam grata. Hæc ma-
 res duntaxat ferunt, & eam Græci staften uocant odoris
 grauissimi. Laricis morbus est ut teda fiat, &c.

NOMINA ET VIRTUTES

STRYCHNI siue SOLATAE.

CAPVT LXXIII.



RAECI strychnon hemeron, agrion staphy-
 len, thalian, manicon, perisson, anhydron,
 manten, dorycnion, moly uocāt, Latini bel-
 lonariam, uaticam, apollinariam, somnife-
 ram, strumum, cucullum. Strychni species sunt qua-
 tuor, quarum uocatur prima hortualis, quæ est odo-
 ris iucundi cum frutice crebro, fruticoso, & folijs ni-
 gris, maioribus ac latioribus ocimo, cū semine rotun-
 do uiridi aut nigro. Alia caccabum appellata, quam
 Latini strumum appellauerūt siue soporiferam, & est

folijs latioribus à præscripta cum thyrsis post augmentum ultra terræ uicinatē inanibus, & fructu siue semine in folliculis rotundis uesicæ similibus incluso, fuluo, rotundo, leni, simili uuarum acinis, quo etiam coronarum uenditores utuntur. Tertia est quæ uocatur hypnotice, siue ut alij strychnon melanon, uel thalia uel anhydron, agria staphyle, manicon, perisson, Latine bellonaria, somnifica. Frutex est, nascit̃ in petrosis locis, ramos plurimos pandēs stipidosos & difficile fragiles, folijs plenos ut mala cydonia, floribus rubris & non minimis, semine in cannis, quas Græci lobas appellāt, croceo radice cum rubra cortice. Quarta est quæ appellatur manice, sed Latine furialis, eo quod furorem excitat. Nascitur in collibus uel montuosis locis, thyrsos emittens decem uel duodecim uel narum, siue, ut Græci, orgyorum, cum folijs erucæ similibus, sed paulò latioribus, superposito capite hirsuto uelut platani sphaeræ, sed maiore ac latiore, & flore nigro, cum quo semen siue fructū botruosum, rotundum, nigrum, habentem acinos decem.

Fortè
ye len-
ger ye
lieber.

1 Ad ignem sacrum.

Herbæ strychni succus expressus cum aceto & super illinitus, ignem sacrum mirifice curat.

2 Ad tumorem corporis.

Herbam solatam tusam & cum oleo subactam impone, prodest.

3 Si mulier laborat inferius.

Herbæ solatæ succo se sublauet.

4 Ad aurium dolorem.

diās
crinino Herbæ solatæ succū cum oleo † cymínino misce,
& tepefactum stilla in aures.

Ad

5 Ad dentium dolorem.

Herbæ solatæ baccas commanducet.

6 Ad sanguinē de naribus fluentem.

Herbæ strychni succo lana intincta nares obtura,
sanguinem mirifice stringit.

7 Ad alopecias.

Herbæ strychni succus expressus cum aceto et superillinitus, alopecias mirifice curat.

8 Ad capitis dolorem.

Herba strychnon cum oleo rosaceo calefacta & stillata, mirifice capitis dolorem tollit.

COMMENTARI.



VAB Græcis strychnos siue strychnē, utroque enim modo dicitur, autore Plinio, uocatur herba, hanc Celsus & ueteres solanum, Apuleius solatam, recentiores solatrum appellāt, & Teutonice *nachtschatten* nominatur. Eius plura genera, quorū duorum priorum potissimum medicinam præsentī capite, posteriorum uero prius cap. 22. sub titulo apollinaris herbæ tradidit Apuleius. Strychnon hemeron.) id est solanum domesticum siue satium, & ut Apuleius uocat hortuale, qualis prima species est quæ olim in cibi usu & in cibo innocēs fuit teste Dioscoride. Agrian staphylen.) id est uuam agrestem, quam appellationem tertiæ speciei tribuit Apuleius, quum potius primæ tribuenda esset, quæ racemosum fructum habet: & de syluestri uite lib. 4. cap. 171. Dioscorides sic scribit, Syluestris uitis folia hortenfi solano similia habet, latiora tamen longioraq̃, fructum exiguis uuis similem cum maturescit rubentem, rotūda & in orbem circūacta acinis eius figura est. Posset etiam quarto generi quod similiter racemoso fructu est, conuenire appellatio ista. Thalian.) Thalia dicta est

quasi coronaria, quoniam in coronis texentes coronarij uterentur ea. *δαλία* enim Græcis sertum est & corona.

Manicon.) Manicon & manice uocatum est quasi furiosum siue furiale, eo quod, ut Apuleius tradit, furorem excitet & insaniam faciat, paruo etiam succo: quanquam & Græci autores in iocum uertere, ut scribit Plinius. Drachmæ enim pondere lusus pudoris gigni dixerunt, species uanas imaginesq; cōspicuas obseruari demonstrantes. Duplicatum hunc modum legitimam insaniam facere. Quicquid uero adiiciatur ponderi, repræsentari mortem. Et hoc de radice testatur Dioscorides & Theophrastus. Quorum hic ait, Datur bibenda drachmæ pondere si quis per iocum efficere uoluerit ut pulcherrimus sibi uideatur qui biberit. Si uero furere adhuc magis hominem uisâq; aliqua animo eius obuersari, duarū drachmarum. Et si ne furor desinat, trium: & ut aiūt, centaurium admiscere. Postremo si hominem perimere, quatuor. Ille uero clarius idē tradit dicens, Poteest radix eius drachmæ pondere in uino pota nō illepidas rerum species & imagines uanas animo & menti repræsentare. Duplicatum id pondus in triduum ecstasin facit, perimunt autē quatuor drachmæ. Aduersatur autem huic maleficio, remedioq; est maiore copia pota mulsâ aqua mox uomitionibus reddita. Et hæc de quarta specie tradita sunt, quæ proprie manice dicitur: licet & tertium genus hoc nomine etiam appelletur. Vagis enim cōmunibusq; nominibus quatuor & congeneres hæ plantæ indicabantur. Perisson.) Perisson appellatum est à uerbo *περίσσειω*, quod est circūquatio. Conuenit autē duabus posterioribus speciebus, quæ furiosos faciunt utentes: qui furore correpti nullo loco quieti, sed hinc inde commoti quatiuntur, ut phanatici qui circa templa discurrunt. Anydron.) Anydros uocatum est quasi inaquosum, quod locis nascatur ficcis, petrosi & montuosis. Manten.) *μάντις*, id est, ut inter Latinas appellationes uocat, uatica. Sic dicta quod uatici nantes.

nantes faciat, præsertim tertia species, quæ, ut Dioscorides tradit, ecstasin facit, hoc est, ut Galenus diffinit, ad breue tempus insaniam, quæ uatum & poetarum enthusiasmo similis est, & qualis phanaticorum est, qui circa templa discurrentes uaticinantur, & quale furoris genus huius radice pota fieri Plinius etiam testatur dicens, Halicacabi radicem bibunt qui sunt uaticinandi callentes, quod furere ad confirmandas superstitiones aspici se uolunt.

Dorycnion.) De hac & apollinariæ dictione dictum est supra cap. 22. Moly.) Moly nuncupatum est quod semen in folliculis habeat ceu ruta syluestris, quæ ab aliquibus moly etiam uocatur. A quibus folliculis et uescicis uescariam etiam dictam uolunt, licet Plinius uescariæ nomen illi factum testetur, quoniam uescicæ & calculis prosit. Bellonariâ.) Bellonaria dicta est quod in bello ad cuspides tingendas & inficiendas illa uterentur. Strumum.) Strumum uocata est autore Plinio lib. 27. cap. 8. quod strumis illita sanandis peculiaris est, alpinis maxime fluminibus. Cucullum.) Cucullum appellatur, eo quod secundæ speciei semen in folliculo tanquam in cucullo contineatur. Cucullus enim capitis tegumentum est, quale religiosi uestimentis suis appensum gestare solent, ad cuius similitudinem herba hæc propter folliculum sic etiam uocata est. Semine uiridi aut nigro.) uiridi scilicet ante maturitatem, nigro uero cum maturuit, ut tradit Dioscorides. Caccabum.) Sic nominata est à forma caccabi quam folliculus repræsentat. Hypnotice.) id est somnifica & soporifera. Strychnon melanon.) id est solanum nigrum, quam appellationem primo generi tribuit Dioscorides. Stipidosos.) id est densos & furculosos. Platani sphaeræ.) Platani fructus sphaeria siue sphaeræ dicuntur, & à Plinio Latine pilulæ uocantur.

Ad ignem sacrum.) Ignis sacer, qui Græce *ἑρυσίπelas* C. 1. erysipelas dicitur, est tumor cum dolore & inflammatione, ex tenui sanguine, interim & cum bilis parte, incenso

- C.3. & feruente generatus, circa cutim maxime nūc cum exulceratione, nunc sine ea consistens, coloris pallidi aut flauī aut ex utroq; mixti. Sūntq; plura eius genera. Vnde Celsus lib. 5. separatim de igne sacro & erysipelate agit. Inferius.) hoc est, in imo uentre & circa pudenda. Alopecias.) Alopecia à uulpibus, quas Græci ἀλοπέκας uocant, nomen habet, quasi uulpina passio, quoniam uulpibus sæpe accidit. Est autem, uti Galenus ait, natiui coloris in capillo mutatio, qua ad aurum inclinato colore capillus à radicibus fluit. Cui non dissimilis est altera affectio, quæ ophiasis dicitur: de quibus copiose Celsus lib. sexto, ubi utrunq; genus communi nomine areas uocat.

NOMINA ET VIRTUTES

HERBAE SENECTIONIS.

CAPVT LXXV.



GRÆCIS erigeron, gerontea, hydrogeron uocatur, Latinis senecion. Thyrsum habet cubitalem, rubrum, cum tenuibus folijs leuiter in summitate scissis, & floribus nigellis, primo tempore celeriter scissis ac florentibus summotenus uelut in canis, quos Græci pappus appellant, nos auros uocare possumus. Deniq; erigeron Græce nominatur, quod uerno tempore canescat eius flos, ac tenuetur tanquā capillatura. Habet radicem tenuem atq; inutilem. Nascitur in tectis & circa parietes.

1 Ad uulnera quamuis uetustissima.

Herba senecion tusa & subacta cum axungia uetere & imposita, mirifice sanat uulnera.

2 Item ad uulnera.

Herba senecion si mane eam adorans ex terra colligas

ligas & tundas cum axungia uetere; in plagam imposita, plagam aperit & expurgat. Item si eam simili more post meridiem colligas & cum axungia uetere misceas, imposita plagæ, aperit & per sanat.

3 Ad pedum tumorem & dolorem neruorum.

Herba senecion pistata cum axungia uetere, pedum dolorem tollit, & neruorum potentissime sanat.

4 Ad stomachi dolorem.

Herbæ senecionis flosculi cocti bene & subacti, imponantur ut malagma stomacho, summe dolorem sanant.

5 Ad lumborū & coxarū dolorem.

Herba senecion per se trita & ieiuno in potu data, ualidissime prodesse fertur.

6 Ad podagram.

Herba senecion trita cum sale, & ut malagmatis genus apposita pedibus, æque proficere certum est.

7 Si quis ferro percussus fuerit.

Herba senecion tusa cum axungia uetere sine sale, & facta quasi cerotū & in plaga imposita, facillime uulnus ad sanitatem perducit.

COMMENTARIIL



SENECTVTE Latinis senecio, Græcis erigeron, gerōtea & hydrogeron uocata est hæc herba. Senecio quidem, cui Græcorum gerontea respondet, simpliciter propter canescentes capillorū modo post florem eius pappos & lanugines. Erigeron uero quasi uere senescens, à tēpore scilicet quo floret, & euentu floris cito deflorescentis & canescentis: unde Plinius lib. 25, ait, Nomen hoc Græci dederūt, quia ue

re canescit. Hydrogeron autem quasi senecionem aquatū cum, fortè quod humidis locis etiam nascatur. Et hinc factum esse putamus, ut aliqui herbam illam, quam uulgo criffones uocāt, & à Dioscoride alterum *syfimbrii* genus cōstituitur, & à Plinio *lauer*, ab alijs *cardamine*, & à non nullis *sium* nominatur, senecionē esse crediderint, & adhuc uulgo etiam sic uocent, sed falso. Et maxime fortassis id etiā factum est, quia utramq; *erucæ* assimilat folio *Dioscorides*. Nam de senecione lib. 4. dicit ipsum esse exiguis folijs *erucæ* modo in extremitatibus incisuris diuisis, sed longe minoribus. Et lib. 2. de altero *syfimbrii* genere, qđ *sion* & *lauer* etiam uocatur, ait, *Circinatū* habet à primo ortu folium, cum creuit deinde in incisuras quales in *erucæ* folijs sunt, diuiditur. Præterea quia *Plinius* lib. 27. ait, Caput eius numerosa diuiditur lanugine, qualis est *spinæ*, inter diuisuras exeūte, quare eam *Callimachus* *acanthida* appellat, alij *pappum*. Hinc multi etiam *carduum benedictum* esse putauerunt, licet falso: hic enim non *senecio* est, sed ea quam *Dioscorides* *eryngion* uocat: quæ dictio etiam fortè huic errori ansam præbuit. Floribus nigellis.) hoc est, luteis, ut tradit *Dioscorides*. Primo tempore.) hoc est Vere, quod primum anni tempus est, & ut *Naso* ait, anni nouitas: quemadmodum & *iuuētus uitæ*. Celeriter scissis.) id est cito dehiscētibus. *Pappos*.) *πάπποι*, id est *pappi*, proprie *carduorum* flores dicuntur. Et quia *pappus* etiā auus dicitur, hinc dicit, Nos auos uocare possumus, propter senum canescentes capillos & ad eos florum lanuginis similitudinem. Lumbarum.) *Lumbi* quorum uitium & debilitas *lumbago* uocatur, dicti sunt, ut quidam uolunt, à *lubidine*, id est *libidine*, antiquis *lubido* & *libido*, sicut *lubet* & *libet* dicentibus. Sunt autē *lumbi* pars illa ab cinctura usq; ad nates, ubi & *renes* situantur: unde & *renum* dolor, qui *nephritis* dicitur, ad *lumbos* in quibus sentitur, etiam refertur.

7. Cerotum.) *Cerotum* à *Græco* *κερώτορ*, uel *ceratum* à *cera*,

à cera, quæ ferè omnibus ceratis adhibetur, dictū est emplastri genus, quod plerunq; fit ex pastillis, & constat ex rebus siccioribus, & igni appositum mollescit, postea applicatū corpori durefcit, ac pertinacius hæret. Hic tamen communius accipitur pro malagmatis genere, etiā si cera non addatur.

NOMINA ET VIRTUTES

HERBÆ FILICIS.

CAPVT LXXVI.



RAECI pterin, Latini filicem nominant.

1 Ad uulnera.

Herbæ filicis radicem pistatam in uulnus pones, & argemoniæ drachmas duas cū uino potui dato, mirifice curat.

2 Ad ramicem puerorum.

Herbam filicem quam in radice esculi arboris inuenieris, tunde eam cum axungia, et panno inducens impone, & fasciam sursum uersus ligabis, quinta die sanabitur.

3 Ad dolorē femorū uel suræ.

Herba filice fumigabis loca. Item infantem languidū si ex ea fumigabis, facillime cōualefcet infans.

4 Ad splenem.

Herba filix cū radice sua decocta usq; ad tertias, & potui data, splenem consumit.

COMMENTARI.



DE FILICE, quæ & qualis herba sit, & quot eius genera, quia Apuleius nihil tradit, ideo quæ Plinius de ea scribit, subiungemus, qui lib. 27. capite 9, sic ait, Filicis duo genera nec florem hæ-

bent, nec semen. Pterin Græci uocant, alij blachnon, cuius ex una radice quàm plures exeunt filices, bina etiam cubita excedentes longitudine, non graues odore, hanc marem existimant. Alterum genus thelipterin Græci uocant, alij nympheam pterin. Est autē non singularis atq; fruticosa, breuior, molliorq; & densior folijs ad radicem caniculata. Vtriusq; radice fues pinguescūt. Folia utriusq; lateribus pinnata, unde nomen Græci imposuere. Radices utriusq; longæ in obliquum, nigrae, præcipue cum inaruerunt. Siccari autem eas Solē oportet. Nascūtur ubiq; sed maxime frigido solo. Effodi debent uergilijs occidentibus. Vfus radices in trimatu tantum, neq; ante, neq; postea.

C. 2. Haec Plinius. Germani *farn* nominant. Esculi.) Esculus arbor est Ioui sacra & glādifera: sic dicta qđ antiquitus fructus eius in esca sumeretur. Femorum.) Femora dicuntur pars à coxa usq; ad genu deducta. Sura uero pars illa carnosa cruris. Crus autem quod est à genu usq; ad imum pedem.

NOMINA ET VIRTUTES

HERBAE GRAMINIS.

CAPVT LXXVII.



GRÆCI agrostin, alij hæmaticon, alij amaxitin, alij ægichon appellant, Latini gramen, alij assefolium, alij uniolam. Agrostis folijs parui calami similibus, atq; uirgultis per terram serpētibus geniculosis; radicibus geniculatis, dulcibus, atq; uulnerum uirtutis glutinatiuæ. Harum decoctio potui data, urinam mouet. Est & alia quę calam' agrostis appellatur maior supra dicta, hoc est agrosti: sed est melior in Parnasso nata, cuius flos urinam cōmouet, & eius radices succus acuit uisum.

Ad sple-

1 Ad splenis dolorem.

Herbam gramen decoques & cum ea florem teres, & in panno linies & pones super splenē, mox sentiet beneficium.

2 Ad epiphoras oculorum.

Herba gramen, quæ in se trifurcium habet, nam & in plura diuiditur, decreſcente Luna ſublata plurimum ualeat. Reſoſitam habeto diligenter, exinde lipapire incipiētibus ad collum ligato, celeriter imminentem epiphoram diſcutere & ſanare dicimus.

COMMENTARI.



GRAMEN herbarum uulgaſſima & omnibus notiſſima, Græce agroſtis appellat quod ubiq; in agris & ruri naſcitur. Hæmaticon autem, id eſt ſanguinalis, eo quod humano ſanguine procreari falſo crediderint antiquiores. Hamaxitis deinde à iumentis quæ pluſtris ſeruiencia illo paſſim ueſcuntur, Græcis ἀμαξια pluſtrum uocantibus. Demum ægichon à capris quas Græci ἄγας uocant, eo quod paſſim illo etiam ueſcātur. Vniola.) Sic appellata eſt ab uniendis & glutinandis uulneribus quod radix impoſita facit.

Calam' agroſtis.) id eſt harundinaceum gramen.

Parnaſo.) Parnaſſus mons eſt Phocidis, quem Muſæ etiam habitare dicuntur, & inde parnaſides uocantur.

Trifurcium.) hoc eſt, tria genicula internodia: aliud C. 2, enim alio pluribus ſerpit, ceu ſeptem, tribus & pluribus.

NOMINA ET VIRTUTES

HERBÆ GLADIOLI.

CAPVT LXXVIII.

G



R AECI xiphion, alij phasganion, alij limnicen, alij machærophyllon, alij anactorion, alij arion, Latini gladiolum segetalem, & limnam ceruinā uocant. Est folijs gladio similibus, thyrsos cubitali, floribus purpureis, radicibus duabus, paruis, rotundis, altera in altera nata, quarum superior maior est & acrioris uirtutis.

1. Ad uesicæ dolorem, & ad eos qui urinam non faciunt.

Herbam gladiolū effodies, siccatum corticem radicis eius conterito, & cum uini cyathis duobus & aquæ calidæ cyathis quatuor immisces, & sic potui dabis, miram rem experieris.

2. Ad splenis dolorem.

Herbam gladiolum maturissimam lectam & siccata & in puluerem mollissimum redactam, et in uino leuissimo mixtam potui datam, mirifice dicimus splenem desiccare.

3. Ad colī uel præcordiorū dolorem.

Herbæ gladioli baccas tritas ex caprino lacte, melius si asinino, tepefactas dato bibere, desinet dolor.

COMMENTARIUM.



V A E hic describitur gladiolus, ea est cuius medicas uires supra cap. 46. posuit, & quæ hic ponuntur curationes illi priori conueniunt, quæ xyris & syluestris iris dicitur, quare haud perperam unius curationes cum alterius transmutarit quis, & ad alteram transposuerit, nos ut reperimus, ita reliquimus. Vocata est autem gladiolus & Græce gladiatorum nominibus xiphion, phasganion & machærophyllon à foliorum figura, quæ cultelli modo in mucronem desinentia habet. Limnicen.) Limnice dicta est à λίμνη, quod est

est stagnum, eo quod in humidis, ut Plinius tradit, nascitur; licet Dioscorides maxime in aruis nasci dicat. Sed nihil hoc refert, possunt enim & arua humida esse; neq; Dioscorides penitus negat posse in aquosis etiā nasci. Anatorion.) id est regiam herbam, ἀναξ enim rex est, & dijs proprie conuenit. Arion.) Arion appellata est quasi martia herba, eo quod ferro & telis, quorum in bello cui Mars præest deus, usus est, extrahendis accommodata est.

Gladiolum segetalem.) Gladiolus segetalis appellata est, quoniā in aruis & iuxta segetes nascitur. Linguam ceruinam.) Lingua ceruina nominata est à similitudine quadam foliorum, eo quod folia habeat similia folijs lingua ceruina uocata herbæ. Præcordiorum.) id est uiscerum & extorum. Plinius lib. 30. cap. 3. Præcordia uocamus uno nomine exta in homine. Baccas.) Per baccas intelligit folliculos & semen in hijs contentum. Nam ut Dioscorides tradit, in caule eius triquetra sunt ueluti si liquæ, & in illis purpureus flos; semen in folliculis fabarum modo rotundum, rubens &c. C. 3.

NOMINA ET VIRTUTES

HERBÆ ROSMARINI.

CAPVT LXXIX.



LIBANOTIS alia est coronalis à Forano appellata; item ab alijs iſteritis, quā Latini rosmarinum appellant, tenues nutriens uirgas, in quibus folia longa, tenuia, uiridia. Alia est fructifera, quam etiā zeam † Foranus appellat, siue Sordachamedyosmon, canchryn oxean, campsanema, macarínthen Prophetæ, Daci dracontos, Ægyptij semen, Zoroaster † theopnoën, Latini salutarem. Folia Theofeniculi similia, sed aspera & rotatum terræ prostrata, puen.

& boni odoris, thyrso cubitali, furcofo, cū umbraculis in summitate, in quibus fructum siue semen plurimum, album, angulosum ac resinam resapiēs, & cum fuerit masticatum, feruorem commouens; uocatur etiam canchrys semen supradictum; radicem uero tenuem formatam, thuris odorem simulantem. Alia in fructuosa, quæ in cæteris supradictæ similis, sed neq; thyrsus emittit, neq; florem, neq; semen; uocatur etiam ab alijs pforanthesis, taurophthalmon, parthenion, uel, ut Aegyptij, sacatos, item propheta aposplenos, hydroselinos, Latini malum lentum, Tusci susinum. Alia numero quarta, quæ similis est supradictis duabus, uocatur à quibusdam malobathron, ebæfalitis, Latini ros terræ, Aegyptij nacosthon, Prophetae diospneuma; semen nutriēs circulatum, nigrum, odoratum, non incendiosum, radicem interius habens albam, exterius nigram. Sunt autem communiter omnes uirtutis feruentis acerrime magis in radicibus. Nascitur locis maritimis & hortis. Antequam thus sciretur hac herba homines deos placabant.

1 Ad dentium dolorem.

Herbæ rosmarini radix commāducata, dentium dolorem tollit; uel si succū eius in dente tenuerit, mox sanabitur.

2 Ad languentes.

Herba rosmarino trita cum oleo languidum perunges, mox sanabitur.

3 Ad pruriginem in corpore.

Herbam rosmarinum terito & succum eius cum uino uetere & aqua calida per triduum dabis bibere, sanabitur.

4 Ad hepatis uel interiorū dolorem.

Herbę rosmarini fasciculum concoques ex aqua, adijcies illi amomum pusillum aut spicę nardi & palmas duas, rutę coliculum, in se coque, & aquam earum dabis bibere, sanus fiet.

5 Ad tussim.

Herbam rosmarinū cum piperis granis centum, mellis uncijs duabus teres, & facies pastillos & dabis unum mane & unum sero cum dormitum uadit, tussim sedat.

6 Ad interiorum dolorem.

Herbam rosmarinū uiridem, aut aridā puluerem dabis ut supra, mirifice facit.

7 Ad albuginem in oculis.

Herbæ rosmarini succum commisces cum melle *aliās* Attico, & inunges, liberaberis. *puluerem.*

8 Ad uulnera recentia.

Herba rosmarinum contusa cum axungia, imposita optime facit.

9 Ad tertianas.

Herbam rosmarinū contusam in calida aqua sub accessione dabis.

COMMENTARI.



ROSMARINVS quod maritimis locis nascitur appellata herba terris nostris incognita est, excepta ea quam quia coronarij quondā ramulis eius ad coronas nectēdas utebant, coronalem nominant, frutex uerius q̃ herba, unde Græci etiam *δενδρολίβανον*, quasi arboreſcentem libanum uocāt, in libanotidum censum aſcita, quia folia habet illis ſimilia. Libanotis autem dicta eſt, eo quod thus olet, quod Græci liba

non dicūt, aut, ut Apuleius sentit, quia suffitu & uapore eius prothure ad deos placandos in sacrificijs uterentur ueteres. Forano.) Foranus quis sit, ignoro, nihil em̄ de eo me legisse scio: quare prima mutata litera pro Forano potius Soranū legendū censuerim. Fuit autē Soranus Ephesius, medicus insignis, Traiani & Hadriani tēporib. qui uiguit, Romæq; medicā artem exercuit, ac libros plures optimosq; composuit, è quibus Isagoge adhuc super est. In cuius tempora etiam Apuleius, licet aliquanto posterior, incidit. Icteritis.) Habet hoc nominis, eo quod ictericis & felle suffusis medetur: quam uim potenter præ alijs hæc coronaria habet. Zeam.) id est semen, quod frugis genus est tritico aut hordeo simile, quod nūc speltam uocant, sic fortē dicta ob similitudinem quandam ad inuicem seminum. Chamedyosmon.) Chamedyosmos appellata est ab odoris suauitate & odore iucundo ac quia per terram folia spargit. Canchryn oxean.) Canchrys oxea nominata est à fructu quē profert & canchrys uocat, & acutus oblongæq; formæ existit. Campsanema.) Sic uocata est ob foliorum in rotæ modū circumactionem & curuaturam, & ut hic ait, folia rotatum terrę prostrata. καμψις enim curuatura est, & rotæ modo in orbem circumactio. Macærinthen.) id est beatam, & ut Latine reddidit Apuleius salutarem, tum quia in medicina, tum quia in sacrificiorum usu effectus esset prosperi & salutaris, morbos curans & deos propitios reddens.

Theopnoën.) id est diuini spiritus & afflatus herbā, eo quod in sacrificijs illius suffitionibus deorū fauorem sibi conciliabant. Canchrys.) id est pilula, uti Plinius uocat. Quæ qualis sit formæ & figuræ, docet Theophrastus de plantarum historia lib. 3. ubi de arborum cachry ait, Harum unaquæq; ex paruis particulis squamarū modo per ordinem constat eadem qua pineæ nuces forma, eousq; ut non dissimilis nouæ & uiridi pineæ nuci figura sit, oblongior tamen forma & æqualiter per totū crassa.

Augetur hoc hyeme, Vere aperit, flauescuntq; tunc squamæ illæ, & in trium digitorum longitudinem extenduntur, & cum Vere folium prodierit, decidunt, &c. Quæ uero arborum cachryn hanc ferant, docet Plinius lib. 16, capite 9. inquit, Ferunt robora & cachryn: ita uocatur pilula in medicina urendi uim habens. Gignitur & in abiete, larice, picea, tilia, nuce, platano, postquam folia cedere hyeme durans. Continet nucleū pineis similem. Is crescit hyeme, aperitur Vere pilula tota. Cadit cum folia cœperint crescere. Ad quorum arborum cachry similitudinem cāchry hoc est quod in summo caule simile illi surgit, in quo semen concipitur & maturatur. Cæterum ut tota canchryos significatio habeatur, sciendum Græcos canchryn & cāchrydia etiam uocare molita primū mox frixa hordea. (Pforanthemis.) Sic appellata uidetur à similitudine tenuitatis foliorum quā cum anthemide, quæ & chamomila dicitur, gerit, licet, quod & nomen etiam indicare uidetur, asperiora sint libanotidis quā alterius. Quæ foliorū tenuitas item causa fuit ut parthenion uocaretur, ab eadem anthemide mutuato sibi nomine.

Taurophthalmos.) .i. tauri oculus, quasi buphthalmos, id est bouis oculus quod idem est: sic dicta est autem à similitudine foliorum herbæ, quæ buphthalmos uocatur: utraq; enim fœniculacea & fœniculo similia folia habet, igitur & inter se. (Aposplenos.) Sic dicta est quod splenē deficcet & cōsumat, & quasi sine splene faciat esse, ut quē cum urina deriuando dissipet. (Hydrofelinos.) Vocata sic est à foliorum similitudine, quæ palustri apio similia habet, autore Theophrasto. (Sufinū.) Sic uocatum uidetur ab odoris iucūditate quam præstat ceu sufinum uocatum unguentum quod ex lilijis cōficiebatur.

Malobathron.) appellatum sic est etiā ab odoris suauitate. (Ebæophalitis.) Ebæophalitis appellata est à paruitate umbellæ, quam in summo instar coni galeæ habet. à βῆλος enim Græcis paruus est, γᾶλον uero galeæ co-

C. 4. nus. Diospneuma.) id est Iouis spiritus & adflatus, eo quod in sacrificijs illius suffitionibus Iouis & diuini numinis spiritum, fauorem & auxilium sibi conciliabant & impetrabant, deosq; propitios sibi reddebant. Fasciculum.) Fasciculus est quem alio nomine manipulum dicunt, Græci *σπῆγμα* uocant, hoc est, uti Scribonius Largus ait, quantum manu comprehendi potest, de quo dictum est supra cap. 3. curatione 12. ubi etiã de nardo & spica eius est dictum. Amomum autẽ exiguus frutex est, de quo Dioscorides lib. 1. cap. 14. Palmulas.) Palmulæ, quas nũc dactylos uocamus, sunt palmę arboris fructus. Græci & arborem & fructum *φοίνικα* dicunt, à colore pomi facto utriq; nomine: & à palmulis his medicamẽ illud catharticum quod in communi usu est, nomen sumpsit *διὰ φοινικῶν* diaphœnicon. Coliculum.) id est ramusculum.

NOMINA ET VIRTUTES

HERBAE PASTINACAE.

CAPVT LXXX.



GRÆCIS dicitur agrios staphylinos, alijs ceras, alijs daucion, Itali pastinacam rusticam, erraticam, et syluaticam. Nascitur in locis saxosis & aggeribus. Alia est hortualis siue seminalis & uiribus imbecilla. Alia agrestis, quæ appellatur etiam à quibusdam ceras, eo quod cornu fingat, habet comam ut fœniculus, thyrsus tenuem, asperũ, in quo umbraculum, & flores paruos tenues, quorum in medio croceũ germen, purpurei coloris, radicem bipallem, robore digitali, odore iucundam.

Ad mulieres quæ partu laborant & non purgantur.

Herbam

Herbam pastinacam syluaticam decoquāt, & de aqua eius se fomentent, sanabuntur.

2 Ad purgationem mulieris.

Herbam pastinacam syluaticā decoques, & cum eadē aqua ubi cocta est, grana piperis trigintaquinq; commisces & dabis bibere, mox purgabitur. Facit autem ut supra scriptum est & ad dentium dolorem.

COMMENTARI.



PASTINACAE duo genera cæteri quoq; testantur. Columella rei rusticæ lib. 9. cap. 4. Tum agrestis pastinaca, & eiusdem nominis edomita, quam Græci σαφύλιον uocant. Idem etiam tradit Dioscorides. Quorum agrestem Galenus daucum etiam uocari testatur inquiring, Satiua quidem pastinaca ignauior: agrestis uero quam daucum uocāt, &c. Quam ob causam quod male udonaulion legi nobis uisum est, daucion emendauimus. Germani *morchen* dicunt.

NOMINA ET VIRTUTES

HERBAE PERDICALIS.

CAPVT LXXXI.



HERBAM perdicalem Græci lysimachion, sideritin, alsinen, helxinen, parthenion dicunt, Latini muralem & parietariam, alij herculanam, alij urceolariam, alij uitriariam appellant. Sed nomen sumpsit à perdicibus, siquidem ipsæ ea aluntur. Vocatur etiam heraclia, & ixinos agrion, & alytis, & clybatis, & polyonymos. Nascitur in turribus uel parietibus, habet thyrsos tenues, fruticosos, rubros, in quibus semina aspera, & folia linozosti herbæ similia, rotundiora tamen atq; hirsuta & aspera;

qualitate remordentia atq; coherentia: est enim, ut Græci aiunt, uirtutis sūpticæ. Deniq; ad similes causas ac similiter ut arnoglossos herba adhibetur.

Ad podagram.

Herba perdicalis coquatur in aqua, & ex eadem aqua fouebis pedes uel genua, deinde ipsam herbam trusam cum axungia impones pedibus panno indutam, uel super genua, sanabit mire. Nascitur parietibus aut maceris aut aggeribus.

Perdicalis herba

COMMENTARIIL



QVALIS herba sit perdicalis, siue, ut alij uocant, perdicion, satis ab hoc descriptū est, sic autem appellata est à notissima aue perdice, eo quod illa semine eius præcipue uescatur, & herbā eruens in illa uolutetur. Germani herbam hanc *Sant Peters krut*, alij *tag vnd nacht*, alij *glaskrut* nominant: *Lyfimachion*.) *Lyfimachion* appellata est, eo quod lanas, ut Plinius lib. 22, cap. 17, testat, inficiat, ceu illa quæ proprie *lyfimachion* dicitur. *Sideritis*, heraclea & herculana dicta est, quia folia habet similia folijs herbæ quæ proprie hijs nominibus nuncupatur. *Alsinen*.) *Alsine* dicta est à similitudine quadam foliorum herbæ *alsines*, quæ alio nomine *myosotis*, id est auricula muris appellatur, de qua Dioscorides lib. 2, cap. 172. Et *helxinæ* herbæ similem dicit, humiliorem tantum & breuioribus folijs. *Helxinen*.) *Helxine* dicta est à uerbo Græco ἑλκω quod est traho, eo quod asperitate sua tenaci nexu uestes quibus adhæserit ad se trahat: habet enim & caules & lappas, in quibus semen continetur & folia aspera. *Parthenion*.) Sic dictam esse à dea Minerva, quæ *parthenos*, id est uirgo, dicebatur, testis est Plinius lib. 22, cap. 17, ubi ait, Vernula Carus Pericli Atheniensium principi cum is in arce templum ædificaret, repissetq; super altitudinem fastigij, & inde cecidisset,

cidisset, hac herba dicitur sanatus, monstrata Pericli somno à Minerua. Quare parthenion uocari cœpta est, assignaturq̃ ei deæ. Hæcille. Murallem.) Muralis & parietaria est appellata à natalibus, eo quod in muris & parietibus nascitur frequēs. Vrceolariam.) Vrceolaria & uitriaria est nuncupata, quoniam urceolos & uitra cæteraq̃ uasa pulchre mūdāt & purificat adfricata. Et Germani hanc ob causam à uitrīs ipsam *gläserut* uocant. Ixi nos agrion.) id est uiscum agreste, à uisco quod *ἰξον*, id est ixon uocatur; eo quod quemadmodum uiscum ad se trahit quæ id contigerint, sic etiam herba hæc uestes quibus adhæserit, ad se trahit. Alytis.) Alytis dicta est quasi insolubilis, eo quod difficulter soluitur et auellatur à uestibus quæ contigerit. Clybatis.) Clybatin uocari Nicæder etiam testatur, Dioscorides clybodion uocat, uideturq̃ nobis ab insigni forma & specie sic dicta. Polyonymos.) id est multinomia, eo quod multis nominibus indicetur. Linozosti.) id est Mercuriali. Arno lossos.) id est plantago.

NOMINA ET VIRTUTES

HERBAE MERCVRIALIS.

CAPVT LXXXII.

MERCVRIALIS à Græcorum alijs linozostis arrhen, alijs hermubotane, alijs argyros, alijs argyritis, alijs arithryllis, aliquibus parthenion, quibusdā thelicon, alijs orchion, et chrysitis, arguminosq̃ appellata est, Aegyptij aphlopho, Prophetæ hermu basilion, Itali mercurialem & testiculatā. Frutex est bipalmis, folijs ocimi similibus, atq̃ ramis inanibus cum furcis plurimis atq̃ densis. Et est fœmina maior, quæ appellatur etiam theligonon, Latine mercurialis fœmina, Masculus uero uo-

catur mercurialis masculata, id est testiculata, & est minor atq; rotūda, & ueluti testiculis binis paruis circa exordium ornata.

1 Ad uentris duritiam.

Herbam mercurialem coques, & tritam ex passo dabis, statim detrahet & stomachum purgabit. Aut semen eius tritum ex passo dato, idem detrahet & purgabit.

2 Ad menstrua cienda.

Herba mercurialis cum oleo irino uel rosaceo admota, mox prouocat sanguinem menstruum.

3 Ad epiphoras oculorum.

Herbæ mercurialis folia cum uino albo uetere impone.

4 Si aqua in aures introierit.

Herbæ mercurialis succum tepefactum in aurem stillabis, mox liberabis eum.

COMMENTARI.



VALIS herba sit mercurialis, quia succincte satis et subobscurè illam describit Apuleius, ideo ex Dioscoride historiā eius subscribemus, quæ talis est, Duplex eius genus est, sexu discernuntur. Habet ocimo similia folia ad helxines foliorum figuram accedētia, minora tamen. Ramusculos geminatis geniculis, & alarum cauis multis. Semen fert foemina racemosum & multum. Mascula uero iuxta folia exiguum, rotundum, binum testiculorum specie pendēs. Et Plinius, Duo eius genera, inquit, masculus & foemina quæ efficacior. Caule cubitali interdū ramoso in cacumine, ocimo angustioribus folijs, geniculis densis, alarum cauis multis: semine in geniculis dependente, foeminæ copioso, mari iuxta genicula statim rariore ac breui contortoq; foeminæ

minæ soluto & cādido. Folia maribus nigriora, scēminis candidiora. Radix superuacua, prætenuis. Nascuntur in campestribus cultis. Dicta est autem à Latinis mercurialis, & à Græcis hermubotane siue hermupoa, id est Mercurij herba, eo quod Mercurij inuentū sit. Plinius lib. 25. cap. 5. Linozostis siue parthenion à Mercurio inuentus est, ideo apud Græcos hermu poan multi uocant, eam apud nos omnes mercurialem. Arrhen.) id est mascula sicut thelicon scēmina. Sunt autem solum generū differentiae. Orchion.) id est testiculata, eo quod masculus quæ minor est, semen fert duūm testiculorum specie iuxta folia pendens. Hermu basilion.) id est Mercurij regia & signū regale. Theligonon.) Theligonon dicta est, quasi scēminigena à scēminini sexus conceptu quem facit maior, & scēmina uocata mercurialis. Nam, ut Dioscorides tradit, Credūtur scēminæ mercurialis herbæ folia trita tum pota, aut post purgationes scēminarū genitalibus apposita ut scēminæ concipiantur facere: masculæ uero contra mares. Et Plinius, Mirum est, ait, quod de utroq; eorum genere proditur, ut mares gignātur hunc facere, ut scēminæ illam.

NOMINA ET VIRTUTES

HERBÆ RADIOLI.

CAPVT LXXXIII.



HERBA radiolum, quam alij filicinam uocāt, similis est filici quæ in lapideis nascitur, uel in parietibus, habens in folijs singulis binos ordines punctorum aureorum.

Ad capitis dolorem.

Herba radiolo contusa atq; ante curiosè depurgata, cū aceto scyllitico usq; adeo cocta donec appareat,

H iij

perungito, capitis dolorem tollit.

2

Ad aluum concitandam.

Herbæ radioli radicē euulsam & cultro corticem purgatam cum malua coquito, & ius earum bibatur, sine labore uel aliquo tedio uentrē deducit & omnes æstus.

COMMENTARIUM.



RADIOLVS herba est, quam Græci usitato à Latinis uocabulo polypodion, Germani *engelsüss* nominant. Nasciturq; in muscosis petris & in uetustis arboribus, earumq; truncis, præsertimq; quercuum dodrantali altitudine, quadamtenus pilosum, incisuris diuisum, non tamen adeo minutis ut filix. Radix illi in usu pilosa, detersa intus coloris herbacei, crassitudine digiti minimi, acetabulis cauernosa, ceu polyporum cirri, sapore subdulcis: autor Dioscorides lib. 4. & Plinius lib. 26. cap. 9. Videtur autem radiolum diminuta forma uocasse Apuleius à forma paruorum foliorum, quæ incisuris diuisa ueluti radiolos paruos habet. (Filicina.) Filicina, siue, ut alij, filicula uocata est, quoniam folio similis est filici. Plinius, Polypodion, quam nostri filiculam uocāt, similis enim filici est. (Donec appareat.) id est, tamdiu donec acetum tantum consumptum sit, ut herba iam supra liquorem ascendens, ipso amplius non contegatur: accipitur enim à principio tantū aceti, ut herbam superet & bene contegat. Omnes æstus.) id est omnem feruorem & anxietatē laboremq; & adfectionem, quæ ex adstricta aluo contingit.

NOMINA ET VIRTUTES

ASPARAGI AGRESTIS.

CAPVT LXXXIII.

Græci



GRÆCimyacantha, alij acanthillida appella-
uere, alij aspharagon, alij asparagō agrion,
Latini corrudam, alij asparagum agrestem,
alij asparagum rusticum, alij asparagum nostrum.

1 Ad uescicę dolorem siue tumorem.

Herbæ asparagi agrestis radicem coque in aqua
sextario in pultario nouo ad quartas, & ieiunus die-
bus septem laborans sumat in potu: plurimis diebus
balneo utatur, in frigidam non descendat, neq; frigi-
dam bibat, mirifice sanitatem experietur.

2 Ad dentium dolorem.

Herbæ asparagi succum in ore oportet cōtinere.

3 Ad elephantiosos.

Herbæ asparagi radix cōcta contrita imponatur
elephantiacō, liberabitur.

4 Ad renum dolorem.

Herbæ asparagi radix trita cum uino & potata
proficit.

Si quis maleuolus deuotauerit ho-
minem.

Herbæ asparagi agrestis radice sicca cū aqua fon-
tana delustrabis eum, & resolutus erit.

COMMENTARI.



ASPHARAGVS siue asparagus generaliter dici-
tur primum germen & coliculus olerū & plan-
tarū qui ex terra prodit, & uidetur antequam
in folia explicetur. Qua significatione Paulus
Aegineta usus libro primo caput de asparagit inscripsit,
bliti scilicet, lactuca, attriplici, malua & beta, quarū plan-
tam humidam, asparagum uero ficcum esse dicit. Contra
uero rapa, sinapi, radiculū, nasturciū, pyretron, brassi-

camq̃, plātam habere siccam, asparagū uero humidum. Priuatim tamen quia coliculos hos qui prima germinatione prodeunt ē terra præcipuos habet spinosa planta hæc de quā nunc agitur, ideo nomen id asparagi peculiariter sibi adsciuit & obtinuit. Est autem exiguus & ramosus frutex, folijs numerosis longis sceniculo similibus: radix est ei longa, rotunda, grandis, tuberculum habens.

Myacanthan.) id est murinam spinam: mutuauit autem hoc nomen ex rusci appellationibus. Acanthyllida.) Acanthyllis dicta est quasi spinula: spinosa enim planta est, sed teneriuscula. Corrudam.) Corrudam quidam à corruo dictam uolunt, quemadmodum apud Atticos horminion & τὸ ῥῆμα, hoc est à ruo, eo quod adolescens hæc planta corruat & decidat. Asparagū nostrum.) hoc est Libycum. Apuleius enim ex Libya fuit ciuitate Madaura. Et Plin. lib. 20. cap. 10. syluestrem asparagum, ait, aliqui corrudam, aliqui libycum uocant, Attici horminion. Elephantiosos.) Elephantiosi siue elephantiaci dicuntur qui elephantiasi laborant. Sed quia apud diuersos diuersi morbi genus est elephātiasis, ideo longius & prolixius de hoc agendum. Siquidem Rasis, Auicenna & Arabes, hosq̃ sequuti medici iuniores, elephantiasin uocant malum in quo pedes & crura plurimum & ultra modum intumescūt. Galenus uero & Paulus Aegineta cæteri q̃ Græci & Latini ueteres Celsus, Plinius, Serenus & alij, eum morbum sic uocant quem Arabes & medici recentiores lepram, ex crassa pituita & atrabile proficiscētem. Nomen q̃ traxit à similitudine animalis. Nam uti Galenus lib. 6. de causis accidentium scribit, hoc morbo laborantes carnem habent nigram & tuberculis plenam, qualis est cutis elephātum. Aliqui tamen sic dictum putāt, quod sicut elephas præ cæteris animalibus diutissime uiuit: ita hic humor longissimus est. Seu, ut alij uolūt, ob morbi magnitudinem, qui nulli ferè remedio cedit. Nā ut Paulus Aegineta lib. 4. tradit, Si cācer unum

C. 3. tantum

tantum membrum infestans, tamen secundū sententiam Hippocratis insanabilis est, quanto magis elephas, qui cancer est uniuersalis, & totum corpus occupās, omnem curationē superabit. Sed hoc intellige de eo qui iam confirmatus est, & non qui primum incipit: talis enim non omnino desperatus est, sed curam, licet difficulter, admittit. Est autem non solius cutis, ceu lepra, uocata Græcis passio, sed in eo cutis, carnes & ossa quoq; uitiantur, sicuti Celsus lib. 3. & Plinius lib. 26. etiam testantur, ubi copiosius de hoc malo agunt. Deuotauerit.) id est efascinauerit, incantauerit & carmine ligauerit. Delustrabis.) id est expiabis, excantabis & resolues.

NOMINA ET VIRTUTES

HERBAE SABINAE.

CAPVT LXXXV.



RAECI eam nerion dicūt, alij brathy, alij barython, Itali herbam sabinam atq; sauinam, alij sabinam cupressum. Cupresso similis.

1 Ad morbū regium siue auriginem.

Herba sabina cum melle & uīno pota auriginem discutit, cum uīno trita idem facit.

2 Ad capitis dolorem.

Herbam sabinam diligenter tritam cum aceto & oleo rosaceo mixtam, capiti & temporibus illinitam, ualde dicimus prodesse.

3 Ad carbunculos uel ignem sacrum.

Herba sabina cum melle illinita, mirifice facit.

COMMENTARI.



ERBAE fabinae duo sunt genera. Plinius lib. 24. cap. 11. Herba fabina brathy appellata à Græcis duorum generum est. Altera tamaricæ similis folio est, altera cupressus, qua ex re quidam Creticam cupressum dixerunt. Apuleius fabinam cupressum etiam uocari dicit, quod cupressus sit similis: nisi quod, ut Dioscorides tradit, spinosior est, graui odore, acris feruida: natura: curtaque arbor hæc est, & in latitudinem magis se explicans. Cæterum dicta est fabina herba à regione in qua plurima nascitur: & herba quidem, quoniam non uere arborescit, sed in latera caulium modo in herbis se explicat & dilatat. Vnde κολοβόρ δένδρον, id est decurtatæ breuitatis arbor à Dioscoride uocatur, Græcis κολοβά uocantibus, quæ trunca sunt, & summas amiserunt partes. (Nerion.) Sic dicta uidetur quod humida & aquosa maritimaque amet loca, sicut rhododaphne, quæ etiam nerion appellatur, unde & hoc nomen mutuas se potuit. (Barython.) Barython appellatum est, eo quod graui sit odore.

NOMINA ET VIRTUTES

HERBAE CYNOCEPHALII,

hoc est CAPITIS siue CE-

REBRI CANIS.

CAPVT LXXXVI.



GRÆCI cynocephalion dicunt, alij antirrhion, alij bucranion, alij burrhion, alij amestison, alij anarrhinon, alij pithecion, Prophetæ osireostaphen, Itali canis cerebri, alij herbam siminina, alij uenustam minorem, alij opalin gratam appellant.

Ad epiphoras oculorum.

Herbae

Herbæ canis cerebri radicem cum aqua decoque,
et de eadē aqua subinde oculos foueto, celeriter lenit.

COMMENTARI.



YNOCEPHALION, ut lib. 4. cap. 124. de antirrhino intitulato tradit Dioscorides, herba est caule & folijs anagallidi similis, flores habens purpureos, uiolis, quas leucoia uocāt similes, minores tamen, eamq; ob causam syluestris lychnis uocata est. Semen fert uitulorū naribus aspectu simile. Quæ narium figura qua semen est, causa fuit ut anarrhinon & antirrhinon à naribus scilicet, quæ *ῥίνας* dicuntur, & burrhinō, id est bouina naris sit appellata hæc herba. Et quia capitis pars sunt nares, hinc etiam à toto capite & alijs etiam partibus eius nomen inuenit, ut cynocephalion, id est canis caput & cerebrum, & bucranion, id est bouis caluaria. Amethiston.) Hoc nomine appellata est, eo qd purpureo colore, qualis in amethisto lapide conspicitur, insignes habeat flores. Pithecion.) hoc est, ut inter Latinas appellationes habetur, siminina herba, à simia, quæ *πίθηκη* Græce dicitur: sicq; dicta uidetur, ut priora, quod semen habeat naribus simiarū simile aspectu. Osireos taphen.) id est Osiridis sepulchrū. Venustam.) Herba uenusta uocata est, quoniam, ut Plinius lib. 25. cap. 9. refert, hac peruncti uenustiores fiāt, &, ut Dioscorides narrat, quod gratiam inueniant peruncti ea. Theophrastus uero lib. 9. de plātārum historia dicit ad gloriam proficere & honorem qui ea inunguntur. Quæ si uera sunt, merito multifacienda, & plurimum in honore habendā herba erit. Opalin gratā.) Opalis dicta est ab Opalio lapide, cuius meminit Plinius libro 37. cap. 7. dicitq; in ipso esse amethisti fulgentem purpurā, qui color fecit ut opalis uocata sit hæc herba ob floris colorem quem purpureum habet, Grata uero adiecta est dictio ob gratiā quam præstat.



GRAECIS dicitur batos siue batos idæa, alijs cynosbatos, alijs syntrophion, alijs asyntrophon, Prophetæ hama ibeos, & hama titanu, Itali senticem, alijs rubum, alijs moru syluaticum, Daci mantiam, Aegyptij hæmoos. Cynosbathi species sunt duæ. Altera enim est communis, omnibus nota. Altera quæ appellatur idæa siue cynosbathos, quæ est mollis ac lenior comparatione prioris atq; minoris. Nasciť sub arboribus umbrosis in terra.

1 Ad aurium dolorem.

Erusci herbæ teneræ cymæ succus expressus tepe factus & instillatus ab aurium dolore liberat & persanat. Certum est.

2 Ad hæmorrhoidas restringēdas.

Erusci herbæ teneras cymas nouem, & myrthi syluaticæ cymas itidem nouem, mali granati sicci cortices tres pistes & decoques simul in aqua, & cū tepuerit, fomentabis tunc anum, hoc triduum facies, mirifice restringit & sanat hæmorrhoidas.

3 Ad profluuium mulieris.

Erusci cymas teneras ter septenas decoques in aqua usq; ad tertias, & per triduum ieiunæ in potu dabis, ita ut cottidie renoues potionem.

4 Ad cardiacos.

Erusci folia per se trita imponuntur mammillæ sinistrae, & sic dolori resistunt.

5 Ad gingiuarum & labrorū uitia.

Erusci herbae caulículos teneros in uino decoquitur, & ipsum uinum in ore contine.

6 Ad uuam remedium.

Erusci herbae folia arefiant in umbra, crematorum cinere in cochleario tacta resiliet. Præsentaneum est.

7 Ad uulnera recentia.

Herbae rubi aut flos aut mora imponatur, sine collectionis periculo sanant.

8 Ad condylomata.

Herba rubus cū uino decoquitur ad tertias, eoque uino fouentur condylomata, & omnia uitia sedis.

9 Contra serpentium & hominum morsus.

Herbae rubi folia recentia trita imponantur.

COMMENTARI.



VBVM alio nomine uocari etiam eruscum, testis est Pandectarius in litera e, ubi eruscum exponit esse rubū. Addidit autem herbae nomen Apuleius, ut excluderet eum qui inter fruticem & arborem medius recta & in altitudine erigitur, & proprie cynosbatos, id est canis rubus dicitur, de quo Dioscorides agit lib. 1. Qui uero in herbarum censu est, duorum generū existit, unus proprie batos, id est rubus, uel ut Columella uocat, sentis appellatur. Theophrastus chamaebaton, id est terrestrem & humilem rubum uocat. Alter idæus rubus dicitur à loco, quoniam multus in Ida monte non aliàs nascitur. Cæterum rubos non tantum ad maleficia genuit natura, ut inquit Plinius, sed & ex eis mora bestiis uel hominib. cibos dedit. Syntrophion.) Syntrophion dictum uidetur quod mora animantibus cibos proferat, Senticem.) id est spinā, Spinofus em̃

- est. Dicta q̄ sentis est, quod quamprimum tangitur, sentiatur. Cymæ.) Cymæ siue cymata sunt herbarū summities, hoc est asparagi et coliculi teneriores, quos in prima germinatione & in summa stirpe proferūt. Græci κύμα, id est cyema dicunt, in quo floris primum, mox seminis foetus clauditur. Theophrastus lib. septimo de plātis, ὅτι τὸ κύμα καὶ τὸ σπέρμα ἓν καὶ τὸ αὐτὸ καὶ κατὰ τὸν κατὰ τὸν, id est cyema & in quo flos aut & semen. Plin. lib. 19. cap. 8. de brassica, Cyma, inquit, à prima sectione præstat proximo Vere, hic est quidam ipsorum caulium delicatior teneriorq̄ cauliculus Apicij luxuria, & per eum Druso Cæsari blanditus, non sine castigatione Tiberij patris. Hæmorrhoidas.) Hæmorrhoides diffinit Galenus uenarum sedem claudentium explicationes & apertiones. Sic autē dictæ sunt à sanguinis fluxu. Nam αἷμα sanguis est, πόσις uero fluxus. Et Celsus lib. 6. post rhagadiarum & condylomatum tractationem, Tertium, inquit, ani uitium est, ora uenarum tanquam ex capitulis quibusdam surgentia, quæ sæpe sanguinem fundunt: hæmorrhoidas Græci uocant. Myrti syluatici.) id est rusci, de qua Dioscorides lib. 4. Cardiacos.) Cardiaca passio, uti Galenus in Isagoge tradit, appellata est, non quia in corde id malum fit, sed quoniam antiqui καρδία stomachū appellabant & uentriculi hostium. Et Celsus lib. 3. cap. 19. Cardiacum morbum nihil aliud esse dicit q̄ nimiam imbecillitatem corporis, quod stomacho languente immodico sudore digeritur. Et inde sic affecti cardiaci dicuntur. Vuam.) scilicet relaxatam. Est autē uua quæ alio nomine Columella quoq̄ dicitur, pars oris inter tonsillas ultimo palato dependens, & non in faucibus collocata, autore Galeno. Et ut Auicenna scribit nona tertij: Vua est substantia carnosā pendens super supremam partem epiglottis sicut uelamen, cui ex morbis accidunt inflammatio & abscessus atq̄ relaxatio.

Nomina

NOMINA ET VIRTUTES

HERBAE MILLEFOLII.

CAPVT LXXXVIII.

MILLEFOLIUM RAEI myriophyllon & chiliophyllon, alij melophyllon, alij stratioticen, alij achillion, alij chrysiton, alij ambrosiam dixere, Latini milletolium, alij militare, alij supercilium Veneris, alij acorum syluaticum, Galli bellicocandium, uigen tianā, Daci diodelam. Nascitur in palustribus locis, thyrsi unius radicis, molli, fuluo, ita coæquato atque elimato ut manufactus uideatur, folijs foeniculi simili bus. Hanc herbā Achilles inuenit, unde uulnera ferro facta sanabat, & ob id achilleos uocat, hac sanasse Thelephum dicitur.

1 Ad dentium dolorem.

2 Herbae millefolij radicem ieiunus manducet labo rans dentibus.

2 Ad uulnera ferro facta.

Herba millefolium cum axungia pisata & imposi ta uulnera purgat & sanat.

3 Ad tumores.

Herbam millefolium cōtusam cum butyro tumoribus imposito.

4 Ad urinæ difficultatem.

Herbae millefolij succus cū aceto potus, mire prodest & sanat.

COMMENTARI.



MILLEFOLIUM Græcorum chiliophylli inter pretatio est. Chilion enim illis mille, phyllon uero foliū significat. Myriophyllon uero idem

est ac si dicas decemmillifolium siue infinitifolium, à dictione *μύρια*, quæ quando antepenacuitur decem millia, quando uero penacuitur *μύρια*, tunc infinita significat. Hijsq; nominibus appellata est, non à certo foliorum numero, sed à copia & multitudine tantum foliorum, quæ numerosa habet & multa. Stratiotice.) id est militarem. Dicta est autem stratiotice, militaris & achilleos, eo quod breuibus & numerosis constet folijs, quemadmodum & herba ea quæ proprie achillea & stratiotice, militarisq; dicitur, de qua Dioscorides lib. 4. cap. 33. & Plinius lib. 25. cap. 5. agunt, licet Apuleius achilleon hanc millefoliam dictam uelit ab inuentore Achille. Superciliū Veneris.) Sic dicta est ab hominis supercilio, eo quod quæadmodum illud minuti, densi & crebri pili uestiunt: sic millefolij huius coliculi minutis densisq; capillamenti modo uestiuntur folijs. Veneris autem epitheton additū est, ut rei maiestas aliqua designaretur.

NOMINA ET VIRTUTES

RVTAE HORTENSIS.

CAPVT LXXXIX.



RAEICIS dicitur peganos et eriphion, Romani rutā hortensem appellitant. Nota quidem hæc est omnibus herba, cuius est altera usualis, altera agrestis atq; uirtutis acrioris, sed utræq; feruentissimæ comprobantur. Mutantur etiam nomina pro regionum uarietate. Apud Cappadocas appellata est moly, à quibusdā armala, à Syris besafa. Memorant etiā ad Olcymum fluuium appellari uiperalem, eo quod interfectibilis earum comprobetur.

Ad sanguinem de naribus profluentem.

Herba

Herba ruta frequentius odorata, sanguinē de naribus mirifice restringit.

2 Ad inflationes.

Herbæ rutæ hortensis crudæ paululum edito, uel in potione sumito.

3 Ad stomachi dolorem.

Herbæ rutæ semen cum sulphure uiuo & aceto ieiunus gustato, prodesse dicimus.

4 Ad inguinum dolorem.

Herba ruta uiridis coquatur ex oleo, deinde commisceatur cera, & ut cerato in linteo lo utitor.

5 Ad epiphoras oculorum.

Herba ruta cum polenta bene trita & imposita lenit epiphoras; nam & radix eius contusa & inlita eas emendat.

6 Ad caliginem oculorum.

Herbæ rutæ rorem matutinum aut matutino madentis succos collectos in uasculo habeto & ex eo inunges. Eadē & carbunculis ex aceto tusa imponitur.

7 Ad morsum canis rabidi.

Herbæ rutæ pondus denariorum † sex ex uino bibi *aliās s.* batur; plagæ uero imponantur rutæ folia trita cū mel le, sale & pice, liberabitur.

8 Ad cardíacos.

Herbæ rutæ fasciculus cum rosaceo decoquatur, adiecta aloës uncia & olei, perunctio dolorem sistit.

9 Ad lethargicos excitandos.

Herba ruta trita ex aceto infundatur fronti. Eadē ignem sacrum ex aceto & oleo illinita, sanat.

10 Ad oculorum aciem.

Herbæ rutæ folia subinde ieiunus mādūcet, Aut herba cum uīno trita potui data, antidotum est.

11 Ad profluuium mulieris.

Herbam rutam circumscribe auro & argento & ebore, & sublatam eam alligabis infra talum.

12 Si fluit semen,

Herba ruta mādūcetur ex uīno cum liquamine.

13 Ad capitis dolorem,

Herba ruta ex uīno potui detur, & trita capiti insillitur cum aceto & rosaceo oleo.

COMMENTARIIL.



VTAM dictam uolunt aliqui à Græca dictione ῥύτη: sic antiquioribus quibusdam & Nicædro illam appellantibus, πήγανθ autē, i. peganus, dicta est Græcis à uerbo πηγνύσαι, quod adunare, cōcernere, & quasi in glaciem solidare est. Plutarchus Symposij lib. 3. φασὶ δὲ καὶ τὸ πήγανον ἀπὸ τοῦ δύναμειος ὀνομασθαι. πήγνυσσι γὰρ ἐκρότητι διὰ τὸ μύοτηται ὡς ἔρμα, καὶ ὥς λωε πλέμιον ἐστὶ τὰς κνύσας. hoc est, Ferunt autem & pega non à potestate & uiribus dictum. Concernit enim & ficcitate indurat ob caliditatem sperma & semen, & in uniuersum aduersum est utero gerētibus. Cappadocas.) Cappadoces Cappadociæ incolæ sunt, quæ Asiæ regio est, de qua Plinius lib. 6. cap. 2. & 3. Syris.) Syria regio Asiæ pluribus olim distincta nominibus, de quibus Plinius lib. 5. plura. Macedonia.) Macedonia Europæ regio, quondā terrarum imperio potita, de qua multa Plinius lib. 4. cap. 10. In ea Olcymus fluuius. Inflationes.) Inflatio, inquit Galenus, est cum copiosior in stomacho collectus spiritus stomachum simul & aluum distēdit, im-
3- pediturq; nutrimenti dispensatio. Sulphure uiuo.) Sulphur uiuum dicitur quod ignem non expertum est, ut inquit Celsus, unde & Græci ἀπυρον uocant: nascitur id,

id, ut Plinius ait, solidum, hoc est glebosum: eo solo ex omnibus generibus medici utuntur. Aloës.) Aloë suc 8
 cus est herbæ cognominis, de qua Dioscorides lib. 3. cap. 24. multi nunc usus in officinis. Lethargicos.) hoc est 9
 lethargo morbo laborantes. Lethargus autē capitis morbus est phrenitidi contrarius, ut inquit Galenus, à pituita & frigido humore proficiscens, qui frigore & humiditate sua in somnum cogit. Nam ut idem Galenus tradit, cataphora est, hoc est, in somnum delatio grauis & inexcitabilis, cui et febris accedit. Vnde Paulus Aegineta ait, Accidit autem lethargicis febris lenta & ignaua non ualde crucians cum cataphora. Et Celsus lethargum phrenitidi contrarium morbum esse dicit, in quo marcor fit & in expugnabilis penè dormiēdi necessitas. Dictus est autem lethargus tum obliuionis tum desidiæ argumento quasi obliuiosa desidia seu desidiosa obliuio. Lethe enim obliuio est, argos uero iners dicitur & deses. Latini aliquando ueternum uocant, utrunq; etiam aut alterutrum indicantes, desidiam scilicet torporemq; aut grauiorem somnum & obliuionem. Punici subethicum morbum dicunt. Talū.) Talus os est quod sub crure utrunq; pro 11
 minet. Semen.) id est sperma & genitura: quā passionem 12
 Græci gonorrhœan, & eum qui patitur gonorrhœon, id est feminis fluxum & semine fluentem uocāt. Li-
 quamine.) Liquamen dicitur pinguitudo ab igne liquata, & coquinariorum usui pro condiēdis edulīs reseruata. Accipitur tamen aliquando etiam pro alijs quæ in ciborum usum non ueniunt. Columella, Succus excocti lupini ueterisq; uini fex, & amurca pari mensura miscentur, eoq; liquamine tonsa ouis imbuitur.

NOMINA ET VIRTUTES MENTASTRI.

CAPVT XC.



GRAECI calamínthen, alij glechon agrion, alij hediosmō, alij osmiten, Aegyptij this, Osthanes, Prophetēgonon apollonos, Latini mentastrum uocant, alij nepetam, Hispani creobula, Galli mentam. Huius species tres memorātur. Est enim sylvestris folijs ocimi similibus atq; subalbidis & ramis cauliculatis cum flore purpureo. Secunda species appellatur agreste pulegium, quia odore illi similis est, & folia pulegio similiter formata, sed maiora, quam specialiter Latini, ut supra diximus, nepetam uocāt. Tertia est cum folijs mēthæ similibus, longitudine à prædicta porrectioribus, thyrso atq; ramis maioribus, sed inferioribus effectu. Omnium acriora sunt folia gustu, atq; incendiosa.

1 Ad aurium uermes.

Herbæ mentastri succus cū uino austero mixtus, & in auriculā coniectus, uermes natos necare creditur.

2 Vt scias in cuius stellæ tutela sis.

Herbam mentastrū tolle mūdus, in linteolo mundo habeto, & quando in pane cocto granum frumenti integrū inueneris, simul cum herba ponito, & preceris septem stellas, id est, Solem, Lunam, Martem, Mercurium, Iouem, Venerem, Saturnum, & sub puluino pone, ut tibi per quietem ostendant, in cuius stellæ tutela sis.

3 Ad elephantiosos.

Herbæ mentastri folia frequenter commanducato, sanare certum est.

COMMENTARIUM.



MENTASTRUM proprie sylvestris mēta est, auctore Plinio & Dioscoride, hic tamē ab Apuleio pro nepeta accipitur, cuius, ut refert, tres sunt species,

species, quarum historiam & curationes generaliter præfenti prosequitur capite, & specialiter primæ speciei curationes capite 93. sub nomine nepethæ montanæ. Calaminthen.) Calaminthe dicta est tum quod figura, tum quod natura & uiribus menthæ similis sit aut congener.

Glechon agrion.) id est pulegium agreste, eo quod illi similis sit forma & odore species secūda. Hediosmon.) Mutauit hoc nomē à mētha, cui similis est tertia species.

Osmiten.) Osmites dicta est, quasi odora herba propter odoris iucunditatem. Gonon apollonos.) id est Apollinis geniturā. Puluino.) Puluinus proprie est C. 2. quasi lectulus quidam exiguus, lana uel tomento uel pluma aut alio genere huiusmodi plenus, quo utimur in sedendo; sed hic pro puluinari accipitur, quod capiti dormituri supponimus ad puluini similitudinem. Quietem.) id est somnum, Ouidius, Somne quies rerum.

NOMINA ET VIRTUTES

EBULI.

CAPVT XCI.



RAECI chamæacten dicūt, alij chamæfycen, alij mecon aphroden, alij agrían acten, alij euboicen, Gallí ducone, Daci olma, Itali ebulum. Ramis rotundis digitalibus terræ prostratis, succo plenis, folijs lenticulatis, fructu siue semine rotundo, radice tenui.

1 Ad calculosos.

Herba ebulum tenerū cum folijs tritum ex uino potui datum, calculos expellit.

2 Ad colubri morsum.

Herbam ebulum tene, & antequā succidas eam, ter nouies dices, Omnia mala bestię canto, atq; eam

ferro ꝑ acutissimo secundum terram trifariam præc-
dito, & id faciens, de eo cogitato cui medeberis, reuer-
sus ita ne respicias post tergum, & ipsam herbam con-
tritam morſui apponito, statim sanabitur.

3 Ad hydropicos.

Herbæ ebuli radices conteres, & eius succum ex-
pressum cyathis quatuor ex uini sextario semis potui
semel in die dato, hydropicis ualidissime proderit; per
anum enim humor omnis detrahitur.

4 Ad splenis dolorem.

Herbæ ebuli radicem siccata, & in puluerē mol-
lissimum redacta, ex uini cyathis quatuor, pulueris
cohlearia tria, in limine stans bibat, & ebulū semper
secum habeat sine ferro lectum.

COMMENTARI.



IS CET confunditq; hoc capite duas diuersas
herbas Apuleius. Nam de ebuli nominibus &
uirtutibus acturum se promittens in capitis ti-
tulo, nescio qui chamæsyces alterius herbæ no-
mina & historia perperam se huc immiscuerint, relicta &
neglecta contra ius ebuli historia: quæ quia per aliam ex-
clusa desiderat, non abs re fore duximus illam, licet aliàs
uulgo non ignotam, ex Dioscoride adscribere. Est itaque
ebulum alterum sambuci genus, à Græcis chamæacte, id
est humilis & terrestris aut parua sambucus dictū, minus
sambuco & herbæ quàm arbori similis. Caulem habet
quadrangulū multis intersectum geniculis. Folia per in-
terualla ex singulis geniculis exeuntia pennata amygda-
læ similia per ambitū secta, longiora tamen & graueolen-
tia. Umbellam in summo fert sambuco similem, floremq;
itidem & fructū. Radix illi est longa, digiti crassitudine.
Hactenus Dioscorides lib. 4. cap. 164. Chamæsyce.)
Chamæsyce & mecon aphrodes non ebuli, sed alterius
herbæ

herbæ quæ hic describitur nomina sunt. Quorū chamæ-
fice idem est quod humilis & parua ficus, cuius nominis
ratio est lacteus succus, quem ficis similem habet. Mecon
uero aphrodes est idem quod spumeū papauer. Et de hac
herba agit Dioscorides lib. 4. cap. 160. Plinius lib. 24. capi-
te 15. Agrian acten.) id est syluestrem sambucum. Acte
enim sambucus est.

NOMINA ET VIRTUTES

PVLEGII.

CAPVT XCII.



PRAECI blechon, alij glechon, alij leucāthon,
alij dorcidion, alij poludon, alij partheni- *alias*
con, Prophetæ pātāgathon, Osthānes dīmo *polya-*
ron, Latini pulegium. Quam uim pulegium secū ha- *don.*
beat, multi ignorant. Duo genera eius sunt, masculus
& foemina. Masculus florem albū habet, foemina ru-
beum siue purpureum. Vtrūq; utile est & mirabile:
uirtutis acerrimæ & feruentis. Vocatur ab aliquibus
blechon, eo quod sit balantum animalium floris sui tem-
pore pascuosa. Hoc autem in se mirabile habet, quod
maximis æstatis caloribus floreat, quum ferè aliæ her-
bæ arefcant.

1. Capiti ne noceat æstus aut frigus.

Herbam pulegiū tecū aut super aurem aut sub
annulo portato, hoc & hyeme tota facias, nec graue-
dinem senties, nec perfrictionem.

2. Ad intestinorū infantiū dolorem.

Pulegium & cyminum tritum ex aqua super um-
bilicum positū, continuo sanus fiet.

3. Contra nauseam stomachi.

Pulegium tritum uel in aqua maceratū cum acetopotui dabis, nauseam stomachi sedat.

4 Ad ueretri pruriginem.

Pulegium in aqua feruente maceratum tamdiu donec bibi possit aqua, optimum est, & pruriginem sedat.

5 Ad uentris dolorem.

Pulegium commanducatum, & in umbilico positum religatum ne excidat, cōtinuo dolorem discutit.

6 Ad tertianas.

Pulegij ramulos tres lana inuolutos odoret ante accessionem. Quod si quis coronam pulegij in capite habuerit, dolorem sedat.

7 Si infans in utero mulieris mortuus fuerit.

Pulegij codas tres recentes quæ adolēt suauiter, tritas in uino uetere optimo, sextarij quartario dabis, liberabitur.

8 Ne in naui nausees.

Pulegium & absinthium simul contere ex oleo & aceto, & nares frequenter frica.

9 Si mulier minus purgatur.

Pulegij pondus semiuncia in oxymelite cyathis duobus mane ieiuna bibat.

10 Si secundæ à partu nō sequuntur.

Pulegij tres discinge codas, & in uino bono dabis.

11 Ad uesicæ dolorem uel calculum.

Pulegium in uini cyathis duobus bene cōtritum ieiunus bibat, & continuo in solium descendat, intra paucos

paucos dies sanat, & calculus pellitur.

12 Si quis cor aut pectus dolet.

Pulegium in aceti cyathis duobus ieiunus bibat.

13 Contra spasmum.

Idem faciat si spasmus molestus fuerit.

14 Si mulier obticuerit.

Pulegium contritum & in puluerem redactum lana conuolutum subiiciatur ab obstetrice.

15 Ad inflationem stomachi uel intestinorum.

Pulegium ex aqua calida contritum, uel ex uino aut per se dato, rem miraberis illico.

16 Ad morbum articulorum.

Pulegium in oxymellis quartario uel cyathis tribus ieiuno da bibere, eijciat bilem & saniem albam. Idem faciet ut facile respiret.

17 Ad splenis dolorem.

Herbam pulegiū decoque ex aceto, & id acetum calida permixtum potui dato. Caterum ne quid pulegiū prægñanti dederis.

18 Ad ischiam uel coxarum dolorem.

Herba pulegio & pipere æquis ponderibus tritis in balneo perfricabis ubi dolet.

COMMENTARIUM.



VLEGIVM nota herba, sic dicta, ut tradit Her molaus Barbarus, quod ipsius recens incēsus pulices necat. Græce blechon dicitur quasi balans herba, eo quod, ut hic tradit Apuleius, balantum animalium floris sui tempore sit pascuosa. Plinius tamen & Dioscorides aliam reddunt rationem, utpote, quod gustatum à pecore caprisq; quum floret balatum,

- in eis quamprimum cōcitāt. Vnde quidam Græci literas mutantēs, blechon quasi glechon uocauerūt. Leucanthon.) id est albifloriū, & alterius generis est indicatio, quod masculum album florem habet. Dorcidion.) Dorcidion & parthenicon appellationes huic ex dictamno adcreuerūt quæ pulegiī folio est, & hijs nominibus appellatur. Pantagathon.) id est omnibonā herbam, C. 1. quasi contra omnes morbos efficacem. Perfrictionē.) id est horrorem & frigus. Frigeo enim idem est quod rigeo & algeo, & ut uolunt, deriuat à Græco uerbo φρύγω, quod est horreo, unde φρύξ horror & frigus dicitur.
- 3 Nauseam.) Nausea uomendi appetitus est. Et nauseo uerbum, hoc est uomitu infestor. Cudas.) id est coliculos & ramusculos: sic dicti quod longi sint quemadmodum codæ, id est animalīū caudæ. Sextarij quartario.) hoc est, quarta parte sextarij, quæ facit cyathos tres. Nam
- 11 duodecim cyathi sextarium efficiunt. Soliū.) Solium uas est balneatorium, in quo homines sedētes lauantur, Teutonice *ain badzuber*. Cæsar Augustus Hispanico uerbo
- 14 durentam uocabat, teste Suetonio. Obtuerit.) id est obmutuerit propter locorum & matricis suffocationem. Subijciatur.) id est, muliebri naturæ intrudat & imponatur. Obstetrice.) Obstetrix mulier est quæ parturientium curam habet: sic dicta quod cōtra parientem
- 16 flet. Eijciēt saniem albam.) id est per aluum deducet & expellet pituitā & humorem pituitosum & saniosum album. Respiret.) id est exhalet & disijciatur humor molestans ex articulis.

NOMINA ET VIRTUTES

NEPETÆ MONTANÆ.

CAPV.T XCIII.

Græci.



RAECI eam mínthen agrían, alij mínthen orínon, alij díaulan, Prophetę hæma hammonos, alij gonon hāmonos, Itali nepetā montanam siue syluestrem.

1 Ad morsum serpentis.

Herbæ nepetæ montanæ ex uíno trítæ succus expressus cum uíno potui datur, & eius folia cōtrita plagæ utiliter imponuntur.

2 Ad tertianas uel quartanas.

Herbam nepetam montanam in puluerem redactam sub accessione dabís in aqua calida bibere, liberabitur.

COMMENTARI.



VPERIVS cap. 90. de mentastro agēs tres ipsius species tradidit, quarum prima hæc montana nepeta est, quæ Græce minthe agria, id est syluestris mēta, & minthe orinos, id est montana menta nuncupatur. Et à Magis hæma hammonos, id est sanguis hammonis, & gonos hammonos, id est genitura hammonis.

NOMINA ET VIRTUTES

HERBÆ PEUCEDANI.

CAPVT XCIII.



GRÆCIS dicitur peucedanos, quibusdam sison agríon, alijs agriophyllon, Prophetæ agathon dæmona, Latini pínastellum, alij satanariám uocarunt. Thyrsus habet ut foeniculus, radicem magnā & nigram grauissimi odoris, succo plenam, atq; secundum ipsam, coronā densam, florem nigrum, Succus autem in ea processu tempo-

ris augetur, & propterea aliquando præfecta molli ra-
dice defluit, atq; in umbra deponitur seruanda, Sole
nanq; uires amittit, sed probatur melior esse flauus &
feruens gustatu, & odore grauis, ut in Sardinia & Sa-
mothracia.

1 Ad serpentes fugandos.

Herba peucedanū arcet serpētes odore suo. Item
cum uetonica & adipe ceruino aut medulla aceto mi-
xta, & morsui imposita, medetur.

2 Ad phreneticos.

Herba peucedanum cum aceto capiti infusa sum-
me facit.

COMMENTARII.



PEUCEDANVS siue peucedanum, quæ, ut Plinius lib. 25. cap. 9. ait, inter primas celebratur, dicta est Græcis à pinu, quā illi peucen dicunt, sicuti ab eadem pinu Latinis pinastellum, idq; ob formæ foliorū similitudinem, Vel, ut alij uolunt, peucedanus Græcis dicta est ab amaritudine, quæ illis peucedanos & peuces dicitur. Sison agrion.) id est sison agrestis. Agriophyllon.) id est agreste folium. Agathon dæmona.) .i. bonus dæmon, & genius siue deus, ob diuinas uirtutes eius quibus uarijs morbis medetur. Et quia dæmon cum simpliciter & sine adiuncto proferatur, communiter in malam partem pro cacodæmone & fatana accipitur, factum fortè est, ut ex dæmonis interpretatione dici cœperit à Latinis satanaria, à cōtrario sensu.

Secundum ipsam, coronam densam.) hoc est, iuxta ipsam radicem habet comam densam copiosam & folio-
C. 2. sam. Phreneticos.) Phrenetici dicuntur qui phrenesi laborant, Phrenesis autem proprie cerebri passio est, principales actiones eius lædens, mentemq; commouens, & insanire faciēs, à pallida seu flaua bile proficiscens. Latine insaniam

infaniam dixeris, De cuius differentijs & generibus plura Galenus lib. 3, de affectorum locorū notitia, & Celsus medicinæ lib. 3, cap. 19,

NOMINA ET VIRTUTES

INVLAE CAMPANAE.

CAPVT XCV.



RAECI panacen chironion, alij panacen centauration, alij helenion, Latini inulam campanam appellant. Habet folia amaraco similia, flores aurosfos, radicem tenuem, non altā, acerrimam gustu, medetur serpente uexatos.

1 Ad uesicæ dolorem.

Herba inula, & apij semen, & asparagi, & fœniculi quoq; radices in unum trita, & in tepida potui data, efficaciter profunt.

2 Remedium ad cruciatus dentium.

Herbam inulam ieiunus commanducet, dentes confirmat.

3 Ad lumbricos.

Herbæ inulæ folia ex uino trita, mirifice quum bibuntur necant lumbricos.

COMMENTARI.



QVEM ADMODVM superius capite 91, de ebulo inscripto, sic etiam nunc præsentī capite duas diuersas miscet herbas. Nam inulæ nomina & uirtutes, ceu titulus promittit, traditurus Apuleius, nescio quā chironij panacis immiscuerit nomina & historiam. Inula enim non talis est ut hic describitur, sed ut Dioscorides ipsam depingit, folia habet uerbasco similia, asperiora tantū & longissima, radicem intus albescen-

tem, foris rubentem, odoratā, grandem, acrem, facili lentore mollem. Porro Cāpana cognominata est à regione Cāpaniæ, in qua magis laudata nasceretur. Helenion.) Helenion appellatum est, quoniam è lachrymis Helenæ natum est, uti fabulantur poëtæ: seu, quod uero uicinius est, quoniā contra serpentes ex eo primum ab Helena remedium inuentum fuerit.

NOMINA ET VIRTUTES

HERBÆ CYNOGLOSSÆ.

CAPVT XCVI.

al. pyra-
gian.



RÆCI cynoglosson, alij + phrygian, alij hemionion, alij splenion, alij caballion, alij scolymon, alij pyrgin, alij leucrion, Aegyptij zenis, Itali linguā canis, alij sublabium, alij linguam macedonicam.

1 Ad morsum serpentis.

Herba cynoglossa contrita & ex uino sumpta, ueneno resistit.

2 Ad quartanas.

Herba cynoglossa, quæ folia quatuor habet, pisata & ex aqua potui data, prodest.

3 Adeos qui minus audiunt.

Herbæ cynoglossæ succum ex passo & oleo tepesfactum in aurem stillato, mire sanat.

COMMENTARI.



CYNOGLOSSÆ duo genera sunt. Vnū quod nunc uulgo eo nomine ab herbolarijs demonstratur, & buglossæ uulgo uocatæ adeo similis est, ut ab ea abscissa uideri possit & difficile discerni, nisi odor qui in cynoglossa grauis est, discrimen illarum

larum indicaret. Et hanc intelligere uidetur Plinius, quando thyrsos, id est caules illi tribuit. Nam altera sine caule est, uti Dioscorides tradit, & de hac Plinium loqui credimus, cum ait ipsam operibus topiarijs esse gratissimam, quam nos Teutonice *vergiss min nit* uocari putamus. Sed Dioscoridem audiamus, qui lib. 4. cap. 120. sic scribit, Cynoglossos folia latifoliae plantagini similia habet, angustiora tamen minoraque & lanuginosa: sine caule canina lingua est, per terram sternitur. Nascitur sabulosis locis. Item Plinius lib. 25. cap. 8. ait, Lungitur plantagini & cynoglossos caninas imitans linguas: topiarijs operibus gratissima. Aiuntque quæ tres thyrsos seminis emittat, eius radicem potã ex aqua, ad tertianas prodesse: quæ quatuor, ad quartanas. Est alia similis ei & quæ ferat folia lapathi minuta. Eius radix pota ex aqua, ranis & serpentibus aduersatur. Hæc Plinius, qui & nominis rationem reddidit. Aliarum appellationum maior pars ex aspleno huc translata est, quarum aliquas ex Dioscoridis libro emendauimus. Cæterum Apuleius utranque cynoglossam præsentī capite comprehendere & intelligere uidetur. Passo.) Passum est C. 3. uinum dulce ex uuis passis confectum. Quod quomodo olim conficeretur, docet Columella rei rusticæ lib. 13. capite 39. & Palladius in mense Octobri.

NOMINA ET VIRTUTES.

SAXIFRAGAE.

CAPVT XC VII.



GRAECIS dicitur adiantos, alijs scolopendrium, quibusdam scolymos, nonnullis scoliprochos, asplenon, & prochos agrios, Aegyptij phepere, Itali saxifragam, alij uitem canam, alij apruco, alij lampago uocant. Nascitur in montibus locis saxosis, uirgultis nigris lenibus cum

splendore, bipalmis, folijs, ut coriandrum scissis in summitate.

I Ad calculosos.

Herbam saxifragam cōtritā ex uīno bibendam dato, febricitanti ex aqua calida, tam præsentem effectum exhibet (nos ipsi experti sumus) ut eodē die perfractis eiectisq; calculis ad sanitatem perducatur.

COMMENTARI.



SAXIFRAGA hæc est, non quæ uulgo pro ea ostenditur & in usu est, & à Dioscoride sub empetri nomine tractatur, sed adjanti species, de qua supra egit sub nomine callitrichi & eadem etiam illi, nisi quod ad curationem hanc eam eligit, quæ non in aquosis sed montibus locis saxosis tanquam potior & efficacior nascitur, nullaq; alia quàm natalis locus & nominum quoddam discrimen, inter eas differētia est: & eadem hæc curatio in altero exemplariorū nostrorum capite de callitricho etiam ponitur, quare nostro iudicio præsens caput superiori non male quis iunxerit. (Calculosos.) Calculosi dicuntur, qui calculum in uesica generatum habent: quod malum lithiasis à Græcis appellatur, id est morbus calcularis.

C. 1.

NOMINA ET VIRTUTES

HEDERAE NIGRAE.

CAPUT XCIII.



RAECI eam dicūt cisson melan, alij cissaron, cission, nysionue, alij chryson meton, Gallibolussellon, Daci arborriam, Latini hederam nigram.

I

Ad calculos pellendos.

Hederæ

Hederæ baccas aut septem aut nouem contritas, & ex aqua potui sumptas, mirifice calculos in uesica congregatos frangere & extrahere per urinam certum est.

2 Ad capitis dolorem.

Hederæ succo cum oleo rosaceo mixto & cum uino, tempora uel frontem perfricabis, sedat dolorem.

3 Ad splenis dolorem.

Hederæ nigra grana primo tria, secundo quinque, tertio septem, quarto nouem, quinto undecim, sexto tredecim, septimo quindecim, octauo septemdecim, nono decem & nouem, decimo uiginti unum, in uino bibantur diurnis diebus: si febricitat in aqua calida, maximo auxilio lienosis auxiliatur.

4 Ad phalangiorum morsus.

Hederæ radicis succus bibatur, item ulceribus hederæ ex uino decocta imponatur, mire sanat.

5 Ad nares graueolentes.

Herbæ hederæ succus bene colatus in nares infunditur, & nares male olentes emendat.

6 Ad aurium uitia & eos qui minus audiunt.

Herbæ hederæ succus mundissimus cum uino instillatus, medetur.

7 Ne caput à Solē doleat.

Hederæ folia mollissime trita cum aceto & oleo rosaceo aduersus omnem capitis dolorē fronti illinitur.

COMMENTARI.



LINIVS uiginti hederarū genera facit, quæ à Dioscoride ad tria tantum contrahuntur, scilicet, albam, nigram & priuatim helicen dictam,

quarum candidum fert fructum candida; nigrum crocatumue nigra, de qua hic agit Apuleius: sicq; dicta est à colore fructus. Sterilis helix est, tenuibus uiticulis, breuibus angulosisq; & concinnioribus folijs. Cisson melan.) id est hederam nigram. Cissaron uero à cisso nihil aliud differt quàm in uocis mutatione solum, idemq; est quod cissos, id est hedera. Cission autem idem est quod hederula, forma diminutiua. Nyssion.) Quod erat necion, nos emendauimus in nyssion, Plinij autoritate freti, qui libro 16, cap. 35. post candidæ historiam de nigra sic tradit, Simili modo in nigra, Alicui & semen nigrum, alijs crocatum, cuius coronis poëtæ utuntur, folijs minus nigris, quam quidam nyssiam, alijs bacchicam uocāt, maximis inter nigras corymbis. Habetq; nyssij nomen à Baccho, qui Nyssius & Dionysius uocatur, idq; honoris causa, quod is eam ex India in Græciam adtulerit. Chrysometon.) Sic dicta est ab aureo acinorum colore & uino, quod *μῆτρον* dicitur, propter Bacchum qui uini repertor eam ex India in Græciam adtulit: nisi pro meton legere malueris mæron, ut nominis id habeat à Mero monte Indiæ in quo nascitur, nec alibi in India, teste Theophrasto, ut refert Plinius dicens, Hedera iam dicitur in Asia nasci: negauerat Theophrastus, nec in India, nisi in monte Mero. Sed considerandum potius chrysocarpon ceu apud Pliniū & Dioscoridem habetur, legi debeat, quasi aurei fructus hedera.

C. 3. ab aureis corymborum acinis. Diurnis.) id est singulis & tempore matutino circa aurorā dum adhuc à cibo uacuuus est stomachus.

NOMINA ET VIRTUTES

SERPILLI.

CAPVT

XCIX.

A Gra



GRAECIS dicitur herpillos, alij zygis, alijs
 polion, Aegyptij[†] meruopnos, Latini ser- *al. mea*
 pillum, alij cicer erraticum, alij cicer rusti- *ronom*
 cum. Eius est alia hortualis siue usualis, hu- *pus.*

mi serpens cum folijs atq; ramis origani similibus, al-
 bidioribus quidem, atq; sampsuchi odorem fingenti-
 bus. Alia agrestis, quæ etiam zygis appellata est, non
 in solo serpens, sed directa atq; stanti positione subre-
 cta cum ramis tenuibus atq; [†] horrentibus longitudi- *alijs li-*
 ne bipalmi, & folijs parvis & angustis tanquam rute, *gnosis.*
 sed paulò longioribus atq; plenioribus & angustiori-
 bus: floribus quoq; omnibus in uirgis constitutis, in
 summitate purpureis, remordentibus linguam, odo-
 re iucundo: radice inutili. Nascitur in petris, uehemen-
 tior est autem quàm rubea, quæ seminalis siue hortua-
 lis appellata est.

1 Ad capitis dolorem.

Herbæ serpilli succo cum oleo & sale fricto & in
 puluerem redacto, omnibus commixtis caput perun-
 ges, sanabitur. Item serpillum decoctum in aceto tri-
 tum illinitur temporibus & fronti.

2 Ad combustum.

Herbæ serpilli & anchusæ surculi unciam, spumæ
 argenti uncias tres cum rosa in mortario teres, ceræ
 punicæ, adipis ursini & ceruini semilibram, simul de-
 coques, colabis bene, & impones, combusturas perfe-
 ctissime sanat.

COMMENTARIIL



SERPILLON. Græcorum, & inde serpillum La-
 tinorum, dictum est à serpendo, tum quia per
 terram, qua illam contingens radicatur, serpit
 tum quia iuxta sepes plantatum aut exaltiore

loco deorsum demissum adiecto illi pedamento, in longum protrahit & serpit, autore Dioscoride lib. 3. & Theophrasto de plantis lib. 6. Zygis.) Sic appellatum est syluestre genus, idē ut uidetur à trutina, quę Græcis zygon dicitur, eo quod in rectū instar trutinæ ramulos suos erigat. Seu quia ramulis eius ad uinciendum & ligandumq; præcipue uites, quod Græci ζυγῶν aliquando dicunt, antiquiores uterentur. Cicer erraticum.) Cicer erraticum ac rusticum appellatum est à foliorum similitudine: cōuenitq; syluestri generi hæc appellatio, quod stat, & ciceris modo ramulos suos erigit. Sampsuchi.) Sampsuchus herba est, quæ alio nomine amaracus dicitur & maiorana. Sale frictō.) id est tosto: à uerbo frigo quod est torreo, & à Græco deducitur φρύγω, unde φρυκτῶν, id est frictum. Anchusæ.) Anchusæ herba est, de qua Dioscorides lib. 4. cap. 24. Theophrastus libro de plantis 3. & Plin. lib. 21. cap. 16. Spumæ argenti.) Spuma argenti est, quam Græci lithargyron uocant, de quo Dioscorides lib. 5. cap. 56. Mortario.) Mortarium uas est in quo res contunduntur & in puluerem rediguntur, aut aliās soluuntur quæ soluenda sunt: sic dictum quod in puluerem redacta ueluti mortua condiantur. Cera punica.) In ceræ generibus punica optima censetur, quæ candida est. Insolatur autem, id est ad Solem sub dio ponitur, & post insolationem decocta candescit.

NOMINA ET VIRTUTES

ABSINTHII.

CAPVT C.



RAECI absinthion, barypicon cognomināt, Romani absinthium rusticum, Aegyptij somi appellāt. Est porrò absinthium omnibus cognitū, cuius probabilius genus est Ponticum, uirtutis

tutis acerrimæ, feruentis & redarguentis amaræ. Nas-
citur locis cultis & montuosis & saxosis. Nascitur &
in Tauro monte Cappadocia. Est præterea aliud ab-
sinthium marinum, quod quidam seriphion uocant,
plurimum in Taphosiri Aegypti prouincia tenuioris
fructus aut seminis à supradicta, & angustioribus fo-
lijs, neq; sic amarum, sed odoris grauioris.

1. Ad periculum fungorum.

Herbæ absinthij succum ex aceto bibat. Hoc Se-
rotinus uir centenarius euasit, quum esset à fungis
tentatus.

2. Ad liuores tollendos.

Herbam absinthium in aqua & aceto decoctam
& inductam panno, impone: si corpus tenerum fue-
rit, ex melle imposito.

3. Ad lumbricos.

Herbæ absinthij & marrubij & lupinorum paria
pondera in aqua malsa cocta, uel in uino austero, bis
aut ter in umbilico imposita, necant lumbricos.

4. Ad inguinum uel intertriginis mo-
lestias.

Herbæ absinthij & marrubij surculum sumito, &
in semicinctio tecum portato, sanaberis.

COMMENTARI.



ABSINTHIUM barypicon cognominatum
est à grauitate amaritudinis. ἄσυν enim graue est,
πικρὸν uero amarum dicitur. Ponticum autem
dictum est à regione Ponto in qua optimū na-
scitur, & ubi pecora pinguescunt illo, & ob id sine felle re-
periuntur, ut refert Plinius lib. 27. & Theophrastus lib. 9.
(Taphosiri.) Taphosiris est in Aegypto Osiridis ta-

phos, id est sepulchrum, ciuitas quondam Stephano de urbibus & Plutarcho celebrata: & pro regione illa etiam accipitur, ubi absinthio hoc, ut tradit Dioscorides, pro oleaginis ramis Isiaci sacerdotes utuntur. Et Plinius lib. 27. cap. 8. ait, Est & absinthium marinum, quod quidam seriphium uocant, probatissimum in Taphosiri Aegypti: huius ramum Isiaci praeferre solenne habent. Et lib. 33. capite 5. ait, Nascitur & in mari absinthium, quod aliqui seriphium uocant, circa Taphosirim Aegypti maxime, exilius terrestri. Fungorū.) Fungi sunt superfluitas quaedam tuberosa & spongiosa, quam terrae superfluitas aut arborum humiditas producit. Quorum duplex differentia est, aut enim laetales, id est multifariam: aut edendo sunt, & hi quidem sui copia nocentes. Sed de noxa ipsorum & noxarum remedijs plura Dioscorides lib. 4. cap. 77. & lib. 6. cap. 23. item Plinius lib. 22. cap. 22. Intertriginis.) Intertrigines sunt quae Plinius aliquando attrita confricataque membra uocat: quod malum fit aliquando atterentibus & urentibus premētibusque in itinere pedes calceis angustis: aliquando uero longa equitatione confricatis interioribus feminibus alijsque partibus, & ex alijs causis.

NOMINA ET VIRTUTES

HERBAE SALVIAE.

CAPVT CL.

RAECEI elelisphaco, alij crosmin, alij bechion, alij phacon, alij sphagnon appellauere, Aegyptij anusi, Latini saluiā, alij tussilaginem, alij corsaluium uocant. Elelisphacos agrestis grauioris est odoris, Vsualis uero quae est boni odoris ac lenioris, saluta uocatur. Est igitur frutex siue sarmentum longitudine porrectum, subalbidum, uirgis maioribus & quadratis, cum folijs paulo asperis, odoris boni, &

ni, & fructu siue semine in summitate ramorum simi-
liorminio agresti. Nascitur asperis locis: & est uirtu-
tis redarguētis cum acrimonia, quæ deniq; pro dicta-
mmo saepe uenenum eijcit.

1 Ad ueretri pruriginem.

Herba saluia decoquatur, & de ea aqua ueretrū
infricetur.

2 Ad pruriginem circa anum.

Herba saluia decoquatur, & de ea aqua inferior-
es partes fomententur, sedat pruriginem summe.

COMMENTARI.



SALVIA dicta est à saluando, eo quod oculorum
claritati & uisui prodest, & quia cordi prodest eti-
am à quibusdam cor saluium uocata est. Cro-
smīn.) Crosmis dicta est quasi crossos, id est
fimbria, eo quod folia habeat exoletæ & attritæ uestis mo-
do aspera. Becchion.) hoc est, ut inter Latinas ipsius
appellationes habetur, tussilaginem, eo quod tussi mede-
tur egregie: siue à foliorum candore, qui in utraq; ab alte-
ra eorum parte conspicitur.

NOMINA ET VIRTUTES

CORIANDRI.

CAPVT CII.



RÆCI coriannon, alijs corion, Latini corian-
drum, Aegyptij ochion nomināt. Omnibus
notum, & frigidæ uirtutis est.

1 Ad lumbricos.

Herba coriandrum coquatur ad tertias in oleo, et
in anum mittatur.

2 Mulier ut cito pariat.

Coriandri seminis grana undecim aut tredecim in linteolo mundo de tela alligato, puer aut puella uirgo ad femur sinistrum prope inguen teneat, & mox ut peractus fuerit partus, remedium cito soluat, ne in testina sequantur.

3 Ad frigora et omnes febriū typos.

Herbam coriandrum ubi mane uideris ad olitorum rem propositum, accedes ad eum & proijcias denarium, & tolles fasciculum de coriandro, sed noli nominare, & portes tecum usque dum hora suspecta ueniat, quum autem illa transierit & nihil tibi prouenerit, sub ferro proijcias illum post te dum ambulas, & noli post te respicere, liberabit te.

4 Ad pulices.

Herbæ coriandri aquam in domo sparge.

COMMENTARI.



CORIANDRVM à Græcorū corio siue coriano deductum uidetur, quorum nominum ratio & causa fuit, quod folia eius & caules cimices olent: quod animal Græci corin uocant.

C. 3. Typos.) Typus Græce forma dicitur, hinc febrium typi, id est formæ, quibus una ab alia discernitur: alia enim est quartanæ, alia aliarum: & pro afflictionis tempore tota quæ febre accipitur.

NOMINA ET VIRTUTES

HERBÆ PORTVLACAE.

CAPVT CIII.



GRAECIS dicitur andrachne, alijs theonina, alijs cappara, alijs andremas, Prophetæ hæma areos, Daci lax, Aegyptij mothmutim, Latini portulacam, alijs porcastrũ, alijs illecebram, nonnulli amaranthon uocarunt. Portulacæ nota est omnibus: frigide uirtutis atq; redarguētis.

1 Ad † sanguinis nimium profluuium. *alijs se
minis.*

Herba portulaca sumpta & per se & cum oxycaro, bene facit.

2 Ad stomachi inflammationem.

Herba portulaca purgat, & in aceto sumpta mire inflammationem tollit.

3 Ad duritiam stomachi.

Herbam portulacæ comedat, mirifice facit ad duritiam stomachi.

COMMENTARI.



PORTVLACA nota herba est, & quæ, ut exemplaria nostra testantur, ab aliquibus theonina etiam uocatur. Illecebre uero nomen illi accessit ex alia herba, quam Græci andrachnen agrian, id est portulacam agrestem, Itali uero illecebræ proprie uocant, & sedi genus est, autore Plinio lib. 25. capite ultimo.

NOMINA ET VIRTUTES

HERBÆ CEREFOLII.

CAPVT CIIL.



GRAECI pæderota uocant, alijs † boopes, alijs *alijs
bootis.* arctophyllon, Latini cerefolium.

1 Ad stomachi dolorem.

Herbæ cerefolij uiridis cymas tres colliges & pu-

legium in ligno teres, & mellis cochlearium commiſces diligenter, & papauer uiride pariter, & induces ſtomacho, liberabitur.

COMMENTARIIL.



EREFOLIVM apij ſpecies & genus eſt, Germani *közelkrut* uocant, nota & in plurimo uſu herba, uideturq; eſſe montanū apium, quod Græci oreofelinon uocāt, folio cicutæ, radice tenui, caule anethi, uerū minore, ut Theophrastus ait, non obſtante quod Dioſcorides refert habere in ſummo ſimilia papaueri capitula: de hoc enim Dioſcoridis loco quā integer ſit, ambigimus. Suſpicamurq; ex Græcorū oreoſelino deluxatum eſſe Latinorum cerefolium.

NOMINA ET VIRTUTES

SISYMBRII.

CAPVT CV.



RAECI ſiſymbriōn, alij ſtephanon aphrodiſtes, alij herpillon mega, Latini terralem auſteralemue, alij mentham ueneream appellant. Eſt quidem ſimilis menthæ, ſed latioribus folijs atq; odoris ſummi, & uirtutis feruentis.

Ad ueſicæ dolorē & ſtranguriam.

incijs. Herba ſiſymbrij contriti exceptos ſuccos † ſcrupulis duobus, febricitanti ex aqua calida, non febricitanti ex uino potui dato, mire remediaberis.

COMMENTARIIL.



ISYMBRII duo genera facit Dioſcorides, unū quod in aquoſis naſcitur, et à quibuſdam cardamine uocatur, de quo nihil ad præſens. Alterū quod in aridis & locis incultis naſcitur, & hoc capite.

capite describitur, & ab aliquibus stephanos aphrodites, id est corona Veneris appellatur, idque quoniam ob odoris suauitatem uoluptates, quibus Venus præest, comendando & augendo in comessationibus suis iuuetus olim coronari soleret. Herpillon mega.) hoc est serpillum magnū, eo quod serpilli figuram & speciem aliquam habeat. Mentham ueneream.) Mentha uenerea est appellata ob similitudinē quam habet cum mentha & odoris suauitatem.

NOMINA ET VIRTUTES

HERBAE OLUSATRI.

CAPVT CVI.



GRÆCI smyrnion uocant, alij hipposelinon, alij selinon agrion, Latini olusatrum, Aegyptij denterobon. Radice intus alba, foris nigra, stomacho commoda, non ualida: thyrso molli, cauo atque celso, ueluti scripturis notato, quas Græci gramas uocant: folijs latis atque rubris, in quibus coma libanotidi similis: semine nigro, longo, acri, accumulato, masticatione atque odore aromata simulanti: uirtute mictualis.

1 Ad uesicæ dolorē & stranguriam.

Herba olusatrum trita ex passo in potu sumpta, stranguriam potenter emendat.

2 Ad purgationem mulierum.

Herbæ olusatri semen ex mulso potui dabis, foeminas purgat.

COMMENTARIUM.



OLUSATRUM qualis herba sit, satis docet Apuleius: sic autem dicta est à colore radice quæ foris est nigra, Græcorum quidam smyrnion uo

cant, idēq; propter similitudinem quandam quam habet cum proprie uocato smyrnio. Hipposelinon.) id est grande apium. Hippo enim Græcis aliquando grande significat, & quod se ultra aliud sui generis erigit, unde etiam hac ratione hippomarathon, hippolapathon & alia dicta sunt, & nō ab ea significatione qua hippos equum significat, ut putauit Theodorus Gaza, qui equapium id dixit. Selinon agrion.) id est apiū agreste. Sic dictum quod inter apij genera præ cæteris altius se extollit, ceu agrestia & erratica facere solent. Grāmata.) Siue ut exemplaria nostra habent, & idem est grammæ, γραμμα, γραμμή, id est grāma siue gramme, Græcis idem est quod scriptura siue pictura & linea, quam Apuleius scripturæ nomine interpretatus est. Habent & alias significationes, sed de quibus nihil ad præsens.

NOMINA ET VIRTUTES

LILII.

CAPVT CVII.



RAECI crinon uocant, alij lirion, Latini lilium, alij rosam Iunonis.

1 Ad morsum serpentis.

Herbæ lilij bulbum cōterito, & expressos succos potui dato: ipsum etiam bulbum tritum morſui adponas, mirabiliter sanabitur.

2 Ad luxum.

Herbæ lilij folia tusa & imposita efficaciter sanāt, & si tumor fuerit, sedant tumorem.

COMMENTARI.



LILIVM una mutata litera a Græcorum lirio factum est, & quia eximij cādoris illi flos est, hinc Græcorum poëtæ ex Iunonis lacte natum hunc finxerunt, quare etiam Iunonis rosa uocata est.

Nomina

NOMINA ET VIRTUTES

HERBAE TITHYMALLI.

CAPVT CVIII.



TITHYMALLI species sunt septem, quarum
 alia masculus siue characias appellatur, uel
 cometes, aut amygdaloides, atq; gobios, he-
 lioscopos, meconitis, alypos, Latini balteu,
 lactucam marinam, Prophetæ gonon areos. Alia foemina,
 quam myrtiten, uel caryiten aut myrsiniten ap-
 pellant, Romani mutilaginem caprariam. Tertia pa-
 ralios siue tithymalis, peplis tithymalis aut paralion
 mecon. Quarta helioscopos, dendritis tithymalis, La-
 tine cicer columbinū & caprago dicitur. Quinta cy-
 parissias. Sexta dendroides. Septima platyphyllos si-
 ue persites, Prophetæ asclepiu diadema, Latine † tri-
 tum appellatur. Characias igitur nascitur in collibus
 & montuosis locis, thyrsis ultra longitudinem cubita-
 lem, rubris, succi acrioris atq; albi, folijs oliuæ simili-
 bus, paulò angustioribus, sed longioribus: comæ in
 summitate sunt † schœni similes, uirgulis porrectis, in
 quibus ueluti caliculi cum semine: radice longa. Edu-
 cit fel atq; phlegma eius succus subtus uentrem po-
 tui datus obolis duobus cū posca, cum mulso autem
 etiam uomitum mouet: item emortuos dentes & exe-
 sos tollit. Foemina autem asperis nascitur locis, & al-
 ba est, folijs similibus myrti, paulò maioribus ac fir-
 mioribus & acutis in summitate spinosis, uirgultis bipal-
 mis, fructu siue semine nuci simili, qui leniter argua-
 gustu, ac singulos per annos renascatur. Eius succus
 plus est uomificus, minus tamē à supradicto. Item pa-
 ralios appellata nascitur circa mare, ramis bipalmis,

alias tri-
tum.

iunci.

erectis, rubris, quinis uel senis è radice uenientibus, in quibus folia parua, angusta & longa cum capitello in summitate denso, paruo, in quo semen erui simile, sed uariū, floribus albis ex toto, atq; succo uirtutis superioris. Item helioscopos appellata nascitur in hortis, ramis è radice uenientibus quatuor aut quinq; bipalmis, tenuibus, rubris, folijs portulacæ similibus, paulò tenuioribus ac rotundis, capitello anethi similis, fructu siue semine uelut in folijs, coma quam dei solis motibus uel circumflexionibus conuertat, uirtute supradictæ similis, sed paulò uehemētiore. Item cyparissias thyrsio bipalmi nigro aut subrubente, folijs pini similibus, sed paulò mollioribus atq; tenuioribus. Item dendritis nascit in petris, latior atq; rubrior prædictis ramulis, folijs myrti tenuioris similibus, fructu siue semine ut characias. Item platyphyllos similis est ꝑ phlomi forma atq; uirtute.

uerba
sco.

1 Ad interiorum dolorem.

Herbæ tithymalli frutices terræ, & ex eodem succo mitte cochlearia duo in cyathos ꝑ duos uini, & dato ieiuno bibere, sanabitur.

fres.

2 Ad uerrucas tollendas.

Herbæ tithymalli lactem mixtum cum batrachij herbæ succo si in uerrucas imposueris, tertio die sanabit.

3 Ad fistulas.

Herbæ tithymali succū cum uino mixtum super exprimito, deinde cæteris fomentis obligato.

4 Ad ꝑ lentiginem, hoc est lepram.

Herbæ tithymali florem cum resina decoque, & leprosum illine, non sinet crescere.

Tithy-

lichen
nem.

COMMENTARIUM.



TITHYMALLVM Celsus & Columella lactu-
cam marinam, Plinius lactariam herbam & la-
ctucam caprinam à Latinis uocari dicit. Sunt q̃
lactuca & lactaria à lacteo liquore illi indita no-
mina: marina uero quod prope mare nascatur, præsertim
tertia species, quæ paralios appellatur. Caprina autem,
quod capræ ea uescerentur. Characias.) hoc est ualla-
ris. Sic dicta quod uallis & septis muniēdis apta sit, à ual-
lo, quod Græcis χάρδις dicitur: quæ sepiū cingendarum
idoneitas causa fuit, ut balthem etiam, id est cinctura fit
dictum. Cometes.) Sic appellata est ob comā quam
in summo caule iunci modo gerit. Amygdaloides.)
Amygdaloides nūcupata est à foliorum figura quæ amy-
gdalæ similia habet. Gobios.) Gobios dicta est à folio-
rum longitudine qua gobium piscem referunt. Helio-
scopos.) id est solisequus appellatus est tithymallus, eo
quod coma eius ad Solis cursum circumagatur, & pro-
prie quarti generis est appellatio. Meconitis.) hoc est
papaueracea. Est q̃ tertij generis propria appellatio, & a-
lio nomine paralios, id est maritimus dicit, eo quod mari-
timis nascat locis. Et diminutiva forma tithymalis, quasi
lactariola herba: peplis uero tithymalis à foliorum portu-
lacæ similitudine, quæ tamē appellatio quarto generi ma-
gis conuenit. Paralion autem mecon, id est maritimum
papauer à fructus similitudine. Et hanc Pandeſtarius di-
cit esse esulam. Alypos.) Alypos dicta est ob similitu-
dinem quandā alterius herbæ, quæ proprie sic uocatur:
aut quia malos humores, qui tristitiæ causa esse possunt,
expellendo, lætitiā adferat. Gonon areos.) id est ge-
nituram Martis. Myrtiten.) Myrtites dicta est secun-
da species quasi myrtacea à foliorum myrti figura. Sicut
à nucibus quibus similem fert fructum caryites & myr-
sinites. Dendritis.) id est arborescens, à ramorum co-
pia, & quod ferē arboreſcat: sicut & sexta species, quæ den-

drodes eadem ratione uocatur. Cicer columbinum.) Sic appellatum est quod cibum det semine columbis gratissimum. Caprago.) Sic dicta fortassis quod caprae illa uescerentur. Cyparissias.) Cyparissias nuncupata est à foliorum cupressi similitudine. Platyphyllos.) id est latifolius, à foliorum latitudine. Haecenus de nomenclaturis. Iunci.) Iuncus hic est quē Celsus rotundum odoratum iuncum uocat, & Græce schœnos dicitur, quam Græcam appellationem hoc loco pro iunco antiqua exemplaria nostra habent, quemadmodum in fine pro uerbascio phlomon. Caliculi.) id est uascula in quibus semen continetur. Posca.) Posca idem est quod Græcis οξυκρατον, hoc est, aqua aceto mixta & temperata. Mulsum autem est uinum melle concinnatum. Arguat gustu.) hoc est, gustando linguam & os remordeat & erodiat. Singulos per annos renascatur.) hoc est, annua temporum uicissitudine, alius quidem nunc, alius uero anno sequente nascatur: & ut Plinius ait, Fructus non pariter maturescit, sed pars anno sequente. Dei Solis motibus.) id est ad cursum solis, qui sicut cæteri planetæ antiquitus à gentilibus pro deo habebatur. Lentiginem.) Lentigo est macula nigricans aut rubicunda liuoreque perfusa, & ad lentis similitudinem prouenit: sed hic per lentiginem Apuleius seipsum exponens lepram intelligit, & quidem non in recentiorum & uulgi, sed Græcorum significatione, qua cutis est passio, & ut Galenus ait, cutis transmutatio ad contrarium naturæ habitum cum asperitate, dolore atque pruritu & squamarum resolutione. Celsus lib. 5. impetiginem uocat, & eius quatuor genera facit. Quare nos etiam hoc loco pro lentigine, lichena potius legendum censemus, quod malum est à lepra non multum distans.

NOMINA ET VIRTUTES

MODI PREPARANDI CARDUI SYLVATICI.

Græci



GRÆCI erysisceptron, alij ixian, alij † pancra *al. pan*
 tion, alij chamæleonem, alij cnidiū coccum, *carpon*
 alij ulophonon, alij cynomazon, alij cyno-
 zolon, alij ocymoides, Latini carduum † ua *al. d.*
 rium, carduum irinum, carduum lacteum, carduum
 nigrum, alij uernilaginem, ustilaginem. Nascitur in
 pratis & secus uías. Chamæleon herba est, alia nigra,
 alia alba, quæ etiam ixia uocatur: siquidem in ortu ca-
 niculæ quibusdam locis secundum eius furcas album
 uiscum reperiatur. Habet folia supra radicem crebra,
 aspera, spinosa atq; terræ prostrata, simul cum thyrso
 solam spinam in medio mittit, carduo similem, flores
 purpureos tenues atq; tensores, ac deinde albescentes,
 fructum siue semen cnici herbæ similem, radicem ro-
 bustam, albam, ex alto mollem, graueolentem, gustu
 dulcem. Item nigra, quæ etiam cynozolon à Forano
 & Dioscoride est appellata, siquidē præfocet non ali-
 ter quàm synanchica passio. Habet folia tenuiora atq;
 breuiora, rubra, pinguiora, thyrsus robore digitali,
 longitudine saepe palmorum quatuor, fuluastrū, ex
 quo umbraculum tenue cum floribus spineis, radice
 ualida, nigra, densa, aliquando etiam exesa uel corro-
 sa, fuluastra, quæ interius masticata remordeat. Vo-
 catur autem chamæleon propter foliorū uarietatem.

1 Ad infirmitatem stomachi.

Herbæ cardui syluatici, quā habet in capite sum-
 mo medullam uiridem dato ex oxygaro edat, libe-
 rabitur.

2 Vt occurfus malos non timeas.

Herbam carduum syluaticum, si Sole nouo fue-

rit Luna in Capricorno, tolles: & quādiu tecum portaueris, nihil malī tibi occurret.

COMMENTARIU.



ARDVORVM syluestrium plura esse genera, testantur autores, ē quorū numero est chamæleon etiam, de quo præsentī sub cardui syluatici nomine agitur capite: qui & ipse duarum est specierum, albus scilicet, qui carduus minor etiam uocatur, & cuius uirtutes habitæ sunt supra cap. 25. de chamæleone inscripto: alter uero est niger uocatus, ceu post nomenclaturas ex historia ipsius patet, quā nos ex antiquis exemplaribus nostris ultra ea quæ in impresso prius codice habentur, adscripsimus. Dictus est autem chamæleon ut Apuleius testatur, à foliorū uarietate. Mutat enim cum terra colorem, qui hic niger siue herbaceus, illic uiridis siue albescens, alibi cyaneus ceruleusue, alibi croceus aut rubeus atq; alijs coloribus uidetur, autore Plinio & Dioscoride. Vnde & Carduus irinus, uarius &c. à Latinis uocatur. Ixias.) Ixias uocat chamæleon; ut tradit Apuleius, & proprie albus, eo quod quibusdā in locis secundum furcas sub alīs foliorum, uel ad radices eius uiscum, quod Græci ἰξίον uocant, gignit, maxime circa canis ortum, quo modo thura nasci dicuntur, quo ut mastiche utuntur mulieres. Vlophonos.) Vlophonos appellatur, ut Plinius tradit, eo quod ricinos canum necat, & iuencas anginae modo, ὄυλιον enim & φόνος Græce significat exitium. Cynomazon.) Sic dictum est quod in pulte canibus datum, ipsos enecat. Siquidem μάζα Græcis puls est, κύνος canis. Cynozolon.) Cynozolon uocatum est propter grauitatem odoris, uel ut Apuleius tradit, quod præfocet non aliter quā synanche. Vstilago.) Sic dicta est, eo quod radix masticata urat & incendiosa fit, præsertim eius qui niger uocatur carduus.

Nomi

NOMINA ET VIRTUTES

LVPINI.

CAPVT CX.



GRÆCIS uocatur thermos orinos, à Roma
nis lupinus montanus. Nascitur secus se-
pes aut locis fabulosis.

i Ad lumbricos & tineas.

Herbam lupinum montanum contere cum radi-
ce & dato ex aceto cyathum unum bibere, sine mora
efficiet lumbricos. Item infanti cum absinthio tritum
in umbilico impones, liberabitur.

COMMENTARI.



HERMOS orinos Græce, Latine lupinus est
montanus, qui & syluestris est. De lupino inter
alia eius naturæ admiranda scribit Plinius lib. 15.
cap. 14. quod ter floret, nec ullius quæ feruntur
naturam assensu terræ mirabiliorem esse: nam primum
omnium cum Sole quotidie circumagitur, horasq; agri-
colis etiam núbilo demonstrat. De syluestri uero eandem
contra uentris animalia tradit uirtutē lib. 22. cap. ultimo.

NOMINA ET VIRTUTES

LACTERIDIS.

CAPVT CXI.



GRÆCIS dicitur lathyrís, coccus gnídi-
os, alij chamæleam dicunt, alij † eupolin, *al. eu-*
alij † epantemon, Aegyptij otetím, Itali cíto- *paulin,*
cacium, alij lacterídem nuncuparūt. Nasci- *al. eu-*
tur locis cultis & fabulosis, thyrso cubitali, roboris di *panthe*

gitalis, inanis, cuius in summitate furcæ atq; folia longa ut in aristolochia, fructu in summitate ramorū trigono, & uelut rotundo ut capparis, in quo tria semina obiecta folijs abinuicem discernuntur, rotunda, & eruo maiora, quæ depurgata spolijs depositis alba reperiuntur & dulcia.

Ad duritiam uentris.

Herbæ lacteridis semen quod est granum, dabis ex eo purgata grana octo potui in aqua frigida, & mox aluum concitat.

COMMENTARIIL



VEM ADMODVM tithymalum Latini lactariæ am, sic lathyrin Apuleius Latine lacteridē uocauit, à lacteo scilicet liquore quem reddit; & hanc etiā Paulus Aegineta inter tithymalli species numerat, cum in sexto ait, Priuatim hanc quidam tithymallum uocant, quoniam pariter illi lac eius purgat. Et hæc esse uidetur quæ nunc cataputia minor dicitur.

Coccus gnidios.) Ex thymelea cuius semen proprie sic appellat, huc adcreuit appellatio ista, idq; ob effectus in purgando similitudinem; quæ causa etiam fuit ut chamælea diceretur, quum alia proprie sit herba, quam oleaginem siue oleastellum uocant Latini. Citocacium.)

Citocacium à cacando dictum uidetur, eo quod cito faciat cacare. Folijs.) id est laminis & tuniculis. Spolij.) id est cortice. Aqua frigida.) Quod in prius impresso codice erat calida, id nos exemplaria nostra sequuti diximus frigida, & nostro iudicio melius, ut feruēs uirtus eius nonnihil reprimatur, & Plinius lib. 27. cap. 11. in pura aqua etiam sumere iubet, & Dioscorides lib. 4. super potare frigidam.

DE LACTUCA LEPORINA. CAP. CXII. 285
DE VIRTUTIBVS LACTV

CAE LEPORINAE.

CAPVT CXII.



ASCITVR lactuca leporina locis sabulosis. Lepus cum æstate à nimio deficit æstu, hac herba remediatur, ideo lactuca leporina dicitur.

1 Ad febricitantes.

Herbam lactucam leporinam suppones sub pului no infirmo nesciente, remediabitur.

2 Si pili oculis obstant.

Herba lactuca leporina pilos oculis obstantes, summe relegat.

COMMENTARIIL



LACTUCA leporina cur dicta sic fit, satis docet Apuleius. Et hanc syluestris lactucæ speciẽ esse credimus: & fortẽ ea est quã Itali casam, id est domũ leporis uocant. Si pili oculis obstat.) C. 1.

hoc est, si pili oculos impediunt & irritant, ipsisq; aduersantur: quod uitiũ duobus modis fit, ut lib. 7. tradit Celsus. Nam modo palpebræ superioris summa cutis relaxatur & procidit, quo fit ut eius pili ad ipsum oculum conuertantur, quia non simul cartilago quoq; se remisit. Modo sub ordine naturali pilorum alius ordo subcrescit, qui protinus intus ad oculũ tendit, & hanc Græci ditrichian uocant.

NOMINA ET VIRTUTES

CVCVMERIS SYLVATICI.

CAPVT CXIII.

alias e-
uicimon



CRÆCI elaterion, alij sicyon agrion, alij t gry-
non, alij balin, alij bubalion, alij scorpion, a-
lij pherombron, alij peucedanō, alij notion,
Itali cucumerem anguinum & cucumerem syluati-
cum, Prophetæ hæma iſtinos, Punici cuſſimezara.
Nascitur locis harenosis, & maritimis & calidis: folia
simulans cucumeris usualis cum uirgultis breuiori-
bus, radice alba, magna, & fructu longitudine digita-
li. Totus autem frutex amarissimus.

1 Ad neruorū dolorem & podagrā.

Cucumeris syluatici radices in olei cibarij pondo-
tribus decoques ad tertias, & exinde perunges, sana-

2 Ad abortum. (buntur.

Herbæ cucumeris syluatici radices in aqua ad ter-
tias coquantur, & inde se sublauet. Si quis autem iei-
nus fructū eius ediderit, periclitabitur: ideoq; quisq;
abstineat neq; manducet.

3 Ad tumores & collectiones.

Cucumeris syluatici radix cum polēta aspersa tu-
mores spargit.

4 Ad humorem aurosum.

Herbæ cucumeris syluatici contritæ succum ex-
pressum in nares contra Solem iaciat, omnem humo-
rem aurosum per nares eiſciet. Cum aceto decocta ua-
let contra podagram.

COMMENTARI.



CUCUMER syluaticus est cucumer agrestis, sic
dictus ad differentiam satiui, cui folijs, uiticulis
& flore similis est, solo fructu differens. Nostri
temporis medici eum cucumerem afininū uo-
cant. Elaterion,) Elaterion proprie dicit cucumeris
huius


huius syluatici succus & ex eo medicamentum: sic dictum
 ἀπὸ τοῦ ἄλῃν, quod est pellere, quasi expulorium, ob uim
 purgandi quam habet acrem. Gaza agitatorium interpre-
 tatus est: sed notius nunc elaterij nomen. Sicyon agri-
 on.) id est cucumerem agrestem, σίκυον enim cucumer
 est Græcis. Grynon.) Grynon appellatum est, quod
 ad minimum compressum succum remittat, tanquā ma-
 iore ui aliqua pulsus, à γρύν uoce fictitia quod minimum
 quid significat. Ni critinon, ut alterum exemplariorū no-
 strorum habet, legere malueris, à κριθῆν, quod ex capite si-
 gnificat, eo quod sternutamenta ciendo pituitam à capi-
 te deducat. Ballin.) Ballis dicta est à uerbo βάλλω, qđ
 est iaculor, ferio aut uulnero, eo quod solo attactu matu-
 rum, succum ex se eiaculetur: seu quod humores ē corpo-
 re potenter expellat. Bubalion.) Sic dictum est, eo qđ
 bubus & iumeto præcipua medicina fuerit olim. Scor-
 pion.) Scorpion appellatum est, eo quod semen habeat
 ad speciem scorpionis cauda reflexa, ut tradit Plinius lib.
 20. cap. 1. Aliqui etiam ab eo scorpionum cucumim uocāt,
 efficacissime contra scorpionum ictus, & semine & elate-
 rio. Quæ causæ etiam fortē fuerunt ut anguinus sit uoca-
 tus cucumis. Peucedanū.) Peucedani nomen habet
 ab amaritudine. Siquidem πικρὸς ἀνθός Græcis idem est qđ
 amarus. Notion.) Notios dictus est quasi humidus,
 quoniam humore plenus est fructus. Hæma ictinos.)
 id est sanguis miluius. Pondo.) Pondo indeclinabile C. 1.
 est, & proprie pondus significat duodecim librarum: re-
 peritur tamen etiam aliquādo pro libra positum, ut hoc
 loco. Aborsum.) Aborsus est mulieris in utero geren-
 tis corruptio, quæ primis mensibus conceptu exorso fit.
 Nam quæ prope pariēdi tempus euenit, abortus dicitur:
 licet has quidē, grandiore iam foetu, eiectiones: illas uero
 quæ intra quadragesimū à cōceptu diē cōtingūt abortus,
 illustriores appellent. Sed uoces hæc plerūq; cōfundunt.
 Sublauet.) i. subtus circa pudibūda se lauet, balneet &

- 3 fomentet. Polenta.) Polenta est quam Græci ἄλφι-
 τῶν uocant, ordeacea farina, non tamen simpliciter, sed
 quæ certo modo quodam conficiebatur, idēq; uarie: quo
 modo autē fieret, docet Plinius naturalis historiæ lib. 18.
 4 cap. 7. Humorem aurosum.) Humorem aurosum ab
 auri colore uocat humorem felleum, qui caput petens &
 oculos cutemq; subiens morbum qui ictericia uocatur,
 efficit, quem humorem per sternutationem educēdo, icte-
 riciam curat, quod & Dioscorides & Plin. etiā testantur.

NOMINA ET VIRTUTES

CANNABIS SYLLVATICAE.

CAPVT CXIII.

 ANNABIS alia est usualis, alia agrestis, quā
 nonnulli hydrastinam, Itali terminalem ap-
 pellant. Radice similis althææ, quā nos ibi-
 scum appellamus. Nascitur locis asperis &
 secus uias ac sepes.


1 Ad mammillarum dolorem.

Herbam cannabem syluaticam tusam cum axun-
 gia imponas, discutiet tumorem: & si collectio fuerit,
 exsparget.

2 Frigore exustis.

Cannabis syluaticæ fructum tritum cum urticæ
 semine subiges aceto, & eis impones.

COMMENTARI.

 ANNABIS huius historia quia imperfecte ab
 Apuleio tradita est, ex Dioscoride illam supple-
 bimus, qui sic eam tradit, Similes althææ uir-
 gas profert, minores tamen, nigriores, crassio-
 resq; altitudine cubitali. Folia habet satiuæ similia, aspe-
 riora

riora tantum & nigriora. Flores rubescentes lychnidi similes. Semen uero et radices altheæ. Hęc ille lib. 3. cap. 156. Plinius lib. 20. cap. 23. Cannabis, ait, in syluis primum nata est, nigriore folio & asperiore. Exsparget.) id est, C. 1.
 disijciet & discutiet atq; resoluet. Et hoc melius q̃ expurget. Exustis.) loco exustis, exemplaria nostra habent 2
 constrictis, id est contractis, rigētibus, & infrigidatis. Et hoc signasse tantum satis sit.

NOMINA ET VIRTVTES

RVTAE MONTANAE.

CAPVT CXV.



R AECI peganon orinon, Itali rutam montanam uocauere. Nascitur in montibus locis asperis.

1 Ad caliginem oculorum & ulcera.

Herbæ rutæ montanæ roscidæ folia decocta in uasculum uitreum mitte & uinum uetus admisce, & sic inunge.

2 Ad præcordiorum dolorem.

Rutam syluaticam contunde in uase ligneo, dein de de puluere tribus digitis quantum præhendere poteris, mitte in calicem, & uini cyathum unū & aquæ calidæ cyathiōs duos, da bibat, & contineat se in lecto modicum, mox sanus erit.

3 Ad hepatis dolorem.

Herbæ rutæ syluaticæ manipulum in olla noua & aquæ heminis tribus, mellis tantūdem adiecto, fac inferuescat, id ē per triduum facies bibere, & sic plures poteris sanare.

4 Ad difficultatem urinæ.

Herbæ rutæ syluaticæ caulículos nouem conterito, additis aquæ cyathis tribus, et aceti hemina, & subferueat, & da bibat continuos dies nouem, sanus fiet.

5 Si mulier intrinsecus aliquid mali habuerit.

Herbæ rutæ syluaticæ semen contritum ex uino austero da bibat præter partum, liberabitur.

6 Ad stertentes uino.

Rutæ syluaticæ semen cum uino potui, mire facit.

7 Ad eos quos scorpio percusserit.

Rutæ syluaticæ semen contritum ex uino dabis potui, dolorem sedat.

COMMENTARI.



QUEMADMODVM in alijs aliquot herbis, sic etiã in ruta de diuersis generibus, separatis agit locis: de hortensi enim supra egit cap. 39. de syluatica uero præsentī, quã Græce peganon orion uocari dicit, hoc est, ut ipse autor Latine reddidit, ru-
 C. 1. tam montanã. Roscidæ.) hoc est, matutino rore per-
 5 fusæ & humientis. Si mulier intrinsecus &c.) hoc est, si mulier in utero menstruorum, aliarumue superfluitatum retentione aut post partum secundæ retentione laborat & uexatur. Præter partum.) hoc est, quũ non est grauida nec in utero gerit, quoniam ut Plinius & Dioscorides testantur, menses cit & fœtus in utero necat. Stertentes uino.) id est eos qui uino inebriati tanq̃ dormientes & sensibus menteq̃ priuati iacent cõsternati & amentes uiribusq̃ destituti.

NOMINA ET VIRTUTES

HERBÆ HEPTAPHYLLI.

Græci

CAPVT CXVI.



RAECI heptaphyllon, Latini septifolium dicunt. Nascitur locis cultis & sabulosis.

1 Ad pedum dolorem.

Herba septifolio trita & cum † luto mixta, pedes oleo. perunges, tertio die dolorem tollit.

COMMENTARIIL.



HEPTAPHYLLON herbam eandem esse cū pentaphyllo, & solo nomine ac foliorum numero differre, uocariq; nostro tempore tormētillam, superius dictum est à nobis cap. 2. Sed de hac re audiamus etiam quę Hermolaus Barbarus scribit inquit, Hippocrates duo uidetur nouisse quinq; folia, Candidum, quod & herbaceum, & procerius est à terra. Nigrum, quod humilius. Et est quę tormentilla uulgo dicitur, quinq; folio simillima, nisi quod septem, non quinq; folia habet. Potest à nobis heptaphyllon uocari, hoc est septemfolia.

NOMINA ET VIRTUTES

OCIMI.

CAPVT CXVII.



OCIMUM est herba notissima atq; difficilis digestionis, & mutatione sui inflabilis, & uirtutis mictualis.

1 Capitis dolori medendo.

Herbam ocimū tritam cum oleo rosaceo aut myrtino uel aceto fronti imponas, mirabiliter capitis dolorem sanat.

2 Ad epiphoras oculorum.

Ocimum ex uino optimo tritum, oculis illinitur.

3

Adrenes.

Herbæ ocimī succum in mali granati cortice co-
ctum da ut bibat, mirifice auxiliatur.

COMMENTARIUM.



CIMVM aut si mauis ozimum, ab *ὄζον*, quod
redolere significat, herba est odora, quæ nunc
basilicon dicitur, Teutonice *basilien*. Mutatio
ne sui inflabilis.) hoc est, quum iam per con-
coctionem & digestionē in uentriculo mutatur inflatio-
nes faciens.

NOMINA ET VIRTUTES

HERBÆ APII.

CAPVT CXVIII.



RÆCI selinon, melissophyllon, Prophetæ
hæma oru, Romani apiū. Omnibus notum
est, acerrimæq; uirtutis atq; mīstualis.

Ad epiphoras oculorum.

Herba apio trita bene cū pane mollī, oculi tegan-
tur, mirifice sanat.

Ad arsuram stomachi.

Herbā apiū decoque in aqua, & ex ea aqua da
ut bibat, statim sedat sitim.

COMMENTARIUM.



PIVM hoc est quod nunc uulgo petroselinum
uocant, quod uel ex Plinio & cōmuni usu con-
stat. Plinius lib. 20. cap. 11. Apio, inquit, gratia
uulgo est. Nanq; rami largis portionibus per
iura innatant, & in condimentis peculiarem gratiam ha-
bent: quæ omnia petroselino nostro conueniunt. Me-
lissophyllon.) id est apum folium. Hæma oru.) id est
sanguis

sanguinem Ori. Et sic exemplaria nostra habent & Dioscorides, non areos. Arsuram stomachi.) hoc est, ad C. 2. ardorem & rosionem uentriculi & orificij eius, quæ provenit ex defectu humiditatis aut abundantia humoris biliosi & adurentis, sitimq; inducentis.

NOMINA ET VIRTUTES

HEDERAE CHRYSOCANTHIS.

CAPVT CXX.



GRAECIS dicitur cissos, & chrysocanthos. Sic appellata, qd grana aurei coloris ferat. Ad hydropicos sanandos.

Hederæ chrysocanthos grana uiginti in uini sextario conterantur, & ex eo uino terni cyathi bibantur per dies septem, & per urinam lienis hydrops exinanietur.

COMMENTARIUM.



HEDERARVM plura esse genera, habitum est supra cap. 98. inter quæ & ea est quæ ab aureo granorum colore chrysocanthos dicitur, de qua nunc seorsum hoc loco agit Apuleius. Lie. C. 1. nis hydrops.) id est hydropisis & aqua inter cutem quæ lienis uitio accidit: maximam enim uim habet leni medendo hedera omnis.

NOMINA ET VIRTUTES

HERBÆ MENTHÆ.

CAPVT CXX.



EDIOSMOS Græcis, Romanis mentha dicitur. Est suauis odore. Nascitur in hortis. Virtutem habet thermanticam & stipticam.

i Adignem sacrum.

Herbæ menthæ succus expressus adiecto sulphure & aceto, de penna inunctus, sine mora dolorem sedat.

2 Vlceribus in capite manantibus.

Herba mentha contrita & imposita, ulcera siccant. Lege eam mense Augusto, mane primo priusquam Sol exeat, mūdus, ad omnia sic dicens, Te precor herba hedyosmos per eum qui nasci te iussit, uenias ad me hilaris cum tuis uirtutibus & effectu tuo, & eam mihi præstes quæ fide à te posco.

COMMENTARI.



MENTHA nota herba est, sic dicta à Minthe puella Plutonis pellice in hanc transformata, uti fabulantur poëtæ. Germani hanc *minzen* & *brussa minzen*, aliquando uero *wolgmüt* uocāt, licet posterior appellatio alteri etiam herbæ quæ est origanum communis sit. Cæterum quæ post nomēclaturas ante curationes ponuntur, ex altero exemplariorum nostrorum adscripsimus. Hedyosmos.) Sic dicta est ab odoris suauitate. *ἡδύς* enim suaue & *ὄσμη* odor est. Plinius lib. 19. cap. 8. Menthe, inquit, nomen suauitas odoris apud Græcos mutauit, quū alioquin minthes uocaretur. Vnde ueteres nostri nomen declinauerūt. Grato mentha mensas odore percurrit in rusticis dapibus. Hæc ille. Therman ticam.) id est calfactoriam.

DE ANETHO.

CAPVT CXXI.

i Ad ueretri dolorem.

Herbam anethum combure, & in cinerem eius commisce

commisce cum melle, deinde uulnus foue ex aqua, dein myrtino oleo calido laua, & sic medicamen impone.

2 Loci mulierum si dolent.

Herbæ anethi medicamine supra scripto pessum factum iniiciatur ab obstetrice.

3 Ad capitis dolorem.

Herbæ anethi flores cum oleo decoque, & temporibus illinito et alligato, mirifice dolorē capitis aufert.

COMMENTARI II.



ANETHVM nota etiam herba est, & Teutonice dillen uocatur, estq; nunc in communi contra colicam & uentris dolores, usu. Loci.) Loci dicuntur mulieris uterus & matrix ipsa.

Pessum.) Quid sit pessus aut diminutiuu forma pessulus, docet nos Celsus medicinæ lib. 8. cap. 21. dicens, Ut ea quæ forminis subiiciuntur (pessos Græci uocant) eorum hæc proprietas est, medicamēta composita molli lana excipiuntur, eaq; lana naturalibus conditur. Et Paulus Aegineta pectitam lanam esse dicit aut aliud quodcunq; teres digiti humani forma quo medicamenta substinētur.

NOMINA ET VIRTUTES

ORIGANI.

CAPVT CXXII.



ORIGANON à Græcis heracleoticon, onitis, asclepion, panaces, conila appellatur, Latini cunilam gallicam et origanum nomināt. Species eius sunt tres. Prima appellata est heracleotice, habens folia in similitudine hyssopi, uelut scissili umbraculo cum semine in summitate uirga

rum non frequenti uel denso. Alia est onitis appellata
simillima thyrsi hyssopi, sed albidior, folijs cum semi-
ne iugis ac denso & in corymborum uicem pendenti.
Tertia agrestis appellata est panaces, uel asclepiō, aut
conile, ut Nicāder posuit, cum uirgis bipalmis tenui-
bus, cū umbraculo simili anethi, & floribus albis, ra-
dice tenui, folijs tanquam cōmunis origani. Sed sunt
omnes acerrimæ uirtutis ac feruentis.

1 Ad tussim.

Herbam origanum commāducet, miraberis effe-
ctum. Item origanum in puluerem mollissimum tri-
tum, & mel usq; ad tertias decoctum, misce, & ex in-
de figurabis trochiscos, & dabis bibere in aqua calida,
tussim potenter aufert.

COMMENTARIJ.



ORIGANVM etiam nota herba est, quam Germa-
ni nunc *rotkosten*, nunc communi cum mentha
nomine *wolgmūt* nuncupant. Cæterū historiam
ipsius & genera ex nostris exēplaribus huic ca-
piti addidimus: quæ autem ab initio ponuntur nomina,
specierum sunt differentię. Heracleoticon.) Sic dicta
est à ciuitate Ponti Heraclia, ubi optima nascitur, & hoc
ideo quo ab alijs hoc cognomine distincta probaretur pri-
ma. Panaces.) Sic dicta est quod omnibus morbis
medeatur.

NOMINA ET VIRTUTES

HERBÆ SEMPERVIVÆ.

CAPVT CXXIII.



LRAECI aizoon, alijs aithales, alijs erithales, La-
tini semperflorū, & semperuiuū, siue ui-
talem nomināt, Semperuiuum nomen sum-
psit

psit quod sit semper uiridis atq; uigens. Nominatur ab aliquibus stergethron, eo quod amorifica iudicetur, unde & pro foribus à plurimís ponitur, caussa expellendi odia. Est etiam ambrosia dicta propter usum sacrum. Item buphthalmos & zoophthalmos appellata est propter schema. Cubitales euomit thyrsos, robor digitali, facile uigentes atq; pingues, cum folijs pinguibus maioris digiti crassitudine linguatos, hoc est, linguam simulantes in summitate, inferiora uero supinata, sed in capite præstricla, rotunditatem oculi simulantia. Nascitur locis montuosis, in domibus etiam plurimi nutriendam serunt. Nascitur quoq; parua in parietibus atq; petris & rupibus ac sepulturis & umbrosis locis; Et uocatur ab aliquibus erithales uel micron aizoon, quod à præscripta parua sit in forma, ex una radice plurimos emittens thyrsos supernatantes uel circumdatos folijs pinguibus in summitate acutis, ex medio tamen thyrsus bipalmem cum floribus tenuibus & uiridibus. Sed est communis uirtus semperuiui herbæ constrictiua siue redarguens, à Græcis stiptica appellata. Deniq; ad eosdem usus & taliter hæc adhibetur, ad quos perdicion & arnoglosson herbæ. Quidam etiam tertiam speciem addunt, quã Græci agrian andrachnen uocant, uel telephion, Latini illecebram, latioribus folijs & hirtis ut portulacæ. Nascitur in petris, & habet uirtutem acriorem ulcerantem, cum ueteri deniq; adipe scrofis adhibetur, sed & duritias dissoluit.

Ad apostemata.

Herbam semperuiuũ cum axungia & pane & coriandro simul tritam uice malagmatis impone, mirifice aut spargit aut rumpit.

Ad hemitritæum.

Herbæ semperuiuæ folia quinq; trita in aqua calida potui dentur.

COMMENTARIU.



SEMPER VIVA herba est, quam alij sedum, Germani *hußwur* nominant, Græce aizoon, id est αἰζώον dicitur. αἰ enim semper, ζώον uiuum significat. Aithales uero, id est αἰθάλεις semperflorium & uirēs dicitur, à uerbo δάλλω, quod est uiresco & floreo. Erithales autem ualde uirescens est, ab ἐρί dictione intensiōem & augmentum in compositione adferente. At stergethron dictū est à uerbo στέρω, quod est amo. Et demū buphthalmos & zoophthalmos idem est quod bouis & animalis oculus. βῆς enim Græcis bos est, ζώον animal, ὀφθαλμός oculus. Quorum nominum omnium causam & rationem reddit autor in textu. Schema.) id est σχῆμα, hoc est, figuram & formam qua oculorum rotunditatem & similitudinem indicant. Micron aizoon.) id est paruū & minus semperuiuum. Agrian andrachnen.) id est agrestem portulacam, eo quod folia habeat ad portulacæ figurā accedētia. Hemitritæum.) Hemitritæos febris est semitertiana: sic dicta quod totius duarum ex quibus componitur febrium naturæ medietatem alterā habet. Cuius duplex genus est. Vnum eius quæ ex tertiana intermittente & cottidiana cōtinua componitur: quæ uel habet flauam bilem exuperātiorem uel pauciorē uel æqualem pituitæ. Alterum genus est eius quæ ex tertiana continua & cottidiana intermittēte componitur.

NOMINA ET VIRTUTES

HERBÆ FOENICVLI

CAPVT .CXXIII.

Græci



CRÆCI marathron, Latini fœniculum, Omnibus notum. Urinam mouet cibo datum, lac prouocat. Ex eius thyrsis siue folijs succus Sole præficcatu acuit uisum. Præterea semen eius in uirore constitutum cum suis uirgultis, itemq; radix. Apud Hiberiam etiam succum dimittit tempore quo florescit, admoto igne ex æstu eius thyrsus succum dimittit, qui præ cæteris melior probatur ad acuendum uisum.

1 Ad tussim.

Herbæ fœniculi radicem tussam in mero ieiunus bibat per diem nouem, sanabitur.

2 Ad uesicæ dolorem.

Herbæ fœniculi uiridis fascem, & apij uiridis radicem, & asparagi agrestis radicem in pultarium nouum mittes, & aquæ sextarium ut simul ferueant ad quartas, & ieiunus bibat per dies septem uel plures, & balneo utatur, ita ut in frigidâ non descendat, neq; frigidam bibat, uesicæ dolorem sedat sine mora.

COMMENTARI.



AVXIMVS hoc caput etiã ex antiquis exemplaribus nostris in historia ab ea parte quæ est, Apud Hiberiam, usq; ad curationes. Hiberia autem proprie ea pars est Hispaniæ quæ intra Iberum fluuium continetur: licet generaliter pro Hispania accipiat.

NOMINA ET VIRTUTES

HERBÆ ERIPHIL.

CAPVT CXXV.



RAECI eriphion dicunt, Itali rutā agrestem indigitāt. Nascitur in Gallia in monte Sora-
cti. Figuram habet apij, florem purpureum similem nasturcio, septem radicibus totidemq; ramulis asperis minimisq; irriguis, ipsa autē patula humo, omni florens tempore, semen habet tanquam faba.

Phthisicis curandis.

Herba eriphion pisata & malagmatis instar imposita, sanat. Succum eius in potu dato, miraberis uirtutem eius.

COMMENTARIJ.



VALIS herba sit eriphion, Apuleius satis describit, estq; agrestis rutæ species. Nec plura de hac dicere habemus. Quod autem in prius impresso codice sequit de symphyto caput, nos tanquam superfluens omisimus: totum enim prius positum est supra cap. 59. de consolida. Indigitant.) hoc est, digito quasi monstrantes, nominant.

NOMINA ET VIRTUTES

HERBÆ PETROSELINI.

CAPVT CXXVI.



RAECI petroselinon, alij smyrnion, Latini apium syluaticū. Nascitur in petris, sed est summum ac probabile Macedonicum, odoris boni, hoc est aromatici, sapore dulce, urinam mouens, medetur uentositati stomachi atq; coli & hīs similibus.

Ad serpentium morsus.

Herbæ petroselinī puluerem mollissimum pondere drachmæ unius ex uino potui dabis, & ipsam herbam

bam contritam plagæ impones, miraberis bonum effectum.

2 Ad neruorum dolorem.

Herba petroselinon trita & imposita neruorū dolorem sedat.

COMMENTARIIL.



PETROSELINON idem est quod apium saxatile & petrapium: sic dictum quod in petris nascitur, aliud ab eo quod nostro tempore petroselinon dicitur & apium est, ut diximus. Smyrnion.) Smyrnion dictum est à similitudine quadā herbæ quæ proprie smyrnion dicitur.

NOMINA ET VIRTUTES

BRASSICAE SYLVATICAE.

CAPVT CXXVII.



RAECI cramben, alij cynocharon, alij cynāchen, alij cynocramben nuncupant, Latini brassicam rusticam, & brassicam aliqui caninam, Punici butzutzim.

1 Ad tumores quoscunq̃.

Herbæ brassicæ syluaticæ folia cum axungia uetere pisata, & commixta quasi malagma induces linteo lo grosso aut in aluta, & impones, sanabitur.

2 Ad lateris dolorem.

Herbam brassicam syluaticam impones ut supra.

3 Ad podagram.

Herbam brassicam conficies ut supra. Quod si uetustissimus dolor fuerit, eo magis efficacior erit salus.

COMMENTARIIL.



RASSICA est quam caulem uocāt ob thyrſi & caulis ſui magnitudinem. Cuius genus quoddam Dioſcorides etiā agreſte & ruſticum facit, ſatiuo ſimile, candidius tantum hirsutiusq; & amarum, quod Græce Apuleius cramben & cynocramben, id eſt caninam braſſicam uocari dicit. Aluta.) Aluta corium dicitur, quod ad calceos & alios uſus præparatum eſt.

NOMINA ET VIRTUTES

HERBAE BASILISCAE.

CAPVT CXXVIII.



BASILISCAM Græci, Latini regulam nunciant. Hæc herba baſiliſca illis locis naſcitur ubi fuerit ſerpens baſiliſcus. Non unum genus eſt eorum, ſed genera ſunt tria. Vnus eſt holochryſos capite aureo. Alius ſtellatus. Tertius ſanguineus, ut miniū, & ipſe capite aureo. Hos omnes hæc herba baſiliſca facile obtinet, ſi quis eam ſecū portauerit: ſed nec uiſa mala ei nocere poſſunt. Holochryſos autem, qui dicitur & chryſeos, quod uiderit inſuſſat & incēdit. Stellatus autem, qui & chryſocephalos aſterit, hic quod uiderit, areſcit & occidit. Tertius autem, qui & hæmatites & chryſocephalos, quod uiderit uel percufferit, deſluet, ut oſſa per ſe remaneant. Omnes uiolentias eorum hæc herba regula obtinet. Si quis homo eam ſecum habuerit, ab omnibus ſerpentium generibus erit tutus. Eſt autem *aliis ſa* herba talis ſimilis *lici.* rutæ, folijs oblongioribus & anguſtis et aſperis, nigris, radix eiſus pedi urſi ſimilis, lacrem habens auroſum ſimilem chelidoniæ, *autem*

autem † chrysoeocum. Qui eam leget, sit mundus & ^{al, chry} circumscribat eam auro & argento, cornu ceruino, ^{socroce} ebore, dente aprino, cornu taurino, & fruges mellia ^{um.} ras in uestigio ponat. Hac utebatur Imperator Augustus. Stomachi dolorem compescit: neque iecoris aut splenis, nec renum, nec cordis doloribus obnoxium esse sinit, neque ischia, neque spasmus, aut tussis, aut colici dolor, neque hydrops eum tentabit: suspirium & pectoris dolores & lateris sedat, & serpentium morsus extenuat, spissos humores intra corpus & fel ruffum per uentrem & per urinam deducit, renes purgat, & qui uenena accipiunt, eos à periculo mortis liberat: & breuiter omni corpori quod ea usum fuerit, dat fortitudinem & sanitatem restituit, in quo aliud firmitus nihil est.

COMMENTARIUM.

BASILISCA cuius interpretatio est regula, nomen habet à basilisco serpente, de quo Erasistratus, ut refert Dioscorides, hæc inquit, Cum morderit basiliscus sufflaui & quasi aureo colore ictus fulget. Herba nobis ignota est, nec in usu aliquo. Cæterum quæ in fine capitis leguntur, scilicet, Hac utebatur Imperator &c. ea in altero exemplariorum nostrorum gentianæ, quæ basilica, id est regia herba dicitur, adscribuntur. Holochrysos.) id est totus aureus.

Obtinet.) id est, uincit & ipsorum nocuentis aduersatur resistitque. Chryseos.) id est aureus. Chrysocephalus.) id est aureum caput habens. Asterites.) id est stellatus. Hæmatites.) id est sanguineus. Rutæ.) Hic alterum exemplar habet salici. Lactem.) id est succum & humorem.

The first part of the paper is devoted to a general
 discussion of the problem. It is shown that the
 problem is equivalent to the problem of finding
 the minimum of a certain functional. This
 functional is then expressed in terms of the
 solution of a certain boundary value problem.
 The second part of the paper is devoted to the
 construction of an algorithm for the numerical
 solution of the problem. It is shown that the
 algorithm is stable and convergent. The third
 part of the paper is devoted to the numerical
 results. It is shown that the algorithm is
 efficient and accurate.

The first part of the paper is devoted to a general
 discussion of the problem. It is shown that the
 problem is equivalent to the problem of finding
 the minimum of a certain functional. This
 functional is then expressed in terms of the
 solution of a certain boundary value problem.

The second part of the paper is devoted to the
 construction of an algorithm for the numerical
 solution of the problem. It is shown that the
 algorithm is stable and convergent. The third
 part of the paper is devoted to the numerical
 results. It is shown that the algorithm is
 efficient and accurate.

IN HERBA=

RIOS ANT. MVSÆ ET

L. APVLEI LIB. II.

INDEX.



BIGA	120	Afrissa	86
Aborſus & abor		Agathon dæmona	260
tus ut differāt		Aglaophotis	196
pagina	287	Agria acte	255
Aborſus remed.	286	Agria ſtaphyle	217
Abſinthij nomina & uirtu		Agriophyllon	260
tes	263	Agroſtis 225	Aizoon 293
Acanthion	206	Aithales	ibid.
Acanthyllis	240	Albugo, oculorum mor-	
Acetabulum quid	153	bus	113
Acetofa	84	Albuginis oculorum reme-	
Acetum Scylliticum	14	dium	229
Acetare ueteribus quid	49	Alcea	45
Achemenis	132	Alga paluſtris	204
Achilleos	248	Aloë	251
Acopos	145	Aloë gallica	93
Acori nomina & uirtutes	60	Aloitis	94
Acorus quid	ibidem	Alopecia qualis morb⁹	220
Adanias	53	Alopecia morb. remed.	117
Adianton	8	Alfine	234
Adiāton & eius ſpecies	162	Alterculum	56
Adianton deſcriptio	ibi.	Altercum	ibid.
Adrarhiza	102	Altercangenum	56
Aegichon	235	Althæa	141
Aegylopa, fiſtula eſt	30	Alum	187
Aeſculapius medicinae in-		Aluta	207
uentor	44, 45	Aluum laxantia	3, 95, 125,

INDEX.

191, 238, 284		Anum à prurigineliberan	
Aluum fistentia	26, 172	tia	271
Alypos	279	Anydros	178
Alytis	235	Apæritos	113
Ambrosia	194	Apes ne effugiant	60
Ambustorū remed.	137, 213	Aphrodes	174, 175
Amethyston	243	Aphrodisias	61
Amianton	165	Apiastellum	68, 200
Ampullaceum mali Puni-		Apium	14
ci, quid	57	Apium risus	68
Amuleta qualia medicamē		Apī nomina et uirtutes	292
ta	72	Apollinaris	53
Amygdaloides	279	Apollinaris herbę nomina	
Amylum quid	161	& uirtutes	110
Anactorion	75, 227	Aposplenos	231
Anachylis	187	Apostema quid	84, 71
Anadendromalache	142	Apostematis duplex genus	
Anarrhinon	243	pagina	84
Anaxyris	84	Apostematum remed.	66,
Anazetesis	187	83, 148, 297	
Anchomanes	86	Apuleius ex Madaura Li-	
Anchusa	263	byæ	240
Anadamenon	54	Aqua mulsa, potio	29
Andreas medicus	203	Arachnas, araneorum ge-	
Androgynos	205	nus	49
Anethi uirtutes	294	Araneorū genera duo	49
Anemone	175	Araneorum morsus reme-	
Angina unde dicta	39	dia	41, 110
Anginæ genera quatuor et		Arcion	138
eorum diffinitiones	125	Archezostis	200
Anginæ remed.	33, 123	Argemoniæ nomina & uir-	
Anidros	213	tutes	127
Anthericos	130	Argemoniæ descriptio	123
Antidotum quid	94	Arion	227
Antirrhinon	243	Arisagrion	86

INDEX.

Arifaron	86	Asclepios medicinæ autor.	
Aristereon	44, 212	pagina	44, 45
Aristolochia	65	Asparagi agrestis nomina	
Aristolochiæ nomina et uir-		& uirtutes	238
tutes	100	Asparagi descriptio	240
Aristolochia rotunda	102	Asphaltion	36, 99
Aristolochia mascula	ibi.	Aspharagi siue asparagi si-	
Aristolochia longa	102	gnificatio	239
Arnoglossa	13, 23	Asphodeli nomina & uir-	
Arnoglossæ nomina & uir-		tutes	129
tutes	19	Asphodeli historia	130
Arnoglossæ duæ species	19	Aspideion siue aspidelon.	
Arrhen	237	pagina	126
Arfella	129	Aspis, serpens	88
Artemedion	193	Asplenon	164
Artemisiæ nomina & uir-		Aster & asteriscos	189
tutes	72	Asterites	303
Artemisiæ duo genera & eo-		Asterij nomina & uirtutes.	
rum descript.	73, 76	pagina	189
Artemisiæ leptaphylli uir-		Asterij descriptio	ibi.
tutes	81	Asthma qualis morb.	149
Artemisiæ traganthis uir-		Athanasia	74
tutes	78	Atrophia qualis morb.	47
Artemisiæ triplicis reper-		Atrophix remed.	41
trix Diana creditur	81	Augion	54
Arteria colli pars anterior		Aurigo morbus qualis &	
pagina	38	unde dictus	16, 215
Arteriæ nomina	ibi.	Auriginis morbi remedia.	
Articuli qui	109	pagina	135, 213
Articulorum doloris reme-		Aurium doloris remed.	2.
dia	108, 257	52, 93, 98, 216, 244, 262, 265	
Artus quid sint	38	Aures si aqua repletæ, quo	
Artuum percussorū reme-		modo sanandæ	236
dium	32	Auriū uermes quomodo	
Asclepias	86	pellantur	352

INDEX.

Autogenes	278	Britannicæ descriptio	124
Axungia & eius usus	16	Bryon agrion	119
B		Bubalion	287
Bacchion	138	Bubonion	190
Baccina	111	Bucranion	143
Balani, caliculi seminũ	57	Buglossæ nomina & uirtu-	
Ballis	287	tes	147
Ballote	157	Bulbos emeticos	179
Bardana	138	Bunion	198
Barypicron cognomen ab		Buphthalmos	212
finthij	269	Burrhinon	243
Barython	242	Butyrum quid & unde di-	
Basilica	94	ctum	54
Basilicon persephonion	175	C	
Basilicon	292	Caccabon	203
Basiliscæ nomina & uirtu-		Caccabum	219
tes	302	Cachry quid	230
Batrachion	66, 67	Caducus morbus unde di-	
Batrachion historia & uir-		ctus	190
tutes	71	Caducorum remed.	189
Bechion	271	Calam' agrostis	225
Beloacos	194	Calaminthe	253
Bellonaria	219	Calaminthe agria	208
Benedicta	191	Calculus morbus quis	14
Beta plantaginis	124	Calculosi qui	48, 264
Bibone	124	Calculosorum remed.	4, 41
Blechon	257	253, 256, 264	
Borago	148	Calicularis	56
Brassicæ syluaticæ nomina		Caligo & caligatio, quid	10
& uirtutes	301	Caligo unde	ibid.
Brioniæ nomina & uirtu-		Callipetalon	35
tes	199	Callitrichi nomina & uir-	
Brioniæ descriptio	200	tutes	168
Britannicæ nomina & uir-		Callitrichi duo genera	162
tutes	122	Callitrichi descriptio	ib.
		Calli-	

INDEX.

Callitrichon	171	frigus	135
Calyx cardiacus	117	Capitis à Sole dolentis re-	
Camelopodion	158	medium	265
Campfanema	130	Caprago	280
Cancer malū corporis qua-		Caragogos	111
le	39	Carbunculi descriptio	16
Cancer unde & ubi nasca-		Carbunculorum remedia.	
tur	39	pagina	5, 241
Canceromata quæ	105	Carcinoma morbus	105
Canceromatum remed.	127	Cardamine	222
Cāceromatum in naribus		Cardamon	106
remed.	101	Cardiacus morbus qui	246
Canchrys	230	Cardiacorū remed.	244, 249
Canchrys oxea	ibid.	Cardui syluatici nomia &	
Canis rabidi morsus reme-		uirtutes	281
dia	7, 22, 42, 154, 249	Cardui syluatici descriptio	
Canis cerebri nomia & uir-		pagina	281
tutes	241	Carduus irinus, uarius, la-	
Canna pro filiqua	64	cteus, niger	281
Cannabis syluaticæ nomi-		Cardui magni historia	116
na & uirtutes	288	Castoreum quid	188
Cannabis historia	288	Cataputia minor	284
Capillus Veneris	165	Catharticum, purgatiuum	
Capilli ut tingi possint	162	dicitur	97
Capitellum quid	190	Cauistica	68
Capitis dolori medētia.	19.	Cauistica	67
33, 41, 214, 217, 237, 241, 250.		Centauriæ maioris nomi-	
265, 267, 291, 295		na & uirtutes	131
Capitis fracturæ remedia.		Centauriæ minoris nomi-	
pagina	1, 160	na & uirtutes	134
Caput quomodo deplen-		Centauriæ minoris descri-	
dum	95, 105	ptio	135
Capitis porriginum & fur-		Cepon aphrodites	153
furum remed.	105	Cera punica	268
Capiti ne noceat æstus aut		Cerefolij nomina & uirtu-	

INDEX.

tes	273	Chelonion	96
Cerefolij descriptio	274	Chiliophyllon	99, 247
Cerotum quid	222	Chiragra morbus	109
Cestron	8	Chironion	94
Chamædaphne	184	Chironij panacis nomina & historia	267
Chamædaphnes nomina & uirtutes	120	Chirō Cētaurus quis	82, 135
Camædaphnes descriptio. pagina	120	Chœrades quid sint	40
Chamædryos nomina & uirtutes	114	Chœras quid	40
Chamædyosmos	230	Chœrades quomodo fa- nentur	33
Camæmeli nomina & uirtutes	112	Chorium quid	30
Chamæmeli historia	112	Choros	62
Chamæmeli tres species	112	Chrysocanthi nomina & uirtutes	293
Chamæleon	232	Chrysanthemon	75
Chamæleonis nomina & uirtutes	115	Chrysocalis	113
Chamæleonis historia	116	Chryseos	303
Chamælygos	46	Chus quale mensuræ ge- nus	136
Chamæpityos	113	Cicatrices stigmata Græ- cis	72
Chamæpityos generū de- scriptio	ibidem	Cicatricis nigræ cura	71, 88
Chamærops	115	Cicer erraticum	263
Chamæfices nomina & hi- storia	253	Cicorea	168
Characias	279	Cinara rustica	117
Chariophyllata	191	Cincinalis	172
Charistelochia	75	Cirsi nomina & uirtutes. pagina	205
Chartarij loci qui	26	Cirsi historia	ibid.
Chelidoniæ nomina & uirtutes	212	Cissaron	96
Chelidoniæ historia	ibi.	Cissos	160
Chelidonion	200	Citocacium	284
		Clauus Veneris	204
		Clematidis	103

INDEX.

Clinopodiontes	99	tutes	183
Clonos	67	Consolida regalis	186
Clybatis	235	Consolida media	186
Coccus quid	197	Conula	183
Coccus gnidios	234	Conuulsi qui dicantur	183
Cochlearium	23	Conuulforum remed.	186
Codas, i. ramusculos	258	Coquere ad tertias, quid	10
Colchicon	103	Cordis dolorē tollens.	257
Colletis	44	Coriandri nomina & uir-	
Colicus dolor qui	140	tutes	272
Colicorum remed.	3, 139,	Coriannon & corion	67
171, 178, 216		Coriander	ibid.
Coliculus, id est brassica	64	Coronalis	229
Coluber, serpens qualis	133	Coronopos	154
Colubrina	36	Corpus quid significet	70
Columbina	43, 46, 193	Corruda	240
Columella morb ⁹ quis	246	Coruinus pes	155
Col ⁹ quale morbi genus	13	Cosmice	3
Collyris	146	Cotula	113
Collyrium oculorū est me-		Cotyledōis nomina & uir-	
dicamen.	97	tutes	152
Collyriū, suppositoriū	97	Cotyledonis descriptio	152
Combustorum remed.	267	153	
Cometes	279	Cotyle quid	153
Comitiales qui	190	Coxæ, quæ	80
Concoctioni utilia	6	Coxarum doloris remed.	
Condimentum quid	143	79, 221, 257	
Condylomata, qualis mor-		Coxendix morbus	80
bus	153	Coxendices quid	153
Condylomatum remedia,		Cretice	142, 192
pagina	156, 245	Crista gallinacea	46, 212
Conferba siue cōferua	137	Crocodilion	87, 117
Cōgius quale mensuræ ge-		Crocodil ⁹ quale animal	87
nus	136	Crocus, safran.	58
Consolidæ nomina & uir-		Crosmis	271

INDEX.

Crudititas quæ	13, 107	Cynosbaros	247
Crus, quæ pars corp.	224	Cynosorchis	90, 91
Cubitalis	185	Cynosprasion	153
Cubitus mēfura quanta	68	Cynozolon	232
Cucullum	219	Cyparissias	280
Cucumeris syluatici nomi		Cyparissos	44
na & uirtutes	236	Cyperus	105
Cucumeris syluatici descri		Cyprus arbor qualis	109
ptio	236	Cytinus, quid	57
Cucumer afininus	ibid.	D	
Cupressus nigra	120	Dactyli, palmæ fructus	232
Cura pro quo sumatur	26	Dæmones gētilibus qui	77
Curitis	46, 212	Damasonios	114
Cyame mensuræ genus	136	Daphnitis	184
Cyathus mensura qualis,		Daphnoides	ibid.
pagina	11, 27	Dardana	138
Cyathi pondus nunc dra-		Dardanos	103
chmæ duodecim	11	Dardanus, Troianus	64, 94
Cyclaminis nomina & uir		Dardanus magus	ibid.
tutes	95	Demetria	44, 56, 68, 201
Cyclaminos qualis herba,		Denarius quale pōdus	104
pagina	96	Dendritis	279
Cymæ siue cymata qd	246	Dentiū cruciatus remed.	2,
Cyminalis	94	52, 123, 214, 217, 228, 239, 247, 261	
Cynocephaliij nomina &		Dercea	111
uirtutes	242	Deuotatus quis	65
Cynocephaliij descriptio,		Deuotati resolutio	62, 239
pagina	243	Diana nemorum dea	82
Cynoglossos	24	Diaphoreticum, discusso-	
Cynoglossa	179	rium	29
Cynoglossę nomina & uir		Dichomenion	197
tutes	262	Dictamni nomina & uirtu	
Cynoglossæ duo genera et		tes	191
eorum descript.	262	Dictamni descriptio	192, 193
Cynomazon	282	Digitus Veneris	204
		Diocallia	

INDEX.

Diocallia	113	Elaterion	135
Diocolea	113	Elæomolochæ	142
Dios elacatæ	44	Eldia	194
Diospneuma	232	Elleborites	135
Diphyes	154	Elenion	59
Dipsacos	117, 194	Elephantosis	138
Discutere, dissolvere est	29	Elephantiasis morbus qua-	
Dithyrambion	54	lis	240
Dorcadion	87, 194	Elephantiosi qui	ibi.
Dorcidion	258	Elephantiosorum remed.	
Dorycnion	111, 219	pagina	239, 252
Drachma siue denarius,		Embamma quid	148
quid	10, 92	Emmanes	54
Drachma Attica quale pō-		Encathesmata quæ dican-	
dus	104	tur	142
Dracontæ nomina & uir-		Encathesmatum in corpo-	
tutes	85	re remed.	142
Dracontæ historia	85	Enemonion	175
Dragma quid significet	11	Ephemeron	108, 193
Duritæ remed.	154, 158	Ephesia	108
Duritæ in corpore mede-		Ephesias	74
la	20, 130, 140	Epiletici qui	150
Dysenterici qui	25	Epiphora, morb⁹ quis	176
Dysentericæ descriptio	ibi.	Epiphoræ remedia	225
Dysentericorum curæ	20.	Epiphoræ oculorum reme-	
	21, 98, 143, 149, 172, 202.	dia	173, 235, 243, 249, 291, 292
Dysosmon	209	Equisetæ nomina & uirtu-	
		tes	143
E		Equisetæ historia	143
Ebæophalitis	231	Erigeron	221
Ebenotrichon	171	Eriphij nomina & uirtu-	
Ebrius ne efficiaris	5	tes	300
Ebuli nomina & uirtut.	253	Eriphij historia	ibid.
Ebuli descriptio	254	Erusci nomina & uirtutes.	
Echidnion	59	pagina	244
Effascinātes homīes ubi	78		

INDEX.

Eryfisceptron	45	Femora quæ	214
Erythron	89, 91	Femorū doloris remed.	113
Esculus arbor	224	Fermenti confectio	107
Eubolion	154	Ferraria	46
Eupatorium	158	Filicina	238
Eupeplios	184	Filicis nomia & uirtutes	123
Euphrosynon	148	Filicis historia	ibid.
Eupteron	171	Filicis duo genera	214
Examinare, cōgregari est	61	Fistula morbus quis	30, 32
Examen, congregatio	ib.	Fistulæ morbi remedia	76
Excreantis purulēta medi-			22, 201, 160, 278
camen	20	Flauus color qualis	58
Exupera patricalis	212	Flos niger qualis	57
Exupera matricalis	199	Fœniculi nomina & uirtu-	
F		tes	299
Faba Aegyptia	204	Fœnogræcum	142
Fabulonia	55	Fœtum mortuum eiſcien-	
Fasciculus quid	232	tia	192
Fauciū doloris remed.	105	Folia nigra & alba quæ	57
Febris diffinitio	13	Fouere siue fomētare quid.	
Febris quotidiana, tertia-		pagina	10, 16
na, quartana	13	Fraga erdber	140
Febris Hæmitritæos & eius		Fragi uel fragariæ nomina	
cura	298	& uirtutes	139
Febrium remedia	4, 79, 285	Frigore exustorum remed.	
Febrium acerrimarū reme-		pagina	101, 288
dia	101, 137	Fuluus color qualis	58
Febris cottidianæ remedi-		Fungi qui	270
um	208	Fungorū duplex differen-	
Febris tertianæ remed.	21	tia	270
147, 208, 229, 256, 259		Fungorum remed.	269
Febris quartanæ remed.	21	Furfures quale uitium	107
99, 147, 259, 262		Furunculus quale tubercu-	
Febrifugia	135	lum	70
Fel terræ	134	Furūculorū remed.	66, 106
		Galli	

[INDEX]

G	Gutturis remed.	31
Gallicruris nomina quę	H	
dam & uirtutes	Hæma athenas	119
154, 155	Hæma anthropu	79
Gallicruris historia	Hæma cronu	76
154	Hæma gales	130, 199
Garum quid	Hæma hermu	ibid.
183	Hæma hammonos	259
Gelotophye	Hæma heracleos	133
67	Hæma iſtinos	203
Geminalis herba	Hæma podontos	ibi.
90	Hæma tauru	153
Gentianę nomina & uirtu	Hæmanticon	225
tes	Hæmatites	303
93	Hæmoſtaſis	187
Gentianę historia	Hæmorrhoides quę, & un	
ibid.	de dictę	246
Gerontea	Hæmorrhoidas reſtringen	
221	tia	144
Ges omphalon	Hamaxitis	225
154	Hæſtula regia	130
Gingiuarum remed.	Hæſtulę regię nomina &	
245	uirtutes	172
Gladiolus	Hederę nigrę nomina &	
166	uirtutes	264
Gladioli nomina & uirtu-	Hederarum tria genera	265
tes	Hedioſmon	253
226	Hedyoſmos	294
Gladioli deſcriptio	Hellebori duo genera	69
ibid.	Helenion	262
Gladiolus ſegetalis	Heliopon	163
227	Helioſcopos	279
Glechon agrion	Helioſtrophion	163
253	Helioſtrophon	146
Glycyſis	Heliotropij nomina & uir	
196		
Gobios		
279		
Gonos apollonos		
253		
Gonos arcos		
279		
Gonos æluru		
143		
Gonos hammonos		
259		
Gonos heroos		
100		
Gonos hephæſtu		
76		
Gonos horu		
153		
Gonorrhœan quid curet.		
pagina		
253		
Gramen aculeatum		
155		
Graminis nomina & uirtu		
tes		
224		
Griadis uirtutes		
170		
Grynon		
287		

INDEX

tutes	167	Hermu daetylus	37
Heliotropij historia & eius		Heroion	130
duæ species	167	Herpetes qualia ulcera, &	
Helix	166	eius duo genera	39
Helxine	234	Herpetes quomodo sanen-	
Hemeroton	133	tur	33
Hemicranius, siue hemicra-		Herpillon mega	275
nia, qualis morbus	176	Heterocrania qualis mor-	
Hemicranij morbi remedi-		bus	176
um	173	Hiberis	106
Hemicranici qui	175	Hieranthemon	133
Hemina qualis mēſura	104	Hieras botanēs nomina &	
Hemionion	130	uirtutes	40
Hepatici qui	118	Hiera botane	43
Hepaticorum remed.	116	Hiera coryne	9
Hepatis dolori medētia	41	Hierobulbi uirtutes	108
130, 131, 219, 289		Hierobulbi descriptio ibi.	
Hephæstios	67	Hippolapathon	84
Heptaphylli nomina et uir-		Hippomanes	164
tutes	290	Hipposelinon	176
Heptapleuros	24	Hippuris nomina & uirtu-	
Heptaneuros	ibid.	tes	143
Heraclia	100	Hippuris historia	143
Heracleos pagon	164	Holocyrton	119
Heraclea	169	Holosteon	122
Heracleæ nomina & uirtu-		Hominis morsus ueneno-	
tes	211	sus	104
Heracleon	203	Hominum morsus reme-	
Heracleoticon	296	dia	101, 245
Heras dacryon	45	Homini innascentium re-	
Herba ciboria	204	medium	132
Hermu basilion	237	Horroris medela	5
Hermubotane siue Hermu-		Horror in febribus	15
poa	237	Humor auroſus	208
Hermodaetylus	208	Humoris auroſi remed.	236
		Hydra	

INDEX.

Hydragogos	221, 223	Ignis sacer qualis morbus.	
Hydrogeron	221	pagina	219
Hydromeli potio unde	137	Ignis sacri remed.	216, 241.
& 29		294	
Hydrophobos à canerabi		Illecebra	273
do morsus	49	Impetigo qualis morb ⁹	159
Hydropici qui	14	Impetiginis remed.	156
Hydropifis tres species	14	Infantis perterriti remedi-	
Hydropifis initium	15	um	102
Hydropicorum remed.	47	Infans si in utero mortuus,	
116, 119, 254, 293		quomodo eiiciendus	258
Hydroselinos	231	Inflatio quid	258
Hyophthalmos	196	Inflationum remed.	249
Hyoscyami nomina & uir		Inflationis stomachi reme-	
tutes	51	dium	257
Hyoscyamos	53	Inflationis intestinorum re-	
Hypnoticon	54	med.	ibi.
Hypnotice	219	Inguen, quæ corporis pars.	
Hypoglossion	184	pagina	58
Hystras quid	30	Inguinum doloris reme-	
I		dia	52, 249, 259
Ibidos onyx	36	Insana	56
Ibidos pteron	ibid.	Insomniæ remed.	173
Ibis avis	36	Interaneorum doloris re-	
Ibisci nomina & uirtutes.		medium	235
pagina	149	Interiorum doloris remed.	29
Ibisci descriptio	141	229, 279	
Icteritis	230	Intertrigines quæ	278
Icterici qui	15	Intertriginis remed.	269
Icteros definitio	15	Intestinorum doloris reme-	
Icteros ubi cognoscitur	15	dia	73, 141
Icteros quare regius mor-		Intestinorum infantium do-	
bus	ibid.	loris remed.	258
Ictericorum remedia	5, 42	Intinctus quid	249
Idæus rubus	245	Inula	59

INDEX.

Inula rustica	187	Lapathi siue lapathi nomina & uirtutes	82
Inulae campanae nomina et uirtutes	261	Lapathi multa genera	83
Inulae descriptio	ibi.	Laser & laserpitium	80, 81
Iocinorosi qui	113	Lassus ne fias, medicamen	73
Iocinoris doloris remedia.		Laterum doloris remedia.	
pagina	3, 52	pagina	3, 98, 144
Iontitis	103	Lathyron	64
Isatidis nomina & uirtutes		Lathyrus	284
pagina	206	Lauer	212
Isatidis historia	207	Laurago	112
Ischia morbus	109, 115	Laureola	184
Ischiaticorum remedia	114	Lenticulae leguminis natura & uis	27
170, 196, 257		Lentigo & leucula, corporis maculae	109, 180
Ischuria qualis morbus.	61	Lentigines quomodo tollendae	103
Ixias	281	Leontopetalon	61
Ixinos agrion	235	Leontopodii nomina & uirtutes	62
L		Leontopodii descriptio	62
Labrorum remedia.	249	Leontospermon	64
Labrum Veneris	116	Leprae remedia.	278
Lacca gummi genus	50	Leptophyllos	82
Lacte pro lac	100	Lethargus qualis morbus.	
Lacteridis nomina & uirtutes	283	pagina	251, 176
Lactilago	121	Lethargici ut excitentur	249
Lactuca leporinae uirtutes.		Lethe & lethusa	175
pagina	285	Leucanthos	258
Lactuce syluaticae nomina & uirtutes	126	Leucoion agrion	165
Lactuca syluaticae descriptio	126	Leucopis	75
Lactuca marina	279	Libanitis	182
Lactuca caprina	ibi.	Libanotis	229
Lagopu nomina & uirtutes	191	Libycum	240
		Licina	

INDEX.

Licina	45	135, 156, 195, 261, 269, 271, 283
Lichena quid	130	Lunatici qui 72, 197
Lienosi diffinitio	12	Lunaticorum remed. 71,
Lienosorum curationes	3	182, 196
Ligula	23	Lupinus legumen est 110
Lilij nomia & uirtutes	276	Lupini nomina & uirtu-
Limnitis	133	tes 283
Limnice	226	Lupinus montanus ibi.
Linguae remed.	32	Lustrago 46
Lingua ceruina	227	Luteus color qualis 57
Linozostis	235, 237	Luxata membra quæ 129
Lippitudo oculorum mor-		Luxatis membris remed.
bus quis	92	pagina 127, 163, 276
Liquamen quid dicatur	251	Lychnis agria 63
Lirion	276	Lycopnos 68
Lithiasis qualis morbus.		Lysas siue lyas 75
pagina	264	Lyfimachion 234
Liures quomodo tollen-		M
di	269	Maerinthæ 230
Loci muliebres qui	15	Maceries quid 58
Lomentum, fabarum fari-		Machærophyllon 226
na	107	Malache agria 145
Lonchitidis nomina & uir-		Malache & moloche 146
tutes	173	Malagma quid 29
Lonchitis historia	130	Malagma ab emplastro dif-
Lotometra	203	fert 29
Lucina	45	Malobathron 231
Lumbago morbus	222	Maluæ erraticæ nomina &
Lumbi qui	13, 222	uirtutes 144.
Lumborū morbi curatio-		Malum Punicum, grana-
nes	3, 7, 221	tum 57
Lumbrici uermes qui	136	Malum terræ 96
Lumbrici unde dicti	27	Mammillarum doloris re-
Lumbricorū tria genera	27	media 98, 288
Lumbricorum remed.	20,	Manicon 213

INDEX.

Maniopœos	54, 58	Menthæ nomina & uirtu-	
Manipulus qui	11	tes	293
Manus Martis	37	Mercurialis nomina & uir	
Maronion	133	tutes	235
Marrubij nomina & uirtu		Mercurialis descriptio	235.
tes	155	235	
Marrubij utriusq; historia.		Mercurialis duo genera	236
pagina	157	Merum, uinum purum	27
Matricaria	74	Micron aizoon	208
Matricis doloris remed.	165	Millefolij nomina & uirtu	
Mater herculania	204	tes	247
Mecon aphrodes	255	Millefolij descriptio	ibi.
Mecona ceratites	174	Militaris	46, 243
Meconitis	279	Minthe agria	259
Mecon papauer est	58	Minthe orinos	ibi.
Medicamenta mala, dupli-		Misere uiuium	100
cia	77	Mithridatios uel Mithrida	
Mel Atticum	13	nion	208
Meleta	117	Mithridates rex	199
Melicraton, potio	29	Moloche agria	142
Melissophyllon	292	Monoclonon	75
Melitena	158	Montanum apium	274
Melocarpon	102	Mortarium quale uas	147
Melothron	230	Moly nomina & uirtutes.	
Melosmon	133	pagina	165
Menion	196	Moly historia	165
Menogonon	197	Moly	219
Mentastri nomina & uirtu		Mulcetra	169
tes	252	Mulierum remedia	5, 7.
Mentastri tres species & ea		215, 233, 244, 250, 256, 257, 275.	
rum descript.	252	230, 295	
Menstrua mouens 235: que		Mulsam quid & quomo-	
re mulierum remedia.		do conficiatur	12, 43
Mentha uenerca	275	Muralis	234
Mentha	37	Mustellago	121

Mustilla

INDEX.

Mustillago terrestris	185	Nitrum quid	138
Myacantha	240	Nomæ qualis morbus	194
Myriophyllon	247	Nomarum remed.	193
Myrrha lachrymũ est Ara-		Notios	187
bicæ arboris	51	Nycephyllon	184
Myrtites	279	Nympheos	113
Myrtopetalon	99	Nymphææ nomina & uir-	
Mystrum mensuræ genus.		tutes	202
pagina	136	Nymphææ historia	202
N		Nysius	266
Narce	94	O	
Narcissi nomina & uirtu-		Obolus quanti ponde-	
tes	177	ris	50
Narcissi descriptio	177, 178	Ocimi nomina & uirtutes.	
Nardus Indiæ frutex	50	pagina	191
Narium graueolētium cu-		Oculorum albuginis reme-	
ra	265	dium	212
Nasturcij nomina & uirtu-		Oculorum caliginis reme-	
tes	105	dia	126, 213, 249
Nasturcium duorum gene-		Oculorum lippitudinis re-	
rum est	106	medium	83
Nauseæ remed.	255	Oculorum doloris reme-	
Nauseæ quæ in naui fit re-		dia	1, 2, 98, 112, 127, 134, 173,
medium	256		250, 289
Nepetæ montanæ nomina		Occursus malos ut non ti-	
& uirtutes	258	meas	281
Nephelion	138	Oenâthe duũm generum.	
Nerion	242	pagina	177
Nerios	203	Oenanthes historia	ibi.
Neruorũ dolorem, tumo-		Oenanthes uirtutes	177
rem & tremorem tollen-		Oenomeli, mulsu est	49
tia	79, 81, 144, 208, 221,	Olus quid dicatur	107
	236, 301	Olusatri nomina & uirtu-	
Nession	133	tes	278
Nileon	67	Olusatri descriptio	275

INDEX.

Onicanthe	75	Oxylapathus	83, 118
Onocardion	117	Oxymelitos confectio	16
Onyx myos	100	Oxynida	84
Opalis grata	243	Oxytonon	175
Ophiocephale	201	P	
Ophthalmos typhonos.		Pæoniæ nomina & uir-	
pagina	150	tutes	195
Orbicularis nomina & uir		Palalia	96
tutes	95	Palmulæ dactyli sunt	212
Orchion	237	Palmus mensura	37
Orchis	91	Panaces	296
Orchis duo genera	90	Panacosceras	197
Oreoselinon	274	Panaricium Græcis paro-	
Origani nomina & uirtu-		nychion	152
tes	295	Panaricia qualis morb ⁹	152
Origani species tres & earū		Panaricij remed.	150
descriptio	295	Panchromos	44
Oris remed.	22, 12	Pandiona	9
Orizelos	119	Panion	91
Orminalis	92	Panis porcinus	96
Orobethron	64	Panus morbus qualis	84
Oscedo & oscitatio quid	125	Paniculæ inguinis reme.	83
Oscedinis remed.	123	Pantagathon	253
Osiriaca	146	Papaueris syluatici nomi-	
Osmites	253	na & uirtutes	172
Ossorum fractorum reme-		Papaueris uaria genera &	
dium	85	eorum descriptio	173, 174
Ost anthropu	76	Papauer palustre	204
Osthane magus	55	Pappi quid	222
Ostriaginis uirtus	122	Paralyſis diffinitio	15
Ostriago qualis herba	122	Paralyſis medicamēta	5, 123
Oxalis	84	Paregoria lenitio est	115
Oxygarum quid	168	Parotides sunt iuxta aures	
Oxylapathi nomina & uir		apostemata	32, 215
tutes	130	Parotidarū remed.	22, 41, 213
		Paro-	

INDEX.

Paroxismus	13	tes	198
Parthenion	75, 112, 234	Pentorobon	198
Parthenicon	258	Percussuræ ferris uel sudis	
Parturientiū remed.	5, 272	remedium	123
Pastillus, trochiscus, rotun-		Perdicalis nomina & uirtu-	
dula, idem	17	tes	238
Pastinacæ nomina & uirtu-		Perdicalis descriptio	ibi.
tes	232	Perfrictio quæ	16
Pastinacæ duo genera & eo-		Perfrictionū medicamen	6
rum descriptio	232, 233	Periodus morbi	13
Pecten, quæ corporis pars.		Perisson	218
pagina	58	Peristerei nomina & uirtu-	
Pectinis muliebris dolorē		tes	198
tollentia	52	Peristerei duplex genus	198
Pectis	187	Pernio morbus qualis	151
Pedis leonis nomina & uir-		Pernionum remed.	149
tutes	62	Perfolata	138
Pedis leonis descriptio	62	Personaciæ herbæ nomina	
Pedis leporis nomina & uir-		& uirtutes	136
tutes	191	Personaciæ duæ species &	
Pedum pastoralis baccu-		earum descriptio	137
lus	46	Peruinca	185
Pedum doloris remed.	33.	Pes coruinus	72
52, 79, 129, 221, 291		Pessus & pessulus quid	295
Pedum tumorem tollentia		Petrapium	501
pagina	21, 221	Petroselini nomina & uir-	
Peganus	250	tutes	300
Pelethronia	133	Peucedani nomina & uir-	
Peneus fluuius Thess.	204	tutes	259
Pentapetes	35	Peucedani historia	259
Pentagonon	ibid.	Peucedanum	287
Pentadactylon	35	Pexasis	76
Pentatomon	ibid.	Phalangia araneorum ge-	
Pentaccenon	35	nus	49
Pentaphylli nomina & uir-		Phalangiorum morsus re-	

INDEX.

medium	265	Plaga aperta	50
Phantasmata prohibentia.		Plaga cæca	ibi.
pagina	210	Plagæ ferro percussæ reme-	
Phantasmata quæ dicantur	211	dium	211
Phasganion	216	Plātaginis noīa & uirt.	19
Phersephonion	47	Plantaginis historia	23
Phersephone, Proserpina		Platyphyllos	280
est	ibid.	Pleuritis	203
Pheuxaspidion	182	Podagra morbus	17, 109
Philtrodotes	180, 198	Podagra uti accidat	30
Phlomos	210	Podagræ remedia	7, 21, 114,
Phrenesis qualis morbus.		140, 109, 234, 286, 301	
pagina	260	Polenta hordeacea farina.	
Phreneticorū remed.	260	Pollin quid	142 (31, 283
Phthifis qualis morbus.	11,	Poliī nomina et uirtutes	181
179		Poliī duæ species & earū de-	
Phthificorum remedia	2,	scriptio	132
178, 300		Polygonos	99
Phygethlō qualis tumor.		Polygoni nomina & uirtu-	
pagina	84	tes	97
Phylacterion	76	Polyhydion	133
Phyllophares	153	Polynēuros	24
Picris	127	Polyonymos	235
Pili oculis duobus modis		Polypodion	238
aduersantur	285	Polytrichon	164
Pili si oculos irritant, quo-		Polytrichi nomina & uir-	
modo relegandi	285	tutes	170
Pilulæ platani fructus	219	Pondo quid	287
Piper apium	16	Porrigo quid	106
Piper longum, album, ni-		Portulacæ nomina & uir-	
grum	92	tutes	275
Pisere tundere est	29	Posca quid	280
Pithecion	243	Prapedilon	63
Plaga quid	36, 49	Prapedion	64
		Prasion	157

INDEX.

Præcordia sunt exta in ho-	Pyron agrion	2	316
mine	Pystereos hypt.		43
Præcordiorum doloris re-	Pythagoras Samius		54
media	Pythagoræ peregrinatio		55
Priapiscos	Pythonion		86
Priapus hortorum deus	Pyxionos		103
Prionite			
Profluuij mulierum reme-	Q		
dium	Quinq;folij uirtutes		32
Prophetæ Magi sunt	Quinq;folij historia		34
Proserpinacæ nomia & uir	R		
tutes	Radioli nomina & uirtu		
Proserpinacæ descriptio	tes		237
Proserpinacæ duo genera.	Radioli descriptio		237
pagina	Radix Macedonica		59
Prosopites & prosopes	Radix nautica		62
Protea	Ramicis puerorum reme-		
Pruriginum remed.	dium		223
Pseudodictamnus	Ranunculus		66, 67
Pseudoselinon	Rapum terræ		96
Pforanthemis	Regij morbi remed.		242
Pubes, quæ corporis pars.	Regula		303
pagina	Reiscere, uomere est		17
Pulegij nomina & uirtu-	Renum doloris remed.		32
tes	239, 292		
Pulegij duo genera	Rheubarbarum		132
Pulices quomodo fugan-	Rheuponticum		ibid.
dæ	Rhceas		175
Pulmonis extentæ remedi-	Rhoiton, uinum mali gra-		
um	nati		57
Purulenta, & purulētæ ex-	Rhopalon		203
creationes	Rhuselinon		67
Pus & sanies differunt, ibi.	Rosa fatuina		197
Pycnitis	Rosa Iunonis		276
Pyrene	Rosa liquida		10
	Rosmarini nomina & uir-		

INDEX.

tutes	227	Sanguinis profluuiū sistit.	
Rosmarini historia	ibid.	pagina	273
Rosmarinus herba nostris		Sanguinem excreantiū re-	
terris incognita	229	media	5, 98, 143
Rotundula Græcis trochi-		Sardinia	69
scus	11	Sardonias	ibid.
Rubi nomina & uirtutes.		Satanaria	260
pagina	244	Satyrii nomina et uirtutes.	
Rubid ⁹ & rufus color qua		pagina	88
lis	57	Satyrium duūm generū	89
Rupti qui sint	193	Sauromaton	86
Rupti herniosi sunt	115	Saxifragæ nomina & uirtu-	
Ruptorum remed.	114, 186	tes	163
Rusmarina	9	Saxifragæ historia	ibid.
Rutæ hortensis nomina &		Saxifragum	165
uirtutes	243	Scabies qualis morbus	159
Rutæ montanæ nomina &		Scabies	156, quære Impe-
uirtutes	289	tigo	
S		Scapus quid	94
Sabinæ nomina & uir-		Sceleratæ nomina & uirtu-	
tutes	241	tes	65
Sabinæ duo genera, eorum		Schœnos	87
descriptio	242	Scolibrochon	164
Sacra uocarunt Græci quæ		Scolopendrium	164, 180
grandia	109	Scordij nomina & uirtu-	
Saluiæ nomina & uirtutes.		tes.	207
pagina	270	Scordij descriptio	ibi.
Saluiæ descriptio	ibi.	Scorpinaca	100
Salutaris	230	Scorpioctonon	169
Sampsychus	82	Scorpion	287
Sanchromaton	86	Scorpionis ictum sanātia.	
Sanguinaria	100	pagina	20, 117, 163, 290
Sanguis de naribus proflu-		Scrupulus pond.	92
ens quomodo sistendus.		Scrupulus quot grana con-	
2, 33, 217, 249		tineat, & q̄t obulos	11, 14
		Scylli-	

INDEX.

Scyllitici uel scyllæ nomi- na & uirtutes	149	Serpilli nomina & uirtu- tes	267
Scyllæ descriptio	150	Serpilli duo genera & eorū descriptio	ibid.
Scyllæ duo genera	ibi.	Sesamon agrion	169
Scyllæ coquendi modus, pagina	151	Sextarium duodecim cya- thi faciunt	258
Secundæ quæ dicantur, & quare	30	Sextarius quis	14
Secundinæ idem quod se- cundæ	ibid.	Sicyon agrion	287
Secundæ mulierū quomo- do extrahendæ	21, 256	Sideritis	8, 46, 119, 234
Selenion	196	Sideritidis nomina & uir- tutes	211
Selenogonon	197	Sideritidis plura genera	211
Selinon agrion	276	Sifon agrion	260
Selinon hydation	67	Sifymbrij nomina & uirtu- tes	274
Selinophyllum	164	Sifymbrij duo genera	274
Semen spicatum	10	Sitis hydropicorum quo- modo extinguenda	150
Semuncia ein lot	91	Sium	222
Semperuiuæ nomina & uir- tutes	296	Smyrnion	275, 301
Semperuiuæ historia	297	Solago	169
Senecionis nomina & uir- tutes	220	Solaginis minoris nomina & uirtutes	195
Senecionis descriptio	ib.	Solanum	217
Sentis	245	Solaris herba	169
Serapis Aegyptiorum dei cultus	91	Solatæ nomina & uirtutes, pagina	215
Serrata	115	Solis oculus	113
Serpentaria	86	Solium badger	253
Serpentium morsus reme- dia	6, 20, 33, 41, 43, 85, 91, 93, 101, 114, 137, 206, 208, 227, 245, 259, 260, 262, 268, 276, 300	Solsequium	169
Serpillum maius	76	Sopor plus est quàm som- nus	176
		Soranus medicus	230
		Sozusa	75

INDEX

Spasmus qualemalum	179	177, 274, 179	
Spasmi remed.	156, 257	Stratiotice	243
Sphæræ platani fructus	219	Strophi, tormina sunt	314
Spina mollis	206		120
Spiffare obtegere est	10	Stroph. remed.	112
Spleni utilia	113	Struma qualis tumor	47
Splenetici diffinitio	12	Strumarum remed.	41, 106
Spleneticorum remedium		Strumea	70
pagina	131	Strumum	219
Splenis doloris remed.	95	Strychni nomina & uirtu-	
128, 139, 225, 226, 200, 254, 257,		tes	215
265		Strychni quatuor specierū	
Stactice & catastactice	67	descriptio	ibid.
Staphide agria	201	Strychnon hemeron	217
Stephanos aphrodites	275	Strychnon manicon	212
Stergethron	154	Strychnon melanon	219
Steechas	150	Stypticon, adstringens est.	
Stomachi quæ significatio.		pagina	47
pagina	32	Sulphur uiuum quid	250
Stomachi arsuræ remed.	292	Sura quæ	224
Stomachi cruditatem tol-		Susinum	231
lit	105	Suspiriosi qui, & tres eorū	
Stomachi duritiæ remedi-		differentiæ	12
um	273	Suspiriosorum remedia.	
Stomachi inflammationis		pagina	139, 147
remedium	273	Sycophyllon	242
Stomachi infirmitatis re-		Symphoniaca	53
medium	231	Symphoniacæ nomina &	
Stomachi doloris medica-		uirtutes	52
mina	3, 84, 156, 186, 221,	Symphoniacæ tres species.	
249, 273		pagina	52
Stranguria qualis morbus		Symphyton	187
62, 80		Symptomata morbi acce-	
Straguriæ morbi remedia.		dentia	32
pagina	60, 66, 78, 151, 262,	Syntrophion	245

INDEX.

T		
Tanacetum	74	Tocotis 74
Taphosiris	169	Tolles quæ 38
Taurophthalmos	231	Tormentilla 186
Teda, arbor qualis	215	Tormina quales dolores 31
Testiculus leporinus	91	Torminosi qui ibid.
Teucrion	115, 131	Toxobolon 76
Thalia	217	Toxotis 74
Theligonon	237	Trichophyes 164
Theodonion	197	Trichomanes 164, 171
Theonina	273	Trifolium 89
Theopnoë	230	Triorchis 90
Theribethron	63	Triphyllon 139
Therion	86	Trixaginis nomina & uirtutes 114
Theriophonon	87	Trixago palustris 208
Theriorhizon	59	Trygonios 46
Thermos orninos	283	Tumorem tollentia 52
Thermantica, id est calefactoria	294	216, 247, 286, 301
Tibiarum doloris remedium	129	Tussillago 278
Tinæ quales uermes	136	Tussis remedium 156, 186
Tinearum remedium	283	219, 296, 299
Tithymalli nomina & uirtutes	277	Typhonos 150
Tithymalli species septem, & earum descriptio	ibi.	Typhon, gigas ibi.
Thorax, Latinis pectus	26	Typhonion 55, 87
Thus terræ	119	V
Thymbra	10	Valentina 76
Thymiatitis	36	Varices quæ dicantur 206
Thymiana quid	36	Vatica 218
Thyrſios	24	Vchiculo euerſis uetonica medetur 5
Thyrſus quid	47, 56, 68	Vena quæ 48
Tocites	103	Vena ab arteria differt ibi.
Tocobolon	76	à Venere prohibiti remedia 62, 89
		Venerea 61

INDEX.

Veneris umbelicus	154	Vetonicæ descriptio	1
Venenum quid	103	Victorialæ nomina & uirtutes	183
Veneri sumpti medicamina	6, 101, 116, 135, 156, 167, 192, 198	Victorialæ descriptio	183
Venter quomodo accipitur	26	Vinca peruinca	122
Ventris morborum medelæ	3, 19, 32, 127, 236, 243, 256, quære alium.	Vino inebriati remed.	190
Veratrum	69	Vinum Amineum	13
Verbasci nomina & uirtutes	209	Vinum passum quid	32, 263
Verbasci historia	ibi.	Viperinæ nomina & uirtutes	59
Verbenacæ uirtutes	40	Viperinæ historia	ibi.
Verbenacæ, quæ nunc uerbena dicitur, historia	42	Viperarum morsus remed.	59, 134
Verbenacæ duo genera	43	Vitis alba	200
Veretrû genitale memb.	17	Vlceraria	158
Veretri dolorẽ, tumorem, & pruriginem quid tollat	6, 256, 271, 294	Vlcus quid	89
Verruca quale malum	129	Vlcera chironia quæ	ibi.
Verrucarum genera	ibi.	Vlcera maligna, contumacia & rebellia	69
Verrucæ quomodo tollendæ	129, 278	Vlcerum chironiorum remedium	66
Verticillum quid	72	Vlcerum difficilium remedium	98
Vertipedium	46	Vlcerû in capitibus remedium	294
Vertumnum	169	Vlcerum remed.	127, 131, 193
Vesicæ dolorum remed.	4, 22, 144, 226, 238, 256, 261, 274, 275, 299	Vlophonos	282
Vetonica unde dicta	7	Vncia pondus	13, 92
Vetonicæ nomina & uirtutes	1, 2, 3, 4, 5, 6, 7	Vniola	225
		Vomitum sistentia	6
		Vomici qui	12
		Vomicorû & suspiriosorû medela	2
		Vra ichneumonos	24
		Vrceolaria	235
		Vrit	

INDEX.

Vrit calor & frigus	103	dia	21, 42, 132, 137, 144, 193.
Vrinę difficilis tria genera.			220, 229
pagina	62	Vulnerum remed.	20, 110.
Vrinę difficultas	ibi.		118, 127, 220, 223
Vrinam mouentia	226.	X	
247, 290.		Xiphion	225
Vstilago	282	Xiphij nomina et uirtutes.	
Vstilago rustica	294	pagina	260
Vua taminia	201	Xiphij historia	ibi.
Vua morbus quis	246	Xylechion	55
Vuæ faucium remed.	245	Xyleon	55
Vuluus quid	69	Xylolothon	36
Vulneris & ulceris differē-		Xylophyton	187
tia	ibid.	Z	
Vulnerum ex se nascētium		Zathesie	76
remed.	178.	Zea	230
Vulnerū ferro siue fude fa-		Zoroaster magus	55
ctorum remed.	192, 247	Zygis	268
Vulnerum recentū reme-			

FINIS.

Pagina 9. lege ictericos, pro ietericos. Pag. 12. lege
 ἐμπνύματα pro ἐμπνύματα. Pag. 59. lege echidnion pro
 echidinon.